




Early European Books, Copyright © 2012 ProQuest LLC.  
Images reproduced by courtesy of the Biblioteca Nazionale Centrale di Firenze.  
CFMAGL 2.6.342



Early European Books, Copyright © 2012 ProQuest LLC.  
Images reproduced by courtesy of the Biblioteca Nazionale Centrale di Firenze.  
CFMAGL 2.6.342




Early European Books, Copyright © 2012 ProQuest LLC.  
Images reproduced by courtesy of the Biblioteca Nazionale Centrale di Firenze.  
CINAOL 2.6.342



2. 6. 342

2 M. 6

XXXIV  
CALIXT





# DE PACTIS

QVÆ DEVS CVM HO-  
MINIBVS INIIT

GEORGII CALIX TI

S. THEOLOGIE D. ET IN ACAD.  
IVLIA PRIMARII PRO-  
FESSORIS

TRACTATVS,

QVEM

SVB EIVSDEM PRÆSIDIO

ADIVVANTE DEO

PVBlice DEFENDET

SAMVEL VOSS

Nobilis Mekelnburgicus,  
S. Theol. studiosus.

IN MAGNO JFLEO

DIE XXIX QVINCTIL.  
& nonnullis aliis.

\*) (30)




HELMESTADII,


IN TYPOGRAPHEO CALIXTINO EXCVDIT  
HENNINGVS MVLIERS.

CID 15C LIV.









SERENISSIMO ET CELSISSIMO  
PRINCIPI ET DOMINO  
DOMINO

FRIDERICO

HEREDI NORVVEGIÆ, DVCI SLESVVI-  
CI, HOLSATIAE, STORMARIAE ET DITH-  
MARSIAE, COMITI IN OLDENBORG  
ET DELMENHORST

PRINCIPI ET DOMINO MEO CLE-  
MENTISSIMO ET BENIGNISSIMO  
FELICITATEM.

**A**D Serenissimæ Celsitudi-  
nis Tuæ genua supplici-  
ter provolutus, post vota  
pro Tuâ & Augustæ Do-  
mus Tuæ Felicitate identidem in-  
geminata, offero humilimè hunc  
de Pactis, quæ DEUS cum homi-  
nibus iniit, Tractatum. Eum scri-  
psit natus in ditione Tuo subiectâ

(:) 2

impe-



imperio, magnum patriæ suæ de-  
cus, Georgius Calixtus Theologus  
in hac illustri Iuliâ ætate & dignita-  
te primarius; & me inter clientes  
Tuos minimum, Respondentis  
partes, ad eas capeffendas utinam  
tam aptum quàm promptum, susci-  
pere, sicut in academiis fieri amat,  
voluit. Quàm omnia, quàm me  
totum TIBI, BENIGNISSIME DOMINE,  
debeam, verbis nullis dignè un-  
quam expressero. Integri decem &  
quinque intercedunt anni, quibus  
clientulum me Tuum complecte-  
ris & foves & alis beneficiâ divi-  
næ prorsus æmulâ. Adduxerat sub-  
missâ intercessione inclutus Heros  
VVilhelmus Lohausius puerum,  
orbum

orbū parentibus, bellorū im-  
manitate afflicto & bonis exutū:  
Tu, GLORIOSISSIME PRINCEPS, mise-  
rum recepisti; Tu receptum in il-  
lustri Gymnasio Tuo Bordeshol-  
mensi, Tu inter alumnos Tuos  
Rostochij, Tu hīc in Tui Calixti si-  
nu praecepisti in spem aliquam &  
servitium Ecclesiae munificentia  
verē regia educari. Quid dicam?  
Prædicentur beneficia vulgaria.  
Tua, DOMINE, ingentia & inulitata  
Deum autorem referunt, omniq;  
oratione sublimiora religiosi poti-  
us silentij exigunt admirationem,  
quā laudes impares. Atque ita  
toto animo venerabundus quem-  
admodum Te, SERENISSIME PRIN-  
(.) 3 CEPS,



CEPS, DOMINE CLEMENTISSIME, So-  
spitatoris omnium, Dei Opt. Max.  
clarissimam Imaginem, quemad-  
modum Te Beneficum & Salutare  
fidus, in quo uno cumulatè omnia  
mihi ac studijs meis necessaria æ-  
ternus Ipse Luminum Pater provi-  
dit, submissâ devotione suspicio:  
sic porrò etiam æternū Illū Deum,  
Deum verum & Deum vivū, Patrē  
DOMINI NOSTRI IESV CHRISTI, soli-  
citare ardentissimis precibus nun-  
quam cessavero, ut IPSE IS TIBI pro  
me velit debere, IPSE agere ac refer-  
re gratias, IPSE Tua in me merita &  
ingentia beneficia, tum in hac vitâ  
tum in alterâ æternū remunerari.  
Quæ verò de studijs meis pro-  
mitti

mitti possunt, Tuá, DOMINE, volun-  
tate & benignitate nituntur. Sunt  
illa quidem, ut omnia mea, tenuia:  
cæterum si progrediantur, quem-  
admodum auspicio & arbitrio Tuo,  
PRINCEPS GLORIOSISIME, ordinari  
Deus voluerit, non poterunt non,  
qualiacunque fuerint, felicem suc-  
cessum sortiri. Tu Deo, OPTIME PRIN-  
CEPS, proximiori commercio, ut ita  
loquar, conjunctus: per Te Iussa  
Sua Deus, per Te Benignissimam  
Voluntatem suam mihi expromit.  
In Te Deum, Deiq; de me judiciū  
ubique suspicio supplex & adoro.  
IPSE igitur, omnipotens ille exerci-  
tuum Dominus, æternus ille Pater  
misericordiarum, Qui ea, quæ non  
sunt,



sunt, gloriosæ virtutis suæ verbo jubet esse,  
etiam minimum, etiam indignum operari-  
um, donis, quibus Ipsi visum fuerit, instru-  
ctum extruere aliquando in messem Suam.  
IPSE olim ostenderit, quòd ex imperio Tuo,  
INDVLGENTISSIME DOMINE, sub  
specioso studiorum nomine mihi nihil quæ-  
siverim; nec debuerim respicere ad ostentatio-  
nem inanem, sed ad solidum honorem CHRI-  
STI, Vnici Salutis humanæ Autoris & Ma-  
gistri, sine Quo vanum est omne, quod vi-  
vimus. IPSE TE, SERENISSIME DO-  
MINE, incolumem & florentem servet &  
fospitet diutissimè. IPSE pietati & Virtuti  
Tuæ Mercedem largiatur Gloriam æternam.  
Helmestadij in academiâ Iuliâ, vii Kl. Sextil;  
cdo Is c LIV.

SERENISSIMÆ TVÆ  
CELSITVDINIS

*subiectissimus cliens  
& alumnus*  
Samuel Voss.  
DE

עֵשֶׂי עוֹר  
DE PACTIS, QVÆ  
DEVS CVM HOMINIBVS  
INIIT.

**D**Eus opt. max. quum sex diebus cœ-  
los & terram, astra, solem & lunam con-  
didisset, aëri volucres, aquis pisces addi-  
disset, terramque à mari separatam ha-  
bitationi idoneam reddidisset variisq̃ue  
animantium generibus instruxisset, tan-  
dem die sexto hominem creavit, & in hoc omnibus jam  
numeris absolutum splendideque præparatum hospiti-  
um sive domicilium introduxit. Creavit autem Deus  
hominem *ad imaginem & similitudinem suam*, Gen. 1, 26;  
v. 1; ix. 6: *ad imaginem*, inquam, *Dei creavit eum: marem  
& feminam creavit eos*, Gen. 1, 27; ne quis feminam ima-  
ginis divinæ participem non esse existimet. Dicit tamen  
sanctus Paulus 1 Cor. xi, 7: *Vir est imago & gloria Dei; ut  
mulier gloria viri est*. Nempe indita prius fuit imago Dei  
viro, quàm femina, ut imago quæ in feminâ ad exem-  
plum ejus, quæ jam in viro erat, expressa videatur. Est  
autem vir gloria Dei, quoniam in creato viro gloria fa-  
pientiæ divinæ maximè elucet; mulier autem gloria vi-  
ri, nempe — hoc, quanti virum Deus fecerit, apparet,  
quod ei adiutorium adeo nobile parare & jungere vo-  
luerit. *Neque enim conditus est vir propter mulierem, sed  
mulier propter virum*, 1 Cor. xi, 9.

A

II. Ima-



II. Imago autem est quædam similitudo alterius, cuius imago dicitur, & quidem expressa sive deducta secundum aliquod ei proprium, & cum aliis rebus non commune. Sic imago hominis est, quæ præ se fert constitutionem & habitum corporis hominibus proprium; imago verò Caji vel Petri vel alterius individui, quæ exprimit propria eorum accidentia, per quæ ab aliis individuis discernuntur. In Deo vero non est distinctio aliqua essentia, proprietatum vel accidentium, ut aliquid, quod Deo magis proprium quam aliud, exprimi possit. Respiciendum itaque potius, quid creaturæ proprium, ut quò secundum proprium naturæ gradum ad perfectionem divinam propius accedit, eò quoque perfectior & expressior habeatur Dei imago. Quoniam itaque juxta differentiam suam essentialem, quam constituit rationalis natura instructa intellectu & voluntate, homo ad perfectionem divinam propius accedit, quam ulla alia res corporea; hinc est quòd imago Dei homini excellenter, & magis, quam ulli alteri rei corporeæ, competit. Per rationem itidem homo cæteris animantibus, utpote ratione destitutis & brutis, utut nonnullis mole & robore corporis superioribus dominatur; & per hoc dominium refert imaginem Dei & dominii divini. Quod ipsum indicat Scriptura Genes. I, 26 & 27. *Dixit Deus, Faciamus hominem ad imaginem nostram, secundum similitudinem nostram: qui dominentur in pisces maris, & in volucres cæli, & in pecudes, & in universam terram, atq; in omnia reptilia reptantia super terram.* Itaq; creavit Deus hominem ad imaginem suam, ad imaginem Dei creavit eum: marem & familiam creavit eos. Quoniam autem caput familia est vir, 1 Cor. XI, 3; & uxorem subjectam esse oportet viro, Eph. V, 24; Coloss. III, 18; 1 Petri III, 1: ideo respectu dominii perfe-

perfectior est imago divina in viro, quam in feminâ.

III. Ceteræ præter hominem creaturæ quoniam omnes existunt, aliæ præterea vivunt, aliæ etiam sentiunt; hoc ipso omnes imaginem quamdam Dei referunt, licet imperfectiùs. Et sunt, qui vocabulum *similitudinis* latioris significationis esse volunt, & de talibus usurpare malunt. Augustinus libro *xxciii* quæstionum, quæstione *li*, *Omnes quidem*, inquit, *imago similis est, non autem omne quod simile est, etiam imago propriè, sed fortè abusive dici potest.* Paulo antè scripserat, quæ hic subiungimus. *Multis modis dici possunt res similes Deo: aliæ secundum virtutem & sapientiam factæ, quia in ipsa est virtus & sapientia non facta; aliæ in quantum solum vivunt, quia ille summè & primè vivit; aliæ in quantum sunt, quia ille summè & primitus est. Et ideo quæ tantummodo sunt, nec tamen vivunt aut sapiunt, non perfectè sed exiguè sunt ad similitudinem ejus, quia & ipsa bona sunt in ordine suo, quum ille sit super omnia bonus, à quo omnia bona procedunt. Omnia verò quæ vivunt & non sapiunt, paulò amplius participant similitudinem: quodcum vivit, etiam est, non autem quidquid est, solum vivit. Jam porrò quæ sapiunt, ita ille similitudine proxima sunt, ut in creaturis nihil sit propinquius.* Hæc Augustinus. Sunt autem nonnulla corpora, quæ licet nec vivant, nec sentiant, nec sapiant, ut cælestium orbium & astrorum, quia tamen per nullas naturales causas dissolvi vel destrui possunt, hæc ipsa suâ firmitate & duratione similitudinem aliquam divine immutabilitatis & perpetuitatis participant.

IX. Et harum quidem sive imaginum sive similitudinum rationes competunt illis, quibus insunt, secundum naturam rerum, ut earum essentiam constituent vel consequantur, sive sint, ut Logici loquuntur, in primo aut secundo modo dicendi per se. Ceterum in proto-



plasto fuerunt etiā alia, secundum quæ imaginem Dei gereret, non quidem substantiam vel essentiam illius constituentia, nec ab eā naturaliter emanantia, sed accidentia, naturæ peculiari Dei providentiæ & benignitate, obtinendæ æternæ beatitudinis ergo, prorsus gratuito superaddita: quæ per lapsum, de quo postea, deperdita sunt, restituuntur autem suo quodam modo juxta divinum beneplacitum, per Evangelicum pactum & regenerationem.

V. Nempe cognita habebat primus homo, quæcumque de Deo ejusque essentia & voluntate cognosci ad conservandam præsentem & adipiscendam æternam beatitudinem erant necessaria. Præterea instructus erat eximiâ rerum omnium scientiâ, non acquisitâ, sed divinitus inditâ sive infusâ. Hinc, quod *quum formasset Dominus Deus è terra omnes bestias agri, omnesq; volucres cæli, adduxit eas ad Adamum, ut videret quemodo vocaret singulas: & quæ semine vocavit Adam animantem quancumque, id est nomen ejus*, Gen. 11, 19. Magnæ enim sapientiæ est, congrua & commoda rebus nomina indere. Hinc etiam, quod quum ad eum ex ejus dormientis latere & costâ condita Heva adduceretur, statim agnovit *ad fuisse os ex ossibus suis, & carnem ex carne sua*, Genes. 11, 23. In primis autem perspectum & certum habuit, quod ad retinendam præsentem & obtinendam æternam felicitatem necessarium fuerit amare Deum super omnia, sive nullius rei creatæ amorem amorì divino præponere, sive cultum & obsequium, quod Deo debetur, ulli alteri rei, vel per desiderium ejus vel per gratificandi studium, postponere.

VI. Totam sanè naturæ legem inscriptam cordi suo, tantâ præsertim, ut diximus, sapientiâ præditus, habuit cognitissimam: præterea ex peculiari revelatione  
cogni-

cognitum habuit præceptum positivum de non comedendo fructu arboris scientiæ boni & mali. Ut voluntas prompta & idonea esset ad omnia ista sine difficultate in rem confertenda, præstare dotes ei, facultati quidem naturali, sed præter & supra naturam divinitus collatæ. Nihil autem magis voluntatem, quàm ab eâ bonos, iustos & legitimos actus præstari oportet, impedit & remoratur, quàm quòd appetitus sensitivus, si sibi relinquatur, in objectum suum bonumque delectabile pertinacè impetu fertur, atque ita rationem sæpe antevertit, sæpe illi adversatur & reppugnat. Hinc sanctus Paulus: *Non quod volo, hoc ago: volebam immunis esse ab huiusmodi impetu & rebellionè appetitus: sed quod ed, hoc facio.* Actiones tribuuntur suppositis sive personis: atque ideo hosce rationi repugnantes actus, quàmvis ab inferiore facultate profectos, sibi tribuit seque eos edere fateretur Apostolus. *Non facio, inquit, bonum quod volo, sed malum quod nolo, hoc ago. Et aliam legem in membris meis rebellantem legi mentis meæ, & captivum redidentem me legi peccati quæ est in membris meis.* Misere ego homo: quis me eripiet ex ista corpore mortis? Rom. vii, 15, 19, 23, 24. Propter quod Apostolus se miserum esse conqueritur, id non potuit habere locum in statu, qualis ante lapsum erat, à quo omnis aberat miser n. Lexigitur in membris rebellans legi mentis, sive impetus illi & contumacia vel repugnantia facultatum concupiscentis & irascentis, in statu innocentie per donum in statu originali, quam vocant, naturæ superadditum compressa & velut abolita erat. Cuius rei hoc quoque argumentum, quod ante commissum peccatum uterque nulli erat, *Adam & uxor eius, & non ambrosabantur.* Gen. ii, 25. Nihil igitur in se pudendum animadvertēbant: uti etiam nihil erat. Quod



ipsum arguit eximiam perfectionem, live perfectam appetitus sensitivi, membrorumque ei deservientium subjectionem.

VII. Et hæc quidem in intellectu, voluntate & appetitu dona, quibus facultates istæ hominis supra conditionem merè naturalem evehebantur, cōfaciebant, ut felicitatem præsentem conservare, & æternam consummatamq; , cui obtinendæ preparatus erat, adipisci posset. Hæc itaque dona junctim sumta justitiam originalem constituuisse rectè censentur, atque eo nomine satis commodè appellantur, & pro præcipuâ divinæ imaginis, hominibus inditæ, parte merito habentur. Quæ quidem eatenus per peccatum tota est amissa: restauratur autem suo modo per singularem Dei gratiam, annunciationem evangelij & spiritualem regenerationem. Homo enim se enormiter peccasse & iram divinam incurrisset non poterat ignorare: interim scire non poterat, an Deus esset recepturus in gratiam, præsertim *quoniam angelis, qui peccaverant, non pepercerit, sed in tartarum deversos catenis caliginis tradiderit, damnationi servatos*, 11 Petri 11, 4; Iudæ vers. 6. Quod itaque Deus misereri velit, ipso revelante demum didicit; & ut revelationi fidem haberet, & in promisso semine mulieris contrituro caput serpentis fiduciam & spem consequendæ veniæ & salutis poneret, collata gratia præstitit. Per quam etiam fit, ut exorbitans concupiscentia, quamvis penitus tolli & eradicari nequeat, compesci tamen possit, ne actus vitiosos, ad quos instigat, consummet & perficiat. Ita in gratiam receptus, & modo, qui Deo placuit, restitutus est Adam: pariq; ratione restituuntur hodie fideles, & imago Dei incisa, quatenus ad salutem necessarium est, instauratur. Hinc igitur Ephesios hortatur sanctus Paulus,

Eph. 4, 21



Paulus, de genere quod ad pristinam conversationem attinet, veterem hominem, qui seductricibus cupiditatibus corrumpitur: renovari vero spiritu mentis sue, & induere novum hominem, qui secundum Deum conditus est ad iustitiam & sanctimoniam veterem. Ad Colossenses scribit in hunc modum: Ne <sup>Col. 3, 9 &</sup> <sup>10.</sup> mentimini alius adversus alium, quum exueritis veterem hominem cum factis istis, & indueritis novum, qui renovatur in agnitionem, secundum imaginem eius, qui illum creavit. Tantum differt a non regenerato regeneratus, sic adfectibus & studiis mutatus est, ut videatur alius & novus esse homo. Sed pergat Apostolus. Induimini igitur ut electi Dei, sancti & dilecti, visceribus miserationum, benignitate, humilitate, mansuetudine, lenitate sive iræ cohibitione. Ex hisce quomodo in fidelibus imago Dei reparatur, & quibus in rebus primitus sita fuerit, intelligitur: nempe in iustitiâ & vera sanctimonia in agnitione sive notitiâ omnium, quæ ad salutem necessaria, in omni virtutum genere & exercitio. Quibus quum potiuntur & perficiuntur & operam dare pergunt fideles, tum ~~facere recta~~ nulloq; velamine, sicut iudaïs contingit, obnupta gloriam Domini quasi in saeculo intuentes in eandem Domini imaginem transformantur ex gloria in gloriam, sicut docet Apostolus 1 Cor. 11, 18.

IIIX. Etiam si verò in his ipsis, in quibus iustitia originalis consistebat, posita fuerit præcipua ratio imaginis divinæ; manifestum tamen est ea nec substantiam live essentiam hominis constituissè, nec ab eâ naturaliter emanassè. Neque enim quum vel habentur, vel amittuntur, vel reparantur, homo secundum speciem mutatur, aut aliis specie & definitione homo efficitur. Naturalis tamen dici potest imago Dei & iustitia originalis aliò quodam sensu, nempe quòd Adamo concreata fuerit,



fuert, & unâ cum naturâ ejus cœperit: quo modo post  
lapsum peccati originale, justitiâ originali privativè  
oppositum, itidem naturale dici potest, quod con-  
nascat, & natura humana illo contaminata prodeat, & sine  
eo nasquam, nisi in uno virginis filio Servatore nostro,  
reperiatur. *Translato verbo utimur, ait Augustinus pri-  
ore Retract. cap. x. ut naturam dicamus eam quali nascitur ho-  
mo: secundum quam loquutionem dixit Apostolus, Inimicus enim*  
Eph. 2. 30. *& nos aliquando naturâ filii iræ.*

IX. Fuerunt etiam alia natura superaddita dona  
& ornamenta, non tamen propriè & directè ad justitiâ  
facientia, vel eam constituentia, sed nihilominus per-  
sonæ, qualis Adam in statu innocentie erat, congrua; ut  
videlicet totus & ab omni parte imaginem perfectionis  
divinæ referret. Non itaque solum sicut ratio & supe-  
riores intellectus & voluntatis facultates à Deo erant sub-  
jectæ, ita quoque rationi appetitus sensitivus sine re-  
nifu & certamine parebat: sed etiam ab inferioribus,  
ut locomotivâ & vegetante, quidquid incommodi vel  
miseriæ aliquid adferre posset, aberat, partim per peculi-  
arem Dei providentiam, partim per supernaturalia in  
promptu posita & parata remedia. Huc videlicet facie-  
bat *arbor vitæ* à Deo in paradiso collocata, Gen. 2. 9: ad  
quam ne post admissum peccatum homo *extendens ma-  
num suam acciperet de fructu ejus, & comedens viveret in secu-  
lum*, sive ultra terminos à Deo constitutos: propterea pe-  
sunt Deus ab oriente horti Eden Cherubim, flammarum gladij  
vibrantis, & terrorem adspicientibus incutientis, ad en-  
stodiendum viam, quæ ferebat ad arborem vitæ, Gen. 3. 22  
& 24. Fructus igitur arboris vitæ pollebat facultate,  
& quidem natura suâ, ut videtur, divinitus inditâ, quæ  
debilitates corpori alias secundum naturam incumben-

tes

res averteret, morbosque & mortem arceret. Interclusa itaque post lapsum fuit via ad arborem illam ducens, ne homo fructu ejus idemtidem vescens vitam, quousque vellet & longius, quam Deo videretur, extenderet. Adscribam hic verba Augustini ex libro De civitate Dei xlii, cap. xx. *Primi homines licet morituri non essent, nisi peccassent, alimentis tamen ut homines utebantur, nondum spiritualia, sed adhuc animalia corpora terrena gestantes. Quæ licet sentio non veterascerent, ut necessitate perducerentur ad mercedem, quæ statui eis de ligno vite, quod in medio paradisi cum arbore vite simul erat, mirabili Dei gratia prestabatur; tamen & alios sumebant vias, præter unam arborem, quæ fuerat interdicta. — Alio enim ergo alius, quæ sumebant, ne animalia corpora molestæ aliquid esuriendo & sitiendo sentirent. De ligno autem vite propterea gustabatur, ne mors eis undecumque subreperet, vel senectute confecti decursis temporum statim interirent.*

X. Idem Augustinus libro vi de Genesi ad litteram cap. xxv expendens verba Rom. iix, 10; annotat Apostolum non dicere Corpus mortale propter peccatum, sed, Corpus mortuum propter peccatum. Illud quippe, inquit, ante peccatum & mortale secundum aliam, & immortale secundum aliam causam dici poterat: id est, mortale quia poterat mori; immortale quia poterat non mori. Aliud est enim non posse mori, sicut quædam naturæ immortales creatæ sunt Deo; aliud est autem posse non mori, secundum quem modum primus creatus est homo immortalis, quod ei prestabatur de ligno vite, non de constitutione naturæ: à quo ligno separatus est quum peccasset, ut posset mori, qui nisi peccasset, posset non mori. Mortalis ergo erat conditio corporis animalis; immortalis autem beneficio conditoris. Hæc recte & ad rem Augustinus. Cujus verbis lubet subungere verba Lutheri e commentario in Gen. ii, 9: *Habuit autem*

B

dam



dam corpus naturale & mobile, quod generabat, edebat, laborabat. Hæc corruptionem judicantur asserre, aut saltem mutationem aliquam, quâ tandem homo naturaliter esset corruptus. Sed huic naturali ordinationi Deus curavit remedium per arboris vitæ, ut homo sine ullo virium decremento longam & suam vitam viveret in perpetuâ juvenitâ. Dixerat paullo ante ad verbum septimum: Docet Paulus, etiamsi Adam non peccasset, tamen victurum fuisse corporalem vitam, indigam cibi, potus, quietis, crescentem, generantem, donec per Deum ad vitam spiritualem esset translatus, in qua vixisset sine animalitate, ut sic dicam, nempe ab intra ex solo Deo; & non ab extra, sicut antea ex herbis & fructibus: idq; sic, ut tamen homo habeat carnem & ossa, & non sit merè spiritus, sicut Angeli sunt.

XI. Ex hisce intelligi potest, qualis fuerit in statu innocentie homini collata immortalitas, nempe per quam potuisset non-mori, sive mortem evitare. Non itaque fuit immortalitas simpliciter & absolute, sed secundum quid: sublata erat mors quoad necessitatem & actum moriendi, sed non quoad potentiam. Potuit homo ad eum modum sese gerere, ut necessitatem moriendi declinaret: sed potuit ita quoque se gerere, ut incurreret, & potentia aliquando in actum prodiret; sicut etiam reapse factum fuit. In æternâ verò vitâ (addimus ut discrimen appareat) mors tum quoad actum tum quoad potentiam erit sublata, atque ita immutabuntur homines, ut non possint mori: sicut è contrario in vitâ, qualem nunc agimus, non possumus non mori.

XII. Quibus autem verbis hoc discrimen commodè exprimi posset, in eo videtur hæsitasse Theophilus Antiochenus, unus ex antiquissimis scriptoribus Christianis. Sic enim ille libro secundo ad Autolyicum: Di-

Post med. cat quis, Num natura mortalis creatus est homo? Nequaquam.

Quid

*Quid igitur? non immortalis? Ne hoc quidem. Neque enim natura mortalis creatus est, neque immortalis. — οὐτε οὖν ἀθάνατον αὐτὸν ἐποίησεν, οὐτε μὴν θνητὸν, ἀλλὰ δεκτικὸν ἀμφοτέρων. Nec igitur cum immortalē creavit Deus, nec mortalem, sed utriusq. capacem.* Theophilo quatuor seculis recentior Eusebius, Thessalonicae episcopus, adversus quemdam Andreā, monachum inclusum, hominem improbum, scripsit, sicut memorat Photius codice cixii; hæc q; ejus verba recitat: Δέον ἔν ῥοεῖν καὶ λέγειν, ὡς τὸ Ἔ Ἀδάμ σῶμα θνητὸν καὶ φύσει ἔ παθητὸν. θεῶς δὲ χάριτι ἀθάνατον διεφύλαχτο καὶ ἀπαθὲς, μέλεις ἀν αὐτὸ ἡ πωδράβασις τῆς φυλακῆς ἀπεγμύσει. οὐπο γάρ καὶ ὁ τῷ ἁγίῳ χορὸς ἀποφάινεται. *Oportet sentire & dicere, quod Adami corpus natura mortale & passibile, divina vero gratia immortale & impassibile præsistum & custoditum fuerit, usquequò cum prævaricatio custodia illa privaret. Hæc enim est censors sanctorum Patrum sententia.* Ad Eusebium illum scribit, & Andreæ istius monachi improbitatem enarrat Gregorius cognomine Magnus, episcopus Romanus, libro ix, epistolâ lxxix. Cujus Magnorum moralium libro iii, cap. xxvi dere, quam nunc consideramus, hæc sunt verba: Sic homo immortalis est conditus, ut tamen, si peccaret, mori posset; & sic mortalis est conditus, ut si non peccaret, etiam non mori posset, atq; beatitudinem illius regionis attingere, in qua vel peccare vel mori non posset. Ibi igitur post redemptionis tempus, carnis morte interposita, electi transiunt illuc procul dubio parentes primi, si in conditione sua stitisse perstitissent, etiam sine morte corporum transferri possissent.

XIII. Sed ut exactius omnia intelligantur, observandum inprimis est, Deum eo usque se demittere & ad hominem accommodare, atque ita gerere, quasi cum eo pactum vel fœdus ineat; & hoc vocabulo suas cum



hominibus actiones sapientissime designare. Facile autem animadvertitur, non esse quasi pactum paris cum pari, sed superioris cum subdito, domini cum servo. Superiori jubendi potestate praeiunctus lege lata obligatur subditum ad parendum, & praestandum quod lex requirit. Si subditus detrectat, & in legem peccat, poenae est obnoxius. Nec consensus ejus requiritur, ut acceptet; sed perinde se habet, ac si ita conventum esset. In arbitrio autem superioris positum est, num velit obsequium aliquo premio vel beneficio prosequi: & quum Deus hominum sit amantissimus, sit optimus & benignissimus, hinc fit, ut oboedientes & verba pacti custodientes amplissimis & maximis praemiis mactet beaeque. Quum autem idem sit justissimus, fieri aliter non potest, quin inobedientiam, praesertim contumacem & datam operam admissam, severissimis poenis castiget & afficiat. Perinde igitur est, ac si utrimque ita conventum esset. Condicio autem à parte hominis, per quam praemiis divinitus promissis potiri detur, est oboedientia.

XIV. Qualem Deus primum hominem creaverit, & quod in statu merè naturali, qui quae ab ipsa humana natura secundum se considerata dependeat, non reliquerit, sed mox in ipsa creatione supra eum longè evexerit, & dotibus naturalem constitutionem excedentibus instruxerit, superius est ostensum. Ut in hoc felicitatis statu permaneret, & ex eo ad perfectè beatam aeternamque vitam aliquando, nullà interveniente morte, transferretur posita est ipsi observanda universa lex naturae, cordi ejus inscripta, quae etiam ut exactissime servari posset, supernaturali dote cohibitus fuit appetitus sensitivus, ne adversus rationem sive praeventiendo sive repugnando se commoveret: additum praeterea est unicūm praecēptum



ptum positivum de non comedendo fructu arboris scientiæ boni & mali, ad præbendum specimen & documentum animi Deo devoti perfectæque obœdientiæ. Quum enim aliàs fructus ille esset bonus in cibum, minimeque noxius aut insalubris, non necesse erat abstinere, nisi propter solam prohibitionem divinam. Perinde itaque fuit, ac si Deus in hunc modum cum homine pactus fuisset: Adame, si servaveris, quemadmodum servare potes & dotibus in hunc finem instructus es, leges quas tibi posui, felicitate, quæ nunc gaudes, non interruptâ diutissime poteris, & tandem, quum mihi visum fuerit, nullo interveniente morbo vel morte, ex hac vitâ, quæ licet felicitate suâ polleat, animalis tamen est, ad spiritualem & æternam & omnibus numeris perfectè beatam transfereris. Sin prævariceris & inobœdiens fueris, & *comederis de fructu arboris scientiæ boni & mali, quod dicitur comedere, moriendo morieris*, id est omnino morieris, si ve necessitatem moriendi incurres, eaque obstrictus teneris. Stipulatus igitur est Deus ab homine perfectam observationem legis: & observanti promisit felicitatem, quæ incoacta erat, continuandam, & tandem aliâ perfectissimâ commutandam & consummandam; non observanti autem comminatus est & imposuit necessitatem subeundi mortem. Hæc acceptare hisque acquiescere hominem oportuit.

Genes. 3. 17.

XV. Si verò natura humana sibi relicta, & ultra perfectionem naturalem, quatenus talem, exaltata non fuisset, mortem evitare non potuisset. Quod itaque potuit, donis nature superadditis sive supernaturalibus accepto ferendam. Comminatus autem est Deus, nisi observaretur sua lex, ablatum iri donum illud supernaturale non-moriendi. Par verò ratio erat reliquorum

B 3

donorum.

Gen. 3, 7.

donorum supernaturalium, ut commissio peccato ipsa quoque abolerentur, & homini inesse ejusque felicitati praesidium prestare desinerent. Sicut eventus id ipsum docuit, nempe amissio dono immortalitatis amissum quoque fuisse donum, quo appetitus coërebat: unde coepit eos pudere, quod nudi essent, & consursi solis sicut neis fecerunt sibi subligacula. Quod autem superiores attinet facultates, intellectum & voluntatem, quomodo se post perpetratum peccatum habuerint, dictum est superius: nempe homo nihil poterat de impetranda venia sibi promittere vel sperare, sed desperandum fuisset, si sibi relictus esset, & divina misericordia per revelatum novum veniae & salutis consequendae modum non subvenisset. Atque ita amissa est justitia, quam originalem siue concreatam appellamus, faciens ad perfectam justitiam praestandam, perfectamque beatitudinem obtinendam; & successit peccatum, quod itidem originale dicimus, nempe quia sicut illa cum ipsa Adami origine coeperat & concreata erat, ita istud post lapsum originem posterorum Adami comitatur & connascitur; & sicut illa, si perseverasset, hominem ad beatitudinem perduxisset, ita istud è contrario beatitudine excludit & damnationi involvit. Lubet hic adscribere sententiam Lutheri ex commentario in Gen. 11, 17. *Peccatum, inquit, originale est, quod intellectus est obscuratus, ut non agnoscamus amplius Deum & voluntatem ejus, ut non animadvertamus opera Dei: deinde quod etiam voluntas est intus depravata, ut non fidamus misericordiae Dei, ut non metuamus Deum, sed securi, omisso verbo & voluntate Dei, sequimur concupiscentiam & impetus carnis: item quod conscientia non amplius tranquilla est, sed quum de justitia Dei cogitat, desberat, sequitur illicita praesidia & remedia.* Hac peccata sunt alie m-  
natu-



*naturam fixa sunt, ut in hac vita non possint penitus evelli. Ad hunc modum peccatum originale demonstrat, quid sit justitia originalis: & contra justitia originalis demonstrat, quid sit peccatum originale, nempe quod est amissio justitiæ originalis seu privatio, sicut cæcitas est privatio visus. Hæc Lutherus.*

XVI. Sicigitur per lapsum è vestigio cœpit homo dotibus supernaturalibus orbari, & in statu, qualem natura sibi relicta præbet, relinqui, obnoxio præterea culpæ & inde exortis miseris. Observandum enim, etiam si numquam reapse & actu extiterit status meritorum naturalium, sed naturalia semper conjuncta fuerint vel cum innocentia, & proinde cum dotibus innocentie congruis, vel cum culpa, vel cum gratia regenerationis; quod nihilominus seorsim mera naturalia secundum se considerari, & qualem illa statum importent, intelligi possit: quemadmodum etsi nulla materia nili formæ alicui conjuncta exstat, quid tamen materię secundum se, quid formæ competat, seorsim considerari potest & debet. Sunt autem varii status hominis, & **PRIMUS** quidem status meritorum naturalium, qui etiam si, ut diximus, numquam talis extiterit, quid tamen importaturus esset, considerari potest. Est **SECUNDO** status innocentie, in quali erant protoplasti ante lapsum, plurimis maximisque supra mera naturalia dotibus erecto. Est **PERTIO** status peccati & miserie & incumbens divina iræ ac damnationis: in quali erant primi parentes post commissum peccatum, antequam reciperentur in gratiam; & in quali sunt omnes eorum posteris, nisi Deo reconcilientur veniæque & gratiæ participes reddantur. In eo naturæ sunt laxatæ habenæ, ut inferre permittatur, quod sibi relicta inferre potest, nempe plurima incommoda, pericula, morbos & denique mortem.



rem. Concupiscentia quoque soluta est, & ne se move-  
at & turbas det, dum hæc mortalis vita vivitur, prohi-  
beri non potest. Dices fortè, Quæ merè naturalia sunt,  
referuntur in Deum naturæ auctorem. Si igitur inor-  
dinati concupiscentiæ motus, quibus non possumus  
non laceffi, à naturâ sunt, & peccata sunt, hæc peccata  
in Deum tamquam causam redundabunt. Respondeo  
autem, Si Deo placuisset hominem in statu merorum na-  
turalium relinquere, tum legem de non-concupiscendo  
non tulisset. Quod verò nulla lex prohibet, id quoq; pec-  
catum non est. Caterum ex quo voluit hominem care-  
re motibus, quos diximus; ex eo contulit dotes, per  
quas, modò per ipsum non staret, carere posset. Est  
QUARTO status reconciliationis & regenerationis, in  
quo fuit Adam, postquam receptus est in gratiam, & in  
quo positi sunt omnes fideles. In eo quidem non resti-  
tuuntur cuncta supernaturalia per lapsum amissa; mini-  
mè autem omnium, quæ felicitatem paradisi cam (ut ita  
appellare liceat) constituiebant, & immunitatem à mo-  
lestiis & ægrotudinibus & naturali morte præstabant. ha-  
tèusenim in ipso gratiæ statu natura sibi permittitur:  
conferuntur tamen, quæ juxta divinum beneplacitum  
& pactum evangelicum ad obtinendam reconciliatio-  
nem & recuperandam salutem sunt necessaria. Et quo-  
niam hac finè in hoc statu non est necessarium à motibus,  
de quibus diximus, prorsus immunem esse, sed sufficit  
eos compescere, ne in actus consummatos erumpant,  
& quod caro concupiscit, perficiant; ad hoc præstan-  
dum necessaria gratia non deest. QUINTO est futurus  
status gloriæ, in quo qui in priore quarto statu ad finem  
usque perseveraverint, Deum *coram* sive *facie ad faciem*  
*videbunt*, I Cor. XIII, 12; & corpus, quod in ipso etiam  
statu



statu innocentie animale fuerat, id est, ad conservatio-  
 nem individuorum alimento, & ad propagationem spe-  
 ciei generatione indiguerat, spirituale habebunt, non  
 quod substantia corporea commutanda sit in spirituale  
 substantiam, sed quod glorificanda sit dotibus, quales  
 alias spiritibus sive angelis propria sunt. *Oportet enim cor-  
 ruptibile istud induere incorruptibilitatem, & mortale istud in-  
 duere immortalitatem, 1 Cor. xv, 53.* SEXTO est futurus sta-  
 tus damnationis, superiori proximo oppositus, in quo  
 qui è tertio prius memorato erepti non fuerint, & ad  
 quartum translati, supremo iudicio hanc audient sen-  
 tentiam: *Abite maledicti in ignem aeternum, qui paratus est  
 diabolo & angelis ejus, Matth. xxv, 41: conijcentur in cam-  
 inum ignis, in tenebras extimas, ubi erit ejulatus & stridor denti-  
 um, Matth. iix, 12; xiv, 42, 50; xxii, 13; xxiv, 51; xxv, 30:*  
 iis enim caligo tenebrarum in aeternum adseruata est. *ii Petri*  
*i, 17.* Igitur torquebuntur igne & sulfure in conspectu ange-  
 lorum sanctorum, & in conspectu Agni; & fumus tormenti  
 ipsorum adscendet in secula seculorum, *Apocal. xiv, 10.* nam  
 incredulis, & execrabilibus, & homicidis, & sortatoribus, &  
 veneficis, & idololatriis, & omnibus mendacibus portio adsigna-  
 ta est in stagno, in quo ardet ignis & sulfur, *Apocal. xxi, 8.*  
 SEPTIMO est status hominis inter naturalem mortem &  
 supremum iudicium medius, habentis interea animam  
 à corpore separatam. Sicut autem mortui in duplici  
 sunt differentiâ, nempe vel beandi, vel damnandi, ita  
 quoque status, de quo nunc loquimur, alius est illorum,  
 alius horum.

XVII. Quod corpora quidem attinet, utrorum-  
 que corruptioni & putredini & resolutioni in elementa  
 ulque materiamque primam sunt obnoxia. *Pulvis es &  
 in pulverem reverteris, ait Dominus Gen. iii, 19.* *Iustorum*

C

autem



autem anima in manu Dei sunt, & non tangit eos tormentum.  
Sap. 111, 1. Attamen non obtinuerunt promissum illud: quoniam  
Deus de nobis potius quiddam providit, ne absque nobis con-  
sumuntur, sive beatitudine prorsus completâ & con-  
summatâ potiantur, Hebr. xi, 39. Regnum Dei est iusti-  
tia & pax & gaudium per Spiritum Sanctum, Rom. xiv, 17.  
Id sane obtinuerunt. Quod itaque sine nobis obtine-  
re nequeunt, est promissum regnum æternæ completæ  
que beatitudinis. Hinc est, quod Iohannes in Apoca-  
lypsi videt sub altari animas eorum, qui mactati fuerant pro-  
pter verbum Dei, & propter testimonium quod tuebantur: qui-  
bus data sunt stole alba, quæ videlicet mysticè intellectæ  
ad eas blandè fovendas & hilaritate focillandas facerent;  
& dictum est eis, ut requiescerent adhuc paullulum temporis, us-  
que quo compleantur etiam conservi eorum & fratres eorum, qui  
occidendi sunt, sicut & ipsi. Status quoque animarum san-  
ctarum à corporibus separatarum in eadem Apocalypsi  
verbis figuratis & propheticiis describitur in hunc mo-  
dum: Sunt ante thronum Dei, & colunt eum die ac nocte in tem-  
plo eius: & qui insidet throno, proteget eos umbraculo. Non esu-  
rient amplius, neque sitient amplius, nec in eos cadet sol, neque  
ullus aestus. Quoniam Agnus, qui in medio throni est, pascet  
eos, & via dux erit ipsis ad vivos fontes aquarum: & abster-  
sus est Deus omnem lacrymam ab oculis eorum. Damnando-  
rum animæ sunt in carcere, sicut colligitur ex 1 Petri 111,  
16. Videtur itaque, quod animas separatas attinet, ita  
fere se habere, quemadmodum se habet quod attinet ele-  
ctos ad capeßendum regnum, & destinatos supplicio.  
Illi, dum modo sint electi, etiam si nondum sint coronati,  
etiam si nondum in manus traditum sceptrum & regnum  
acceperint, in honore tamen coronandis congruo ha-  
bentur, & tractantur, sicut decet regnaturos: isti verò  
in car-

Apoc. 6, 9  
& 11.

Apoc. 7, 17.  
& seqq.



in carceribus miseram vitam agunt, & metu imminenti supplicii torquentur.

XIIX. Ceterum, ut ad priora redeamus, dubium nullum est, nec naturam sibi permittendam, sed mediis & dotibus supernaturalibus sive compescendam sive emendandam, nec hominem, nisi peccasset, moriturum fuisse. Clara enim sunt verba Apostoli: *Per unum hominem peccatum in mundum introiit, & per peccatum mors; & ita in omnes homines mors pervasit*, Rom. v, 12. *In Adamo omnes moriuntur. Aculeus mortis est peccatum; vis autem peccati, lex*, 1 Cor. xv, 22 & 56. Nempe absque peccato esset, nihil morti permissum; & si nulla lex lata vel promulgata, nullum quoque esset peccatum. Neque verò Deus tamquam poenam intentare sive comminari potuisset mortem vel moriendi necessitatem, si aliàs & etiam absque commisso peccato moriturus homo fuisset. *Quo die, inquit comederis, omnino morieris*, sive moriendi necessitatem incurres.

XIX. Est autem homo mediæ inter spiritus sive angelos & animalia bruta naturæ, & utrinque participat. Angeli sunt substantiæ spirituales, immateriatæ & per naturam immortales: sic quoq; homo secundum animam rationalem, per quam in esse hominis constituitur. Cum brutis commune habet corpus ex elementis compositum, quod naturæ relictum dissolvi oportet. Sicut autem pridem expositum fuit, non placuit Deo hominem naturæ relinquere, sed supra eam multis modis extulit. A corpore itaque necessitatem moriendi amovit, ut unâ cum animâ perennare & ab eâ perpetuò informari posset. Quum enim condita sit, ut corpus informet, & tamquam altera pars compositi sive unâ cum corpore personam constituat; videtur omnino ad



hoc ipsum naturaliter propendere. Voluit itaque Deus hominem talem creare, qui nisi per ipsum staret, animæ corpus perpetuò conjunctum haberet. Ergo homo, quamvis naturæ relictus fuisset mortalis, conditus tamen est ad immortalitatem: cui opponitur duplex mors, tum temporalis, tum præcipuè spiritualis & æterna, quæ est damnatio. Quando igitur Adamo dixit Deus, *omnis morietur*; non potuit ille, tantâ videlicet infusâ sapientiâ præditus, quin etiam spiritu prophetico instructus, ignorare, vocabulum mortis ad temporalem non esse restringendum, sed ad utramque sensu, quàm latè is patet, extendendum. Neque dubitari potest, quandoquidem supremo mundi die Deus omnes homines resuscitabit & redintegrabit, sive omnibus & singulis animabus sua corpora restituet; quin id ad eum modum facere decreverit ab æterno. Quin etiam quum ab æterno præciverit hominem in statu innocentie non esse perseveraturum, & etiamsi in gratiam reciperetur, posterorum tamen ejus alios evangelico pacto, à quo reconciliatio & salus suspendenda esset, obtemperaturos, alios non obtemperaturos, nihilominus omnes decrevit resuscitare. Generalis itaque resurrectio, quæ etiam damnandos includit, in hoc decretum referenda est: beatorum verò, quatenus beata, & membrorum cum capite suo conjunctio erit, Christo redemptori imputanda venit. *Sicut enim in Adam omnes, qui videlicet Adam sunt & ab eo originem communi viâ ducunt, moriuntur; ita & in Christo omnes (nempe qui sunt Christi, ut mox subjungitur) vivificabuntur*, 1 Cor. xv, 22 & 23.

XX. Existimamus pactum Dei cum primo homine initum, quod antea proposuimus, exactius & accuratius nunc intellectum iri. Finis pacti, quod homi-

nem



nem attinet, erat ut presentem felicitatem conservaret,  
& aternam perfecteque beatam consequeretur. Medi-  
um, sive conditio ad hunc finem obtinendum divinitus  
homini proposita, & ab eo necessario acceptanda, erat  
Perfecta legis divinæ tum cordi inscriptæ tum peculiari-  
ter revelatæ observatio, sive exacta obœdientia; ad  
quam præstandam vires sufficientes præstò erant. Poena  
non observanti indicebatur mors, non quidem mox &  
in vestigio subeunda, sed per naturam suo tempore in-  
ferenda; & post corpus animæ restitutum aterna, sicut  
jam diximus. Se enim ad aternam beatitudinem ha-  
bendam creatum esse, & si eâ excideret, aternæ damna-  
tioni obnoxium fore non poterat ignorare Adamus. Hoc  
pactum ab apposita conditione, quæ erat Exacta obœ-  
dientia legi præstanda, Legale meritò appellatur.

XXI. Ex quo contra legem peccabatur, è vestigio  
privati sunt protoplasti omnibus dotibus supernaturali-  
bus; & sicut superius ostensum est, nullo ingenio adsequi  
potuerunt, quod Deus misereri vellet, & quomodo;  
quandoquidem de veritate verborum Dei & immotâ  
iustitiâ dubitari non poterat, & præstò erat exemplum  
severitatis adversus angelos, quibus *peccantibus Deus non* 1 Petri 2, 4  
*perpererat.* A parte igitur hominum res erat desperata,  
quorum præter spem nihilominus miseretur Deus, &  
modum reconciliationis & restitutionis, & temperati-  
onem iustitiæ cum misericordiâ, humanæ menti alio-  
quin impervestigabilem, inquit. *Solum se cogitabat cogitati-  
one pacis, quæ afflictionis plena videretur,* ait Bern-  
hardus sermone primo in Annunciationem Domini-  
cam. Vbi per prosopopœiam introducit loquentes &  
quasi contententes Misericordiam & Veritatem. *Eget*  
*miseratione creatura rationalis, ait Misericordia, quæ nos*  
C 3  
miser-



*miseria facta est, & miserabilis valde. E contra Veritas, Opor-*  
*ret, inquit, impleri sermonem, quem loquutus es Domine. To-*  
*tus moriatur Adam necesse est cum omnibus qui in eo erant, quā*  
*die vetitum pomum in pravaricatione gustavit. It quid ergo ait*  
*Misericordia, ut quid me genuisti Pater citius perituram? Scie*  
*enim Veritas ipsa, quoniam misericordia tua perit & nulla est,*  
*si non aliquando miserearis. Similiter autem è contrario & illa*  
*loquebatur: Quis nesciat, quod si prae dictam sibi pravaricator*  
*sententiam mortis evaserit, perit nec permanebit jam in æter-*  
*num veritas tua Domine? Cetera apud ipsum auctorem,*  
*cui libuerit, videat.*

XXII. Veritatem sanè divinam & justitiam factam  
tectam præstari oportuit; quomodo autem jungi posset  
misericordia, & simul partes suas obire, nullum huma-  
num ingenium, in isto præsertim culpæ & miseriæ statu,  
nulloque exemplo adiutum sed potius contrarium,  
quod lapsi angeli præbebant, ob oculos positum ha-  
bens, perspicere vel adsequi poterat. Homo peccave-  
rat, & propterea hominem plecti oportebat. Satisfa-  
ciendum autem erat justitiæ divinæ, quæ est infinita, iti-  
dem pro morte æternâ sive quæ durationis infinita: vel  
quod idem est, præstandum erat quod infinitæ justitiæ  
satisfaceret, & pœnis in æternum duraturis æquipolle-  
ret. Hoc à nullâ creaturâ præstari poterat. Deus itaque  
suum ipsius unigenitum propriumque filium, sibi que  
*ὁμοῦσιον* dedit, ut incarnatus & homo factus passusque  
& mortuus pro peccatis tum primorum parentum, tum  
universi generis humani satisfaceret. Quia enim passio  
& mors hominis futura erat, propterea hominibus im-  
putanda veniebat; quia verò Dei, propterea infiniti va-  
loris & precii æstimanda. *Est piusissimus, ait Irenæus, & mi-*  
*sericors Dominus, & amans humanum genus. Hæc itaque fecit*  
*& adu-*



& adunat vir hominem sive humanam naturam Deo. Si enim  
homo non vicisset inimicum hominis, non jussu victus esset inimi-  
cus. Rursus autem nisi Deus d'esset salutem, non firmiter habe-  
retus eam. & nisi homo conjunctus fuisset Deo nostro, non po-  
tuisset particeps fieri incorruptibilitatis. Oportuerat enim me-  
diatorem Dei & hominum per suam ad utroque domesticita-  
tem, ad amicitiam & concordiam utroque reducere, & facere  
ut Deus adsumeret hominem, & homo se dederet Deo, sive po-  
tius, & Deo sistere hominem reconciliatum & acceptum,  
& hominibus notum facere Deum, quàm videlicet sit mise-  
ricors & φιλήθρωπος. Exscripsit & dialogo suo secun-  
do, Ασυχητὲ sive Inconfuli titulum præferenti, inseruit Post med,  
Theodoretus, ex quo græca verba proferemus. ἤνωσει οὖν  
τὸν ἄνθρωπον τῷ θεῷ. εἰ γὰρ μὴ ἄνθρωπος εἰκήσεν τὸ ἀντίπαλον  
τὸ ἀνθρώπου, οὐκ ἂν δικαίως εἰκήθη ὁ ἐχθρὸς. πάλιν τε, εἰ μὴ ὁ θεὸς  
ἐδωρήσατο τὴν πετηρίαν, οὐκ ἂν βραχὺς ἐσχαμέν ἂντὶς, καὶ εἰ μὴ  
οὐκ ἐκλήθη ὁ ἄνθρωπος τῷ θεῷ, οὐκ ἂν ἠδυνήθη μετασχεῖν τὴν  
ἀφθαρσίαν. ἰδεὶ γὰρ τὸ μεσότην θεῷ τε καὶ ἀνθρώπων, ἀφ' οὗ τῆς  
ἰδίας τοῦ ἐκαστοῦ οικειότητος, εἰς φιλίαν καὶ ὁμόνοιαν τοὺς ἀμ-  
φοτέρους συναγαγεῖν. καὶ θεὸς μὲν προσεχῆσαι τὸν ἄνθρωπον, ἀνθρώ-  
πος δὲ γνωεῖσθαι τὸν θεόν. Hac ex Irenæo Theodoretus.

XXIII. Scribit Augustinus De agone Christiano  
cap. xi: Sunt stulti qui dicunt, Non poterat aliter sapientia  
Dei homines liberare, nisi si iperetur hominem, & nasceretur ex  
femina, & a peccatoribus omnia illa pateretur? Quibus dici-  
mus, Iaterat omnium: sed si aliter faceret, similiter vestra stul-  
titia displiceret. Libro xiii de Trinitate, cap. x dicit, non  
alium modum possibilem Leo desuisse, cujus preestati cuncta aqua-  
liter subjacent; sed sanande nostre miserie convenientiorem  
modum alium non fuisse, nec esse oportuisse. Nihilominus  
idem Enchiridio, ad Laurentium, Ne per ipsum quidem,  
inquit,



Cap. 108. inquit, liberaremur unum mediatorum Dei & hominum, hominem Christum Iesum, nisi esset & Deus. Leo Magnus sermone secundo in solennitate nativitatibus Dominicæ: Verax misericordia Dei, quum ad reparandum humanum genus inaffabiliter ei multa suppeterent, hanc perissimam consulendi viam elegit, qua ad destruendum opus diaboli non virtute uteretur potentie, sed ratione iustitie. Respicere videtur ad dictum Irenæi paullo ante productum, affirmantis, Si homo non vicisset adversarium hominis, non iuste victum esset adversarium. Idem autem sermone primo in eadem solennitate: Nisi esset Deus verus, non afferret remedium. Sermone quinto: Nisi Verbum Dei caro fieret, & habitaret in nobis, nisi in communionem creatura creator ipse descenderet, & veritatem humanam ad novum principium sua nativitate revocaret; regnaret mors ad Adam usque, in finem, & super omnes homines condemnatio insolubilis permaneret, quum de sola conditione nascendi una cunctis esset causa pereundi.

Postmod.

XXIV. Athanasius oratione tertiâ contra Arianos, hanc ab ipsis propositam objectionem adducit: ἡδύνατο πασι καὶ κτίσματι οὐτὸν ὁ σωτὴρ, μέγιστον αὐτῶν ὁ θεὸς, καὶ λύσαι τὴν κατὰραν. Potebat (ajunt) etiam si Servator creatura fuerit, tantummodo loqui Deus, atque ita solvere maledictionem, declarando videlicet sibi placere, ut per creaturam solvatur. Et respondet Athanasius, Potebat etiam sine ullo adventu Christi solummodo loqui Deus, & solvere maledictionem. Sed spectare oportet, quid homini sit utile, nec ubique ad potentiam Dei confugere. Ceterum non videtur huic sententiæ inharere Athanasius, quum post nonnulla subjungat: Quemadmodum non fuisset vindicatus à peccato & maledictione, nisi caro, quam induit & adsumsit Verbum, esset secundum naturam caro humana: ita neque deificatus fuisset homo (per restitutionem videlicet imaginis di-

nis divinæ confors factus divinæ naturæ, ut loquitur 2 Pet. 1, 4, sanctus Petrus) nisi secundam naturam ex Patre veramq; & proprium ejus esset Verbum, quod factum est caro. Sic enim demum juxta Athanasium θεὸς ἀληθινὸς ὁ υἱὸς τοῦ πατρὸς καὶ ὁμοούσιος τῷ πατρί, stabilis efficitur & firma salus & deificatio hominis. ἔθεν γὰρ πλεον ἡμῖν τοῖς ἀνθρώποις ὡς, εἰ μὴτε ἀληθινὸς & φύσει υἱὸς ἦν ὁ θεὸς ὁ λόγος, μὴτε ἀληθινὴ σάρξ ἦν, ὡς παρὰ λαβετο. Nullum enim in nos homines redundaverit consolamentum, si neq; Verbum verus & naturalis sit Dei filius, neq; vera sit caro, quam adsumsit. Dicit etiam oratione secundā contra Arianos, nullo modo futurum fuisse, ut in regiones Angelorum induceremur, nisi ille, qui in formā Dei est, formam servi suscepisset, & se humiliasset, permittens corpus suum usque ad mortem devenire. Item, Εἰ μὴ ἀνθρώπος ὁ κύριος ἐρχόμενος, οὐκ ἂν ἡμῖς διὰ τῆς ἁμαρτιῶν λυτρωθέντες ἐκ νεκρῶν ἀνέστημεν, ἀλλ' ἐμένομεν ὑπὸ γέλωτος νεκροί. ἔδ' ἂν ὑψώθημεν εἰς ἔθνη, ἀλλ' ἐκέμεθα ἐν τῷ ᾄδει. Si Dominus homo factus non esset, nunquam nos à peccatis vindicati ex mortuis resurrexissimus, sed sub terris mortui relinqueremur; neq; ad cælos evaheremur, sed maneremus in inferno.

XXV. Basilii Magnus ad psalmi, juxta numerum Græcum, xliix versiculos vi i & iix: Deus fratrem in redemptionem non querit, sed aliquem qui tuam exsuperet naturam. μὴτε ἀνθρώποι φίλον, ἀλλ' ἀνθρώποι θεὸν Ἰησοῦν Χριστόν, ὅς ἐστι μόνος δυνατὸς δύναι ἐξίλασθαι τὸν θεὸν ὑπὲρ πάντων ἡμῶν. Neq; hominem nudum, sed hominem Deum Jesum Christum, qui etiam solus propitiationem dare potest Deo pro nobis omnibus. Fulgentius de Incarnatione & gratiā cap. vi i: Si unigenitus Filius, qui est in sinu Patris, post eternam naturam, quam ex eterno Patre Filius coæternus habet, secundam naturam sanctificandi hominis gratia non susceperet, homo in iniquitatibus conceptus primæ naturæ nexibus non careret. Vigilius libro

D

libro



Ante f.  
acm.

libro v contra Eutychem: *Nisi talem dederis inter Deum & homines, qui ita sit medius, ut ex utroque utrumque sit, id est, ut & Deus sit propter divinitatis, & idem homo sit propter humanitatis naturam, humana divinis quemadmodum reconcilientur, non ostendis.* — Et quia reconciliationis sacramentum immaculatum flagitabat sacrificium, talis hostia requirenda fuerat, qua ita media esset inter Deum & homines, ut & morti succumberet per illud, quod hominis habebat, & mortem revinceret per id, quod in se divinitatis tenebat.

XXVI. Anselmus duos scripsit libros ad modum dialogi, titulo & argumento, *Cur Deus homo*. Laborat ostendere, quod redemptio generis humani per inviolabilem Dei iustitiam peragi non potuerit, nisi Deus fieret homo, & pro hominibus satisfaceret. Ad verba

Matth. 26.  
42.

Lib. 1, c. 10.

*Christi, Pater mi, si non potest hic calix transire, nisi bibam illum, fiat voluntas tua*, ita commentatur: *Non potuisse calicem transire, nisi biberet illum, dixit, non quia non posset mortem vitare si vellet, sed quoniam mundum erat impossibile aliter salvare, & ipse indeclinabiliter volebat potius mortem pati, quam ut mundus non salvaretur.* Deinceps in hunc modum lo-

Cap. 12.

quitur: *Peccatum, si non punitur, inordinatum dimittitur.* — Quapropter si non decet Deum aliquid injustè aut inordinatè facere, non pertinet ad eius libertatem ac benignitatem ac voluntatem, peccatorem, qui non solvit Deo quod abstulit, honorem scilicet debitum & obœdientiam, impunitum dimit-

Cap. 16.

tere. Immiscet alicubi, Deum proposuisse, ut de humanâ naturâ, quam fecit sine peccato, numerum angelorum restitueret. Quod sanè absque fundamento adseruit. Tandem

Cap. 19

in hunc modum pronunciat: *Tene certissimè, quia sine satisfactione, id est, sine debiti solutione spontanea, nec Deus potest peccatum impunitum dimittere, nec peccator ad beatitudinem vel talem, qualem habebat antequam peccaret, pervenire.* Po-

terio-

Anteriore libro, quod priore docuerat, prosequitur. *Non potest, ait, hanc satisfactionem facere nisi Deus. Sed nec facere illam debet, nisi homo. Si ergo necesse est, ut de hominibus perficiatur illa superna civitas, nec hoc esse valet, nisi fiat prae dicta satisfactio, quam nec potest facere nisi Deus, nec debet nisi homo; necesse est ut eam faciat Deus-homo.* Commentarius quidem in epistolas sancti Pauli, operibus Anselmi immixtus, ad Rom. v, 8, docet, praetermissis aliis innumerabilibus modis, quibus ad nos liberandos uti potuisset omnipotens, potissimum elegisse, ut Filius suus pro nobis moreretur. At hoc ipsum arguit, commentarios illos non esse Anselmi, sed potius, ut existimatur, Hervai.

XXVII. Richardus de S. Victore scripsit ad Bernhardum Clarevallensem de Verbo incarnato librum, in quo ostendit, ut habet in scriptio, necessarium fuisse Deum incarnari; nullamq; personam congruentius quam Filii. Capite sane octavo his utitur verbis: *Plus est profecto justificari & beari, quam creari. Ad plenam itaque hominis restorationem omnino non sufficeret persona, quae Deus non esset. — Indebita mortem pro debita solvere oportuit. Sed hoc omnino non potuit, nisi homo mortalis & iustus, & qui mortis sententiae in nullo esset obnoxius. Ut itaque humani redemptoris persona ad debitam satisfactionem idonea foret, oportuit ut esset verus Deus, qui ad hoc sufficeret; & ut esset verus homo, qui pro jure necessitudinis merito exsolveret.* Ita Richardus, quide S. Victor appellatur, & Scotus fuit.

XXIIX. Συγγρον tamen ejus, & monasterii prope moenia Parisiorum, in quo uterque vixerunt, abbas Hugo, in viciniâ ex familiâ dynastarum Blancoburgensium oriundus, De sacramentis libro 1, parte iix, cap. x ita scribit: *Veraciter profitemur, quod redemptionem generis humani etiam alio modo Deus perficere potuisset, si voluisset.* Sed iste



nostra infirmitati convenientior fuit, ut Deus homo fieret, & pro homine mortalitatem hominis adsumens ad spem suam immortalitatis hominem reformaret: ut non diffidat iam homo se ad bona illius posse ascendere, quem ad sua mala toleranda videt descendisse.

4. dist. 10. XXIX. Haut diu post Hugonem scripsit Petrus Lombardus, episcopus Pariensis, ejusque ductum, ut videtur, sequutus affirmat modum hominem liberandi alium, quam per mortem Christi, fuisse possibilem Deo, cujus potestati cuncta subjaceant: sed nostra miseria sananda convenientiorem modum alium non fuisse, nec esse oportuisse. Quid enim, inquit, mentes nostras tantum erigit, & ab immortalitatis desperatione liberat, quam quod tanti nos fecit Deus, ut Dei Filius, immutabiliter bonus, in se manens quod erat, & à nobis accipiens quod non erat, dignatus nostrum inire consortium, mala nostra moriendo perferret? Cetera apud auctorem ipsum legi poterunt.

Fr de timore servili. XXX. Anselmum nihilominus sequitur Alexander Halensis, qui, ut habet præfatio Summæ ejus præfixa, primus fertur in libros Sententiarum scripsisse, & primus ex Franciscanis Magistris insignia adeptus; five, ut loquitur Stephanus Brulifer, primus doctor, fons & origo omnium aliorum doctorum questionariorum, tam in ordine Minorum quam Prædicatorum, quam etiam in cætu & collegio omnium secularium: hic, inquam, Alexander, dictus quoque à suis Doctor irrefragabilis, Anselmum sequitur, & scribit concedendum esse, quod hanc satisfactionem requirit necessitas justitiæ, ut fiat per Deum unitum humane naturæ, Summæ parte III, quæst. 1, membro VII.

Quæst. 1, art. 2. XXXI. Thomas tamen Aquinas sub initium Tertiæ quarit, Virum necessarium fuerit ad præparationem generis humani Verbum Dei incarnari, & respondet ad finem aliquem aliquid

*aliquid esse necessarium dupliciter: uno modo, sine quo aliquid  
esse non possit; alio modo, per quod melius & convenientius perve-  
niatur ad finem. Primo modo, inquit, Deum incarnari non fuit  
necessarium ad reparationem humanæ naturæ: Deus enim per su-  
am omnipotentem virtutem poterat humanam naturam multis  
aliis modis reparare. Secundo autem modo necessarium fuit  
Deum incarnari. Videtur ponere Thomas, quod Deus  
nullâ habitâ ratione veritatis vel iustitiæ, si absolutâ  
suâ potentiâ utatur, procedere possit. Sic Durandus in  
Tertium, dist. xx, quæst. ii, si loquamur, ait, de eo quod ab-  
solutè fieri potuit, sic dicendum est, quod Deus posuisset, si volu-  
isset, reparare humanam naturam sine ulla satisfactione; & repa-  
randop per satisfactionem posuisset acceptare opus puri hominis, ut  
Adæ pœnitentis vel alterius innocentis quem creasset, loquendo de  
potentiâ absolutâ: nec fuisset in aliquo dictorum modorum aliqua  
injustitia. Sed non persuadet Durandus, iustitiæ & veritati  
suas partes fore integras, si in eum, qui solennem legē sibi  
à suo creatore, cui semetipsum & tantam suam felicitatē  
debeat, positam, per inobædientiam & contumaciam violaverit, juxta merita sua non animadvertatur  
& pœnæ, quæ constituta & dictata fuit, gratia fiat, at-  
que ita à pacto, quale superius descripsimus, recedatur.  
Possunt quidem homines, quibus commissâ est potestas  
& administratio iustitiæ, supplicium commérito pœnam  
condonare & impunitum dimittere, quia possunt defi-  
cere, iustitiâque & pacta insuper habere. Quale quid  
in Deum cadere summa & absoluta ejus perfectio non  
admittit, non magis, quàm ut fallat, aut Deus esse desi-  
nat. Absoluta igitur Dei potentia non est ed usque ex-  
tendenda, ut absolutæ ejus perfectioni deroget aut de-  
trahat.*

XXXII. Concedunt itaque Scholastici, quibus

D 3

oppo-



opposita arridet opinio, quòd si habenda sit ratio justitiae, (quà nos actiones divinas destitui posse negamus) & redemptionis precii que justus pro redemptione exsolvendi; non potuerit id aliter praestari, quàm filio Dei in carnem misso. Et distinguunt inter *liberationem*, quæ excludat respectum ad justitiam legitimamque satisfactionem; & *redemptionem*, quæ includat. Sic Albertus Magnus in Tertium, dist. xx, art. 111: *Potest esse dubium, quamvis fuit alius modus possibilis liberationi nostræ, quòd tamen alius modus, quo redimeremur, non fuit possibilis.* Et adductis pro hac sententiâ rationibus, tandem concludit: *Sine præjudicio loquendo concedo eas rationes, & non fuit alius modus possibilis nostræ redemptioni, nisi per precii talis solutionem; nisi redemptio largè pro liberatione accipiatur: quia non est nisi duplex redemptio, scilicet jure belli, & ita redempti sumus à servitute diaboli per victoriam Christi, & solutione precii, & sic non sumus redempti à diabolo, quia absit ut Christus oblatus sit diabolo pro nobis, sed oblatus est Patri, & nos soluti sumus à decreto Patris obligante nos ad non intrandum paradysum, nisi tanta appareret in uno justitia humilitatis, quæ omnibus sufficeret.* Ipse Thomas in eandem distinctionem Tertii, quæst. 1, art. iv: *Ex parte Dei fuit alius modus nostræ liberationis possibilis, quia ejus potentia limitata non est; quem si elegisset, convenientissimus fuisset: non tamen habuisset rationem redemptionis, sed liberationis tantum, quia liberatio non fuisset facta per solutionem precii.* Labet adjicere, quæ apud eundem eodem loco art. ii leguntur: *Ad hoc ut satisfactio esset condigna, oportebat quòd haberet virtutem infinitam, quia peccatum, pro quo fiebat satisfactio, infinitatem quamdam habebat ex tribus. Primo ex infinitate divine majestatis, in quantum offensa fuerat per contemptum inobedientia: quanto enim major est in quem peccatur, tanto est gravior culpa. Secundo ex bono, quod per peccatum aufereba-*

rebat, quod est infinitum, scilicet ipse Deus, cujus participatione sunt homines beati: nempe ἀντὶ τοῦ sive precio redemptionis, quod pro nobis Filius Dei obtulit, præstitum est, non modò ut à damnatione infinitæ durationis eximeremur, sed etiam ut ad cœlestem beatitudinem, quæ itidem infinitæ est durationis, & posita in fruitione Dei æterni & infiniti, admitteremur. *Tertio ex ipsa naturâ, quæ corrupta erat; quæ quidem infinitatem quandam habet, in quantum in ea possunt supposita in infinitum multiplicari: imò multò magis multiplicantur peccata, pro quibus satisfactio exigitur. Actio autem puræ creaturæ non potest habere infinitam efficaciam; & ideo nulla creatura poterat sufficienter satisfactionem facere. Quin eo loco Summæ, quem superius produximus, ita loquitur: Homo purus sive merus satisfacere non poterat pro toto humano genere; Deus autem satisfacere non debebat: unde oportebat Deum & hominem esse Jesum Christum. Ex recentioribus, ut id quoque obiter moneamus, agnoscit Gregorius de Valentia, ut homo liberaretur non quomodocumque, sed simul faciendo satis justitiæ divinæ, sic omnino verum esse, quod non potuerit homo à peccato liberari, nisi per Christum.* Tomo IV, disp. I, qu. I, puncto V.

XXXIII. Neque verò videtur congruum esse summæ sapientiæ divinæ, si vel citra omnem satisfactionem, vel citra sufficientem genus humanum redimi potuisset, quòd nihilominus *Filio proprio non pepercit, sed pro nobis omnibus eum tradidit.* Qui enim vel mediocriter prudens est, non profundit immensas opes & omnes suas facultates ut id consequatur, quod aut nullis aut levibus impensis possit obtinere. Nos igitur in hoc, quod Deum fecisse videmus, potiùs acquiescamus, & ex imâ mente animi devotissimas gratias agamus, quòd voluerit nos justificare per redemptionem factam in Christo Jesu, quem pro-

Rom. 8, 32  
posuit



posuit ut esset ἱλαστήριον, propitiatio sive expiatio per fidem in sanguine ipsius, ad demonstrandam justitiam suam, Rom. 111, 24. Qui est ἱλαστήριος propitiatio pro peccatis nostris; nec pro nostris solum, sed etiam pro totius mundi, 1 Ioh. 11, 2. Et per hoc manifesta facta est caritas Dei in nos, quod Filium suum unigenitum misit in mundum, ut vivamus per eum. In hoc est caritas, non quod nos dilexerimus Deum, sed quod ipse dilexit nos, & misit Filium suum, ut esset propitiatio pro peccatis nostris, 1 Ioh. 4, 9 & 10. In hoc, inquam, quod factum nobis-que patefactum est, acquiescamus, & curiosas quaestiones, quarum apud Scholasticos ingens est copia, missas faciamus.

XXXIV. Ex harum censu est quoque ista, quae quaeritur, Num si Adam non peccasset, nihilominus Filius Dei incarnandus fuisset? Timidè affirmat Alensis, & sicut ipse loquitur, *sine praedicio*, Summae parte 111, quaest. 11, art. 11, membro xii. Similiter Albertus Magnus in Tertijs dist. xx, art. 14, *Dicendum*, inquit, *quod in hac quaestione solutio incerta est: sed quantum possum opinari, credo quod Filius Dei factus fuisset homo, etiamsi numquam fuisset peccatum.*—tamen nihil de hoc asserendo dico. Magis cordatè negat Thomas Aquinas Tertiâ, quaest. 1, art. 111. Agnoscit, quosdam dicere, quod etiamsi homo non peccasset, Dei Filius incarnatus fuisset, carne tamen nec passibili nec mortali, ad complendum scilicet & ornandum eximio hoc modo universum; alios verò contrarium adserere. *Quorum*, inquit, *assertioni magis adsentendum videtur.* Ea enim, quae ex soli Dei voluntate proveniunt supra omne debitum creaturae, nobis innotescere non possunt, nisi quatenus in Sacra scriptura traduntur, per quam divina voluntas nobis innotescit. Certum autem est, Sacram scripturam ubique inculcare, quod propter redemptionem & salutem hominum Filius Dei

Dei in mundum venerit; nec ullibi aliam causam reddere. Hinc Bonaventura in Tertium, dist. 1, art. 11, quaest. 11: *Tam novum quam vetus testamentum, ubi de Filii Dei descensu loquuntur, generis humani liberationem rationem reddunt. Et si divina eloquia nobilissimam & precipuam incarnationis rationem adsignant, & nihil etiam à nobis dicendum est praeter ea, quae nobis ex sacris eloquiis clarent; ideo magis videtur pietati fidei consonum, quod precipua incarnationis ratio sit liberatio generis humani, quam aliter sentire.* Post aliqua subiungit: *Hic modus dicendi, etiamsi non videatur ita esse subtilis, sicut praecedens sive oppositus, plus tamen consensat pietati fidei in hoc, quod autoritatibus Sanctorum magis concordat; & Deum magis honorificat; etiam incarnationis mysterium magis commendat, & affectum nostrum ardentius inflamat.* — Plus enim excitat devotionem animae fidelis, quod Deus sit incarnatus ad delenda scelera nostra, quam propter consummandas incoatae suae operas. Hæc ibi & plura alia Bonaventura.

XXXV. Sed ad Thomam revertamur, qui quoniam rectè & cordatè adseruit, quæ ex sola Dei voluntate proveniunt supra omne debitam creaturæ, nobis innotescere non posse, nisi quatenus traduntur in Sacra Scriptura; propterea subiungemus nonnulla ex articulo, qui proxime subsequitur. Certum est, inquit, Christum venisse in hunc mundum non solum ad delendum illud peccatum, quod traductum est originaliter in posteros, sed etiam ad deletionem omnium peccatorum, quæ postmodum superaddita sunt: non quod omnia deleantur (quod est propter defectum hominum, qui Christo non inhaerent) sed quia ipse exhibuit, quod sufficiens fuit ad omnium peccatorum deletionem. Tantum autem, ait, principaliter ad alicuius peccati deletionem Christus venit, quanto illud peccatum majus est. Et addit per subtilitatem Scholasticam, quæ sanè superfedere optimum factum est, peccata actualia majora esse

E

inter-



intensivè, quia sint voluntaria; peccatum verò originale majus esse extensivè, quòdeo totum genus humanum inficitur. Magister ejus Albertus Magnus in Tertium, dist. xx, art. vi simpliciter & disertè affirmat nos indigere redemptore non pro originali tantum, sed etiam pro omnibus actualibus. Notanda etiam ibidem hæc ejus verba: *Constat quòd fides Mediatoris conjungit justitiam Christi cum justificatis. Ergo sine justitiâ Christi nullum remittitur peccatum.* Quoniam ad Scholasticos prolapsi sumus, jungemus hac ipsâ dere sententiam Henrici Gandavensis ex Quodlibeti quinti articulo decimo. *Dicendum, inquit, quòd passio Christi meritorè aperuit januam paradisi, & amovit omne impedimentum introeundi ipsum, & quoad impedimentum natura per peccatum originale, & quoad impedimentum persona per peccatum actuale. Et hoc omnibus quoad sufficientiam; quoad efficaciam autem solum his, qui sibi membra unita per sacramentum baptismi, & in eo permanserunt.*

XXXVI. Cæterum intermissis quæstionibus tantæ veterum tum recentium Scholasticorum, quas inter multas non modò ociosas & vanas & insolubiles, sed etiam ridiculas & absurdas esse constat, ad rem ipsam porrò considerandam progrediemur. Certum est redemptum esse genus humanum morte Christi, utpote precio sufficiente, imò redundante, & redemptum esse à peccatis poenisque peccatorum, quibus tenebatur obnoxium, nempe ab irâ divina & morte æternâ; atque adeo pro eis Deo, ne nobis intentare aut inferre velit, satisfactum. *Quum inimici essemus, reconciliati sumus Deo per mortem Filii ejus, Rom. v, 10. Ille animam suam pro nobis posuit, 1 Ioh. iii, 16. Ille venit, ut daret animam suam in dote pro multis, Matth. xx, 28; sive in salutem pro omnibus, 1 Tim. ii, 6. Atque adeo precio emi sumus, 1 Cor. vi, 20;*



& VII, 23: non quidem corruptilibus auro & argenteo, sed  
 pretioso sanguine utpote agni immaculati & incontaminati Chri-  
 sti, 1 Petri 1, 19. Vnde de eo Iohannes Baptista, Ecce  
 agnus Dei, qui tollit peccatum mundi Ioh. 1, 29. Ejus enim  
 corpus pro nobis in mortem est traditum, Luc. xxii, 19; &  
 sanguis effusus in remissionem peccatorum, Matth. xxvi, 28:  
 sive ad expiandum peccata populi, Hebr. 11, 17. Igitur in eo  
 habemus redemptionem per sanguinem ipsius, remissionem videli-  
 cet peccatorum, Eph. 1, 7. Sic nos redemit à maledictione le-  
 gis, Gal. 11, 13: cujus hæc est decretoria sententia, Ma-  
 ledictus omnis, qui non permanserit in omnibus, quæ scripta sunt in  
 libro legis, ut faciat e. l. Sic inter Deum & homines pax  
 per sanguinem crucis ejus facta est, Coloss. 1, 20. Si Deus in  
 Christo mundum reconciliat sibi, non imputando eis peccata ipso-  
 rum, 11 Cor. v, 19. Sic igitur homines, qui ad æternam  
 vitam capeffendam creati erant, cujus etiam intuitu di-  
 vinitus promulgabatur, Quo die comederis, omnia marie-  
 ra; nempe morte non solum temporali sed etiam æter-  
 nâ & æternæ vitæ oppositâ: quum, inquam, homines  
 ad æternam vitam & beatitudinem creati, tum per Ada-  
 mi peccatum & inobædientiam, tum per propriam ini-  
 quitatem illâ excidissent & exclusi essent; per Christi sa-  
 tisfactionem & justitiam restituuntur, & ad eam suo tem-  
 pore habendam denuò admittuntur. Nam si quum impii  
 essemus, reconciliati sumus Deo per mortem filij ejus, multo ma-  
 gis reconciliati servabimur per vitam ipsius, Rom v, 10. Nem-  
 pe inenarrabilem vim & efficaciam mortis Christi ma-  
 nifestavit reditus ejus in vitam & resurrectio. Demon-  
 stravit enim filius Dei potenter, per resurrectionem ex mortuis,  
 Rom. 1, 4. Quoniam itaque mors Christi inefficax fuis-  
 set, nisi excepisset eam resurrectio; & præterea humile  
 est mori, gloriosum autem resurgere; propterea quod  
 E 2 inter



inter effectus meritorum Christi maximè eminet, resurrectioni ejus tribuitur. Hinc sanctus Petrus 1 ep. 1, 3: *Deus & Pater domini nostri Jesu Christi ex multa sua misericordia regenuit nos in spem vitam per resurrectionem Jesu Christi ex mortuis.* Ibidem III, 21: *Baptismus nos servat per resurrectionem Jesu Christi.* Et sanctus Paulus Rom. IV, 25: *Traditus est in mortem propter delicta nostra, & resurrexit propter justificationem nostram.*

XXXVII. Sic itaque solutum est pro nobis λύτρον sive precium redemptionis, & abundè satisfactum justitiæ divinæ, ita tamen, ut partes quoque suas interponat obeatque misericordia & eximia φιλανθρωπία sive caritas, quâ Deus prosequi voluit homines lapsos & non dignatus est angelos lapsos. Nempe modum & rationem redimendi inivit, & quum secundum inviolabilem justitiam satisfactio sive precium, quod infinitæ dignitatis & valoris esset, exigeretur, idque de suo homines dependere non possent, totum Deus de suo obtulit, nempe unigenitum suum Filium, qui factus homo, ut ad homines, quæ præstabantur, referri, sive hominibus imputari & communicari possent, præstitit, quibus præstandis alias genus humanum prorsus impar erat. In numerum igitur hominum cooptato Dei Filio, jam ab homine, qui tamen non merus homo, sed simul Deus sit, præstatur, quod aliter præstari non potuisset: hocque ipsum & poena, quam pro alienis delictis Filius Dei exsolvit, habetur & imputatur, quasi delinquentes ipsi, qui tamen personæ sunt prorsus diversæ, præstitissent & exsolvisent. Sic itaque per misericordiam divinam temperatur & mitigatur justitia divina: quod nemini mortalium, nisi divinitus revelatum esset, in mentem venire potuisset. Nempe commendat suam caritatem Deus

erga



erga nos, quod quum adhuc essemus peccatores, Christus pro nobis mortuus est, Rom. v, 8. Ita enim Deus dilexit mundum, ut Filium suum unigenitum dederit, Ioh. iii, 16. Per hoc patefacta est caritas Dei in nos, quod Filium suum unigenitum misit in mundum, ut vivamus per eum. In hoc est caritas, non quod nos dilexerimus Deum, sed quod ipse dilexit nos, & misit Filium suum, ut esset propitiatio pro peccatis nostris, I Ioh. iv, 9 & 10. Ipse prior dilexit nos, ibidem, 19. Sic itaque per Dei misericordiam & gratiam sive gratuitam benevolentiam, tamquam causam primariam, via ad redemptionem generis humani est patefacta.

XXXIX. Hoc igitur ubi à Deo annunciatum est primis parentibus in summo pavore & desperatione constitutis, nec ullius remedii gnaris, verè fuit evangelium, sive bonum & latum nuncium, quo tandem recreati sunt, & angustiis erepti. Verba primi evangelii hæc sunt. Dixit Dominus Deus serpenti: Inimicitiam ponam inter te & mulierem, & inter sementium & inter semen ejus: ipsum conteret tibi caput, & tu conteres ei calcaneum, Gen. iii, 15. Vbi notandum, quum serpens infernalis sive diabolus junctus fuerit cum terreno, & primaria causa sermonis & discursus, qui cum Hevâ instituebatur, atque adeo quando loquutus scribitur serpens, intelligendum sit, ejus loquutionis satanam sive infernalem serpentem principalem fuisse causam, terrenum non nisi instrumentalem: quod pari modo verba, quæ Deus ad serpentem facit, utrumque concernant, & indicta poena utrumque tangat. Dæmon enim, qui in persuadendo peccato cum terreno serpente voluit jungi, & unam quasi personam moraliter constituere, cum eodem quoque in poenâ jungi debuit, ut verba, quibus irrogatur, non quidem a terreno serpente aliena sint,



intermisceantur tamen, quæ etiam dæmonem, principem mali causam, feriant. Qualia sunt, *semen mulieris*, id est, natus ex muliere virgine absque copulâ viri, *conteret caput tuum*, id est, opera tua, quibus ad perdendos homines unice intentus es & incumbis, dissolvat & destruat. Nam, ut loquitur sanctus Iohannes, *ad hoc manifestus factus est Filius Dei, ut dissolvat opera diaboli*, 1 Ep. 11, 8. Opera verò diaboli sunt, quod peccare fecit facitque homines, & per peccatum morti & damnationi obnoxios reddit. His operibus sibi placet, triumphat & perpetuo incumbit. At semen mulieris sive filius virginis *peccata nostra ipsemet sursum tulit in corpore suo super lignum*, 1 Petri 11, 24; est agnus ille Dei, qui tollit peccatum mundi, Ioh. 1, 29. Ille apparuit sive incarnatus prodiit, ut peccata nostra tolleretur, 1 Ioh. 11, 5. *Particeps factus est carnis & sanguinis*, id est, humanæ naturæ, quam adsumsit, ut per mortem aboleretur, *penes quem est mortis imperium*, hoc est, diabolum, Hebr. 11, 14. Dicitur autem penes diabolum esse imperium mortis, quia ei tamquam licitori à Deo commissum sive permissum est, ut illos, qui in morte captivi detinentur, affligat & torqueat. Sic igitur eripimur è potestate tenebrarum, sic destruuntur opera diaboli, sic conteritur caput serpentis; imò *satanas sub pedibus nostris*, Rom. xvi, 20. Sequitur apud Moysen: *Et tu conteres ei calcaneum*. Non tu quidem attinges caput, nec primarium finem, qui est, ut qui tamquam membra cum Servatore capite suo per fidem coherent, æternâ vitâ potiantur, evertes; insidiaberis tamen tum capiti tum membris, adversaberis, persecutiones excitabis, & quocumque poteris modo nocebis. Nolim negare, mysterium redemptionis nostræ pluribus & fortè manifestioribus verbis tunc expositum fuisse. Hæc verò sola Scripturæ credita sunt, nec alibi



alibi allegantur, quod succedentibus temporibus de se-  
mine mulieris sive Filio Virginis & Dei contrituro capite  
serpentis & opera diaboli destructuro clariora, quorum  
commodior usus, promulgarentur & scriberentur.

XXXIX. Porro constat divino huic de humanæ re-  
demptione promisso sive evangelio ab hominibus fidem  
habendam, sicut sanè quibuscumque etiam revelatio-  
nibus divinis; & præterea in eo fiduciam veniæ & salu-  
tis consequendæ collocandam fuisse. Nempe promissio  
divina, utpote citra omne dubium vera, ad sensum  
exigit: quatenus autem nostrum est bonum, fiduciam.  
Vero videlicet ad sentimur; in bono, quod præsens est,  
sicut promissiones evangelicæ dum annunciantur, præ-  
sentes hominibus sistuntur, confidimus; bonum, quod  
nondum adest, speramus. Ita avarus in opibus, quas  
præsentibus tenet, fiduciam ponit; quas non habet, spe-  
rat. Manifestum igitur est promissionibus divinis e-  
vangelicis ab eo, cui proponuntur, credendum esse &  
confidendum, sive præbendum esse ad sensum & fiduci-  
am; alioquin non profuturas, scilicet si neque veræ exi-  
stimentur, neque tales, in quibus nostrum bonum si-  
tum sit.

XL. Hominibus igitur post lapsum remissione  
peccatorum & salute potiri cupidis hæc conditio posita  
est, ut evangelio divinitus revelato & promulgato fi-  
dem habeant, id est, Christo promisso & venturo inni-  
tantur. Hinc sanctus Petrus Act. xv, 11: *Per gratiam dona-  
ment nostri Jesu Christi credimus nos servatum iri, quem admo-  
dum & antiqui Patres servati sunt.* Rectè igitur Augusti-  
nus epistola CLVII: *profecto quod scriptum est, Non esse aliud Act. 4, 12  
nomen sub celo, in quo oporteat salves fieri nos; ex illo tempore  
valet ad servandum genus humanum, ex quo in Adam vicia-*  
*lum*



rum est genus humanum. Et i de peccatorum meritis & remissione cap. xi: Regnum meritis sola in quolibet homine gratia destruit Salvatoris, quæ operatu est etiam in antiquis sanctis, quicumq; antequam in carne Christus veniret, ad eum tamen gratiam pertinebant. Et i contra duas epistolas Pelagianorum cap. xxi: Quamlibet fuisse virtutis antiquos prædices justos, non eos salvos fecit nisi fides Mediatoris, qui in remissionem peccatorum sanguinem fudit.

XLi. Quin fides in Christum Servatorem non faltem est qualiscumque conditio, sed suo modo à parte hominis necessaria aliqua causa. Quod enim ante lapsum præstitisset perfectæ legisve mandatorum divinatorum, tum naturali lumine cognitorum, tum peculiaris illius positivi de non comedendo fructu arboris scientiæ boni & mali observatio; id post lapsum præstat fides habita evangelio. Non quidem potest creatura à suo creatore ullo modo aliquid mereri, si vox merendi capiatur secundum iustitiam vel commutativam vel distributivam: etiamsi positâ promissione divinâ possit aliquid consequi; quo sensu, nempe ut mereri nihil aliud sit quàm consequi, scriptores deficiente latini sermonis puritate voculam frequenter usurparunt: habent tamen opera, præsertim in sensus incurrentia, uti laboris ita quoque meriti maiorem quamdam speciem, quàm fides, quæ nullum præ se fert laborem. Hinc videtur dicere sanctus Paulus Rom. iv, 4: Et, qui operatur merces nunc imputatur ex gratia, sed est ex debito. Non vult autem nos quidquam à Deo flagitare, tamquam nobis propter labores nostros iure debitum. Et Rom. xi, 6. Si per gratiam, non jam ex operibus; alioquin gratia jam non est gratia. Sin ex operibus, jam non est gratia; alioquin opus jam non est opus.

XLii.

XLII. Est igitur modus obtinendæ salutis post lapsum prorsus alius, quàm fuisset, si homines lapsi non essent; quo statu nec remissione peccatorum nec Redemptore, & proinde neque evangelio de ejus adventu, neque fide illi habendâ opus fuisset. Neque placuit Deo hominibus lapsis eas vires, quibus ante lapsum instruiti legem perfectissimè implere poterant, restituere. Viribus igitur amissis lex impotens reddita est ad salutem conferendam, quemadmodum indicatur Rom. ix, 3. At contra *Evangelium est potentia Dei, sive à Deo constitutum organum potens & efficax ad salutem omni credenti, Indæoprimum, tum etiam Græco. Iustitiarum Dei, quam scilicet nobis confert & imputat, per illud revelatur ex fide in fidem, ut totum negotium à parte nostrâ tamquam aliqua causa conficiat fides, sicut scriptum est, Iustus ex fide vivet, Rom. i, 16 & 17.* Opponuntur itaque Evangelium & Lex, Fides & opera legis sive juxta præscriptum legis facta. Quod de Evangelio & Fide affirmatur, hoc de Lege ejusque operibus negatur: nempe affirmatur de Evangelio, quod sit ex parte Dei offerentis, & de Fide, quod sit ex parte hominis apprehendentis, causa justificationis & salutis. Hoc Legi & Operibus adimitur. *Ex operibus legis nulla caro justificabitur in conspectu Dei. Absq; lege iustitia Dei manifesta facta est: iustitia, inquam, Dei per fidem Iesu Christi in omnes & super omnes qui credunt. Colligimus igitur fide justificari hominem absque operibus legis. Siquidem Deus unus est, qui justificabit circumcisionem sive circumcisos ex fide, & præputium sive præputiatos per fidem, Rom. iii, 20 21, 22, 28, 30. In eandem sententiam Gal. ii, 16: Sciētes non justificari hominem ex operibus legis, sed per fidem Iesu Christi; etiam nos in Christum Iesum credidimus, ut justificaremur ex fide Christi, & non ex operibus legis,*

F  
propie-



propterea quod non justificabitur ex operibus legis ulla caro. III, 7: Nostis eos, qui ex fide sunt, vel mediante fide justificari & servari cupiunt, esse filios Abrahami. At quotquot ex operibus legis sunt, sive salutem quarunt & exspectant, sub maledictione sunt. Nam nullum per legem iustum apud Deum manifestum est, quoniam iustus ex fide vivet, vers. 10 & 11. Conclufit Scriptura omnia sub peccatum, ut promissio sive promissa hereditas aeternae vitae ex fide Iesu Christi daretur credentibus, v. 22. Lex pedagogus noster fuit in Christum, ut ex fide iustificaremur, vers. 24. c. v. 4: Evacuati estis & separati a Christo, quicumque per legem iustificamini. Eph. II, 8 & 9. Gratia servati estis per fidem; non ex operibus.

XLIII. Hæc ob oculos ponere volumus, ut luceat discrimen inter pactum legale, quod ante lapsum fuit, & pactum evangelicum, quod post lapsum obtinet. Sicut enim perfecta legis observatio, si non intervenisset lapsus, fuisset à parte hominis medium consequendæ aeternæ beatitudinis; ita postquam lapsus est homo, medium consequendæ remissionis peccatorum & salutis est fides Evangelio habenda. Nempe perinde est, ac si Deus dixisset, Promitto vobis veniam peccatorum & aeternam vitam; (*hæc est promissio, quam ipse pollicitus est nobis, nempe aeterna vita, 1 Ioh. II, 25*) stipulor autem à vobis fidem evangelicis meis de mittendo in mundum Salvatore promissionibus habendam. Sicut igitur illud à conditione appositâ Legale, ita hoc merito dicitur Evangelicum pactum. Pactum autem inter Deum & hominem non potest esse pactum, quale inter pares, ut liberum sit homini conditionem positam acceptare vel repudiare. Aut enim acceptare & præstare oportet, aut perire. Obligatio igitur ad præstandum non pendet à consensu hominis acceptantis, sed à voluntate

luntate & imperio Dei imponentis. Deus tamen juxta  
 summam suam benignitatē & *φιλανθρωπίαν συγγενεῖς αἰεὶ*,  
 & ne videatur nobiscum rigidē agere, sed potius com-  
 iter & blandē, quod lex & mandatum appellari posset,  
 pactum appellat. Nihilominus quod est Exodi xxiv,  
 8, *Ecce sanguis fœderis, quod pepigit Dominus vobiscum*, ita ef-  
 fertur Hebr. ix, 20, *Hic est sanguis pacti, quod mandavit vo-  
 bis Deus*. Et i Ioh. iiii, 23: *Hoc est ejus mandatum, ut cre-  
 damus nomini Filii ejus Iesu Christi, & diligamus alii alios, sicut  
 dedit mandatum nobis*.

XI IV. Latus autem est usus vocabuli ברית, quod  
 latine solet reddi *fœdus, pactum*; etiamsi *pactum* aptius sit  
 ad significandum contractus privatorum, *fœdus* con-  
 ventionibus principum & populorum magis quadret.  
 Quaecumque igitur statuta, promissa, mandata Dei di-  
 cuntur pacta Dei, etiamsi nulla apponatur conditio, nec  
 ab alterâ parte accefferit acceptatio. Ita Achan, qui  
 contrâ, quàm Deus ordinaverat, nonnulla ex spoliis le-  
 richunticis acceperat & occultarat, *fœdus Domini transgres-  
 sus esse* scribitur Ios. vii, 11, 15. Imò memoratur pa-  
 ctum Dei cum die & nocte; quia videlicet non minus suo  
 tempore redeunt dies & nox, quàm si certissimum & fir-  
 missimum eâ de re initum esset pactum. *Sic dixit Domi-  
 nus, Si irritum facere potestis pactum meum de die, & pactum  
 meum de nocte, ut non sit dies & nox tempore suo; etiam pactum  
 meum irritum fiet cum David servo meo, ut non sit ei filius re-  
 gnans super thronum ejus*, Ierem, xxxiii, 20: & iterum  
 paucis interjectis; *Si non erit pactum meum cum die & nocte,  
 & statua cali & terra non posui, etiam semen Iacobi & Davi-  
 dis servus meus abiciam*. Hoseæ ii, 18 in hunc modum ha-  
 bent verba: *Teram eis, vel pro eis fœdus in die illa cum bestiis  
 agri, & cum volucribus caeli, & reptilibus terra, & arenam &*  
 gladi-



gladium & bellum conteram de terra & dormire eos faciam securè. Iesaiæ xxix, 15 memorantur qui dixerint, Se percussisse fœdus cum morte, & cum sepulcro fecisse pactum sive visionem, id est, venisse in colloquium, in quo conventum fuerit, se ab eo non iri absorptum. Sed hæc per figuram & sublime dicendi genus prolata esse manifestum est.

XLV. Caterum ut major esset apparentia pacti, voluit Deus aliquando, quos res concernebat, adesse, & conditiones à Deo promulgatas audire & acceptare. Sic factum, quum lex promulgaretur, Omnis populus videbant sive percipiebant tonitruum, & fulgura, & sonitum buccinae, & montem fumantem: & dixerunt Mosi, Loquere tu nobiscum & obsequemur; & ne loquatur nobiscum Deus, ne forte moriamur. Respondit autem Moses populo, Ne timeatis, quia ut tentaret vos, probaret seu innotescere faceret, quali sitis animo, venit Deus & ut sit timor ejus coram facie vestra, ne peccetis, deterriti videlicet horribilibus poenis, quibus inobedientiam & contumaciam vindicaturum esse Deum hinc potestis intelligere, Exodi xx, 18, 19, 20. Idipsum fœdus Moses morti vicinus repetebat sive renovabat Deut. xxix; unde nonnulla, ut res planior sit, ad-

Verf. 1.

Verf. 10.  
& seqq.

scribemus. Hæc sunt verba fœderis, quæ præcepit Dominus Mosi, ut pangeret cum filiis Israël in terra Moab, præter pactum, quod pepigit cum eis in Horeb. Et post aliquam multa: Vos statis hodie omnes coram Domino Deo vestro, primores vestri tribuum vestrarum, seniores vestri & moderatores vestri, omnes viri Israëlita; parvuli vestri, uxores vestre, & peregrini qui est in medio castrorum tuorum, à caesare lignorum tuorum usque ad haurientem aquas tuas: ut transeas in fœdus Domini Dei tui cum a iuratione ejus, sive junctis maledictionibus, quas Dominus se refractariis inogaturum sanctiæ attestatus est.

quod

*quod Dominus Deus tuus pargit tecum hodie: ut statuas tibi in  
 populum, & ipse sit tibi in Deum, quemadmodum dixit tibi, &  
 quemadmodum juramento promisit patribus tuis, Abrahamo,  
 Isaac & Jacobo, Neque vobiscum solum pargit hoc cum ad-  
 jurazione ista, sed cum eo, qui adstet hic nobiscum hodie coram  
 Domino Deo nostro, & cum eo qui non est hic nobiscum hodie: —  
 ne sis inter vos vir aut mulier aut tribus, cujus cor avertat se ho-  
 die à Domino Deo vestro, ut vadat ad colendum deos gentium.  
 Hæc hic sufficiant: cætera legi possunt in ipso Deutero-  
 nomio. Parifere modo Iosua morti vicinus divinum  
 fœdus populo proponit & inculcat. *Pepigit Iosua fœdus  
 cum populo ille illa, proposuitq; ei statuta & judicia sive condi-  
 tiones fœderis in Sichem, Jos. xxiv, 25. Cæterum quum  
 quæ præscripta erant fœdere isto per Moysen promulga-  
 to, valde labefactata & neglecta essent postremâ aetate  
 Salomonis, & sub regno filii ejus Rehabaami & nepotis  
 Abiam, pronepos ejus Asa, rex pius, fœdus illud quasi  
 renovavit, & congregati ab eo & cum eo Ierusalemum  
 subditi innaverunt fœdus de requirendo Domino Deo majorum  
 suorum, ex toto corde suo & ex toto animo suo; adeo, ut quisquis  
 non requisitus esset Dominum Deum Israelis morte afficiendus  
 esset, sive parvus sive magnus sive vir sive femina. Et juraverunt  
 Domino cum sono magno & clangore, tubisq; & buccinis, II  
 Chronic. xv, 12, 13, 14. Sic quum cæsa Athalia rex Ju-  
 dæ constitueretur Iosias operâ Ioiadæ sacerdotis, itidem  
 renovatum est fœdus. Nempe pepigit Ioiada fœdus inter  
 Dominum & regem ac populum, ut esset populus Domini, II Reg.  
 xi, 17. Postquam impius rex Achaz multiplici idolo-  
 latria Domini iram sexdecim annis, quibus regnaverat,  
 provocasset, filius & successor ejus Ezechias, *Nunc est,*  
*inquit, mihi in animo pangere fœdus cum Domino Deo Israelis,*  
*ut avertat à nobis astum ira sua, II Chron. xxix, 10. Iterum***



quum Iosias rex invento per Hilkiam sacerdotem in do-  
 mo Domini libro legis, animadvertisset, quantopere  
 ab ejus præscriptis discessum esset & provocata ira divi-  
 na, *adscendit in domum Domini, & omnes viri Jehuda omnesq;*  
*habitatores Ierusalem cum eo, & sacerdotes & prophete & uni-*  
*versus populus a minimo usque ad maximum, & legit in auribus*  
*eorum sive ipsis audientibus omnia verba libri fæderis, que*  
*inventus fuerat in domo Domini. Stetitq;* Rex *juxta columnam,*  
*& pepigit fædus coram Domino, se sequuturos Dominum, & ob-*  
*servaturos præcepta ejus & testimonia ejus ac statuta ejus ex toto*  
*corde & ex toto animo, ut suscitarent sive denuò in praxin*  
*irraducerent verba fæderis ejus, que scripta sunt in libro illo:*  
*& stetit sive consensit universus populus in fædere, 11 Reg.*  
*xxiij, 2 & 3. Iunge & confer 11 Chron. xxxiv, 29 &*  
*seqq. Sed de illo fædere, quod Mosaicum appellare li-*  
*cet, paullo pòst plura.*

XLVI. Præcipua & ad quæ animus, quomodo  
 se habeant, inprimis advertere nos oportet, sunt Legale,  
 juxta quod & conditiones ab eo positas temporariam &  
 perpetuam felicitatem adepti essent homines, nisi pec-  
 catum intervenisset; & Evangelicum, per quod & per  
 fidem, quæ evangelio divinitus annunciato habetur,  
 impetrant post lapsum homines peccatores peccatorum  
 & pœnarum remissionem, & non quidem terrenam sed  
 cœlestem beatitudinem. Dona & beneficia supernatu-  
 ralia, quæ amissa sunt, non restituuntur; nec redeunt  
 mortis & ægritudinum aliarumque calamitatum decli-  
 nandarum adminicula; sed naturæ molestiarum feraci  
 suus cursus permittitur: quin etiam aliquam partem im-  
 probitati humanæ. Dicit itaque Servator ipse: *Qui non*  
*accipit crucem suam, & ponè se sequitur, non est me dignus,*  
*Matth. x, 38. Item, Si quis vult ponè me venire, abneget se-*  
*met-*

metipsum, & tollit crucem suam, & sequatur me, Matth. xvi,  
24. Repetitur Marci ix, 34; Lucæ ix, 23; xiv, 27. Per  
multas tribulationes oportet nos ingredi in regnum Dei, Act.  
xiv, 22. Et omnes qui volunt pie vivere in Christo Iesu, perse-  
cutionem patientur, 11 Tim. iii, 12. Nulla igitur foederi  
evangelico, præsertim Novo, addita est terrenæ emi-  
nentiæ vel inviolabilis prosperitatis indubitato obti-  
nendæ promissio, sicut olim addita fuerat pacto legali  
Mosaico. Novimus tamen, iis qui diligunt Deum, omnia  
simul adiumento esse ad bonum, Rom. ix, 28: atque adeo glo-  
riamur de tribulationibus, Rom. v, 3. Et quamvis non ita  
ordinariam & inviolabilem, suam tamen aliquam promif-  
sionem vite præsentis habet pietas fidelium, 1 Tim. iv, 8.

XLVII. Sicut autem paullo antè dictis Apostoli-  
cis monstravimus, eam vim justificandi & salvandi, quæ  
fidei tribuitur, operibus legis adimi; sic etiam porro ma-  
nifestum est, nullum opus a lege naturali vel morali vel  
etiam ceremoniali præscriptum & injunctum ad efficien-  
dam justificationem & salutem concurrere. Esto, quòd  
adesse oporteat, non tamen aderit, tamquam causa quæ-  
dam positive efficiens & influxum in effectum impor-  
tans. At fidei id ipsum tribuunt loquutiones Aposto-  
licæ, non sane ut causæ primariæ, sed ut secundariæ cui-  
dam à parte hominis, sive instrumentali, ut ita post mise-  
ricordiam divinam Christi que incarnationem & meri-  
tum, tamquam primarias causas, sicut secundariæ & in-  
strumentales (quæ vox commodissima videtur) habeantur  
à parte Dei, Evangelium, quod is facit prædicari &  
annunciari à parte verò hominis fides, pro ut complecti-  
tur ad sensum & fiduciam innixam misericordie divinæ,  
& inde profectis promissis meritoque Christi; quæ citra  
revelationem per evangelium factam nobis planè essent  
inco-



incognita, & ad notitiam nostram numquam pervenissent. Et hoc est quod dicitur *Iustus ex fide vivere. Nos justificari ex fide, per fidem.*

XLII. Objicies fortè, quòd etiam dicimur *per multas tribulationes ingredi in regnum Dei*, Act. xiv, 22: jubemur esse *imitatores eorum, qui per fidem & patientiam heredes fiunt promissionum*, Heb. vi, 12. Respondeo voculam *PER* aliquando indicare causam, aliquando viam, quæ transcendenda sit, priusquam ad metam perveniatur: priore modo accipi, quum dicimur per fidem heredes fieri promissæ beatitudinis; posteriore, quum per tribulationes & patientiam. *Patientia enim nobis necessaria est, ut voluntatem Dei facientes reportemus promissionem*, Heb. x, 36. *Si toleramus, etiam cum eo regnabimus*, Hebr. ii, 12. Equidem nequeo venire ad vicinam urbem, nisi per viam, quæ eò ducit: efficienter tamen equi me eò trahunt vel vehunt, non via per quam itur. *Ier faciem* igitur idem est, quod *ex fide*; quæ loquutio non admittit parem equivocationem. Quoniam etiam diximus, proprium objectum fidei salvificæ esse, quæ non nisi ex revelatione evangelicâ innotescant; inde patet, etiam si lex naturaliter nota præcipiat, ut quibuscumque divinis effatis & promissionibus ad sensum praebeamus; quia tamen lex naturæ evangelicæ mysteria & promissa non pandit, ideo fidem propriè & directè ex lege naturæ non derivari, vel ab eâ pendere, sed imputandam esse Evangelio & revelationi per id factæ.

XLIX. Porro sicut ante lapsum ad præstandam perfectam universæ legis naturalis & positivæ observationem, qualis tunc exigebatur, non sufficiebant vires naturæ secundum se spectatæ & sibi relictæ, sed ut præstare possent, supra conditionem mere naturalem erectæ & doti-



dotibus naturam excedentibus instructæ erant; sic quoque post lapsum & sub statu pacti evangelici fides *Dei donum est*, Eph. 11, 8. *Donatur nobis in Christum credere* Phil. 1, 29. *Deus enim is est, qui efficit in nobis & velle & agere pro sua benevolentia*, Phil. 11, 13. Largitur itaque vires facultatibus naturæ excedentes, per quas in intellectu & voluntate, potentiis sanè naturalibus, sed ad hoc non potentibus, fides nascatur, alatur, conservetur. Largitur autem per evangelium sive cum ipso annunciato evangelio. Vnde dicitur *Evangelium potentia Dei*, Rom. 1, 16; sive potens & efficax Dei organum. Et *fides ex auditu est*, Rom. 10, 17. *Christus in lucem produxit vitam & incorruptibilitatem per Evangelium*, 11 Tim. 1, 10. *Renati sumus per verbum Dei* 1 Petri 1, 23. Dixit Angelus Cornelio centurioni: Petrus apostolus tibi edicturus est, per quem tu servaberis & tota domus tua, Act. 11, 14. Sic igitur Evangelium est à parte Dei organum, per quod efficitur salus hominum: & Evangelio conjunguntur sive unà cum annunciatum & audito evangelio & per illud suppeditantur dona & auxilia naturalibus viribus superiora, sine quibus fides haberi non potest, sive per quem Spiritus sanctus fidem in animis audientium operatur.

1. Non operatur autem potentiâ absolutâ, sic enim omnes audientes obtemperare & credere oporteret, nec Spiritui sancto resistere, vel operationem ejus per auditum incoatam interrompere aut excutere possent: sed permittit resistantiam. De Iudæis enim affirmat protomartyr Stephanus, quod sicut patres israhel, ita quod ipsi semper resstant & obstantur Spiritui sancto, Act. vii, 51. De iisdem Paulus & Barnabas: *Vobis necesse fuit primum exponi verbum Dei, postquam autem repellitis illud, & indignos vosipsum acernitis æterna vita, ecce convertimur ad gentes*, Act. xiii,



40. Repelli itaque potest verbum Dei sive Evangelium, & unâ cum eo executi conjuncta ad sensum & fiduciam eliciendi facultas & conatus; atque adeo resisti Spiritui sancto. Rem conabimur declarare exemplo. Facultas videndi inest oculo, non tamen directe intuendi culminantem ipso meridie solem, ejusque substantiam, vel circa eum sidera, quæ Medica vocant, contemplandi. Sic etiam intellectui inest facultas præbendi ad sensum vero, quod evidens est, aut ex principiis naturæ notis deduci potest; similiter collocandi fiduciam in bono, quod ad eum, quem diximus, modum innotuit: at non inest facultas ad sentiendi vero, vel fiduciam collocandi in bono, quod per Evangelium revelatur, quoniam superat caput ingenii humani, ex nullis principiis naturæ notis derivari potest, nec in se evidens est, & ne quidem quod revelatio, per quam innotescit, a Deo protecta sit, evidens est. Ponamus placere Deo, ut homines solem ad eum, quem diximus, modum inspiciant & contemplantur, faciatque huic finem in locis celebribus & passim notis exstare aquam, quâ si liniantur oculi, tum per eam operante Deo accipiant facultatem intuendi modo, quo diximus, solem. Multi quidem utuntur hac aqua: alii vero spernunt & adhibere nolunt: alii etiam si adhibuerint, oculos tamen obtegunt vel alio convertunt, atque ita facultatem, quâ per admirabilem illam aquam divinitus instrui cœperant, executiunt & amittunt. Aqua enim & per eam divina operatio facultatem quidem largiuntur, sed necessitatem non imponunt. Sic etiam facit Deus annunciari Evangelium, & per id auditum operatur fidem & salutem. Aliis audientibus & *fiduciam adferentibus in patientia*, alii audire negligunt & contem-  
p-  
p-  
p-



per credunt, & tempore tentationis recedunt; alii à sollicitudinibus & arduis ac velut praeiis vitae suffocantur, & fructum non perferunt, Lucæ 118, 13, 14, 25. Nempe Deus per annunciatum & auditum Evangelium facultatem quidem Evangelio obtemperandi & credendi impertit, sed necessitatem non imponit. Quum dicimus Deum donare & impertire facultatem & vires, Pelagianismum declinamus: quum addimus, per annunciatum & auditum Evangelium, Enthusiasmus repudiamus; denique quum adjicimus necessitatem non imponi, fatum vel absolutum divinum decretum negamus, & hominibus libertatem, quæ ipsis competit, conservamus. Annunciato videlicet Evangelio possunt credere; possunt etiam non credere. Quod possunt credere, Evangelio & Spiritui sancto per id operanti debetur: quod tamen etiam possunt non credere, inde est, quod Spiritus sanctus per absolutam suam potentiam, cui nemo resistere valeat, non operatur, sed ad ordinem quemdam & condiciones se demittit; & quod in homine connata pravitas adhuc residua, nec penitus sit eximita vel prorsus extincta. Hæc nobis sufficiant, nec arcana operationis divinæ, quæ per evangelium & fidem nos regenerat, nimis curiose scrutemur, vel accumulatis subtilitatibus involvamus. Deterret Servator ipse, quando dicit Nicodemo Ioh. 111, 8: *Ventus ubi vult spirat, & sonum ejus audis, sed nescis unde veniat, nescis determinatè locum, ex quo oriatur aut exhaletur, & quo vadat, sive ubi positurus sit & conquieturus: ita est, quis quoque gentis est ex Spiritu, sive renatus gratia & operatione Spiritus sancti, quod scilicet, quomodo ea in particulari per omnia sese habeant, hisq; vel illis opulentur præcisè sciri & pervideri nequeat, atque adeo exclamandum sit cum Apostolo Paulo: O profundis divi-*



*utrum sapientia tum cognitionis Dei! quam inestimabilia sunt  
eius iudicia, & eius via impera estigabiles! Rom. xi,*

I.I. Possit etiam hoc alicui in mentem venire dubium, num quia juxta perspicuam Scripturam negamus hominem justificari & salvari per legem, & ex operibus legis; propterea pariter negemus necessarium esse homini salutem consequuturo ullam operam observanda legi dare, atque adeo statuamus non esse necessarium homini, qui coram Deo justificatur, ut propositum habeat emendandi vitam, & servari eum posse, etiam si in peccatis divina lege vetitis pergat. Minimè verò. Id saltem negatur, observationem vel opera legis ita esse à parte nostra justificationis & salutis causam, sive apprehendendi eam instrumentum, quemadmodum est fides. Quum enim affirmamus *Solam fidem justificare & servare*, non est sensus, quòd à parte Dei non sit causa justificationis & salutis Divina misericordia, Incarnatio & mors Christi, Verbum & Sacramenta, quæque per ista peragitur Spiritus sancti operatio; neque est sensus, quòd à parte nostra non sit necessarium agnoscere peccata & iram Dei adversus peccata, aut de illis dolere, aut propositum habere ab illis in posterum abstinendi: sed hic est sensus, quòd sola fides à parte hominis ad justificationem & salutem tamquam causa vi aliqua efficiendi juxta divinum beneplacitum prædita concurrat, ita videlicet, ut posita & præsentē fide ponatur etiam & præsens sit justificatio & status salutis, sive jus, si in eo statu perseveretur, adeundi æternam salutem. Adhuc cætera omnia, si absit fides, non aderit justificatio & status is, quem diximus, salutis. Iudas proditor agnovit scelus suum, acerbè doluit, & in etiam propositum nunquam iterandi non defuit: sed quum fide defuit, perit. Sola igitur



igitur est fides, per quam in statum gratiæ homo recipitur.

LII. Interim non negamus, si res ipsas, ut in se sunt, consideremus, memorato statui propinquiorem esse qui relipiscere cœperit, peccata & adversus ea Dei iram agnoverit & doleat, quam in quem nihil eorum adhuc cadat. Cæterum in solam fidem id, quod diximus, competit. Affirmat Scriptura, quin ipse Servator aliquoties sanctè & disertè, quòd *quisquis credit in Filium, non pereat sed habeat vitam æternam*. Verum hoc esse non poterit, nisi aut fides sola rem conficiat, aut certè ei inseparabiliter jungatur, quod conficiat. At de fide adseritur, quòd *per fidem & ex fide* justificemur & salvemur: de nullà verò re alià: quin de operibus legis, fidei propterea in hoc negotio oppositis, disertè negatur, ut pridem ostendimus. Sola itaque fides ex divino beneplacito huc est evecta, ut hominem Deo reconciliet, & in statu gratiæ ac amicitia collocet, quemadmodum Abraham, quum credidisset, id ei imputatum est ad justitiam, & amicus Dei vocatus est, Iacobi 11, 23; Ies. xli, 8.

LIII. Quoniam itaque qui per fidem justificantur, in statum gratiæ & amicitia divina recipiuntur, ideo eos peccato operam dare vel servire vel secundum carnem vivere non oportet. *Nam si secundum carnem vixerint, moriuntur morte secundà vel æternà: sed si Spiritu actiones corporis aut carnis, ut Vulgata habet, mortificaverint, vivunt*, Rom. 118, 13. Nempe Spiritui sive gratiæ & operationi Spiritus sancti, quæ una cum evangelio & per evangelium confertur, id etiam acceptò est ferendum, quòd fideles possunt resistere peccato, ne dominetur ipsis, & ipsi ei serviant, atque adeo illa, ad quæ desideria carnis saepe impellunt, opere perficiant; sive, quòd eo-



dem recidit, hactenus mandata Dei servare possunt, ne eorum contumax & repugnante conscientia animoq; deliberato commissa violatio statum divinae gratiae & amicitiae evertat vel abrumpat. Ut autem ita post lapsum perfecte & exacte observetur lex, quemadmodum ante lapsum observari poterat, quandoquidem non placet Deo vel eandem obtinendae salutis rationem vel pristinas vires restaurare; id fieri non potest. Etiam si vero desideria carnis legi adversentur & proinde peccata sint; si tamen reprimuntur, si resistitur & consensus non accedit, è statu gratiae & amicitiae divinae non proturbant. *Nulla igitur nobis est condemnatio iis, qui sunt in Christo Iesu, qui non secundum carnem ambulant, sed secundum Spiritum, Rom. ix, 1.* Notandum, quod non dicat in iis nihil esse damnabile, sive quod damnationem inducere possit, si juxta rigorem legis & pactum legale procedatur; sed nihil esse condemnationis, sive quod actu condemnationem inducat. Id agnoscere tenentur fideles, & propterea à Salvatore jussi sunt quotidie orare: *Dimitte nobis debita nostra.* Si nulla essent debita, non jussisset ad eum modum orare. *Quis enim, ferat orantem, & non hominibus se ipsi. Denique venientem, qui labijs sibi dicit dimitti velle, & corde dicit, quae sibi dimittantur se debita non habere?* Ita concilii Milevitani sive Africani plenarii capitulum octavum, cui addi quoque potest septimum.

LIV. Superfluum tamen videtur operose & curiosè inquirere, qualia & quanta sint illa peccata, quae deliberato consensu non approbantur & opere non complentur; quandoquidem fidelem è statu suo non magis deiciunt, quàm si talia & tanta non essent. Verba sunt psalmici c. l. 13: *Sicut pater miseretur filiorum, misereatur Dominus timentium ipsam.* At pater liberis condonat, quae ex pue-



ex puerili ignorantia vel infirmitate committunt; non  
item, quæ meliorum gnari per refractariam contumaci-  
am. Vir bonus non colit amicitiam nec fœdus init cum  
eo, quem videt palam improbum esse, vel ex pro-  
fesso nequitie deditum. Si talem compenderit, amicitia  
& fœdus, quamvis contracta fuerint, dissolvuntur. Mul-  
to minus itaque Deus erit & perseverabit esse amicus &  
fœderatus ejus, qui probus esse nolit, opera carnis per-  
petret, & divina præcepta susque deque habeat. Id e-  
nim justitiæ & voluntati divine, quæ non potest non esse  
recta & sancta, adversatur. Præterea vera & justificans fi-  
des non potest concipi, oriri & perseverare in animo ho-  
minis, nisi per gratiam intrinsicè operantis & inhabi-  
tantis spiritus sancti. *Sed si spiritus ejus, qui insitavit Iesum  
ex mortuis, habitat in vobis; is qui exstavit Christum ex mortui-  
s, vivificabit etiam mortalia corpora vestra, ut vivant spiritu-  
aliter nec sint in peccatis mortua, per inhabitantem ipsius  
spiritum in vobis, Rom. 118, 11. Spiritum ne exstinguite; est  
Thessal. 5, 19.* Nempe per opera carnis spirituales incli-  
nationes & motus & operationes exstinguuntur, & Spi-  
ritus, à cuius inhabitantis sive intus agentis gratia pen-  
dent, ejicitur. Neque enim Spiritus, ut ante fuit dictum,  
absoluta sua potentia hic utitur, sed patitur sibi resisti,  
patitur se ejici. *Cupiditates carnis militant adversus animam,  
sive eo tendunt & tandem, si indulgeatur, erumpunt,  
ut animam e prosperitatis & salutis statu deturbent, 1  
Petri 2, 11.*

LV. *Ne regnato igitur, ait sanctus Paulus, peccatum in  
mortalibus vestro corpore (non dicit, Ne esto, sed Ne regnato:  
paulo post enim agnoscit habitare in se peccatum) ut an-* Rom. 7, 17.  
*scultetis ei in cupiditatibus corporis: neque sistite membra vestra* 20.  
*arma in justitia peccato, ut vestris membris perpetuetis in-*  
*justi-*



*justitiam, quo inclinat & invitat inhabitans peccatum; sed sistite vos Deo, ut ex mortuis vivos, tamquam tales, qui quum olim essetis mortui in peccatis, nunc Spiritu excitati novam vitam vivatis, & membra vestra arma justitie Deo. Peccatum enim vobis non dominabitur: non enim estis sub Lege sive pacto legali, sub quo quicumque hodie fuerit, ei peccatum dominatur & damnatio incumbit, scilicet sub Gratia sive gratuito pacto Evangelico, Rom. vi, 12, 13, 14. In eam sententiam Gal. v, 16 & seqq. Spiritu ambulate, & desideria carnis ne perficite; nec quaecumque volueritis, facite. Quod si Spiritu ducimini, si non instinctum carnalium desideriorum, sed motum ductumque Spiritus sequimini, non estis sub lege, sive sub pacto legali, juxta cujus rigorem quicumque sub eo sunt, damnationi succumbunt. Porro manifesta sunt opera carnis, quorum septemdecim enumerat, deque his & horum similibus pronunciat, eos, qui talia agunt, regni Dei non fore heredes: quod ipsum liquidissimam veritatem alicubi vocat Augustinus. Subjicit fructus Spiritus, & addit, Adversus ejusmodi non est Lex, nec eis damnationem intentat aut irrogat. Est autem adversus alios, qui ejusmodi non sunt, qui secundum Spiritum non ambulant, & desideria carnis perficiunt: adversus eos viget lex & pactum legale, sive juxta legis legalisque pacti rigorem cum eis agitur. Observandum enim sub alterutro pacto quemvis constitui mortalium; & sub legali quidem à prima usque sua origine & ortu, donec in evangelicum recipiatur, & conditiones, quas id recipiendis & receptis ponit, amplectatur. Quod si evangelicum deferat vel ab eo deficiat, relabitur sub legale & in statum damnationis. Et ex hætenus expositis naturam differentiamque pactorum Legalis, per quod damnationi homines subjiciuntur, & Evangelici, per quod ab eac-*

*De fide & oper. c. 18.*

ea eripiuntur & in statum salutis adferuntur, animadverti & intelligi posse speramus.

LVI. Evangelium, quod primitus promulgatum, quibus verbis à Mose sit propositum, pridem ostendimus. Nempe *Semen mulieris conteret sive concutiet caput serpentis*. Fide huic promisso habitâ, & in semen mulieris contritum caput serpentis, sive in Redemptorem venturum, & divina benignitate homines e potestate satanæ erepturum coniecta servati fuerunt, quotquot deinceps servati sunt. Hoc enim ipsum semen mulieris basis est & fundamentum pacti evangelici, cui id totum innititur; & absque quo iniri sine dubio non potuisset. Quamdiu nondum aderat, sed venturum expectabatur, appellatur Vetus pactum: ex quo autem exhibitum fuit, Novum.

LVII. Hoc ipsum semen, sive is, qui venturus promittebatur, futurus erat *Propheta, sicut Moyses*, Deut. xix, 18; Act. iiii, 22, & vii, 37: nempe ut quemadmodum Moyses inter Deum & populum, qui præsentiam Dei non ferret, suo interventu & operâ pactum sanciebat; sic quoque ille suo adventu & præsens, quæcumque ad placandum Deum & fœdus evangelicum perficiendum requirerentur, adimpleret, *præstantioris tamen pacti* *ἡ γυνὴ* & *μεσίτης, sponsor & mediator*, Hebr. vii, 22; ix, 6. Futurus erat Rex, *cujus tamen regnum non esset ex hoc mundo*, Ioh. xiix, 36, sive ad rationes & conditiones mundanorum regnorum comparatum. Futurus erat sacerdos, & quidem *in æternum* perseveraturus, absque ulla abrogatione vel successione, *secundum ordinem Melchisedec*, Psal. cx, 4, & non juxta ordinem Leviticum, ex quo plures facti sunt sacerdotes, quod mors prohiberet eos permanere: ut iste propterea quod in æternum manet, perpetuum habet sacerdotium.

H

um.



*am. Cui non est quotidie necesse, quemadmodum illis pontifici-*  
*bis, prius pro peccatis propriis victimas offerre, deinde pro pecca-*  
*tis populi. Hoc enim fecit semel, quum semetipsum obtulit,*  
*Hebr. vii, 23, 24, 27. Quoniam autem Prophetæ, Reges*  
*& Sacerdotes ungebantur, hinc huic venturo nomen*  
*Uncti collatum est. Ungetur sanctus sanctorum: usque ad*  
*משיח unctum sive Christum ducem: occidetur Masiach, un-*  
*ctus sive Christus, Dan. ix, 24, 25, 26. Chaldæi, ut & Syri,*  
*pronunciant משיח unde Messias. Andreas fratri suo*  
*Simoni: Invenimus Messiam, quod est, si interpreteris, Christus,*  
*Ioh. i, 42. Mulier Samaritana: Scio quod veniet Messias, qui*  
*dicitur Christus, Ioh. iv, 25. Observandum autem, ubi*  
*Scripturæ veteris pacti de venturo Redemptore, quamvis*  
*aliquando obscurius, loquitur, ibi Chaldaeos interpre-*  
*tes nomen Messiae exprimere. Sic quod est Gen xi 18, 19,*  
*Dumc veniat Silch; omnes tres Onkelos, Jonathan & Je-*  
*rosolymitanus prolato nomine Messiae exponunt.*  
*Quod est Num. xxiv, 17. Orietur stella ex Iacob, & surget*  
*sepctrum ex Israël, reddidit Onkelos, Consurget Rex de Ia-*  
*cob, & ungetur Messias de Israël; & occidet principes Moab, id*  
*est, idololatriam (Moabitæ enim insignes erant idolo-*  
*latræ) abolabit. Quod est Isai. lxi, 13, Ecce intelliget servus*  
*meus; exposuit Jonathan, servus meus Messias. Is ipse quod*  
*est Ieremia xxii, 1, Excitabo David germen iustum, reddit*  
*Excitabo Messiam; & quod est Michea v, 2, Ex te Betlehem*  
*prodebit dux; exponit, Ex te coram me prodibit Messias. Fide-*  
*libus etiam quibusvis & Christianis tribuitur unctio.*  
*Qui unxit nos, Deus est, ait sanctus Paulus, ii Cor. i, 21.*  
*Sanctus Iohannes i Ep. ii, 20: Vos unctionem habetis à San-*  
*cto illo profectam & nostis omnia, nempe ad salutem vobis*  
*necessaria. Christianos igitur unctos esse idem est quod*  
*divinitus instructos esse omnibus ad finem supernatu-*  
*ralem*

ralem, cui destinantur, consequendum necessariis auxiliis, donis & gratiis. Servator autem Dominus Iesus unctus est *ultra confertes suos*, Ps. xlv, 8; Hebr. i, 9. Huic enim *Deus non dat Spiritum ad mensuram*, Ioh. iii, 34. Quanto videlicet sublimior est finis Servatori propositus, nempe redemptio & salus totius generis humani, tanto quoque uberior & excellentior collata est unctio.

LIX. Quoniam autem tempore Novi pacti exhibitus fuit & in carne presentem se stitit & obtulit Messias, propterea peculiariter dicitur *mediator novi pacti*; etiam si eius *mers intercedat ad redemptionem illarum transgressionum, quae fuerant sub priore pacto*, Hebr. ix, 15; sive etiam si nemo sub priore vetere pacto servatus fuerit, nisi per meritum & mortem Messiae. Haec ipsa realis exhibitio & praesentia id quoque praestat, ut de Messia, qui hactenus figuris & typis adumbrabatur, & vaticiniis live oraculis prophetis praenunciabatur, omnia sint sub Novo pacto clariora & notiora & captui singulorum magis obvia & exposita, quam fuerant sub Vetere, cui alias proprium figuris & typis uti, & necessaria futura, quae per suam ipsorum conditionem minus manifesta quam praesentia, praedicere; imo cui res erat cum populo durae cervicis, incircumciso corde & auribus, atque adeo ad credenda, quae captum suum superarent, praesertim si multiplicarentur, minime apto.

LIX. Celebre est dictum Irenaei lib. iv, c. xliii: *Omnis prophetia priusquam habeat effectum, enigmata & ambiguitates sunt hominibus. Quum autem venerit tempus, & evenerit quod prophetatum est, tunc prophetiae habent liquidam & certam expositionem.* Produxerat prius rei confirmanda verba Danielis xii, 4; in hunc modum loquutus: *Atque sensus in Scriptura thesaurus est Christus, quoniam per typos &*



*parabola significabatur. — Consummatio est adventus Christi. Et propter hoc Danieli propheta dicebatur; Muni sermones & signa librum usque ad tempus consummationis, quoadusque discant multi, & adimpleatur cognitio. Vetus interpres ita vertit: Tu Daniel claudere (Munsterus reddit, tene in secreto) sermones, & signa librum usque ad tempus statutum sive determinatum rebus futuris: plurimi pertransibunt, & multiplex erit scientia, id est, multi percurrent & considerabunt sermones istos tuos propheticos, cum eventibus conferent, & quia respondere deprehendent, verum eorum sensum adsequentur, suamque cognitionem plurimum perficient. Sic paullo inferius vers. 9: Clausi sunt & obsignati hi sermones usque ad præsinitum tempus. Cap. IIx, 26 itidem occurrit phrasis de signandâ visione: Signa vel obsigna visionem, quia post multos dies erit. E contrario Apocal xxix, 10: Ne obsignes verba prophetie libri huius: tempus enim prope est. Obsignari itaque prophetiam vel visionem idem fuerit, quod eventum, qui per illas significatur, differri, nec adhuc propinquum esse. Quoniam autem res ejusmodi futura prophetico & sublimi dicendi genere describuntur, & per typos ac figuras proponuntur, hinc oritur obscuritas & difficultas intelligendi: quæ proinde etiam libro clauso vel obsignato indicatur. Et quoniam multa de venturo Messia in Scripturis Veteris testamenti ad eum modum se habent, propterea Irenæus, absconditum in Scripturis thesaurum esse Christum, & consummationem esse adventum Christi rectè pronunciat, ut paullo antè audivimus. Theodoretus in commentario ad locum Danielis, quem protulit Irenæus: τὰς ἡμετέρας πνεύματι & χάριτι μετὰ τὴν ἔσχατην ἡμῶν ἐπιφάνειαν ἀφελῶσαι τὰς σφραγίδας, σαφὴν τὰ ἀσαφὴ πεποίηκε τοῖς πιστεύουσι. Divini spiritus gratia, ablatis post adventum Servitoris nostri istis sigil-*

*signis sive obfignationibus, obscura credentibus perspicua fecit.*

LX. Accesserunt quidem de venturo Messia pristinis novæ & distinctiorem ejus notitiam suppeditantes revelationes, Scripturâ veteris pacti consignatæ, ut quod nasciturus ex posteritate Abrahami, Isaaci & Jacobi; ex tribu Judæ; ex domo & familiâ Davidis; ex virgine; quod ut ovis ad macerationem ducendus expositurus sit animam suam sive vitam suam in sacrificium pro delicto. Locus nativitatis determinatur Betlehem Micheæ v, 2: tempus adventus Hagg. ii, 2; in primis verò Dan. ix, ubi de septuaginta septimanis, quæ singulæ septem annos continent, agitur. Cæterum ista omnia si comparentur cum luce Novi pacti, quando in rem præsentem, ut sic dicam, ventum fuit, & cuncta, quæ huc facerent, exhibita, præstita, adimpleta & consummata sunt, umbra quedam futurorum videri possunt. Hinc sanctus Paulus Evangelium suum vocat *mysterium à temporibus æternis sive omnibus præteritis tacitum, nunc verò patefactum*, Rom. xvi, 25: non quod penitus tacitum fuerit, sed quod accessu tantæ lucis videri queat noviter patefactum. *Loquimur, inquit, sapientiam Dei latecentem in mysterio & absconditam, quam præfiguravit Deus in gloriam nostram*, I Cor. ii, 7: *mysterium absconditum à seculis in Deo*, Eph. iii, 9; Col. i, 26. *Gratiâ data nobis ante tempora seculorum nunc facta est manifesta per illustrem adventum servatoris nostri Iesu Christi*, I Tim. i, 9. Omnibus & consummatis, & factis manifestis, non est quod articulos fidei doctrinamque de Christo salutis nostræ necessariam secundum se, sive, ut ita dicam, substantiam suam augmentum porro capere posse existimemus. Ejus summam, quod credenda cuius ad salutem necessaria attinet, complectitur Symbolum A-

H 3

post-



postolicum, ita dictum, quod quæ Apostoli non tamquam futura more Mosaico & prophetico adumbrarunt, sed tamquam præstita & exhibita, & præterea quidquid fide, ut ab agendo distinguitur, amplecti Christianos oportet, clarè & perspicue omnes docuerunt, brevi compendio & connexu proponat. Hinc Symbolum dicitur Apostolicum, non Mosaicum aut Propheticum.

LXI. Cum hominibus ita agit Deus, ut eorum capui se accommodet sive condescendat. Verbis ad eos utitur, quia verba sunt ordinarium medium, quo in notitiam rerum deducantur. Addit etiam utpote cui negotium cum iis, qui sensibus sint præditi, nonnulla signa in sensus incurrentia, ut hi quoque ociosi non sint, & non solus intellectus, sed ipsi quoque habeant, circa quod occupentur. Voluit igitur in argumentum subjectionis & typum futurorum nonnullas res corporeas certo & sensibili ritu sibi offerri. Hinc ex peculiari mandato divino (nam tale quid faciendum esse ex lumine naturæ deduci non potest) *obtulit Cain de fructu terre munus Domino: & Abel quoque obtulit de primogenitis sive optimis & pinguiissimis gregis suæ, & de adipe eorum, Gen. iv, 3 & 4.* Mactavit igitur animalia vel oves ad cultum Deo præstandum; quod propriè est *קריבן* sive sacrificium, typus sine dubio & indicium sacrificii, quod oblaturus erat Messias.

LXII. Observandum id quoque est, quamvis primo evangelico pacto accesserint alia pacta, sive de aliis rebus, sive tamquam appendices & determinationes & illustrationes; primum tamen illud tamquam fundamentum semper præsupponi, & in vigore suo permanisse; ut etiam si per alia res aliæ sive promissiones, prosperi-

ſperitates & eminentiæ obtinerentur, per hoc tamen ſi-  
nicum remiſſio peccatorum & æterna ſalus haberetur.  
Circa tempus nati Enofi *tunc ceptum eſt vocari vel appel-  
lari in nomine Domini*, Gen. ix, 26. Tunc cœpit illa diſtin-  
ctio appellationum, ut pii & qui Deum timerent, dice-  
rentur Filii Dei; impii verò & qui Deum contemnerent,  
vocarentur Filii hominum. *Evēnit autem quum cœpiſſent  
homines multiplicari, ut videntes filii Dei filias hominum bonæ  
formæ eſſe, acciperent ſibi à quibuſvis uxores*, Gen. vi, 1. Hinc  
factum, ut omnis caro corruperit viam ſuam ſuper terram; &  
pœniteret Dominum quòd feciſſet hominem in terrâ. Erat ta-  
men Noah vir juſtus & integer in generationibus ſuis, ſive in-  
ter eos qui iſtis temporibus generati in terrâ degēbant,  
& cum Domino ambulabat. Huic itaque Dominus, quum  
reliquos univerſali diluvio perditurus eſſet, *ſratuam*, in-  
quit, *factum meum tecum, ut ingrediaris in arcam tu & filii  
tui, & uxor tua, uxoresq; filiorum tuorum*, nempe ut cæteris  
omnibus intereuntibus vos incolumes ſervemini, Gen.  
vi, 18. Finito diluvio promiſſionem de pari cataclyſmo  
numquam reducendo itidem pactum ſeu fœdus appel-  
lat Gen. ix, 9, 11, 13, 16: arcam autem cœleſtem ſeu irim,  
quam aliàs ex cauſis naturalibus oriri necelle erat, huic  
fini deputat, ut ſit *ſignum illius fœderis*, Gen. ix, 12, 13, 17.

LXIII. Cum Abrahamo aliquoties & ſolemniter  
fœdus inivit. Evangelium illud primarium reſtrinxit ad  
ipſum Abrahamum, ita videlicet, ut promittat in ſemine  
Abrahami benedicendas eſſe omnes gentes & familias  
terræ, ſive ex ſemine Abrahami proditurum Meſſiam,  
Gen. xxi, 1: xxi, 18; xxii, 18. Idem repetitur & confir-  
matur Iſahaco, Gen. xxvi, 4: & Iacobo, Gen. xxxi, 14.  
Adjunxit primario iſti pacto ſive promiſſo aliud ſecun-  
darium velut appendicem, de terra Cananâ poſteris  
Abra-



Abrahami immenso numero multiplicandis in possessionem & hereditatem tribuendâ, Gen. xii, 7; xiii, 15; xv, 5, 7, 18; xvii, 8; xxi, 17. *Dabo, inquit, tibi & semini tuo.* Sed hæc etiam promissio venturum Messiam præsupponebat & respiciebat. Vnde sanctus Paulus Gal. iii, 16: *Abraham dicta sunt promissiones & semini ejus. Non dicis, ET SEMINIBVS, ut de multis: sed ut de uno, ET SEMINI TVO; qui est Christus.* Vox seminis etiam si pro numero & multitudinem posterorum accipi sæpe solet, hîc tamen præcipuus respectus ad istum unum (de uno etiam capitur, quum dicitur, *Posuit mihi Deus semen aliud pro Abel, quem interfecit Cain*, Gen. iv, 25) propter quem omnia, & in quem omnia respiciunt, nempe Christum. Ei datur terra Canaan: quia propter eum, sive ut in illâ certo & constituto tempore is nasceretur, data fuit Abrahami posteris Israelitis possidenda. Præterea datur quoque Christo, quatenus est typus regni cœlestis, quia videlicet hoc non datur ulli, nisi propter Christum, iisque solis, qui sunt Christi & sub capite Christo unum corpus constituunt. Sic itaq; prisca & pristina de semine mulieris caput serpentis contrituro sive de venturo Messia Evangelica promissio præsupponitur, & Abrahamo confirmatur, dum ei promittitur, quod ex suâ ipsius, Abrahami inquâ, progenie & stirpe proditurus sit Messias, & quod Abrahami posteris mirum in modum multiplicandis tradenda sit possessio terræ Canaan, ut in eâ definito tempore nascatur, prædicet & opus redemptionis peragat idem Messias. Hoc ipsum pactum non meris verbis proponitur, sed additis etiam ritibus & ceremoniis, signo circumcisionis, & tandem juramento.

LXIV. Mos fuit priscorum è supremâ antiquitate derivatus, ut fœdera inituri pecudes mactarent, in par-  
tes

res fecarent, sibi similia si fallerent imprecari. Hinc apud Græcos ὄφρα τεύχων: apud Latinos fœdera icere, ferire, percutere. Sic Agamemnon apud Homerum fœdus cum Trojanis initurus ἄνδρ' ἀνδρῶν ἀπὸν τέμνε vulgè χαλκῷ - Iliad γ. κω, jugulos agnorum abscidit crudeli ferro. Apud Virgilium Romulus & Tatius — — inter se posita certamine reges Aeneid. 8.

*Armati, Jovis ante aras, paterasq; tenentes*

*Stabant, & casâ jungebant fœdera porcâ.*

Apud Livium Pater patratus Romanorum fœdus initurus cum Albanis, si populus, inquit, Romanus prior deficiat publico consilio, dolo malo, tu illo die Jupiter populum Romanum sic ferito, ut ego hunc porcum hodie feriam; tantoq; magis ferito, quanto magis potes polle. &c. Idubi dixit, porcum saxo silice percussit. Vetusissimus itaque mos cæsis animantibus fœdus sancire.

LXV. Deus cum Abrahamo, tunc Abramo adhuc, fœdus pangens huc usque se demisit, & in gratiam hominis condescendit, ut hujusmodi ritum aliquo modo adhiberet. Dixit ei: Intuere cælum, & numera stellas, si potes numerare eas: sic erit semen tuum, sic multiplicabitur, ut suo tempore ex eo prodeat semen mulieris sive virginis, in quo benedicentur omnes gentes terræ. Et credidit Abram Domino, sive toti isti divinae promissioni, tum quoad ea, quæ disertè proferbat, tum quæ supposebat & includebat; & imputatum est ei ad justitiam. Dixit autem Abram, non ex diffidentia vel dubitatione, sed ex maximâ fiduciâ benevolentia, quâ se à Deo affici intelligeret, Domine Deus, unde cognoscam, quod possidebo terram Canaan? Tunc Deus edixit ei, Sumens offer mibi vitulum triennem, & capram triennem, & arietem triennem, turturē mē, cum pullo columbarum. Abram itaque sumit & offerens ei omnia hæc, quam dissectisset illa per medium, posuit dimidiam cujus-

I  
que pat-



*que partem è regione sua alterius : uides uerò non dissecur. In-*  
*gruente uespera altus sopor occupavit Abramum, &*  
*dormienti revelatum est, quid suis posteris immineret.*  
*Fuit autem condito jam sole, quam ceræ non esset, & ecce fumum*  
*tem furnum, fumum densum & quasi ex furno ebulli-*  
*entem, & lampadem igneam transeuntem inter segmenta illa.*  
 Quod fuit symbolum & indicium peculiaris presentiae  
 divinae, & confirmationis promissorum ante factorum.  
*Hoc die pepigit Dominus cum Abramo fœdus dicendo, Semini tuo*  
*dedi terram hanc à flumine Aegypti usq, ad flumen illud magnum,*  
*flumen Euphratis, sive à vicinia Nili usque ad viciniam Eu-*  
*phratis. Hæc omnia Gen. xv. Ritus ineundi pacta cum*  
 Deo, sive contestandi, se divinis mandatis obtempera-  
 turos, nî fecerint, capita sua se devovere, idque ipsum  
 declarandi factio per dissectas pecudum partes transitus;  
 hic, inquam, ritus diu apud Israëlitas perseveravit, sicut  
 intelligitur ex Ieremia propheta, apud quem Dominus:  
*Tradam in manum hostium suorum homines istos, qui transgressi*  
*sunt fœdus meum, qui non præsiterunt verba fœderis quod pepi-*  
*gerunt coram me, quum transirent inter dimidiatas partes vi-*  
*tuli, quem dissecuerant in duo, Ierem. xxxiv, 7.*

LXVI. Priora ista memorantur à Mose Gen. xv, ut  
 diximus. Sequitur cap. xvii διαθήκη & ἑτοιμασίς, pactum  
 circumcisionis, sicut Stephanus appellat Aët. vii, 8: Vbi  
 etiam mutantur nomina, & ex Abram sive *pater excelsus*  
 fit Abraham, id est, *pater multitudinis*; & ex Sarai sive *do-*  
*mina mea* absolutè Sara, hoc est, *domina*, in eminentio-  
 ris dignitatis indicium. Dixit autem Dominus Abraha-  
 mo: *Statuam pactum meum inter me & te, & inter semen tuum*  
*post te in generationibus suis fœdere perpetuo, ut sim tibi in Deum*  
*& semini tuo post te.* Nempe priora pacta & promissa sup-  
 ponuntur, hisque additis magis magisque confirmantur.

*Daboq.*

Deoq; tibi & semini tuo post te terram peregrinationum tuam,  
 totam terram Canaan in possessionem perpetuam; eroq; Deus  
 eorum. Tu autem pactum meum custodieris, tu & sementium post  
 te in generationibus suis. Hoc est pactum meum, quod observabi-  
 tis inter me & vos & inter sementium post te, ut circumcidatur  
 in vobis omnis masculus. Et circumcideris carnem præputii ve-  
 stri (quoniam de propagatione per generationem agitur,  
 in organo generationi à natura destinato signum fœde-  
 ris poni videtur) eritq; signum pacti inter me & vos. Cir-  
 cumcisio itaque signum est pacti; & quando ipsa pactum  
 appellatur, per Metonomiam id fit. Omnis masculus octo  
 dies natus, ut tolerandæ circumcisioni par sit, circumcide-  
 tur vobis per generationes vestras; natus domi & emtus argento  
 à quocumq; alienigena, qui non est de semine tuo. Quicumque  
 itaque non esset circumcissus, non potuit esse domesticus  
 sive pars familiæ Abrahami vel Abrahamitarum. Incir-  
 cumcissus masculus, qui non circumciderit carnem præputii sui,  
 utiq; excidetur homo ille de populis suis, quia pactum meum  
 irritum fecit, (eadem phrasis Ierem. xxxi, 2; lezech. xlii, 7)  
 sive conditionem sibi positam non observavit & adim-  
 plevit. Quidquid enim à Deo mandatur, observandum  
 est ei, qui nolit poenas incurrere, & divinâ gratia exci-  
 dere.

L XIX. Sicut autem apud Moysen Circumcisio ab  
 ipso Deo dicitur signum pacti inter Deum & homines;  
 sic etiam sanctus Paulus affirmat Abrahamum, quum ei  
 præputiato imputata fuisset fides ad iustitiam, deinde  
 accepisse signum circumcisionis, sigillum iustitiæ fidei, sive quæ  
 per fidem recepta in præputio, ut esset pater omnium credenti-  
 um, tum præputiatorum, tum circumcisorum, Rom. iv, 11 & 12.  
 Nam quòd Abrahamo etiamnum præputiato imputata  
 fides ad iustitiam; inde deducit Apostolus, quòd circum-



cisio non sit causa iustitiæ, sive quod iustitia non sit effectus circumcisionis, atque adeo non obtingat per circumcissionem sed per fidem. Interim circumcisio divino mandato addita fuit sigillum iustitiæ per fidem in præputio receptæ: quia enim ab ipso Deo addebatur & peculiariter instituebatur, ideo non potuit non esse certum signum & quasi sigillum, quod iustitia ista, cui jungeretur, proba sit & firma, Deo quæ grata & accepta. Itidem quoniam Circumcisio à Deo instituta & præcepta fuit, ideo non potuit salvâ obœdientiâ, quæ Deo divinisque mandatis, etiam positivis, debetur, ab iis, quibus iuncta erat, negligi vel omitti, donec patet fieret Deo placere, ut abrupteretur & cessaret: quod denum republ. Israëlitiâ penitus & sine spe restitutionis eversâ patefactum est. Per hanc enim *παρολφεΐας* ceremonialia omnia & sacrificia, quæ hæcenus in usu fuerant, abolita sunt. *Aboluit sacrificium & minham*, Dan. ix, 27.

LXIX. Circumcisio in domum & familiam Abrahami invec̃ta latè propagata fuit. Quamvis enim de Isaaco peculiariter dixerit Dominus, *Fœdus meum constitutum cum Isaaco*, Gen. xvii 21; nempe fœdus, quod concernebat possessionem terræ Canaan posteris ejus conferendam, & in primis Christum ex ejus semine oriturum: item eodem sensu, *In Isaaco vocabitur tibi semen*, Gen. xxii, 12; semen videlicet illud, quod peculiariter obtinuit titulum populi ab Abrahamo oriundi, & hereditatem terræ Canaan; in primis verò quia ex eodem semine proditurus Christus, itidem singulariter dicendus *filius Abrahami*, Matth. i, 1: nihilominus circumciscus etiam, & quidem unâ cum Abrahamo, fuit Ismaël, tredecim tunc annos natus, Gen. xvi 1, 2; atque ita derivata circumcisio ad posteros Ismaëlis, qui generavit duodecim principes  
sive

five familiarum auctores & duces, Gen. xvii, 20; xxv, 13, 24, 25; 1 Chron. i, 20, 30, 31: atque adeo late propaga-  
 vit genus suum. Habitavit autem in deserto Pharan, & ac-  
 cepit ei mater sua uxorem è terrâ Aegypti, Gen. xxi, 21. Io-  
 sephus à fratribus venditus fuit Ismaelitibus in Aegyptum  
 descendantibus, Gen. xxxvii, 17; xxxix, 1: qui etiam  
 Midianitæ vocantur Gen. xxxvii, 28; ut amplius intelli-  
 gi potest ex Iud. i, 16, 24. Appellatur tamen unus quoque  
 e filiis Ceturæ Abrahamo natis *Midian*, quem unâ cum  
 quinque fratribus ex Ceturâ post Saræ obitum ductâ A-  
 braham genuit, Gen. xxv, 1; 1 Chron. i, 32. Quin etiam  
 Esavi ex Isaacogeniti satis luculenta posteritas, sicut vi-  
 dere est Gen. xxxvi. Is dictus Edom sive rufus, ab edu-  
 lio illo rufo, quo accepto suum primogeniti ius Iacobo  
 fratri vendidit, Gen. xxv, 30. Hinc Edomitæ, Edomæi  
 vel Idumæi, populus satis potens & numerosus. Quoni-  
 am igitur ex Abrahamo prodiit non solus Isaac, sed etiam  
 Ismael & sex filii è Ceturâ nati; & ex Isaac non solus Ia-  
 cob, sed etiam Esau vel Edom; atq; isti omnes in familiâ  
 paternâ circumcisi: inde omnino videtur factum, ut ad  
 complures gentes circumcisio derivaretur. Labet ex an-  
 tiquissimi Herodoti Euterpe seu historiæ libro secundo  
 adscribere, quæ de gentibus circumcidi solitis ille com-  
 memorat. Soli, inquit, omnium hominum Colchæ & Aegy-  
 ptii & Aethiopes ab initio statim pudenda circumcidunt. Nam  
 & Phænices & Syri qui sunt in Palestinâ (si fuerint Iudæi) didi-  
 cisse id ab Aegyptiis & ipsis consueverunt. Fallitur Herodotus;  
 & fefellerunt, qui id ei persuaferunt. Syri verò qui fluvium  
 Thermodontem & Parthenium accolunt, & horum con-  
 termini Macrones, à Colchis se nuper didicisse ajunt. Hi enim ex  
 hominibus soli sunt, qui circumciduntur: & in hoc faciendo agno-  
 scuntur Aegyptii esse. Aegyptii verò atque Archæi non  
 . 33 . quæ



quo dicere utri ab utris didicerint. Nam videtur esse perantiquum: Ita de circumcisione melioribus documentis destitutus Herodotus.

LXX. Epiphanius sub initum Panarii sui posteror Abrahami è sex Ceturæ filiis descendentes per Arabiam felicem dispersos fuisse existimat. Quod verum esse autumo; atque inde rationem patere, per quam ad Arabes pervenerit Circumcisio. Apud quos etiam hodie perseverat, ab impostore Muhammede, qui apud Arabiae populos prima suæ impietatis & imperii fundamenta jecit, recepta & approbata; quamvis ab ejus adsculis non saltem in octavum diem, sed in octavum usque annum hodie differatur. De suis temporibus Epiphanius hæresi xxx, num. xxx: *Et idolorum cultores & sacerdotes Aegyptii seipso circumcidunt. Quod & Saraceni, & Ismaelita, & Samaritani, Iudei, Idumæi & Homarita faciunt. Quorum id plerique non aliquâ lege, sed consuetudine quâdam citraræ, omnem suscipiunt.* Ambrosius epistolâ lxxvii: *Aegyptii impium judicant sacerdotem, qui nequaquam habeat circumcisionis insigne. Nam neque magici carminis sapientiam, nec astronomiam judicant vim suam obtinere sine circumcisionis signaculo. Et ideo ut impetrandi vim operationi adhibeant, purgationem quamdam vatum suorum circumcisionis arcano celebrandam existimant.* Idem libro ii de Abrahamo, cap. xi: *Aegyptii quartodecimo anno circumcidunt mares.* Hieronymus in ieremix, 25: *Multarum ex quadam parte gentium, & maxime quæ Iudææ Palestinæq; confines sunt, usque hodie populi circumciduntur, & præcipue Aegyptii, & Idumæi, Ammonitæ & Moabite, & omnis regio Saracenorum, quæ habitat in solitudine.* Quod autem idem sub initium libri octavi in lezechielem scribit, *Agareni nunc Saraceni appellantur, adsumentes sibi falso nomen Saræ, quò scilicet de ingenuâ & domina videantur.*

ur esse generati; nescio an vero sit consonum. In eamdem  
sententiam Sozomenus libro vi, cap. xxxix: *Veteres à  
progenitore Ismaëlitas appellabant. Verum ut spurii generis ma-  
culam & ignobilitatem Agar matris Ismaëlis, quæ serva fuit, pe-  
nitius obliterarent, se Saracenos, velut à Sarâ conjugè Abrahami  
progenitos nominarunt.* Nescio, inquam, an quod Hiero-  
nymus & Sozomenus pronunciant, vero sit consonum.  
Arabes nonnulli potius videntur dicti Saraceni, quod  
raptores & prædones essent, à סַרַק *sarac*, quod Arabibus  
raptus, prædatus est. Plinius Nabathæis finitimos constituit  
lib. vi cap. xxxix; Ptolemæus Scenitis lib. vi, cap. vii.  
Translatum postea vocabulum ad plures ejusdem origi-  
nis ex rapto vivere solitos. Ismaëlitas Hieronymi tem-  
pore Saracenos dictos esse ipse aliquoties testatur, ut in  
Ierem. ii, 10, & xxv, 23. Edomæis, Ismaëlitis & Moabi-  
tis junguntur *Agareni* Psalmo xciii, 7: quos à Rube-  
nitis tempore Saulis oppugnatos & caesos esse memora-  
tur i Chron. v, 20. An ab Agar illi descenderint, certò  
affirmari non potest. Si descenderunt, prodierunt alio  
generis auctore, cui videlicet Agar post discessum ab A-  
brahama nupserit: alias enim non distinguerentur ab  
Ismaëlitis. Sed de altero Agaræ connubio, quod nec  
legitimum esse potuisset, nihil planè constat. Libro  
lxix Dionis Cassii in excerptis à Xiphilino legimus de  
*Agareni* gente Arabicâ, *quorum civitas, inquit, nec magnâ  
est nec dives, sine dubio Agara dicta; & finitima regio magnâ  
ex parte est deserta, quod in ea aqua raro inveniantur, atque ille  
parum salubres, quodque in ea ligni pabuliq; magna sit penuria, ex  
quo fit, ut ibi magna hominum multitudo diu esse non possit, tum  
vero ardentissimis caloribus, quibus exposita est defendaatur. Ita-  
que eam neque Trajanus neque postea Severus cepit, quum tamen  
partem aliquam muri diruerint.* Num ad Agaram Abraha-  
mi A-



mi Agarena hæc gens & urbs referri possint, dispiciendum relinquo.

LXXI. Ut id etiam obiter annotemus, sicut circumcisio apud nonnullas versus austrum & orientem gentes in precium fuit, ita apud Romanos exosa fuisse & ludibrio: unde Iudeos eosque qui circumcisi essent, per contemptum *verpos* & *recutitos* appellarunt. Quin prohibitum aliquando alias gentes circumcidi, & solis tantum Iudeis id permissum. De Samaritanis locus est *apud* Origenem libro secundo contra Celsum: *Dicit aliquis, etiam Samaritanos persecutionem pati propter suam religionem. Ei respondebimus, Sicarios (sicariis itaque pares habebantur, qui circumciderent) propter circumcisionem occidi, quod se ipsos mutilent contra præscripta legum, quæ solis Iudeis id permittunt: nec unquam auditum, quod iudex sicario sue religionis reo fecerit optionem, malitne mutatâ religione absolvere (quomodo scilicet cum Christianis agi consuevit) an occidi perstans in eâ: sed satis est ad ejus supplicium ostensa circumcisio. Si Spartiano credimus, moverunt sub Hadriano Cæsare Iudei bellum, quod vetabantur mutilare genitalia: quod bellum cum exitum habuit, ut unâ cum Barchocabo innumeri Iudei occumberent, & Ierosolyma in AEliam commutaretur. Rigorem tamen moderatus est Hadriani successor Antoninus Pius, de quo Modestinus Iuriconsultus, productus lege xi Dig. ad legem Corneliam de sicariis & veneficis: Circumcidere Iudeis filios suos tantum rescripto Divi Pii permittitur: in non ejusdem religionis qui hoc fecerit, castrantis pœna irrogatur. Ad eandem legem Corneliam Iulius Paulus Sententiarum receptarum libro v, tit. xxiii: Cives Romani, qui se Iudaico ritu vel servos suos circumcidi patiuntur, bonis ademptis in insulam perpetuè relegantur: medici capite puniuntur. Iudei si aliene nationis comparantur ser-*

ros servos circumciderint, aut deportantur aut capite puniuntur.  
Et hæc in occasione obiter de circumcisione annotasse  
sufficiat.

LXXII. Tandem subsequutum est juramentum,  
quum non saltem Abrahamus *contra seipsum subisse credidisset*, Rom. 4, 1.  
13, 9, 21.  
quod ex ipso proditurus numerosus & potens populus,  
imò proditurus, in quo benedicenda omnes gentes or-  
bis terrarum; ac minime infirmus fide non considerasset suum  
ipsius corpus jam emortuum, nec emortuum uterum Sara, plenè  
per suum habens Deum quod promiserat posse etiam efficere: sed  
præterea iussus à Deo sacrificare ipsum illum filium, de  
quo promissum erat, *In Isacco vocabitur tibi semen*, demon-  
strasset se promptum parere, *ratiocinatus Deum potentia pre-* Hebr. 11, 17.  
*dictum esse etiam suscitandi ex mortuis*, atque adeo quocum-  
que modo, quamquam hominibus ignoto, promissa sua  
adimplendi: quum ita, sicut jam diximus, se gessisset A-  
braham, *nec posset Deus per quemquam majorem jurare*, *jur-* Hebr. 6, 13.  
*avit per seipsum*, ac dixit, *Per meipsum juro, quandoquidem se-*  
*cissem hanc, & non subtraxisti filium tuum, unicuique me*  
*prolixè benedicturum tibi, & cumulatissimè multiplicaturum se-*  
*men tuum, sicut stellas cæli & sicut arenam quæ est in litore ma-*  
*ris, possessorumque semen tuum partas inimicorum suorum, & be-*  
*nedicte æfore in semine tuo omnes gentes terre*, Gen. xxi 1, 16,  
17, 18. In Hebræo est *הרבירו* Benedicent & beabunt se,  
id est, benedictas & beatas se profitebuntur, sive in se-  
mine tuo vel per semen tuum benedictionem & beatitu-  
dinem sibi collatam, seque consequutas esse agnoscent  
& prædicabunt omnes gentes terræ.

LXXIII. Atque ita se habet pactum Abrahami-  
cum, promissionem de Messia sive semine benedicto sup-  
ponens & involvens, atque adeo, quoad potissima, E-  
vangelicum: confirmatum tamen per *τοῦ αἰῶνος*, per si-  
gillum

K



gillum circumcisionis & tandem per divinum juramentum, sicut ostensum fuit. Abrahamico post cccxxx annos, ex quo peregrinari coeperat Abraham, accessit Mo-  
saticum, promulgatum & sancitum postquam populus  
Israheliticus ex Aegypto & dura servitute gloriose & mi-  
raculose erat eductus: priore Abrahamico sive Evange-  
lico nihilominus, uti fuerat, perseverante, suæque vir-  
tutis & vigoris compote: nam, ut docet sanctus Paulus,  
*pautionem antè confirmatam a Deo, respicientem in Christum,  
Lex quæ post annos quadringentos & triginta capit, non rediit  
irritam, ut aboleat promissionem, Gal. III, 17.*

LXXIV. Quum esset populus Israheliticus mirum  
in modum duræ cervicis, & ad idololatriam vehemen-  
ter pronus, nec non ad amplectendos profanos cultus &  
ritus proclivis; ut ad obædientiam per præmia in sensus  
incurrentia, quibus utpote carnalis præcipuè moveba-  
tur, invitaretur, ab idololatria & criminibus contra le-  
gem naturæ & moralem committendis per pœnas horri-  
biles, itidem sensibiles, deterreretur, & constitueretur  
respublica, in quâ suo tempore nasceretur Messias; quin  
etiam ut haberet populus, quibus interea occuparetur,  
& occupatus ad profana sacra non delaberetur: propte-  
rea voluit Deus legem moralem, satis aliàs notam, è  
monte Sinai, magnâ & conspicuâ solennitate proponi,  
addidit quæ leges positivas tum politicas tum ceremoni-  
ales sive ad sacra facientes, promissum Messiam potissi-  
mum respicientes & præfigurantes. Ita parario & medi-  
atore Moise prioribus pactis, quæ interim, ut diximus,  
præsupponuntur, & sine immutatione vel revocatione  
perseverant, accessit pactum de prosperitate & clementia  
externâ & temporariâ conferendâ sub conditione ob-  
sequii morali legi, ne per improbitatem & contumaci-  
am vi-

cim violetur, præstandi, & observationis cæterarum quoque positivarum legum; & contra de pœnâ multiplici & atroce secus facientibus irrogandâ, ut vel ita ad debitam oboedientiam refractarius populus adigeretur.

LXXV. Hactenus patriarcha Iacobus magnis adversitatibus, (*pauca & mala fuerunt dies annorum vite mee*, ait ipse) ejusque posterî in Aegypto calamitatibus & duræ servituti obnoxii fuerant, nec mundanam prosperitatem jactitare poterant. Hinc Moyses Deut. v, 2: *Dominus Deus noster pepigit nobiscum fœdus in Horeb. Non cum patribus nostris pepigit Dominus fœdus istud, sed nobiscum, qui sumus hodie universi viri.* Inter alia verò plurima imprimis notanda sunt, quæ habentur Deut. xxix: *Erit si fideliter auscultaveris voci Domini Dei tui cum observantia faciendo omnia præcepta ejus, quæ ego, inquit Moyses, præcipio tibi hodie, ut disponat te Dominus Deus tuus sublimem supra omnes gentes terra: & obvenientes tibi omnes benedictiones istæ adsequantur te, quum auscultabis voci Domini Dei tui. Benedictus eris in civitate & benedictus eris ruri &c. Statuetq; te Dominus in caput, non autem in caudam, ut sis tantummodo superior & non inferior, quum auscultabis præceptis Domini Dei tui, quæ ego præcipio tibi hodie, ut observes & facias. Sed eris si non auscultaveris voci Domini Dei tui, cum observantia faciendo omnia præcepta ejus & statuta ejus, quæ ego præcipio tibi hodie; ut obvenientes tibi omnes maledictiones istæ adsequantur te. Maledictus eris in civitate & maledictus eris ruri &c.* Subjiciuntur maledictiones & intentantur pœnæ adeo horribiles, ut non possint non audienti & consideranti ingentem terrorem incutere. Sic videlicet ad obsequium induendus erat populus durus & contumax. David itaque quum dicit, *Puer fui, etiam senui, sed non vidi justum derelictum, & semen ejus querere panem*; juxta suam experien-

Gen. 49. 7.

Psal. 37. 25.



tiam & rationem temporis, quo vigeant promissiones  
pacti Mosaici (vide Deut. xv, 6) loquitur.

LXXVI. Huc quoque faciebat, quod in præva-  
ricantes è vestigio severè admodum a Deo saepe fuit ani-  
madversum. Sic quum filii *Aaronis Nadab & Abihu ob-*  
*tulissent coram Domino ignem alienum, nempe co litus non*  
*demissum, nec sumtum ab altari, in quo is nutriebatur,*  
*quod non praeceperat eis; egressus ignis a facie Domini exanimavit*  
*eos, mortuiq. sunt coram Domino, Levit. x, 1 & 2.* Quum  
populus aliquando querulus esset & murmuraret, exarde-  
scebant in eos ignis Domini, & consumpsi extrema castrorum, sive  
eos qui erant in extremis castris, Num. xi, 1. Quum im-  
potenter carnes desiderarent, ventus profectus à Domino ab-  
ripuit coturnices à mari, & dissevit ad castra, quasi itinere unius  
diei hinc, & quasi itinere unius diei illinc circa castra; idq. ad duos  
cubitos in superficie terrae. Earum careerat adhuc inter dentes  
illorum, nondum exesa erat, quum ira Domini accensa est in po-  
pulum, & percussit Dominus populum plagà magnà valde, Num.  
xi, 31 & seqq. Exploratores qui à Mose emissi ad explo-  
randam terram promissam, quum reversi ad murmurandum  
incitassent populum, inducendofamam malam de terra illà, mor-  
tui sunt plagà coram Domino, Num. xiv, 36, 37. Quum Co-  
rah, Dathan & Abiram seditionem movissent contra  
Mosen & Aharonem, aperiens terra os suum absorpsit eos, &  
domos eorum. Ita descenderunt illi cum omnibus, quae ipsorum  
erant, viri in infernum sive sepulcrum, ante sepulcrum quàm  
mortui, ut loquitur Optatus Milevitanus: & operiente eis  
Lib. 1. terra perierunt è medio congregationis. Præterea ignis egressus  
à Domino absorpsit ducentos quinquaginta viros, qui seditiosis  
adstipulati sine mandato offerebant suffitum. Quum po-  
stidie murmuraret totus cæus Israelitarum contra Mosen &  
Aharonem, dicendo, Vos morte affecistis populum Domini; exi-  
vit

et irascentis ira à facie Domini. Et incepit plaga in populo, quæ  
perierunt quaterdecies mille septingenti. Hæc omnia prolixè  
Num. xvi. Quum iterum murmurarent, pertæsi Man-  
næ, quam non verebantur panem vilissimum appellare,  
immisit Dominus serpentes ignitos, qui mordere populum, &  
ad morsus ignem & intentissimum calorem veneno suo  
inferrent: ita moriebatur populus multus ex Israele. Num.  
xxi, 6. Quum cepisset populus scortari cum filiabus Mo-  
abitum, earumque illecebris induci ad cultum idoli  
Pehoris, immisâ divinitus plagâ mortui sunt vicies quater  
mille. Num. xxv, 9.

LXXVII. Eodem, nempe ad populum instabi-  
lis & refractarii ingenii in officio continendum, facie-  
bant severa supplicia delinquentibus citra omnem in-  
dulgentiam irrogata. Expressit filius Israelitidis, qui erat fi-  
lius viri Aegyptii, nomen Domini, & maledixit alteri, cum  
quo rixabatur, in hunc forte sensum, DOMINVS te per-  
dat. Is iussus est lapidari, Levit. xxiv, 14. Pariter qui ligna  
collegerat die sabbati, lapidibus obruitur, Num. xv, 32.  
Faciebant eodem severissima mandata, quale Deut. xiii, 6:  
Et clam incitet te frater tuus filius matris tue, aut filius tuus, aut filia  
tua, aut uxor sinus tui sive tibi carissima, aut amicus tuus, qui est  
sicut anima tua, quem amas ut temetipsum, dicendo, Eamus &  
colamus deos alienos: ne acquiescis illi neque auscultato illi; neque par-  
ticipas oculis illi, neque clementiâ utitur, neque celato illum: sed  
omnino occidito illum: manus tua primum esto contra illum, ut  
morte afficiat illum; postea verò manus totius populi. Eodem  
facit pœna capitis, quæ contumacibus & nolentibus sen-  
tentia sive Pontificis sive Iudicis acquiescere, indicitur,  
Deut. xvii, & seqq. Si difficilis & ambigua fuerit res apud te in  
iudicio ferendo inter sanguinem & sanguinem, num quis cædis re-  
us sit vel innocens, inter causam & causam, quum de pecu-



niā vel simili negotio aut contrāctū litigatur, & inter pla-  
 gam & plagā, si venum aliquis lepræ sit obnoxius vel mun-  
 dus, controversiis intra portas tuas exortis: tunc adibus sacerdo-  
 tes Levitas & iudicem, qui fuerit in diebus illis, & quæres, & in-  
 dicabunt tibi verbum iudicii: & facies juxta verbum, quod indi-  
 caverint tibi è loco illo, quem elegerit Dominus, & observabis ut  
 facias secundum omnia, quæ docuerint te. Vir autem qui fecerit  
 per superbiam, arrogantiam, pervicaciam, ut non obæat  
 Sacerdoti, qui steterit ut ministret illic coram Domino Deo tuo,  
 aut iudici, morietur vir ille, & auferes malum, id est, exem-  
 plum contumacis inobædientia, ne id alii imitentur, fa-  
 ctiones oriantur & pax publica turbetur, ex Israele. Ac-  
 quiescendum igitur erat sententiæ, à quā ad superiorem  
 non daretur provocatio, siue Pontificis siue iudicis, quo-  
 ad obsequium in præstando & parendo. Liranus in hunc  
 locum: *Hic dicit Glossa Hebraica R. Bechai; Si dixerit tibi,*  
*quod dextera sit sinistra, vel sinistra dextera, talis sententia est*  
*tenenda. Quod patet, ait Liranus, manifestè falsum esse:*  
*quia sententia nullius hominis, cujuscumq; sit auctoritatis, est te-*  
*nenda, si contineat manifestè falsitatem vel errorem. Lirani*  
*verba repetit Dionysius Carthusianus, & probat, sic Glossa.*  
*inquit, illa Hebraica dicere velit, quod talis sententia sit tenen-*  
*da ita, ut ei mente consentiatur tamquam vera & iusta. Si au-*  
*tem vult dicere, quod est tenenda ita, quod pœna aut damnatio*  
*sententiæ siue per sententiam irrogatum debeat patienter*  
*tolerari ab innocentia, qui non potest ad altiorem iudicem in hoc*  
*mundo habere recursum, sic potest salvari Glossa illa, vel ut*  
*veritati consona admitti. Pœnam itaque mortis, quæ*  
*in tali casu obsequium detrectanti & refractario inferri*  
*jubetur, ad severitatem disciplinæ istis temporibus con-*  
*gruam referri oportet. Abulensis in hoc Deuteronomij*  
*capitulū, quæst. iv: Quadam Glossa Hebraica dicit, quia si*  
*dixe-*

dixerit iudex ille, quod manus dextera est sinistra, vel similis, quod etiam redendum est sibi, & tenenda sententia. Sed valde deficiunt in hoc, quia nulli homini contra perse notam veritatem dicenti credendum est. Cæterum, ut diximus, ad obsequium non tam iudicio mentis, quàm factò & opere præstandum referri oportet.

LXXIIX. Exstant sanè rigide severitatis vel divino iussu adversus gentes bello subactas exercitæ, vel etiam ab ipso Deo, dum fœdus Mosaicum obtinuit, interrogata exempla. Quum arcam fœderis à Philistæis reducem Bethsemitæ, sublato fortè per curiositatem velo, quo cooperta erat, inspexissent, percussit Dominus e populo septuaginta viros & quinquaginta milia virorum: luxur, populus, quod percussisset Dominus populum plaga magna, I Sam. vi. 19. Rursus quum auspiciis & ductu Davidis e domo Abinadabi eadem arca novo platistro imposita deduceretur, & boves lascivirent sive calcitrarent, veritus Vzza (vulgato Oza) filius Abinadabi ne eam exciterent, extendit manum suam & tenuit eam: propterea accensus ira Dominus in Vzzam, percussit ibi eum Deus propter temeritatem vel imprudentiam, mortuusq; est ibi iuxta arcam Dei, II Sam. vi. 6; I Chron. xiii. 9. Elifæus prope Bethlechem pueris parvis ex urbe egressis, qui ei illuderent, maledixit in nomine Domini, & exeuntes duo arsi e silva discerperunt ex eis quadraginta duo pueros, II Reg. 11. 24. Rex Iudæ Vzzija, (vulgato Ozias) qui posteriore Regum Azarias appellatur, quum ingressus in templum Domini sibi arrogaret adolere super altare suffitus, prohiberet autem Azarias sacerdos primarius una cum reliquis sacerdotibus, & ille perterritus, exorta est lepra in fronte ejus coram sacerdotibus in domo Domini apud altare suffitus. Itaque compulsus est egredi, quia plaga afflicta erat eum Dominus. Sic fuit Vzzija Rex leprosus usque



*usque ad diem mortis suae, habitavitq; in domo libera sive separata & à commercio hominum remotâ (leprosus solus habitato, extracastra habitatio ejus esto, Levit. xiii, 46) leprosus, quia abscessus sive exclusus erat à domo Domini, 11 Chron. xxvi, 16 & seqq. 11 Reg. xv, 1. Quum Achazias rex Samariae ad Eliam mitteret tribunum quinquaginta militibus praefectum, & is Eliae diceret, Vir Dei, Rex praecipit ut descendas; respondit Elias, Si vir Dei ego sum, descendat ignis à caelo, & consumat te atque quinquaginta tuos. Tum descendit ignis à caelo, & consumpsit eum & quinquaginta ejus. Alter cum totidem ab eodem rege submissus, & id ipsum repetens, similiter cum suis periit, 11 Reg. i, 9 & seqq. Quum Christum Dominum Samaritani vico quodam suo prohiberent, quod facies ejus esset proficiens Jerosolymam; Apostoli Iacobus & Iohannes imitari voluerunt factum Eliae, dixeruntque, Domine, vis dicamus ut ignis descendat à caelo, & consumat eos, ut etiam Elias fecit. Sed conversus Jesus obiurgavit eos, dicens, Nescitis cuius spiritum vocatis. Filius enim hominis non venit, ut perderet animas hominum, sed ut servaret, Lucae ix, 55 & seqq. Nempe ratio & procedendi modus pacti Evangelici novi, quod coepit, ex quo praesentem se sitit Messias, prorsus diversus est ab eo, qui quamdiu Mosaicum vigeret, obtinuit.*

LXXIX. Quoniam autem pactum Mosaicum, quod Evangelico de semine venturo & ex stirpe Abrahami prodituro accessit, peculiariter cum Israëlitis initum fuit, & quamvis priora pacta supponat & nihil eorum deterat, secundum se tamen non concernit aliud, quam eminentiam & prosperitatem illius populi, sive terram promissam gloriose occupandam & feliciter possidendam; ideo qui non desiderarunt populo illi inferi & paribus fortunae consortes ac participes esse, ad Mosaicum amplecten-

plectendum ad acti vel obligati non fuerunt: imò ne qui-  
dem ad Abrahamicum, quatenus id non communem  
hominum salutem concernebat, sed peculiarem sortem  
& dignitatem Abrahamo promittebat, & circumcisi-  
onem inungebat. Hinc illis temporibus erant pii & fi-  
deles, qui tamen circumcisi non essent; quod nemo te-  
merè negaverit de amicis Abrahami Aner, Eschol &  
Mamre, de Abimeleco rege Geraræ, fœderato Abraha-  
mi, Gen. xxi, 32; de filiis Cheti & Hephronæ, à quo emit  
Abraham agrum cum speluncâ in usum sepulcri, Gen.  
xxiii; de Rehuele Midianitâ sive Ismaelitâ Mosis socero,  
in cuius tamen domo non usitata fuit circumcisio, quem  
admodum intelligi potest ex facto & verbis filiæ ejus  
Sephoræ, uxoris Mosis, Ex. xv, 25: quam ad socerum à  
Mose, meruente sine dubio difficultates in itinere & Aeg-  
ypto oborituræ, & fortè quòd Sephora gravis esset,  
paritura Eliezerum (non enim nisi unius filii Gersomi  
mentio fit Exod. ii, 22; iv, 25) remissam idem socer ad  
Mosen ex Aegypto egressum & Rephidimis, statione un-  
decimâ, commorantem unâ cum duobus filiis Gersomo  
& Eliezere reduxit, Exodi xix. Appellatur ibi Iethro,  
ut binominis fuerit; & suppeditato prudente de judiciis  
constituendis consilio domum suam revertitur. Sepho-  
ra dicitur Aethiopissa Num. xii, 1: sine dubio quòd Mi-  
dianitarum regio Aethiopiæ orientali contermina. In-  
vehuntur autem in Mosen Aharon & Miriam eo potissi-  
mum nomine, quòd alienigenam sive peregrinam duxis-  
set, & propterea appellationem, quæ maximam peregrin-  
itatem redoleat, adhibent. Bileam Midianita, quamvis  
subdoluisset minimeque sincerus aut seriò probus, pro-  
pheta tamen erat, Dominiq; alloquio fruebatur, & in-  
spiratione vaticinabatur, ut notum est ex libro Nume-  
rorum.

L

rorum.



rorum. Num. x, 29 memoratur *Chobab filius Rehuclis Midianita, scilicet Moysi* (sic enim vertendum esse existimo) qui proinde fuerit affinis Moysi; quem virum rerum & regionum gnarum Moses apud se libenter retinisset, & ad manendum invitabat, sed is respondit, *Non vadam tecum, sed ad terram meam & ad cognationem meam revertar*. Vnde patet, quod inferi populo Israelitico non existimaverit necessarium esse ad salutem. Hujus tamen posterius, vel certe ex eis aliqui ad illum se adjunxerunt. Vide Iud. iv. 11.

*Iobi 1, 1.* XXC. Quod de superioribus, idem affirmari oportet de Iobo, qui habitavit in regione Huz, *vir integer & rectus, timensque Deum & recedens a malo*; & praterea laudatur Iezech. xiv, 14, & Iacobi v, 11: de Hiramio rege Tyri, amico & foederato Salomonis, 1 Reg. ix, 11, 27: de Regina Sabæ, ejusque familiâ & ministris, 1 Reg. x. Quin ipse Salomoh, quum absolvisset structuram templi, precibus suis peregrinos extraneos Deo in hunc modum commendat: *Quis etiam extraneo vel alienigena, qui non fuerit de populo tuo Israele, sed venerit de terra longinqua propter nomen tuum, quum adveniens orabit versus domum hanc; tu auscultato de caelis, statione habitationis tue, ut facias omnino, prout clamaverit ad te extraneus: ut sciant omnes populi terræ nomen tuum, ut timeant te, sicut populus tuus Israel, & cognoscant nomen tuum invocatum esse super domum hanc quam edificavi; id est, domum hanc tuam esse domum & tuum templum, 1 Reg. ix, 41 & seqq.* Cui fini adjunctum fuit cæteris templi ædificiis atrium, quod gentilibus & alienigenis intrare liceret: in hoc Servator adulteram, cui interiora adire haut permittum, absolvit, Ioh. 1 ix, ex hoc vendentes & eementes ejecit, Marci xi, 11. Adde superioribus Ninevitas, qui *penitentiam egerunt ad prædicationem Iohannis*, Matth. xii, 41; Lucæ xi, 32: Nahamanem Syrum, qui mundatus à leprâ



à leprâ promittit *se non facturum amplius holocaustum aut sa-*  
*cificium eius ab eis, sed DOMINO.* 11 Reg. v, 17: Nebucad-  
 nezarem, qui à Deo castigatus, *Nunc* inquit, ego Nebucad-  
 nezar laudo extolles, & glorifico Regem celi, *cujus omnia opera*  
*veritas, & via eius iudicium.* Dan. iv, 37: Darium Medum,  
 qui Daniele è foveâ leonum incolumi educto, proponit de-  
 cretum, *ut in toto,* inquit, *dominiu regni mei teneantur & ti-*  
*neantur omnes à conspectu Dei Danielis: quia is est Deus verus &*  
*permanens in secula, & regnum eius non dissipabitur, & imperi-*  
*um eius ad finem usque,* sive in aeternum, Dan. vi, 27;  
 Cyrum, qui sub finem Chronicorum & initium li-  
 bri Ezrâ in hunc edicit: *Omnia regna terra tradidit mihi*  
*Deus celi; & ipse commisit mihi, ut aedificem sibi domum Ieroso-*  
*lymis, quæ sunt in Iudâ.* In eundem censum referendi vi-  
 dentur Græci, qui adscenderunt ut adorarent in die festo, Iohan.  
 xii, 20: Cornelius, centurio Romanus, pius ac timens Deum  
 cum totâ domo suâ, Act. x, 2: in primis verò *Aethiops eunu-*  
*chus, dyastles Candaces regina Aethiopum, qui venerat Ieroso-*  
*lymam adoraturus, & revertebatur sedens in curru suo, lege-*  
*basq; Esaiam prophetam.* Act. ix, 27.

XXXCI. Antiquissima itaque fuerit distinctio  
 proselytorum sive advenarum in proselytos iustitiæ,  
 & proselytos portæ. גרי צדק & גרי השער. Proselyti iusti-  
 tiæ, id est, iusti & veri, circumcisi & totam Mosaicam  
 legem amplexi, atque adeo Israëlítico populo inserti,  
 qualis Vrias Hitthaus, quem propter uxorem interfici  
 fecit David; Arauna vel Ornan Iebusæus, 11 Sam.  
 xxiv, 16; 1 Chron. xxi, 18; qualis etiam describitur A-  
 chior Ammonita Iudithæ xiv, 6, juxta Vulgatam his  
 verbis: *Tunc Achior videns virtutem, quam fecit Deus Israël,*  
*relictâ gentilitatis ritu credidit Deo, & circumcidit carnem*  
*præputii sui, & appositus est ad populum Israël; & omnis suc-*  
*cessio generis eius usque in hodiernum diem.* Talis etiam On-

L 2

kelos,



kelos; sive paraphraftes sit Chaldaeus, qui in Pentateuchum exstat, sive alius; talis Nicolaus, ab Apostolis diaconus electus, Aët. vi, 6. Profelyti portæ deducuntur ex Deut. xiv, 21, ubi præcipit Dominus Israelitis, *Nec comedatis allum mortuum*, sive per se & sine vulnere sanguinisque emissionem mortuum, peregrino (Onkelos, *ibecumif.*) qui est in porta. *tus dicit illud & comedit illud.* Appellatur quoque גרי הושב advenæ cohabitationis vel inquilini. Hisce, ajunt Iudæi, septem præcepta fuisse imposita, quæ vocant præcepta filiorum Noë; & communiter sic enumerant, quod primum sit de observandâ justitiâ; secundum de Deo benedicendo & laudando; tertium de fugiendâ idololatriâ; quartum de incestu; quintum de homicidio; sextum de rapinâ vitandis; & tandem septimum de membro vivi animalis, sive potius de carne cum sanguine ejus, qui est anima vel vita ejus, non comedendâ, quum qui carnem cum sanguine manducat, videatur carnem unâ cum vitâ suâ devorare. Recensentur in Gemarâ Codicis Sanhedrin, cap. vii; quamquam variantibus, ut solet, Rabbiorum verbis & sententiis. Recenset quoque Moses Maimonides halachâ sive sectione ultimâ totius sui operis Mischne torah, quæ agit de Regibus & bellis gerendis, sub initium capitis noni, ubi dicit ipsi Adamo fuisse imposita, & ad ea servanda rectam rationem inclinare. Sub finem capitis præcedentis dixerat, quod qui susceperit & servaverit hæc septem præcepta, quod intelligat Deum servari velle, זה מחסירי אומות, ויש לו חלק לעולם הבא, *is sit ex piis gentibus, habeatq; partem in seculo futuro.* Aeternam itaque salutem ab observatione ceremoniarum Mosâicarum ne Maimonides quidem simpliciter suspendit, sed quidquid ejus fuerit, ad populum, cui peculiariter injuncta, restringit.

Quod

Quòd autem nulla sit mentio' de expectando semine benedicto, arguit numerum hunc præceptorum illis Noachi, id est, omnibus qui Israëlita non essent, in iuniorum à Rabbinis sequioris seculi profectum & excogitatum esse.

XXCII. Profelytis portæ sive inquilinis admodum affines fuerint, qui aliunde & ex populis exteris ac remotis Ierosolymam ad adorandum verum Deum adscenderunt; de quibus paullò antè. Hellenistæ, qui in Actis memorantur, fuerunt origine Iudæi. Quorum enim mentio fit Act. vi, 1; illos partem fuisse ecclesiæ Apostolicæ, in quam nondum admissi erant Græci gentiles, certum est. Rectè itaque reddidit interpretes Syrus Act. ix, 29, *Iudæos qui noverant græci*, inter Græcos videlicet nati & conversati, & proinde græco quidem sermone usi, sed eum phrasi Hebrææ, cui in sacris suis adsueverant, conformantes. Multitudo rituum & præceptorum Moisaicorum ingens erat, uti notum est. Iudæi numerant præcepta affirmantia ccxliix, quot volunt esse membra corporis humani; negantia ccclxv, juxta numerum dierum anni. Fuerint universa dcxiiii. Ita R. Samlai capite tertio Codicis Maccoth. Vbi tamen annotatur ad undecim redacta esse; à Davide à Iesaja ad sex; à Micha ad tria; & tandem ab Habacuco ad unum, *Iussus in fide sua vivere*, Hab. ii, 4.

XXCIII. Operosa & preciosa structura arca fœderis præscribitur Moysi Exodi xxv. Erat autem e lignis cedrorum lectissimarum, longitudine duorum cubitorum cum dimidio, & sesquicubiti tum latitudinē tum altitudine; obducta auro puro intrinsecus & extrinsecus, additis quatuor annulis aureis, quibus insererentur cedrini vectes auro obducti; habens præterea limbum aure-



aureum circumquaque, & operculum, quod *in athenis* vel propitiatoriū dicebatur, ex auro puro, operculoq; altrinfectis incumbentes duos Cherubinos aureos. In ea ponebatur *testimonium*, quod dabit Dominus Mosi, Ex. xxv, 16 & 21; xl, 20. Ipse Salomon, *Disposui*, inquit, *locum pro arcâ, in quâ est fœdus Domini, quod pepigit cum patribus nostris, quum educeret eos è terra Aegypti*, 1 Reg. ii, 2. Vna verò, in quâ servabatur tantum Mannæ, quantum capi poterat mensurâ Homer, jubetur poni *coram Domino, & coram testimonio*, arcâ testimonii sive fœderis, Exodi xvi, 33 & 34: item virga Aharonis, quæ floruerat & amygdala protrulerat, Num. xvii 10. Nihilominus junguntur istæ *tabulis fœderis*, & dicuntur unâ in arca fuisse, Hebr. ix, 4: quum tamen scriptum sit, *Nihil erat in arca præter duas tabulas fœderis, quas collocaverat ibi Moses in Horeb, quando pæctus est Dominus cum filiis Israël egredientibus è terra Aegypti*, 1 Reg. iix, 9; 11 Chron. v, 10. Lequitur autem Epistola de tabernaculo, quale erat primis temporibus, quando dissolvi & portari potuit: libri verò historici de templo jam exstructo. Dico itaque temporibus, quibus locum subinde tabernaculum variabat, additas tabulis fœderis fuisse urnam & virgam, & arcâ simul inclusas; quod mutaverit, quum fixam sedem exstructo à Salomone templo arca nacta esset: tum enim urnam & virgam ponē arcam sive coram arcâ, quod verbis Domini in primis conforme, positas fuisse. Paullò antè dixerat Epistola, sancta sanctorum sive summum sanctuarium habuisse *θυμιατήριον*. Si vertatur *turibulum*, nulla vel apud Mosē vel alibi turibuli summo sanctuario proprii mentio; si verò *ara suffixus*, constat eam in sanctuario, sacerdotibus assignato, & non in summo sitam fuisse. Quoniam tamen ei propè adstabat & proximum erat, propterea accensetur,

tur, quasi ad id pertineret. Verba sunt Domini ad Mo-  
sen : *Pones altare aureum ad suffitum coram arcâ testimoni.*  
Qui obsequutus *posuit altare aureum in tabernaculo conuen-*  
*tus coram velo*, quod sancta sanctorum à proximo sanctua-  
rio distinguebat, Exodi xi, 5 & 26. Notandum tria taber-  
naculi fuisse vela, Vnum, cuius modò & in adductis verni-  
culis facta fuit mentio, (adde Exod. xxvi, 31 & 32; xxx, 6)  
ubique פרכת appellatum; alterum inter sanctuarium  
& atrium populi, dictum velum vel tegumentum *janne*  
sive ostii vers. 5 & 28; tertium fuit velum *porta atrii*, quod  
populus intrabat, hac appellatione memoratum vers. 8  
& 33. Quoniam igitur ata suffitus collocata erat לפני ארון  
& לפני הפרכת in facie arcæ & primarii veli, sive coram  
arcâ & illo velo, atque adeo suffitus fieri dicitur לפני  
הערה *coram testimonio*, Exod. xxx, 36; ideo arca illa cum  
arcâ testimonii conjungitur. Sic mihi concilianda vi-  
detur, quæ aliàs pugnant & multos torquent: nec a grè  
feram, si quis alia vel magis apposita attulerit.

XXCIV. Erat autem arca symbolum peculiaris  
præsentia divinæ, sive præsentissimæ, ut ita loquar, præ-  
sentia. Quamvis enim Deus per infinitam suam essen-  
tiam & potentiam non possit non adesse ubique, liberè  
tamen, quidquid vult, operatur, in primis verò gratiosè  
ibi adest & operatur, ubi ita vult adesse & operari. *Quan-*  
*do ingrediebatur Moyses tentorium convensus, ut loqueretur cum*  
*Deo*, sive Deum consuleret, audiebat vocem sermonis in antem  
secum è propitiatorio, quod erat super arcam testimonii inter duos  
Cherubinos: sic alloquebatur eum, Num. vii, 10. Erat autem  
sensibile quoque symbolum præsentia divinæ *nubes illa,*  
*quæ tentorium convensus*, mox ut absolutum & erectum e-  
rat, *operuit*, adeo ut non posset Moyses ingredi in tentorium conuen-  
tus, quum incubisset ei nubes: nam gloria Domini implebat i-  
psam



*psua tabernaculum. Quando autem attollebatur nubes illa è ta-  
 bernaculo, proficiscebantur filij Israël; si non attollebatur, non  
 proficiscebantur, usque dum tolleretur. Nubes enim Domini erat  
 super tabernaculum interdiu, & ignis in eà nube noctu conspi-  
 ciebatur, Ex. ultimo, vers. ultimis. Vnde ad populum  
 Moses Deut. 1. 33: Deus praei vobis in hac via ad explorandam  
 vobis locum pro castrametatione vestrà; igne noctu, ut lucem vo-  
 bis praebeat in via, per quam ituri estis, & nube interdiu. Quà de  
 re plura Num. ix, 15 & seqq. Nubes erat interdiu, sed  
 specie ignis noctu. Antequam conficeretur juxta divi-  
 num præsriptum tabernaculum conventus publicum,  
 Moses tentorium suum tetendit extra castra, procul recedendo  
 à castris, vocatq. illud Tentorium conventus: erat enim ut quis-  
 quis consulturus erat Dominum, exiret versus tentorium conven-  
 tus, quod erat extra castra. Fuit verò quum ingrederetur Moses  
 in tentorium illud, ut descendens columna nubis consisteret ad os ti-  
 ni tentorii, & loqueretur cum Mose, Exodi xxxiii, Quon-  
 iam autem ad eum modum arca signum erat præsentiæ  
 divinæ, & quidem gratiosæ cum protectione & auxilio  
 conjunctæ, propterea, quando profectura erat arca, dicebat  
 Moses, Surge Domine, & dispergantur inimici tui, fugiantq. ope-  
 res tui à facie tuâ: quum verò consisteret illa, dicebat, Da quie-  
 tem Domine myriadibus, millibus Israël, Num. x, 35 & 36.*

*Ios. 18, 1.*

**XXCV.** Non tamen ita ad arcam se obligaverat  
 Dominus, ut non potius spectaret conditionem, quam  
 populo isti constituerat & stipulatus erat, nempe obse-  
 quium & integritatem morum. Etiam si igitur bellige-  
 rantes contra Philistæos accersi fecissent arcam, hæte-  
 nus in Siloh (quod è Gilgal transtulerat Iosua) commo-  
 rantem, & excepissent cum jubilo & vociferatione, ni-  
 hilominus succuberunt caesis triginta millibus: quin  
 passus est Dominus ipsam arcam capi, & in manus Philis-  
 tæo-



ſtaorum venire, 1 Sam. iv: apud quos ſeptem menſes  
 commorata fuit, 1 Sam. vi, 1. Ad reddendam quidem &  
 reducendam adacti fuerunt Philiftæi, à quibus veniens  
 in urbem Ieharimorum (quæ nomen quoque Bahalæ  
 obtinuit, Iof. xv, 9) deducta fuit, & illata in domum A-  
 bidanabi in colle ſitam, 1 Sam. vii, 1: ubi manſit toto  
 tempore, quo Saul regnavit; niſi quòd priſco more ad  
 populum in caſtra aliquando translata fuit, 1 Sam. xiv,  
 18. Nobis igitur, ubi degebat Achimelech ſacerdos, qui  
 Davidi panes è ſacrâ menſâ, in quâ propoſiti fuerant, a-  
 motos ſuppeditavit, & gladium Goliathi, qui ibi poſt a-  
 miculum ſive locum, in quo ſervabantur veſtes ſacerdo-  
 tales, involutus panno deſcriptus erat, porrexit; hic, in-  
 quam Nobis tentorium fuit ſine arcâ (vide 1 Sam. xxi)  
 translatum eò ut videtur, quum poſt ingentem illam à  
 Philiftæis illatam cladem caperetur aut vaſtaretur Silo.  
 Nobis autem Saul occiſis viris & ſæminis, pueris & la-  
 ctentibus, aſinis & bobus & ovibus penitus evertit, in-  
 terfecto Achimeleco propter officia Davidi præſtita: imò  
 XXXV viris geſtantibus amiculum lineum, 1 Samuel. xxii,  
 8 & 19.

XXXVI. Eversâ itaque Nobis tentorium, quod  
 Moſes per Bezalelem conſtruxerat, translatum fuit in  
 excelsum Gibeon, ubi erat tempore Davidis, ſicut clarè  
 indicatur 1 Chron. xxi, 29; & clariùs adhuc ſub initium  
 poſterioris Chronicorum, ubi legimus, ut ſequitur: *Abi-*  
*erunt Salomo & totus Iſrael cum eo in excelsum quod erat Gibe-*  
*on, quia ibi erat tentorium conventus Dei, quod fecerat Moſes*  
*ſervus Domini in deſerto. Altare quoque æreum, quod fecerat*  
*Bezaleel, ibi erat coram tabernaculo Domini.* Gibeone itaque  
 fuit tabernaculum conventus & altare holocauſti: arca  
 vero in urbe Ieharimorum. At ereptâ leviſæis arce Si-  
 M  
 onis

Cap. i. v.  
 1 & 1.



onis, & in civitatem Davidis commouata, congregavit  
David delectos ex Israele triginta mille, ut *Rabala Iehude*  
sive urbe Ieharimorum deducerent arcam Dei, & deporta-  
rent e domo Abinadabi, quæ erat in colle, II Sam. vi, 12. De-  
ducta cum fuisset in civitatem Davidis, nisi tenuisset mi-  
stis casus Vzza, per quem factum, ut diverteret in do-  
mum Obed-Edom Githai: unde post tres menses trans-  
lata fuit in civitatem Davidis, & introducta in tentorium,  
quod tendebatur ei David, ibi commorata, donec à Salomo-  
ne exstrueretur templum, in quo collocaretur. *Arcam*  
*Dei deduxerat David ex urbe Ieharimorum in locum, quem parie-*  
*rat ei David, quum tendisset ei tentorium Ierosolymu, I I*  
*Chron. 13, 4.* Hæc de arcâ, quæ nobilitata fuit appellati-  
onibus *arcæ testimonii & fæderis Dei*, hic annotanda duxi-  
mus. De mensa panum faciei, lychnucho, arâ thymia-  
tis, altari holocausti, vestibus sacerdotalibus cæterisque  
Mosaicis ritibus & statutis non prosequemur nunc o-  
mnia.

XXCVII. De sacrificiis tamen monemus, inter  
ea præcipua fuisse holocausta, ita Græcis dicta, quod to-  
ta cremarentur ad testandum honorem Deo debitum.  
Hebræis *זבחים* *adfectos*; per ignem enim sursum mitteban-  
tur. Liebant ex bobus, ovibus, capris; quæ secabantur in  
partes, crura & intestinala lavabantur, & sic omnia in alta-  
ri posita exurebantur, ut videre est Levitici primo; ubi e-  
tiam, quomodo turtures & columbæ in holocaustum of-  
ferrentur, exponitur. Pellis detracta, & nihil prætereant  
sacerdoti sacrificanti tribuebatur, I vit. vii, 8. Fractum  
autem holocaustum aliud iuge sive quotidianum; aliud  
proprium sabbatis, noviluniis & festis. Quotidianum  
erant agni anniculi bini. Horum jubet Lominus *suam*  
*offerri mane, & alterum inter duas vespervas.* Addebatur si-  
mila;



mila mista cum oleo tuso: simila, confecta è purissimâ fa-  
 rina, ad mensuram decimæ partis Ephæ; oleum verò,  
 quarta pars Minis. Et hæc erat Minha. Accedebat Liba-  
 men sive vinum, quantum caperet quarta pars Minis. E-  
 rant enim Minha & Libamen appendices sive addita-  
 menta sacrificiorum, præsertim holocaustorum, sicut  
 intelligi potest ex his ipsis locis, quibus imperantur ho-  
 locausta quotidiana, nempe Ex. xxix, 10, 10; & Num.  
 xxix, 1 & seqq. imò è Num. xxix, ubi crebrò memo-  
 rantur holocausta unà cum minhis & libaminibus suis.  
 Inde per elegantem allegoriam sanctus Paulus Phil. ii, 17,  
 Ἀλλ' εὐχαριστοῦμαι ἐν παντὶ καὶ παντοῦ ἐν ᾧ  
 Quintum si pro libamento offerar super hostiâ sacrificiū, fides  
 vestra gaudeo & gratulor omnibus vobis. Nempe fidem Phi-  
 lippenſium vult esse tamquam hostiam vel holocau-  
 stum, cui nobili sacrificio sua mors tamquam libamen  
 accedat.

XXCIIX. Sicut autem singulis matutinis & vesp-  
 ris offerebantur holocausta, ita quoque in arâ suffitus a-  
 dolebatur thymiana, & simul curabantur lucernæ lych-  
 nuchi. Verba sunt Exodi xxx, 7: *Adolebit super illud al-  
 tare suffitus. Aharon suffumentum aromaticum singulis matutinis  
 quando aprabit lucernas, repurgabit videlicet & immundi-  
 tiem noctu contractam amovebit, tum adolebit illud. Si-  
 militer quando incendet lucernas inter duas vespertas, adolebit il-  
 lud suffumentum jugiter coram Domino per generationes vestras.*  
 Philo dicit id factum esse ἀνίσχοντες ἡμέρας καὶ δυνάμεις  
 τὰ τῆς ἐκείνης ἡμέρας καὶ μετὰ τὴν ἐσπερινήν, orientis sole & or-  
 eidente, ante matutinum & post vespertinum sacrificiū. Panes  
 verò propositionis sive faciei, qui juxta numerum men-  
 ſum anni duodecim erant, mensæ, (cujus structura de-  
 scribitur Ex. xxv, 23 & seqq.) ab utraque parte leni im-

L. de vici-  
 mis post  
 init.

M 2

ponc-



ponebantur, & remotis alii substituebantur singulis fab-  
 batis. Vide Lev. xxiv, 5 & seqq. Sed ad holocausta rede-  
 amus, quæ qualia quotidie fuerint diximus: sed sabba-  
 tis duplicabantur: amplificabantur etiam haut modicis  
 accessionibus in neomeniis sive noviluniis, & in festis  
 Pascha, primitiarum, *שבעות*, die buccinarum & die so-  
 lennis jejunii, quod in decimum mensis septimi compe-  
 tebat. De quibus videnda Num. xxix & xxix: in pri-  
 mis verò de solenni jejunio & anniversaria expiatione  
 facta Num. xvi.

X XC IX. Holocaustis enim sæpe jungebantur sa-  
 crificia Propitiatoria sive Expiatoria, quæ etiam pro de-  
 licto & pro peccato appellantur. Quæ fuerit differentia  
 inter hoc & illud, vix fortè sciri hodie poterit. Fuit ta-  
 men aliqua, quod evincunt verba, quæ sunt Levit. vii, 7:  
 כַּחַשׁ כַּחַשׁ כַּחַשׁ Sicut peccatum sic delictum, sive sicut ho-  
 stia pro peccato, sic hostia pro delicto, lex eadem utriusque.  
 Id agnoscit Augustinus Quæstione super Leviticum xx:  
 quamquam expedire nequit. *Potest, inquit, videri illud  
 esse delictum, quod imprudenter, id est, ignoranter, & illud pecca-  
 tum, quod absente committitur. — sed sive illa, sive ista, sive  
 alia aliqua differentia sit peccati & delicti, nisi aliqua esset, non  
 Scriptura ita loqueretur. Indifferentem autem plerumque dicun-  
 tur, ut & peccatum nomine delicti, & delictum nomine peccati  
 appelletur. Caterùm in primis notandum, quòd in Scri-  
 pturâ vetere passim peccatum hostiam pro peccato, & de-  
 lictum hostiam pro delicto significat. Inde Iesaias de  
 Cap. 53, 10. Messia vaticinatus, Quam puerit se חַשׁ delictum, id est,  
 hostiam pro delicto anima ejus videbit semen, quod prolon-  
 gabit dies, & beneplacitum DOMINI per eum prosperabitur.  
 Dominus Deus videlicet, ut loquitur istam sermonis  
 2 Cor. 5, 21 formulam sequutus sanctus Paulus, cum, qui non noverat  
 pecca-*



*peccatum, pro nobis peccatum fecit, ut nos efficeremur iustitie Dei in eo, id est, iusti coram Deo per eum, sive interventu & merito sacrificii, quod is obtulit. Nos enim ista ratione iustificari, voluntas & beneplacitum est DOMINI. Recte Augustinus libro de peccato originali contra Pelagium & Celestium, cap. xxxii: Deus, cui reconciliamur, fecit enim pro nobis peccatum, id est, sacrificium per quod dimitterentur peccata nostra: quoniam peccata vocantur sacrificia pro peccatis.*

XC. Erant autem alia pro peccatis per ignorantiam & errorem commissis, à sacerdote, à toto populo, à principe, à privatis vel ditioribus vel tenuioribus: (vide Levitici cap. iv & v.) alia pro peccatis voluntariis sive quæ deliberatò perpetrarentur, Levit. vi. Multus in his sacrificiis hircorum usus, ut constat ex Num. xxiix & xxix. Ad hæc exploratoria sacrificia referuntur etiam illa, quibus mundabantur puerpera, Levit. xii; leprosi, Lev. xiii & xiv; viri gonorrhœam & fæminæ fluxum sanguinis passa, Lev. xv. Refert Iosephus Manethonem Aegyptium, Chæremone & Lysimachum gentiles historicos fingere, quod populus Israeliticus fuerit colluvies leproforum morbidorumque hominum, & propterea Aegypto eiectus; quin quod ipse Moses leprâ laboraverit. Recte verò Iosephus: *Quò leijusmodi calamitatis corpus expers habuit, ipsius dicta indicant. Leprosi enim & oppidu & vicos interdixit, ut seorsim in lacero vestitu agant, & eum qui illos attigisset, aut sub eodem tectum successisset, pro immundo habet.* Sed hæc obiter. Eodem pertinebat jumenta rufa, cujus extra castra combustæ cineribus affundebatur aqua viva, & parabatur aqua separationis dicta, quâ qui propter ossis humani aut sepulcri aut eadaveris contactum, imò sub eodem tecto viciniam a commercio aliorum separati e-

i cont. A.  
pion, in fi-  
ne.

M 3

rant,



rant, mundabantur, Num. xix. Præcepit enim Domi-  
nus ejicere castris omnem leprosum, & omnem quærens labo-  
rantem, & omnem immundum propter cadaver, Num. xv, 20. Fa-  
ciebant verò ista non nisi ad carnis puritatem, vel im-  
munditiam externam, propter quam, qui obnoxii es-  
sent, coetibus arcebantur, tollendam: interim illi, qui  
præceptum adhibenda purificationis negligerent, pro-  
pter inobedientiam poenæ subjiçuntur. *Quia quæ im-  
mundus fuerit, & non purgaverit se, omnia excludit ut anima  
illa è medio hujus carnis, Num. xix, 20.*

XCI. Hic omnino videtur operæ precium non-  
nulla Apostolica verba epistolæ ad Hebræos considera-  
re. *Lex, ut est initio capitis decimi, umbram habet futu-  
rorum bonorum, non expressam formam rerum.* Umbram ha-  
bet, tum respectu propositionis & declarationis istorum  
bonorum hominibus illo tempore factæ, tum respectu  
Messiæ, per quem & cujus mortem acquirenda erant;  
tum etiam respectu fidei, quæ à parte hominum, tam-  
quam medium acquirendi intercedebat. Hæc enim æ-  
vo illo, quo vigeat pactum Mosaicum, si comparatur  
cum eâ, qualis hodie est sub Novo explicita, clara & di-  
stincta, adhuc erat implicita, obscura & confusa; fereba-  
tur tamen in Messiam venturum: Messias verò venturus,  
*pontifex futurorum bonorum* (Hebr. ix, 11) cujus videlicet  
interventu & merito futura bona obtinentur, ejusque  
mors, precium redemptionis nostræ, typis & sacrificiis ad-  
umbrabatur: quin etiam ipsa coelestis hereditas & æter-  
navita sub typo terræ promissæ & terrenæ prosperitatis  
proponebatur. Hinc quum docuisset Apostolus ritum  
live ceremoniarum legalium *chirographum, quod hominibus  
erat contrarium*, (quippe quando abluebantur, se immun-  
dos; quando victimas offerebant, se mortis reos fate-  
ban-



bantur, & suo pte facto, tamquam chirographo testa-  
bantur) *cruci esse affixam & a medio sublatam*, consumma-  
tis videlicet omnibus & in claram lucem productis, quæ  
ad redimendos homines à Messia præstanda fuerant, eò  
tamen usque præstita non erant, sed saltem adumbrata:  
subjungit, *Nemo itaque vos damnet ab cibum vel potum, aut  
respectu festi, aut nevilutis, aut sabbatorum: quæ sunt umbra  
rerum futurarum*, nempe mundities externa interioris  
munditiei, celebratio festorum & sabbatorum gaudii &  
tranquillitatis animorum & conscientiar: *ut corpus sive  
res ipsa est Christi*, & à Christo tota derivatur, Col. 11, 16  
& 17. Umbra quidem sive per delineationes aliquas fiat,  
sive per interceptos solis radios, representat corpus, vel  
est quædam corporis imago & figura: ingens tamen di-  
scrimen inter umbram & corpus ipsum: sic etiam inter  
legem futuræ bonæ obscurè proponentem (in Psalmis &  
per Prophetas expressius proponuntur, quam in Lege  
Mosaicâ) & Novum pactum præsentia clarè exhibens.  
Nemo tamen ista ita accipiat, quasi durante pacto Mosa-  
ico homines servari non potuerint. Non quidem per  
pactum Mosaicum servabantur, sed per Evangelicum,  
quod supponebatur, iungebatur & involvebatur: atque  
adeo, etiam si fides in Mesiam venturum quo ad omnia,  
quæ passus est & præstitit, non esset ita plena & distin-  
cta, licet est hodie, in exhibitum; non tamen erat nul-  
la, sed quæ ad latitudinem cogniti objecti tanta, quan-  
ta isto rerum statu sufficeret: quò ad *πληροπείαν* verò,  
æqualis aut etiam apud nonnullos major. Quamvis au-  
tem sacrificium, per quod redimimur, actu & reapse à  
Christo oblatum fuit sub Novo pacto, unde etiam ipse  
*Unigenitus patris mediator* dicitur, Hebr. 1 x, 12: *spensor nostræ pa-*  
*cti*, Hebr. vii, 22: *mediator præstans pacti*, quod præstanti-

oribus



oribus promissis, non terrenis scilicet, sed spiritualibus & cœlestibus *similitudinem est*, Hebr. 11x, 6: porrigit illud tamen virtutem & efficaciam suam in omnia antecedentia tempora, ut morte ad redemptionem earum, quæ fuerant sub prioris pacti, transgressionum intercedente, qui vocati erant promissam æternam hereditatem acciperent, Hebr. 12, 15.

Verf. 1.

Hebr. 8, 5.

XCII. Sed ad caput decimum revertamur. *Lexamin-  
bram habens futurorum sive cœlestium bonorum (unde sacer-  
dotes Levitici exemplari & umbra rerum cœlestium deservire dicuntur) non ipsam expressam formam rerum, iis hostiis, quas singulis annis continenter offerunt, numquam potest accedentes consummare, vel ad debitam & optatam perfectionem deducere. ALIOQUIN DESIISSENT OFFERRI (imperfecti sacrificii indubitatum argumentum statuit repetitionem) PROPTEREA QUOD CULTORES SEMEL PURIFICATI NULLORVM PECCATORVM, quæ sufficiente sacrificio expiata non sint, aut iterato expiari oporteat, AMPLIUS SIBI ESSENT CONSCII.* Non quidem ab omni peccato  
Ioh. 1, 8. immunes sunt fideles. nam si dixerimus nos peccatum non habere, nos ipsos fallimus, & veritas in nobis non est. Quanta quidem potest opera est danda, ut non peccetis, sicut scribit sanctus Iohannes. *Quod si quis autem peccaverit, advocatum apud Patrem habemus Iesum Christum iustum. Et ipse est ἱλασμός propitiatio pro peccatis nostris: nec pro nostris solum, sed etiam pro totius mundi.* Interim ut repetatur víctima propitiatoria, & denuò offeratur, prorsus nec opus est, nec fieri potest. At IN ISTIS propitiatoriis Leviticis sacrificiis fit REPETITA MENTIO PECCATORVM QUOTANNIS. Respicit potissimum ad solenne illud sacrum, quod peragebatur die decimo mensis septimi: de quo Lev. xvi. Dices fortè, Num repetere confessionem peccati id importat, quod novâ pro expiandis peccatis opus sit



pus sit victimâ? Respondeo id concedendum esse de tali confessione, qualis apud sacrificia Levitica peragebatur. Neque enim ipsa, neque sacrificia, quibus adhibebatur, directe & per se alio tendebant, quam ad munditiem carnis sive externam, & admissionem ad conventus ecclesiasticos & civiles. NON ENIM POTEST SANGVIS TAURORVM ET HIRCORVM AVFERRE PECCATA, vel quoad reatum, ut aboleatur obligatio adluendam in divino iudicio poenam; vel quoad *conscientiam emundandam à mortuæ operibus, ad colendum Deum vivum*, sicut emundat sanguis Christi, Heb. ix, 14. Nempe virtute sanguinis Christi, vel per Christi meritum & mortem fit, ut fidelibus Deus gratiam impertiat, per quam possint vincere peccatum, ne amplius serviant peccato, peccatumue in iis regnet, atque adeo ne contra conscientiam peccent, siue ut conscientiam servent illasam. Id præstat sanguis Christi, non autem taurorum & hircorum. Ob hanc itaque causam peculiari lege & mandato divino fiebat *repetita mentio peccatorum quotannis*, ut scilicet esset commonefactio, quod per expiationes istas Leviticas nec aboleretur poena divinæ justitiæ exsolvenda, nec præberetur gratia ad vincendum peccatum necessaria, sed quod utrumque ab alio longe perfectiore sacrificio per venturum Messiam exhibendo penderet. Hoc enim posito, etiamsi repetatur confessio peccatorum, non tamen per eam indicatur, quod repetito aliquo expiatorio sacrificio indigeant: aut gratia, per quam vincatur peccatum & conscientia munda præstetur, desit, aut, si vel maxime fuerit commissum peccatum, non possit ejus haberi remissio per unicum illud semel oblatum sacrificium.

XCIII. Epistola ex xl psalmo Davidis, qui infi-  
 N gais



gnis fuit typus Christi, subjungit, quòd Deus holocau-  
 tomata & expiatoria sacrificia Levitica nec velit nec ap-  
 probet, tamquam per se grata, aut quæ coram ipso pec-  
 cata expiare & auferre idonea: nam aliàs voluisse & ius-  
 sisse offerri manifestum est: sed Christum ingressum esse  
 mundum & adfuisse, ut faceret voluntatem Dei, nem-  
 pe passione & morte suâ pro peccatis generis humani sa-  
 tisfaceret. Hinc enim Christus ipse: *Pater mi, si non po-*  
*test hic calix abire à me, quin bibam eum, fiat voluntas tua.*  
 Matth. xxvi, 42. Si tibi placet, & stat sententia, ut  
 mors mea justitiæ tuæ pro peccatis hominum satisfaciat,  
 Heb. 10, 10. & ἀνάλυτῶν sit, fiat voluntas tua. Quâ voluntate san-  
 ctificati sumus per oblationem corporis Jesu Christi semel fa-  
 ctam. Oblatio itaque corporis Christi non est facta pri-  
 mùm in ultimâ cœnâ, deinde in cruce, sed semel facta  
 v. 11. est in cruce; numquam deinceps repetenda. Omnis qui-  
 dem sacerdos Leviticus adstat quotidie sacro ministerio defun-  
 gens, & easdem sæpiùs offerens hostias, quæ numquam possint au-  
 v. 12. ferre peccata: Christus verò, unâ pro peccatis oblata in perpetu-  
 v. 14. um victimâ, confedit ad dexteram Dei: unicâ enim oblatione  
 consummavit in perpetuum eos, qui sanctificantur. Ita Episto-  
 la ad Hebræos Christi oblationem unicam & semel fa-  
 ctam repetitis sacrificiis Leviticis opponit, & inculcat,  
 ut ab eâ repetitionem, quippe certissimum imperfectio-  
 nis argumentum, removeat. Sic etiam sub finem supe-  
 rioris capituli: *Sicut illud statutum est hominibus, ut semel*  
 Heb. 9, 17. *moriantur; ita & Christus semel oblatus est.* Fieri itaque non  
 potest, ut ullum detur sacrificium, ulla oblatio vel im-  
 molatio, quæ sit eadem specie cum immolatione vel ob-  
 latione sacrificii, quam Christus peregit in cruce. Is  
 Deo Patri corpus suum, quum id in mortem traderet,  
 & sanguinem suum, quum eum effunderet, in ἀνάλυτῶν  
 pro



pro redimendis hominibus obtulit. Qui sanctam Eucharistiam administrant, non possunt denuò corpus Christi in mortem tradere vel sanguinem effundere, nec aliter Deo offerre, quàm precando ut in ea semel oblata velit respicere, & propter ea nobis propitius esse & nostrum misereri. Possunt quidem & debent, quæ semel in cruce peracta fuerunt, modo, quem Christus instituit, adumbrare & commemorare; sed iterare non possunt. Actiones itaque, quas in administrandâ Eucharistiâ obtineant, ab eâ, quam Christus in cruce peregit, dum semetipsum Patri in mortem obtulit, specie, imò toto genere differunt. Et hac considerationi Leviticorum pro peccatis sacrificiorum, quæ erant inter præcipuas umbras & figuras sacrificii in cruce à Christo oblatis, in occasione adjicienda duximus.

XCIV. Tertiî generis sacrificia erant Pacifica, ut appellat Vetus interpres, & alii post eum, de quibus Levit. 111; & VII, 11 & seqq. Erant autem vel Eucharistica pro beneficiis acceptis; vel Spontanea & Votiva pro impetrandis. Victimæ erant boves, oves & capræ. Adeps omnis, renes & caudæ ovium adolebantur. Pectus & dexter armus cedebant sacerdoti: cætera offerentibus, quibus inde epulum instruere fas erat. זבח הודיה Sacrificium laudis vel gratiarum actionis adjunctas habebat placentas in fermentatas, oleo mixtas & unctas, quin etiam panem fermentatum. Absumendum erat eo ipse, quo offerebatur, die: quod ipsum repetitur Levit. XXI 1, 30. Spontaneorum & votivorum (de his agitur etiam Lev. XXI 1, 18; & Deut. XXIII, 21) reliquias altero quoque die comedere licebat, sed non tertio. Notabile est, quod scribitur Salomoh, quum dedicaret domum Domini, sacrificasse in sacrificium pacificorum boves unctas



bis mille, & pecudes sive oves centies vicies mille, 1 Reg:  
iix, 63.

XCV. Pacificis accenferi possunt sacrificia consecrationum, quibus ministerio suo initiabantur sacerdotes Levitici. Dicuntur *impletiones manuum* in Scriptura Hebræa; cui videlicet implere manus idem est quod initiare sacerdotio. In ipso enim initiationis actu manibus novitiorum imponebantur, qualia in futuro suo ministerio erant oblaturi. Quomodo consecrandi fuerint Aharon ejusque filii præcipit & præscribit Dominus Exodi xxix; quod exsequitur Moses Levit. iix. Offerebantur quidem primò sacrificium pro peccato & holocaustum: sed adjungebatur sacrificium, cuius adeps & omentum & renes & cauda adolerentur, pectus & armus dexter cederent consecranti, reliqua verò in cibum consecratis, absumentum eopse die, nec differendum usque in alterum, uti quoque de sacrificiis לחם לחם laudis sive confessionis vel gratiarum actionis lex erat. Hac conveniunt cum sacrificiis pacificis, ut proinde ad eorum classem referri possint Impletionum vel Consecrationum sacrificia. Hinc etiam Philo Iudæus libro De victimis, qui græcè inscribitur Περὶ ζώων τῶν εἰς θυσίας, ipsum Moysen ait sacrificia distinxisse trifariam, εἰς τρεῖς εἶδη τὰ ἀνωτάτα, τὸ ὁλόκαυτον, τὸ σωτήριον, τὸ ἀπὲρ ἁμαρτίας. Nec discrepat Iosephus Antiquitatum tertio, cap. x. Quæ autem Latini Pacifica, Philo σωτήρια vocat, ipse Χαιρετήρια appellat, à gratiarum actione, quod Eucharistica in hac classe, ad quam tamen etiam Votiva & Spontanea pertinent, eminent. De sacrificiis hæc aliquanto prolixius commentari voluimus, quod faciant ad adsequendum sensum & vim epistolæ ad Hebræos, & ad intelligendum discrimen inter sacrificia Levitica, quæ non nisi ex-



si externam mundiciem operabantur, ac iterabantur; & inter sacrificium Christi semel in cruce oblatum, initerabile, expians per plenariam satisfactionem peccata coram Deo & mundans conscientias.

XCVI. Catera, quæ tempus & statum veteris testamenti concernunt, levi tantum brachio attingemus. Post exstructum à Salomone templum & post ipsum, qui supremo vitæ suæ temporæ in gratiam muliercularum perperam se gessit, ut de salute ejus res sit admodum incerta, extinctum, decem tribus à Rehabeamo Salomonis filio defecerunt, & Ieroboamo Nebati filio se subdiderunt. Quod prædixerat, & novo pallio in duodecim partes lacerato, decemque partibus Ieroboamo traditis præfiguraverat Ahias Silonites propheta. Non solum enim verbis prædicere, sed sæpe signis etiam res futuras adumbrare & oculis ingerere soliti prophetae. Dixit Ieroboamo: *Accipe tibi decem fragmenta: nam sic ait Dominus Deus Israël, Ecce ego laceraturus sum regnum hoc è manu Salomonis, & daturus tibi decem tribus: tribus autem una erit ejus propter servum meum Davidem. Non tamen auferam quicquam ipsius regni de manu hujus: — sed auferens de manu filii ejus dabo tibi ex illo decem tribus; filio autem ejus dabo tribum unam, i Reg. xi, 3, & 35.* Ablatis decem tribubus, remanent duæ, sicut etiam reapse duæ generi Davidico & posteris Salomonis remanserunt, nempe Iuda & Benjamin, quemadmodum constat, quin etiam diserte enunciat Scriptura ii Chron. xi, 1 & 12. Nihilominus dicitur i Reg. xi, 26: *Nemo sequutus est domum David, præter tribum Iuda solum.* Mox autem subjicitur, *venit Rehabeam Ierosolymas, & congregavit omnem domum Iude & tribum Benjamin.* Nempe tribus Iudæ potentia & multitudine eminabat, ut solarem conficere videretur; & alteram



ram cladibus, quæ sub finem libri Iudicum memorantur, valdè imminutam suo ambitu quasi continebat vel includebat.

XC VII. Ieroboam autem veritus, ne occasione sacrorum & sacrificiorum Ierosolymis celebrandorum animus populi familiæ Davidis reconciliaretur, fecit duos vitulos aureos, & edixit, Ecce dii tui o Israël, qui eduxerunt te è terra Aegypti. Horum unum posuit Berhele, alterum vero Dane. Et struxit domum excelsorum, & fecit sacerdotes de extremis populi, qui non erant de filiis Levi. Et constituit festum festo in Iudæ celebrari solito simile, mense octavo, die decimo quinto ejus mensis, quem commentus fuerat animo suo, 1 Reg. xii, 26 & seqq. Quum igitur illo die Bethel festum celebraret Ieroboam, & ad adolendum altari adstaret, ecce vir Dei veniens e Iudâ clamavit contra altare illud, & quale ei exitium per Iosiam Regem Iudæ immineret prædixit: addito miraculo, quo findebatur altare, & effundebatur cinis ejus: restitutâ quoque Ieroboamo manu suâ, quæ ex quo eam extenderat & virum Dei prehendi jusserat, exaruerat. Quum autem viro illi à Deo esset injunctum, ne Bethel commorando vel cibum potumque sumendo honoraret, sed ubi quod mandatum fuerat, peregisset, è vestigio abiret: nihilominus passus est se ab alio propheta, qui Bethel habitabat, decipi; ea propter à leone occisus, & Bethel sepultus, quemadmodum ista 1 Reg. xiii commemorantur, additurque, etiam si hæc ita gesta essent, Ieroboamum tamen à via sua mala reversum non esse. Annotat posterior Chro-  
nicorum, hinc factum esse, ut sacerdotes & Levitæ ex universo Israël ad Rehabahamum se contulerint, & relinquentes suburbana & possessiones suas transferrent ad Iudam & Ierusalem, quum rejiceret eos Ieroboam & filius ejus, ne sacerdos  
rio sun-

Chro. ii,  
13 & seqq.



sio funderentur Domino; statueretq; sibi sacerdotes pro excelsis  
& pro demonibus & pro vitulis, quos fecerat. Ex sequuti illos ex  
omnibus tribubus Israël, qui dedebant cor suum ad querendum  
Dominum Deum Israël, venerunt Ierusalem ad sacrificandum  
Domino Deo patrum suorum. Hinc itaque regno Iudæ non  
modicum robur & augmentum accessit.

XCIIIX. Exstineta verò est & funditus excisa stirps  
Ieroboami: cui tamen successerunt reges nihilo melio-  
res, inter quos primas facile obtinuit Achab, filius  
Homri conditoris Samariæ, qui uxorem duxit Iezabe-  
lem filiam regis Sidoniorum, ejusque impulsu coluit  
Bahalem sive idolum, quod tamquam deum tutelarem  
habebant Sidonii. Nam non suffecit ei, ut ambularet in  
peccatis Ieroboami, & in cultu aureorum vitulorum sub-  
sisteret, sed abiit & servavit Bahali & adoravit eum: & po-  
suit altare Bahali in templo Bahalis, quod exstruxerat Samaria, &  
plantavit lucum, irritans Dominum Deum Israël amplius, quam  
omnes alii reges, qui fuerant ante eum. Hæc leguntur 1 Reg.  
xvi, 40 & seqq. Successores habuit filios duos, alium post  
alium, nempe Achaziam, qui solo biennio regnavit, am-  
bulans in viâ parentum suorum & colens Bahalem, (1  
Reg. xxii, 13) successit frater Iehoram; qui abstulit quidem  
statuam Bahalis à patre factam, peccatis tamen Ieroboami, qui-  
bus ad peccandum induxerat Israël, adhæsit, 11 Reg. ii, 2.

XCIX. Hunc itaque Iehoramum sive Ioramum,  
(nec non Achaziam regem Iudæ, Iosaphati regis pii ne-  
potem, Achabi familiæ affinitate conjunctum, & per  
eam seductum) interfecit Iehu, & in regno Israël suc-  
cessit, quo etiam post eum juxta Domini verbum &  
promissum potiti sunt filius, nepos, pronepos & abne-  
pos. Fuit enim à Domino delectus & unctus, ut ex-  
scinderet domum Achabi, & ulcisceretur necem pro-  
pheta-



phetarum & fervorum Domini, 11 Reg. ix, 6 & seqq. Bahalis quoque cultum penitus sustulit, cultores interfecit, statuas & adem destruxit, imo in latrinas redegit. *Verumtamen à peccatis Ieroboami, quibus peccare fecit Israël, non recessit, nec deseruit vitulos aureos, qui erant in Bethel & in Dan, 11 Reg. x, 29. Et mox iterum. Non observavit ut ambularet in lege Domini Dei Israelis ex toto corde suo: non enim recessit à peccatis Ieroboami, quibus peccare fecerat Israël.* Pari modo se gesserunt quatuor ex eo descendentes reges successores. Adeo eorum animis videtur infixum fuisse, redituras ad familiam Davidis separatas pridem tribus, nisi sacris alibi, quam in Ierusalem, celebrandis distraherentur. Ultimum ex stirpe Iehu Zachariam occidit Schallum; qui, quum mensem regnasset, interfectus est à Menahemo, solo inter hos postremos reges sicca morte defuncto. Filius enim ejus Pekachiah, qui Vulgato dicitur Phaceja, à successore Pekacho interemptus est, & hic vicissim ab Hoschea: ut ita aliquamdiu præcedentis regicidii quasi præmium fuerit devolutum ad regicidam regnum. Hoschea verò à Salmanassare rege Assyria sub tributum redactus, & interim cum rege Aegypti conspirare deprehensus, post captam triennali obsidione Samariam in vincula coniectus & unà cum populo decem tribuum in Assyriam deportatus est. Ita deletum est regnum Israeliticum sive decem tribuum, quum durasset annos ducentos, quinquaginta & quatuor, regnatumque esset à regibus viginti, inter quos facile pessimus Achab, optimus verò, quamquam non sine magnâ labe, Iehu. Historia & causæ exitii narrantur 11 Regum xvii; & inter ceteras, *quod prævisissent sive abieciissent factus Domini, quod pepigerat cum majoribus ipsorum.*

C. Mi-

C. Mirum verò est tot tantorumque prophetarum adeo serias admonitiones & diras prædictiones fere omnes frustra fuisse, nec Ieroboamum vel per Achiam Silonitem, vel per prophetam, qui Bethel evaticinabatur & miracula operabatur, ad saniores mentem & veram penitentiam traduci potuisse. Achabus tum ab aliis prophetis tum ab omnium maximo Elia saepe fuit monitus, reprehensus & castigatus; ad seriam tamen pietatem & probitatem adduci non potuit, ne quidem miraculo incensæ cœlitus victimæ, 1 Reg. xix. Ab hoc Elia in calos jam adsumto ad Ioramum Iosaphati filium, regem Iudæ, affinitate familiæ Achabicæ corruptum venerunt literæ, 11 Chron. xxi, 12. De calo venisse addit Seder olam Rabba cap. xvii. At Iosephus cum Scripturâ dixisse contentus, κομίζεταί παρ' Ἠλίας ἡ ἐπιστολή, *affertur ab Elia propheta epistola*; argumento ejus juxta Scripturam recitato subicit, Ταῦτα μὲν ἐδήλω διὰ τῆς ἐπιστολῆς ὁ Ἠλίας, *Hæc per epistolam indicavit Elias*: Antiquit. ix, cap. 11. Theodoretus dicit: ὅτι αὐτὸς ὁ προφήτης ἀφίκοιτο, διὰ γραμμάτων δὲ μεμνῶναι τὴν θείαν πρόφασιν. *Non accessit ipse propheta, sed per literas divinam sententiam significavit.* Probabile est Eliam futurorum gnarum, priusquam in cœlum tolleretur, epistolam prophetæ eundem, suo tempore reddendam, commisisse; eamque tunc, quum res exposceret, redditam esse. Sed hoc obiter.

CL. Eliseus verò successor Eliæ divinitus destinatus, 1 Reg. xix, 16; qui *insuderat aquam manibus Eliæ*, sive ei ministraverat, 11 Reg. ii, 11; & tamquam primogenitus vel inter discipulos primus duplam spiritus Eliæ portionem præ aliis condiscipulis acceperat, 11 Reg. ii, 14; ita notus fuit Iehoram Achabi filio; in primis Ichu regi, ejusque filio Ichoachazo, & nepoti Iosapho, à quo  
O  
morti

Quæst. in  
2 Paralip.



morti vicinus idem audivit elogium, quo ipse pridem Eliam in coelos euntem prosequutus fuerat, *Pater mi, Pater mi, currus Israël & equites ejus*, 11 Reg. xiii, 14: id est, in te sita haec fuit munitio & defensio Israël, ut ad eam contuleris, quantum conferre possint ulli vel currus vel equites. Et sanè inter prophetas istorum temporum eminuerunt Elias & Elifaus. Quanta aliàs fuerit frequentia & quantus numerus prophetarum, testatur historia Regum. Quum necandis illis indefessam operam daret impia Iezabel, Hobadiah vel Abdias, qui Achabo erat à praefecturâ domus, Deum timens, in dubus speluncis centum viros occultavit & sustentavit, 1 Reg. xix, 4. Filii prophetarum, qui subinde memorantur, videntur fuisse juvenes, meditationum & precum exercitiis ad recipiendum spiritum propheticum se preparantes. Videntur etiam uniti societates inisse, & quasi collegia instituisse. Agebant Berthele; agebant etiam Ierichunte, & quum sublatus esset Elias, quinquaginta viros miserunt, qui eum quærent, 11 Reg. 11, 3 & 10. Gilgale filii prophetarum in populum centum virorum excreverant, 11 Reg. 17, 43. Quum locus, quo confidebant, angustior esset, quàm ut eos caperet, eunt in silvam ripæ Iordanis contiguam ad cadenda ligna, e quibus exstruerent sibi capaciùs tugurium, 11 Reg. vi, 1 & seqq.

CII. Mirum autem est Achabum congregare potuisse circiter quadringentos viros, qui quum pseudo-prophetae essent, prophetas tamen Domini se simularent, & fallacia vaticinia, tamquam à Domino profectia, ederent, 1 Reg. xxi, 6, 11, 12, 24. Adde 11 Chron. 18. Vt ita ab improbo spiritu seducerentur, & falsis eorum promissis Achab, quemadmodum meritis erat, in exi-

in exitium præcipitaretur, permisit Dominus: quod  
ut permitteret, & non impediret, peccata Achabi Dei-  
que iustitia exigebant. Iudicium autem Domini, non  
reapse quidem ita peractum, sed visione quadam pro-  
pheticâ adumbratum proponit Michæas propheta, fili-  
us Imlai, ut pro captu humano, quid enormia peccata  
mereantur, ostendat. Deus, inquam, Michææ reve-  
laverat fore, ut à pseudoprophetis mendace spiritu  
inflatis deciperetur Achab; nec spiritus iste mendax  
decipere prohiberetur, sed permitteretur, iusto Dei ju-  
dicio. Hanc sibi factam revelationem iudicii que quam-  
dam ὑποτύπωσις hominibus, ut eò facilius capiant &  
animis suis imprimant, juxta morem inter homines  
usitatum poponit Michæas. Aliàs reapse nulli solio  
Deus, utpote incorporeus, insidet; nec consultat  
vel deliberat, multò minus quemquam, nedum men-  
dacem spiritum, interrogat, quid in animo habeat,  
vel audit quid consilii suggerat. Ταῦτα δὲ ἀποστοποποιή-  
σις ἐστίν, διδασκῶσα τὴν θεῖαν συγγραφήν. Hæc est quadam fi-  
ctio personarum, qua docet divinam permissionem, ut loquitur  
Theodoretus. Quomodo enim Deus auctor fuerit de-  
ceptionis, qui per Michæam disertè pronunciari fecit:  
*Vide universas Israelitas dispersas per montes sicut oves, quibus  
non est pastor. Et dixit Dominus, Non est istis dominus vel dux,  
revertatur unusquisque domum suam in pace.* Quum autem  
indignaretur & hanc veracem a Domino profectam præ-  
dictionem iniquo animo exciperet Achab, orditur pro-  
pheta alteram concionem, quæ per typum, quem homi-  
nes capiant, exponit, quomodo iusto Dei iudicio, qui  
veritatem divinitus revelatam repudiet, à spiritibus  
mendacibus ad decipiendum promptis decipi permitta-  
tur. *Propterea, inquit, quia videlicet quod i. quicquid*

O 2

prædi-

Quest. 63.

in 3 Reg.

1 Reg. 22,

17.



prae-  
 dicitur facit, & omnino cum animi subiectione ample-  
 ctendum esset, non admittis, *audi verbum Domini: Vidi*  
*Domini in folio sedentem*, spiritus mendaces ad te fallen-  
 dum se offerentes. alium hoc alium illud proponentes,  
 & tandem, qui efficacissimum tui decipiendi medium,  
 nempe se futurum *spiritum mendacii* ore exant. in prophetarum  
 tuorum, proponeret, veniam ita agendi sive permissi-  
 onem a Deo impetrasse. Mendacii & imposturae aucto-  
 rem esse, summae Dei perfectioni & bonitati simpliciter  
 repugnat, sed quia praesto sunt qui mentiendi & fallen-  
 di operam lubentes obeant, permittit fieri, quod im-  
 pedire posset, atque adeo etiam impediret, nisi impro-  
 bitas Achabi obfaret. Dicitur igitur indere vel immit-  
 tere spiritum mendacii, quod ingredi promptum non  
 impedit aut prohibet. Et hoc ipsum, quod Deus ob gra-  
 vissimas causas non prohibet, quum prohibere adeo fa-  
 cile posset, in oculis hominum apparet, quasi Deus ju-  
 beret. Nec minus effectum sortitur, quam si Deus prae-  
 cepisset. Nec patitur contextus aut rerum & verbo-  
 rum cohaerentia, ut aliter quam de permissione, sed  
 quae ob causas gravissimas & iussitimo iudicio fiat,  
 accipiantur illa, quae subjiciuntur: *Et nunc* rebus tuis ita  
 se habentibus, & improbitate ac pertinacia tua ita pro-  
 merentibus, *ecce dedit Dominus spiritum mendacii in ore o-*  
*mnium vatum tuorum istorum:* & quamvis omnes isti lata  
 promittant, *Dominus tamen loquutus est contra te malum.*  
 Dominum contra Achabum loqui malum, & indere o-  
 ri prophetarum Achabi spiritum, qui bona promittat;  
 hac duo, inquam, ita invicem pugnant, ut posterius de  
 permissione, iuste videlicet facta, necessario sit accipi-  
 endum. Receditaque Theodoretus: *Τὸ το γίνεταί ὃ θεὸς*  
*συγχωρεῖται. καὶ λῶσαι γὰρ διδάμεν. ἢ ἐκ ἐκάλυπεν, ἐπεὶ*

περ

ὅτι Ἀχαὰβ ὁ θεὸς τῆς κηδεμονίας ἀνέδειξε. Hoc fit Deo per-  
 mittente. nam quum prohibere presset, non prohibuit, quon-  
 iam Achab iniquus erat, cuius curam Deus gereret. Repe-  
 tit Procopius Gazæus commentario in hunc locum,  
 & addit: Visiones sunt explicationes consilii Dei: non quod  
 ipse sit, quod est, siue quemadmodum iudicium divinum  
 reapse suaque natura se habet, ostendat, sed corporeis figu-  
 ris & humano more effectis sermonibus exprimit & describit Dei  
 dispensationem. — Visione enim & verba in visionibus sunt pars  
 quadam reuelationis Dei, quæ se ad caput nostrum demit-  
 tit. Subiungemus, quomodo accipiat & exponat Au-  
 gustinus libro ad Simplicianum secundo, questione  
 ultimâ. De spiritu, inquit, mendacii, per quem deceptus est  
 Achab, hoc intelligamus, Deum omnipotentem & iustum distri-  
 butorem pœnarum premiorumq; pro meritis, non solum bonis &  
 sanctis ministris uti ad opera congrua, sed etiam malis ad ope-  
 ra digna; quum illi pro sua perversitate nocere appetant, sinan-  
 tur autem tantum, quantum ille iudicat, qui omnia in mensu-  
 ra & pondere & numero disponit. Dixit autem hoc Micheas  
 propheta, quomodo sibi fuerit demonstratum. Occulta enim  
 res & minus secreta ita demonstratur prophetis, sicut potest ca-  
 pere sensus humanus, quum etiam rerum imaginibus in revelati-  
 onibus tanquam verbis instruitur. Hactenus Augustinus.

CIII. Verba apud Iezechielem xiv, 9, Quam sedu-  
 ctus fuerit propheta, & loquutus fuerit verbum, ego Dominus  
 seduxi prophetam illum; quæ non minus durè sonant, quàm  
 priora, ad eundem modum accipit & interpretatur i-  
 dem, qui suprâ, Theodoretus. Iuxta quem non dicit Do-  
 minus, se faciente effusione prophetam seducere, sed secun-  
 dum permissionem. ὅ κατ' ἐπέχειν λέγει τοὶ ἀποφῆται πλᾶ-  
 νᾶν ἀλλὰ καὶ ἀσυχᾶσθαι. nempe quando peccata hominū  
 eò usque excrecunt, ut iusto Dei iudicio pœnâ affici o-



porteat, five peccatores improbitate & perverciâ suâ  
 semetipfos præcipitent, five præstò sint, qui numquam  
 defunt, vel mali homines ad tribulationes inferendas pa-  
 rat, vel dæmones prompti ut decipiant & in laqueos con-  
 jiciant; tum quidquid vel ipsi peccatores suâ temeritate  
 sibi accersunt, vel homines tribulando vel dæmones fal-  
 lendo inferunt, æctioni & efficientiæ divinæ imputatur,  
 etiam si secundum se non sit nisi permissio. Quoniam e-  
 nim ejusmodi permissio sit exigentibus peccatis & præ-  
 vio justo judicio, ideo quod vi judicii & permissionis ju-  
 dicio facta peragitur, quasi Deus ipse ageret, habetur.  
 Sic dicitur indurare eor Pharaonis, Ex. 14, 2; VI 1, 3, 18,  
 12: Sichonis regis in Hesbon, Dent. 11, 30: immittere  
 spiritum malum inter Abimelechum & Sichemitas, Iud.  
 19, 23: accipere uxores Davidis ante oculos ejus, & tra-  
 dere proximo, & facere rem istam in conspectu totius I-  
 fraëlis, & in conspectu solis, II Sam. xii, 11 & 12: præ-  
 cepisse Semei, ut malediceret Davidi, II Sam. xvi, 11: mi-  
 scere in medio Aegypti spiritum perversitatum, Ies. xix,  
 14: decipiendo decepissee populum istum & Ierusalem,  
 dicendo, Pax erit vobis, Ier. 14, 10: tradere gentiles cu-  
 piditatibus cordium ipsorum, & in mentem omnis ju-  
 dicii expertem, Rom. 1, 24 & 28: mittere non recipi-  
 entibus amorem veritatis, efficaciam erroris, ut credant  
 mendacio, II Thess. ii, 11. Hæc, ut rectè intelligantur  
 verba Michæ prophetæ, quæ difficultate carere non vi-  
 dentur, & alia eorum similia, hic inferenda duximus.

Reg. 17.  
 24.

CIV. Deportatis à Rege Assyriæ Israëlitis substi-  
 tuti sunt, ne terra ab incolis vacua relinqueretur, colo-  
 ni alienigenæ e variis gentibus idolorum cultui unicè  
 addictis: quos quum Deus immisis leonibus castigasset,  
 coeperunt idololatriæ suæ cultum veri Dei adungere.  
 Nihil



Nihilominus post solutam captivitatem Babyloniam,  
 quum à Cyro permissum esset templum restaurari, ac-  
 cesserunt ad Zerubabelem & Iosua[m] sacerdotem, ausi  
 dicere, *Aedificemus vobiscum: nam sicut vos requisituri sumus*  
*Deum vestrum: non enim alteri sacrificamus inde à diebus Esar-*  
*haddon (ita appellatur filius Salmanassar's II Reg. XIX, 37)*  
*qui deduxit nos huc, Hezræ IV, 12.* Repulsam verò passi mul-  
 ta turbaverunt & structuram impediverunt. Iosephus An-  
 tiquitatum XI, cap. IV rem in hunc modum commemo-  
 rat: Samaritæ quum cognovissent, quòd Iudei è captivitate Ba-  
 bylonicâ postliminio reversi templum instaurarent, adveniunt Zoro-  
 babelem ac Iesum Principes, cognationum, postulantes ut eos ad-  
 mitterent ad templum communi sumtu aedificandum. Nam se  
 quoy, aiebant eundem Deum colere, & ejus gloriari nomine, re-  
 ligionemque ejus studiosos fuisse, jam inde ab illo tempore quo Salma-  
 nassar Assyriorum rex è Chuthiâ & Mediâ gentem eam in loca  
 illa transfulerat. Ad que postulata illi de communi sententiâ  
 responderunt, ad simul aedificandum eos admitti non posse, quum &  
 prius Cyrus & nunc Darius ipsos aedificare jufferint: licere tamen  
 eis ibi adorare. idg, facere vetari eorum neminem, ac ne cate-  
 rarum quidem gentium quemquam, quum omnibus hominibus co-  
 vententibus tempore ad adorandum patent. His auditis Chu-  
 thæ, sic enim nos Samaritas appellamus, indignè iulerunt.  
 Appellabantur autem Chuthæi, quòd à Persidis regio-  
 ne Chutho & flumine ejusdem nominis essent traducti,  
 ut tradit idem Iosephus Ant. IX, cap. ult. Dubium au-  
 tem non est, quin tandem gentilem idololatriam dedi-  
 dicerint, & cum Iudæis eundem Deum coluerint. Pro-  
 pter alias tamen causas & præsertim de loco, ubi oportet  
 adorare, sive externum cultum Deo præstare, contro-  
 versæ erant & inimicitia. Neque desistebantur noti-  
 tiâ & speventuri Messia, sicut datur intelligi ex Ioh, IV,



25, 29, 42. Ptolemæus Lagi multos tum ex Iudæâ, tum ex Samaria & Garizin monte in Aegyptum traduxit, eiq[ue] apud Alexandriam jus civitatis paricum Macedonibus jure dedit. — Seditiones tamen continuæ fuerunt inter Iudæorum posteros & Samaritanos instituta patria pervicaciter retinentes: pugnantq[ue] inter se jugiter, dum Hierosolymitanum suum templum sanctum esse affirmant, & victimas à Judeis non alio mittendas: Samaritæ contra in montem Garizin eas mittere debere contendunt. Hæc Iosephus Antiq. xii, cap. i. Samaritarum horum reliquæ etiamnum hodie superesse perhibentur. Nescio quantum fidei mereatur Geographus Nubiensis, qui ante annos quingentos vixit, & Parte quintâ climatis secundi scripsit inter insulas maris Erythræi esse *insulam Sameri*, quam colant populi Iudæi Samaritani, quorum tessera sit, ut dicat quis ex ipsis, quum aliquem offenderit, *Lamesas*, id est, Ne attingas. Certè quæ subjungit, inepta sunt & vana, nempe, *Hac dictione deprehenduntur esse ex Iudæis, qui descendunt ex Sameri autore vituli tempore Moysi, cui salus.* Ita ex Arabico verterunt Gabriel Sionita & Ioannes Hezronita, Maronitæ. Iosephus autem Scaliger aliquanto rectiùs, nisi fallor: *Insulam Samaritanorum incolunt quidam Iudæi Samaritæ. Argumentum est, quòd unusquisque eorum dicit, quoties aliquis applicat se ad eos, Ne attingas. Et hoc quidem sermone cognoscitur, quòd ipsi sint ex iis Iudæis, qui cognominantur Samaritæ complices vituli in seculo Moysi, super quem sit pax.* Hæc multò saniora vel verosimiliora sunt, quæ de iis in suo Itinerario scribit Benjamin Tudelensis, auctor priori propemodum coætaneus. Et hæc nunc in occasione de Samaritis sufficiant.

CV. Regnum Iudæ diuturnius fuit Samaritano; regnatum à nonnullis regibus ab insigni pietate commendatis, ut Asâ, qui pronepos erat Salomonis, & pater lo-

y de emendat. temp.



ter Iosaphati, regis itidem pii. Verumtamen *excelsa non*  
*sunt amota: adhuc populus sacrificabat & adolebat in excelsis,*  
 regnante tum Asa, tum Iosaphato, ut de illo affirmatur  
 1 Reg. xv, 14; de isto, xxii, 44. Antequam à Salomone  
 exstrueretur templum, *sacrificabat populus in excelsis. Ama-*  
*bat quidem Salomo Dominum, ambulando in statutis Davidis*  
*patris sui: tantum in excelsis ipse sacrificabat & adolebat,* 11  
 Reg. ii 1, 2 & 3. Quod tamen tempora ante structuram  
 templi concernit. Sed etiam post exstructum templum,  
 inveteratum in excelsis Domino sacrificandi morem sub  
 piis regibus Dominus toleravit. Quod enim de Asa &  
 Iosaphato, idem de Ioaso, ejusque filio Amazia, nepote  
 Azaria, qui & Huzzia, & pronepote Iothane memora-  
 tur 11 Reg. xi 1, 3; xiv, 4; xv, 4 & 31. Tale sine dubio  
 erat in monte Carmelo *altare Domini dirutum;* regnante  
 impio Achabo, quod refici curavit Elias, 1 Reg. xi 1 x, 30;  
 & in eo sacrificium Deo obtulit, demisso cœlitus igne  
 absumtum & approbatum. Mireris fortè de Asa ejusque  
 filio Iosaphato dici, sicut ex priore Regum jam produxi-  
 mus, idemque confirmari de Asa 11 Chron. xv, 17, *Ex-*  
*celsa quidem non amota sunt ex Israele, sed animus Asa fuit in-*  
*teger omnibus diebus ejus;* & de Iosaphato xx, 32, *Ambula-*  
*vit in via patris sui Asa, neque recessit ab ea, faciendo quod*  
*rectum est in oculis Domini;* verumtamen *excelsa non sunt a-*  
*mota:* & nihilominus de Asa scribi, xiv, 1, *Amovit ab*  
*omnibus civitatibus Jude excelsa & simulacra.* de Iosaphato  
 xvii, 6, *Amovit excelsa & lucos ex Iuda.* Sed facilis est so-  
 lutio: nempe amota fuisse excelsa idolis consecrata; reli-  
 cta verò illa, in quibus Domino Deo sacrificium offerre-  
 tur. Sic de temporibus ad rectam mentem conversi Ma-  
 nassæ xxxiii, 17, *Adhuc populus sacrificabat in excelsis,*  
*verumtamen Domino Deo suo.* Quin de Asa cum limitati-  
 one



one five restrictione pronunciatur, xiv, 3, *Amavit altaria peregrina vel peregrini cultus, & excelsa, & confregit statuas & succidit lucos.* Num reges maximè pii Hiskija five Ezechias & Iosias simpliciter omnia excelsa aboleverint, an sola idololatrica, in dubio relinquitur. Ad posteriora videntur restringi posse Scripturæ, quæ hac de re loquuntur, 11 Reg. xix, 4; xxii, 13; 11 Chron. xxxi, 1; xxxiv, 3 & 7.

CVI. Caterùm anno sexto optimi regis Ezechiae capta est metropolis regni Israëlitiçi Samaria, & decem tribus deportatæ: è quibus tamen haut pauci unà cum Levitarum familiis se regno Iudæ pridem adjunxerant. In quo Ezechiae parenti successit filius Manasse, patri dissimilimus & maximè impius & improbus, 11 Reg. xxi: *& quamvis Dominus alloqueretur Manassen & populum ejus, non tamen attenderunt.* Idcirco superinduxit eis principes exercitus regis Assyriorum: ceperuntq; Manassen in latibulis latitantem, & vinctum catenis deduxerunt Babylonem. In carcere ad sanio rem mentem redactus egit poenitentiam & deprecatus est. Dominus igitur ejus misertus indidit animo regis Assyriorum, ut dimitteret & regno restitueret. Ex quo mores mutavit & emendavit, & amovit ac abolevit, quibus Dominum ad iram provocaverat. Vide 11 Chron. xxxiii, 10 & seqq. Numerantur anni regni ejus quinquaginta quinque: ad quantam summam nullius vel Ierosolymitani vel Israëlitiçi regis anni ascendunt. Nepos ejus Iosias singulari pietate studioque & fervore Deum colendi eminuit: quum tamen bello contra Neconem, quem Necum vocat Herodotus, regem Aegypti temere se immisceret, sagittâ ictus & à servis Ierusalemum relatus obiit. Quod contractius & per compendium narratur 11 Reg. xxiii, 29: prolixius autem &

Lib. 2. Sub  
finem.



rem & distinctius 11 Chron. xxxv, 20 & seqq. Quod itaque dicit Deus, *factum ut regeretur ad sepulcrum matris in pace*, 11 Reg. xxii, 26, 11 Chron. xxxiv, 28: id de statu regni quieti & nullis hucusque bellis laceffiti accipiendum erit. Neconi enim cum Iosia nihil erat controversia: quin per legatos hortabatur & precabatur, ne se immisceret. Iosias tamen ivit contra Neconem in praelium, *invenit & dissimulavit*, 11 Chron. xxxv, 2 & 22. Defuncto itaque Iosia regnum ejus pace aliquantisper frui permisit Neco, inimicitias & bellum jam antequam quoque avertatus. Quamquam tranquillitas illa non fuit diuturna.

CVII. Filii enim & successores Iosia à pietate paternâ prorsus degenerarunt, poenâque & captivitatem, quam pridem sub majoribus eorum promeritus erat populus, flagitiis suis accelerarunt. Jehoachaz Iosia filius, à populo constitutus rex, post tres menses à Necone captivus in Aegyptum, ubi mortuus est, abducitur. Eum Ieremias Schallum appellat, quum scribit xxii, 11: *Sic ait Dominus de Schallumo, filio Josia regis Jude, qui regnabat loco Josia patris sui, qui egressus est e loco hoc: non est reversurus eo amplius: sed in loco, quo depariaverunt eum, ibi moriturus est, & terram hanc non videbit amplius*. Successorem habuit fratrem suum Eliakimum, quem Neco Jehoiakimum appellavit, 11 Reg. xxii, 30 & seqq. 11 Chron. xxxvi, 1, 2, 3, 4. Qualem principio regni Jehoiakimi concionem ad sacerdotes & populum in atrio templi habuerit Ieremias propheta, & propterea periculum vite incurrerit; quin Urias propheta juxta verba Ieremiae prophetans, ex Aegypto, quo profugerat, retractus & a Jehoiakimo occisus fuerit, commemorat Ieremias cap. xxvi. Jehoiakim itaque quum impleveret Ierusalem sanguine immixto, voluit Dominus parere, 1 Reg. xxiv, 4. Quin volumen à Ieremia



mia dictatum & à Barucho scriptum, quo ad resipiscen-  
tiam exstimulabatur, in ignem coniecit anno regni sui  
quinto: Ieremiam quoque & Baruchum capi iussit, sed  
abscondit eos Dominus. Hæc omnia Ier. xxxvi.

CLIX. Quum autem bellum esset inter reges Ae-  
gypti & Babylonæ, Pharaonem Neconem & Nebucad-  
nezarem (copiæ Neconis, quæ fuerunt juxta flumen Euphrat-  
is ad Carcemischum, à Nebucadnezare casæ sunt anno  
quarto Iehoiakimi, Ierem. xlvj, 2) Iehoiakim ab Aegy-  
ptio ad Babylonium, sine dubio coactus, transivit, cui  
quum fuisset servus tribus annis, postea aversus rebellavit contra  
eum: immisæ itaque sunt in Iudæam turmæ Chaldaeorum,  
Syrorum, Moabitaram & Ammonitarum, 11 Reg. xvij, 2 &  
2. 11 Chron. xxxvi, 6 in hunc modum narratur: Contra  
eum adfendit Nebucadnezar rex Babel, & vinxit eum acri-  
bus compedibus, ut abduceret Babylonem. Non videtur tamen ab-  
duxisse, quum in Ierusalem undecim annis regnasse di-  
catur. Et de sepulturâ ejus Ieremias xxii, 14: Non plau-  
gent eum, Heu frater mi, aut heu soror. Sepultura asini sepelie-  
tur, tractus & projectus extra portas Ierusalem. Ierusalemi i-  
taque mortuus est: & quidem, ut tradit Iosephus, à Ne-  
bucadnezare, qui suspectum haberet, interfectus. Cade-  
ver ejus (ait iterum Ieremias xxxvi, 30) projectus est assui di-  
urno, & gelu nocturno. Cæterum Daniel, unâ cum tri-  
bus suis sociis Babylonem tunc fuit abductus: quâ de re  
sub initium Danielis agitur hisce verbis: Anno tertio re-  
gni Iehoiakim regis Jude venit Nebucadnezar rex Babel Ierusa-  
lemum, & obsedit eam: & dedit Dominus in manum ejus Ieho-  
jakim regem Jude, & partem vasorum domus Dei, &c. Tri-  
bus hisce Scripturæ locis servitus & captivitas, quæ à  
Nebucadnezare Iudæis sub eorum rege Iehoiakimo illa-  
ta fuit, commemoratur. Tandem occumbente Iehoiakimo  
cum

Ant. 10, c. 7.



cum patribus suis non pertexit ultra rex Aegypti procedere de  
regione sua, quia ceperat rex Babylonia à flumine Aegypti adire  
ad fluvium Euphratem quidquid fuerat regis Aegypti, II Reg.  
xxiv, 6 & 7. Quartus autem annus Iehoiakimi fuit pri-  
mus Nebucadnezaris, Ier. xxv, 1.

CIX. Iehoiakimo successit filius Iehoiacin, cuius  
nomen à nomine parentis ultimis tantum literis differt.  
Nempe patris nomen definitum יאקין, filii in יכין, qui  
apud Matthæum Iechonias appellatur. Hic etiam *ferre*, *Matth. 1, 11*,  
quod mulum videtur in oculis Domini, omnino prout fecerat  
pater ejus. Regnavit autem non nisi menses tres, II Reg.  
xxiv, 1 & 9: quibus decem dies addit posterior Chroni-  
corum, paucis rem complexus, xxvi, 9 & 10. Per hanc  
regni brevitatem fit, ut patri ejus divinitus fuerit præ-  
dictum, *Non erit tibi sedens in throno David*, Ierem. xxxvi,  
30. Qui enim nec diutius nec firmitus sedet, non sedere  
merito censetur. Iosephus proponit hoc modo: *Babylonia* *Ant. 10, c. 4*  
nam regem Iehonia regnum deesse statim patuit. Merue-  
bat enim ne memor injuriarum & patris occisi regionem ad ac-  
ficiendum impelleret. Misso igitur exercitu Ierosolymis eum  
obedit. Sed ad textum posterioris Regum, qui luculen-  
tius exponit, revertamur. Eo tempore adscenderunt servi  
Nebucadnezaris Ierosolymam, ut videret civitas in obsidione.  
Cumq; venisset Nebucadnezar ad civitatem, servis ejus obsi-  
dentibus eam; praelit Iehojacin rex Iuda ad regem Babylonia,  
ipse cum matre sua, servi quoq; ejus & praefecti ejus cum mulieribus  
ejus. Et de pretiis inde omnibus thesauris domus Domini &  
thesauris domus regis decerpit omnia instrumenta aurea, quae  
fecerat Salomo pro templo Domini. Et deportavit è toto Ieru-  
salem tum omnes praefectos, tum omnes valentes robore, decem  
mille captivos, omnesq; fabros lignarios & ferrarios: nihil re-  
lictum præter tenuem populum terrae. Deportavit enim Iehoi-



niam in Babylonem; & matrem regis & faminas regis, & au-  
licos ejus, & potentiores regionis captivos abduxit: Jerusalem  
in Babyloniam. Omnes quoque viros strenuos septies mille, ali-  
quanto inferioris, ut videtur, conditionis quam supe-  
riores decies mille, & fabros lignarios ac ferrarios mille, &  
omnes robustos bellatores deduxit rex Babylonia captivos in Ba-  
byloniam. Octodecim millia captivorum hinc memoran-  
tur numero rotundo, ut appellari solet, neglectis resi-  
duis. Et hoc initium solennis illius captivitatis LXX  
annorum. Quum enim per Ieremiam prophetam edi-  
xisset Deus, à se imperium in vicinas omnes gentes Ne-  
bucadnezari destinatum esse, Ier. xxvii, 6; & commodi-  
us habituras quæ se dederent, quam eas quæ vim oppo-  
nerent: dedit se Iechonias, procereſque & populus Ie-  
rosolymitanus, & deportati sunt (certè potior & infi-  
gnior pars deportata fuit) in Babyloniam: inter quos  
etiam erat Iezechiel propheta. Postquam id ita esset fa-  
ctum, scripsit ad eos Ieremias epistolam, in quâ hæc ver-  
ba: Sic ait Dominus exercituum, Deus Israelis, omnibus deportatis,  
quos curavi deportari, de Jerusalem in Babyloniam: Aedificate  
domos & inhabitate, conserite hortos & vestramini fructu eo-  
rum. Ducite uxores & gignite filios ac filias; accipite etiam  
filios vestris uxores, & filias vestras tradite viris, ut pariant fi-  
lios filiasq; & augeſcite iſtis ac ne minuatini. Denique quæri-  
te prosperitatem iſtius civitatis, quò deportavi vos, & orate pro  
eâ Dominum, nam in prosperitate ejus futura est vobis prosperi-  
tas. — Sic ait Dominus, Postquam impleti fuerint in Babel  
septuaginta anni, visitabo vos, & suscitabo super vos, sive præ-  
stabo vobis verbum meum bonum, ut reducam vos in locum  
hunc, Ierem. xxix, 4, 5, 6, 7; 10. Dubium igitur esse  
non potest, quin à deportatione Iechoniæ incant se-  
ptuaginta anni decantata captivitatis Babylonicæ. Por-  
tò



id postquam deportaverunt Nebucadnezar Iechoniam, prece-  
 rent, Iuda & fabri lignarum & ferrarii de Ierusalem in Babel,  
 ostendit Dominus in visione Ieremie duos calathos, u-  
 num sicutum valde bonarum, alterum valde malarum; & dixit,  
 Sicuti sicutus bonas istas, sic agnoscam deportatos Iudeos, quos misi  
 ex hoc loco in terram Chaldaeorum, in bonum: & adjiciens oculos  
 meos ad illos in bonum, reducam illos in terram hanc; ubi adifi-  
 cabo illos ac non demoliar, & plantabo illos, ac non evellam. Nam  
 induratus sum illis cor ad cognoscendum me, me esse Dominum, e-  
 runtque mihi populus, & ego ero illis Deus. Quemadmodum vero  
 sicutus istas malas, quae non possunt comedi propravitate, ita expo-  
 nam Sedechiam regem Iude, & preces ejus & residuos urbis  
 Ierusalem; etiam eos, qui habitant in terra Aegypti: exponam,  
 inquam, eos commotioni in malum apud omnia regna terra: &  
 mittam in eos gladium, famem ac pestem, donec consumti fuerint  
 de terra, quam dederam ipsis & majoribus istorum. Hac om-  
 nia Ier. xxiv. Certum igitur est, deportatos cum Iecho-  
 nia, qui extrema non exspectaverant sed volentes se de-  
 diderant, humaniter in Babylonia tractatos fuisse. Quin  
 Iechonias, qui alias pessimus fuerat, diuturnam calamita-  
 te fractus & emendatus saniolem mentem sine dubio in-  
 duit: unde factum, ut tandem trigesimo septimo anno  
 deportationis suae latiore fortunam experiretur. E-  
 vilmerodach enim, filius & successor Nebucadnezaris,  
 anno quo regnare cepit, caput Iechonia extulit, educens eum de  
 carcere: cum quo loquutus est bonis verbis, & posuit solum e-  
 jus supra solum regum, qui erant secum in Babylone. Et mura-  
 tus vestimentis curceris sui comedeat cibum coram illo jugiter,  
 omnibus diebus vitae suae. Ita sub finem Ieremie & poste-  
 rioris Regum, iisdem fere verbis. Casum Iechoazi in  
 Aegyptum, & Iechonia in Babyloniā deportati me-  
 morat & speciose depingit Iezechiel cap. xix.

CX.



C X. Iechonia abducto substituit Nebucadnezar patrum ejus Matthianiam, mutato nomine Zidkiam vel Sedechiam appellatum; cujus regno tribuuntur undecim anni. Vide 11 Reg. xxiv, 19 & 20. Quum autem per Ieremiam serid hortaretur Dominus, ut Nebucadnezari subjicerentur, sic enim commodius habituros; mirum est quam se in contrarium obstinatos & refractarios præbuerint Sedechias rex & reliquæ ludæorum. Aures autem commodabant mendacibus prophetis, qui Domino non mittente currebant, & ipso non alloquente prophetabant; à quibus prodibat contaminatio in totam terram. De nequitia eorum multis Dominus apud Ieremiam xxii, 9 & seqq. Item xxv, 1, 16: *Sic ait Dominus, Ne ausculetis verbis prophetarum istorum, qui prophetant vobis dicendo, Ecce vasa domus Domini reducuntur ex Babylonia jam mox: nam falsi sunt prophetæ vobis. Ne ausculetis eis; servite regi Babylonia, ita vultis.* Quin Chania pseudopropheta in ipso templo ante oculos sacerdotum & totius populi ausus fuit pronunciare, *Sic ait Dominus exercituum, Deus Israelis: Intra biennium ego reducam in locum hunc omnia vasa domus Domini: etiam Iechoniam & omnes deportatos Judæ ego reducam in locum hunc.* Vescem quoque, quem collo gerebat Ieremias in signum jugi, quod impositurus esset Nebucadnezar, publicè confregit. Sed juxta verbum Domini à Ieremia prolaturum in pœnam mendacii post duos menses mortem obiit. Hæc Ieremias cap. xxix. Quum autem adversaretur Sedechias Nebucadnezari, & tandem planè rebellaret, factum est anno nono regni ejus, mense decimo, die decimo, ut adventens Nebucadnezar cum omnibus copiis suis contra Ierusalem castra poneret juxta eam, & exstrueret contra eam propugnacula undequaque. Sic venit civitas in obsidionem usque ad Sedechia annum undeci-



decimum: *cujus mense quarto die decimo perrupta est ciuitas.*  
Ita 11 Reg. xxv, & Jer. LII; utrobique sub initium ca-  
pitum. Duravit igitur obsidio annum & sex men-  
ses.

CXI. Mirum, quantas interea populus calamitates,  
& Ieremias iussu Domini monens, terrens, prædicens,  
adversitates pertulerit. Misit ad eum Sedechias nunci-  
os exploratum, quænam de ipso & populo sententia es-  
set Domini; & responsum accepit, Sedechiam omnino  
tradendum esse in manum Nebucadnezaris: de populo  
verò, *Ecce ego, ait Dominus, propono vobis viam vitæ & viam  
mortis. Qui desidebit in ciuitate hac, morietur gladio, aut fa-  
me, aut peste: qui autem egressus defecerit ad Chaldeos, qui obsi-  
dent vos, utique viuet, eritq; ipsi anima sua loco spoliij.* Hæc Jer.  
xxi. Egressæ verò sunt copiæ Pharaonis ex Aegypto, ut  
suppetias ferrent Ierusalem & Iudæis: & audientes Chal-  
dei, qui obsidebant Ierusalem, famam de illis, abierunt eis in  
occursum. Ieremias, qui hætenus liberè versabatur in  
medio populi, nec custodiæ traditus erat, per nuncios à  
rege Sedechia consultus respondet, *Ecce copiæ Pharaonis e-  
gressæ vobis in auxilium, reuertentur in terram suam in Aegyptum:  
& reuersi Chaldei oppugnabunt ciuitatem hanc, & captam com-  
burent igne.* Jer. xxxvii, & seqq. Sedechias quidē & populus  
in angustiis positi inierant fœdus, ut anno septimo siue  
sabbatico dimitteret quisque seruum suum & ancillam suam  
Hebræum Hebræamq; liberos, quemadmodum in lege suâ  
Deus per Moysen præceperat. Idque hætenus præstare  
cœperant, sed abeunte exercitu Chaldaeorum revoca-  
runt dimissos in pristinam servitutem. Audiunt igitur  
à Domino per Ieremiam: *Quia vos non auscultastis mihi, ut  
promulgaret unusquisque libertatem fratri suo & socio suo; ecce  
ego contra vos promulgo libertatem gladio, peste & fure.* Tra-

Exod. 21,2.  
Deut. 15,12.

Q

dam



dim enim homines istos, qui transgressi sunt fœdus meum, & non  
præstiterunt verba fœderis, quod pepigerunt coram me, quando  
transverunt inter dimidiatas partes vituli, quem in duo disse-  
cuerant; tradam, inquam, eos in manum inimicorum suorum:  
etiam Sedechiam regem & principes ejus tradam in manum qua-  
rentium animam eorum; in manum, inquam, copiarum regis Ba-  
bylonie, quæ discesserunt à vobis. Ecce ego mandaturus sum,  
dicit Dominus, & revocaturus eas contra civitatem hanc, ut op-  
pugnent eam, & captam comburant igne. Lege Ier. xxxiv, &  
& deinceps.

CXII. Circa idem tempus, digressio exercitu  
Chaldaeorum, conatus est Ieremias se subducere, & in  
terram Beniaminis conferre: sed in portâ deprehensus  
& accusatus transfugii ad Chaldaeos, à proceribus mul-  
tatur verberibus, & in tetrum carcerem, qui in domo  
Ionathanis scribæ aptatus erat, detruditur. Ibi mansit  
diebus multis, donec tandem evocatum in domum re-  
giam Sedechias de sententiâ Domini secretò interroga-  
ret: quam quum prioribus conformem proferret, impe-  
travit nihilominus ab illo, ut non cogeretur reverti in  
domum Ionathanis scribæ, sed poneretur in atrio custo-  
diæ sive in vestibulo carceris: Ierem. xxxvii. Quum autem  
pergeret minari & prædicere, quæ solitus erat, proceres  
regem adierunt, & postularunt ut supplicio afficeretur.  
Respondit rex, *Ecce est in manu vestra: nam non is est rex,*  
*qui posset contraries quidquam.* Accipientes itaque Ieremi-  
am conjecerunt in foveam, in quâ nulla erat aqua, sed  
lutum, in quo miserè pereundum fuisset, nisi subvenis-  
set Hebednelec Aethiops, aulicus, qui adsentiente re-  
ge e fovea adhibitis fanibus & veteramentis ad axillas  
appositis extraxit, & in vestibulo carceris iterum collo-  
cavit. Inde accessit Sedechias rex prope ingressum  
tem-

templi denuò de sententiâ Domini secretò interrogavit,  
& accepit responsum, *Sic dicit Dominus Deus exercituum,  
Deus Israël, Si egressus fueris ad principes regis Babylonie, uti-  
que viues anima tua, & civitas hæc non comburetur igne: ita  
viues tu & familia tua. Sin autem non egressus fueris, utique tra-  
derur civitas hæc in manum Chaldeorum, qui comburent eam i-  
gne; tu verò non eripies te è manu eorum.* Quod colloquium  
clam proceribus haberi rex Sedechias voluit. Ier. xxxiix.

CXIII. Etiam si verò hæc ita se haberent, quum  
tamen post consummatos lxx à deportato Iechonia an-  
nos certus esset reditus; in hujus rei confirmationem  
iussit Dominus Ieremiam in atrio custodiæ positum à  
patruele suo agrum Hanathotæ in terrâ Benjaminis si-  
tum, cujus redimendi jus Ieremiæ competebar, emere.  
Factum id est anno decimo Sedechiæ, & decimo octavo  
Nebucadnezaris, atque adeo paucis ante *παροδείξαι* men-  
sibus. Vide Ier. xxxii.

CXIV. Operæ autem precium est observari, mul-  
tos cum Iechonia deportatos voluntati divinæ & con-  
silio per Ieremiam patefacto non acquievisse, præsertim  
quamdiu adhuc urbs & templum superessent. Quum  
Ieremias ad deportatos epistolam, de quâ suprà, scripsis-  
set, ausus est Schemaja sacerdotibus Ierusalem commo-  
rantibus non tantum ejus rei indicium facere, sed etiam  
ab illis petere, ut isthoc nomine Ieremiam castigent.  
Vide Ier. xxix, 24 & seqq. Sicut autem Deus per Iere-  
miam Iudæorum reliquiis & earum regi Sedechiæ in pa-  
triâ adhuc degentibus calamitates & exitium tum verbis  
tum typis prædici & ob oculos poni fecit; ita quoque  
per Iezechielem deportatis in Babyloniam exilibus ea-  
dem inculcari voluit, ut ipsi quoque serio resci-  
perent, & exilium patienter ferrent. Iussus igitur est in la-

Q 2

tere li-



tere sive planâ tabulâ Ierusalemum deformare, propugnacula & moles contra eam disponere, & tamquam obsideret eam lateri suo sinistro incubare dies trecentos nonaginta, *quibus feres*, ait Dominus *iniquitatem domus I-*  
*fraëla*, diebus annos figurantibus. Sunt enim ab initio Ieroboami sive regni Iraelitici usque ad everfam urbem anni trecenti nonaginta. Deinde *incumbes lateri tuo dextro, ut feras iniquitatem domus Iude*, *quadraginta dies singulos dies dormi pro singulis annis*. Respondent, ut existimo, hi quadraginta dies annis, quibus regnarunt Ichojakim & Sedechias, iisque quibus ante relapsionem suam impiè agebat Manasse. Coniuncti enim quadraginta facile conficiunt. Ita cubans famis quoque, quâ conficiendi essent obsessi Iudæi, typum edere iussus est. Fuit autem illa dira, ex quo repulsis auxiliis Aegyptiis iterata est obsidio. *Patres comedent filios in medio tui*, ait Dominus per Iezechielem, & *filii comedent patres suos*. Priusquam caperetur urbs, Dei nomine prædicit & minatur Ieremias xix, *Faciam ut comedant carnes filiorum suorum & carnes filiarum suarum*. Quum autem capta jam esset, lamentatur, *Melius habuerunt interfecti gladio, quam interfecti fame*. *Manus mulierum misericordiam coxerunt natos suos: fuerunt eis in cibum, quum conterreretur filia populi mei*. De his videri debent Iezechielis cap. iv, v, vi, vii. Fuit autem Iezechiel in spiritu sublatus, & ductus Ierusalemum, & in ipsum templum, ubi non minus, ac si reapse suoque corpore præsens fuisset, vidit & cognovit ingentem impietatem & idolomaniam Iudæorum post deportatum Iechoniam in urberelictorum. Lege cap. iix, ix, x, xi, cuius hæc ultima sunt verba, *Spiritus attollens me reduxit me in Chaldeam ad deportatos, in visione in spiritu Dei sive per spiritum Dei oblatus*.

oblati. *Et eloquutus sum deportatis omnia verba Domini, quæ  
ostenderat mihi.* Sicut enim apud Iudæos in patriâ com-  
morantes ministerio Ieremiæ usus fuit Dominus: sic ap-  
ud deportatos in Chaldæam ministerio Iezechielis, ut  
hos in officio & obsequio contineret, ad quod post ca-  
ptam & exustam urbem, reapse convicti paullatim,  
quum incolumitas urbis & templi animis eorum obver-  
sari desisset, adducti sunt. Qui in patriâ, audiebant im-  
minere sibi gladium, pestem & famem: nec impetrari ta-  
men ab iis poterat, ut Nebucadnezari se subderent. Qui  
verò in Chaldæâ erant monebantur, ut exemplo popu-  
larium suorum miserè perentium territi divinæ vo-  
luntati acquiescerent, exilium æquo animo tolerarent  
& reditum divinitus promissum certò exspectarent.  
Quin amplitudo & gloria Ecclesiæ per orbem terrarum  
diffundendæ typis & figuris insinuabatur.

CXV. Vbi itaque repulsis auxiliaribus Aegypti-  
orum cohortibus rediit exercitus Babylonius, & obsi-  
dionem restauravit, invaluerunt calamitates & fames,  
cujus paullò antè facta mentio. Nullis autem periculis,  
nullis vel promissis vel minis induci poterant Sedechias  
eiusve aulici, ut voluntati divinæ & consilio Ieremiæ  
obtemperarent, seque Nebucadnezari permitterent.  
Perrupta igitur est civitas. Quod in Iudæâ Ierusalem  
obveniebat, id deportatis in Chaldæâ ob oculos ponere  
jussus est Iezechiel perfodiendo murum, cœcâ nocte e-  
grediendo, super humerum bajulando: ita enim actu-  
rus erat rex Sedechias, & qui cum ipso. *Sed expan-* Iez. 16, 13.  
*dam, ait Dominus, rete meum contra ipsum, & capietur sage-*  
*na mea: deducamq; eum in terram Chaldæorum, quam non vide-*  
*bit, quippe excaecatus, & ibi morietur.* Hæc Iezechielis  
xii. Ieremias ad ipsum, xxxiv, 3: *Omnino prehenderis, &*



in manum Nebucadnezaris traderis, & in Babyloniam pervenies. Verumtamen audi verbum Domini Sedechia rex Judæ: sic ait Dominus de te, Non morieris gladio: in pace morieris, morte naturali, non violentâ, & juxta combustiones majorum tuorum, regum priorum qui fuerunt ante te, similiter comburent tibi, & dicentes, Eheu domine, plangent te: populares videlicet tui, deportationis focii, quando te sepelient, more patriâ (vide II Chron. xvi, 14; xxi, 19) sepulturæ fuffitum & ustiones odoramentorum, nec non usitatum planctum adhibebunt, permittentibus idipsum Chaldæis & deportatos comiter habentibus.

CXVI. Quomodo in manus Nebucadnezaris inciderit Sedechias, narratur II Reg. xxv, & Ieremiæ ultimo. Invalescente fame conati sunt bellatores & rex occultis modis & viis, perrupto in eum finem muro, quem admodum adumbraverat Iezechiel, effugere. Sed persequutus regem exercitus Chaldæorum,prehendit eum in campis Iericho, quum omnes copię ejus disperse essent ab eo. Apprehensum itaque deduxerunt ad regem Babylonis in Riblam, quam Reblatham dicit Vulgatus: & loquuti sunt cum eo iudicium, sive consideratis & trutinatis ejus perfidiâ & periuriis tulerunt de eo sententiam. Iezechiel cap. xvi rem in hunc modum proponit: Ecce venit rex Babylonia Jerusalem, cujus accipiens regem, Iechoniam videlicet, & principes ejus adduxit eos ad se in Babyloniam. Et tulit de semine regio, nempe patrum amoti regis Sedechiam, & percussit cum eo sœdus, & adegit eum ad iurandum: & potentes terræ sustulit, ut esset regnum humile, nec se efferreret, ut custodiret pactum ejus & staret in illo. Sed rebellavit contra eum mittendo nuncios suos in Aegyptum, ut darentur sibi equi, & populus multus. num prosperabitur? num evadet qui facit hæc? & qui irritum reddidit pactum, effugiet? Vivo ego, dicit Dominus.

nus Deus, nisi in loco sive regno regis, qui regnare fecit ipsum  
cujus spreuit juramentum & cujus pactum violavit, apud eum  
in medio Babylonie morietur. Sed legatur textus ipsius pro-  
pheta. Dubium autem esse non potest, quum de rege  
Sedechia haberetur judicium & ferretur sententia, in  
eum tamquam rebellem, fœdifragum & periurum latam  
esse. Coram oculis itaque suis filios suos jugulari vidit,  
& quum id integris atque sanis vidisset, mox iis cœcita-  
tem intulerunt, & vinctum arcis compedibus in Baby-  
loniam deduxerunt.

CXVII. Demum decimo nono anno regis Nebu-  
cadnezaris, Nebuzar -- Adan præfectus satellitum ur-  
bem Ierusalem ingressus combussit templum, quod jam  
steterat annos cccxxvii; anno, antequam nasceretur  
Christus, 15 xxcix. Combussit quoque domum regi-  
am, & omnes domus civitatis, & moenia destruxit. Co-  
lumnas areas & quidquid erat vasorum & instrumen-  
torum templi deportavit in Babyloniam, unâ cum po-  
tiore populo: tantum de pauperibus terra reliquit, qui essent  
vinctores & fesseres. Certum est, aliquot deportationes 1 Reg. 19, 12.  
sive emigrationes subisse Iudæos regnante Nebucadne-  
zare: primam quidem anno tertio Ichoiakimi, Dan. 1:  
1: alteram, quæ fuit omnium maxima & initium dedit  
famossimæ captivitati Babylonicæ, quum abduceretur  
Iechonias: tertiam, quum capta esset urbs. Tres etiam  
recenset Ieremias sub finem sui libri, quæ quomodo  
cum superioribus conjungi aut ab iis disjungi debeant,  
videtur esse ambiguum. Anno, inquit, septimo Nebucad- 1 Cr. 52, 28.  
nezaris deportati sunt Iudæi sex mille, viginti tres. Tempus  
incidit in ultima Ichoiakimi, quando contra datam fi-  
dem defecit, à Nebucadnezare propterea castigatus,  
quin occisus: & tum deportationem hic memoratam  
conti-



contigisse existimo. Sequitur: *Anno decimo octavo deportati sunt Ierosolymis animae octingenta triginta duae. Capiatur pro anno decimo octavo Nebucadnezaris finiente, & pro deportatione, quae ultimam expeditionem, & urbem captam contigit. Tandem: Anno vigesimo tertio Nebucadnezaris deportavit Nebuzaradan praefectus satellitum Iudeos, animas septingentas quadraginta quinque. Fuit quaedam racematio, quandoquidem urbs jam ante quadriennium capta & eversa. Si quis commodius & rectius possit extricare, lubentes auscultabimus. Nos ista hactenus evolvimus, ut appareat operam, quam Deus Iudaeis in patriam per Ieremiam, & in Chaldaeam per Iezechielem praestari voluit, eundem finem spectasse, sibi quae invicem respondisse; & ut nonnullae, quae occurrunt, ambiguitates & difficultates expediantur.*

XXIIIX. Nebucadnezarem victoriis & successibus elatum amentiam vitaeque ad morem bestiarum & ferarum per septennium actam Deus castigavit, donec agnosceret, diceret & scriberet, *Nunc ego Nebucadnezar laudo, extollo, & glorifico Regem caeli, quia omnia opera eius veritas, & via eius iudicium; eosque, qui ambulant in superbia, potest deicere*, Dan. iv, 37. Successit filius Evilmerodach, qui sub initium regni sui Iechoniae, captivitate xxxvii annorum castigato, & ut verosimilimum est, emendato libertatem & honestissimum in aula locum contulit. Ad historiam sacram illustrandam multum facit fragmentum Berosi, qui genere Chaldaeus sub Alexandro Magno & post eum vixit ac scripsit, productum & conservatum a Iosepho Antiq. libro x, cap. xi; quin aliquanto plenius & correctius priore libro contra Apionem, unde nonnulla depromemus. *Nabuchodonosor, inquit, ex vita migravit, quum regnasset annos tres & quadraginta. Euembaradocus autem*



autem ejus filius factus est regni dominus, qui quum res iniquè  
 & flagitiosè administraret, insidias passus à marito sororis suæ  
 Neriglissore interemptus est, quum regnasset annos duos. Hoc  
 itaque perempto capiens regnum, qui ei insidias struxerat, Neri-  
 glissoror quatuor annos regnavit. Cujus filius Laborsoardocho  
 regnavit quidem puer existens mensibus novem, & quod moribus  
 nimis pravis esse apparet, τὸ δὲ πῶν φίλων ἀπετυμπαρίστην,  
 ab amicis obruncatus est, fustibus obvisq; lignis oppressus. Hic  
 igitur ille est, quem Belsazarem vocat Daniel, & nocte  
 luxuriosum & profanum ab eo institutum convivium  
 proximè subsequutâ occisum esse scribit cap. v. Quum  
 autem regnum filii sui nomine gubernaret Neriglissoro-  
 or, annus Belsazaris primus & tertius, qui Dan. vii &  
 ix sub initia capitum memorantur, de regno, quod  
 Belsazaris filii nomine Neriglissoror pater administra-  
 verit, capiendi erunt. Quum dixisset Daniel, Eadem Cap. v. 30,  
 nocte interfectus est Belsazar rex Chaldaeorum; mox subjun-  
 git, Darius autem Medus accepit regnum natus annos ferme Cap. 6, 4  
 sexaginta duos. Patrem ejus dicit fuisse Achaferoschum,  
 Assuerum sive Xerxen è semine Medorum, ix, i. Nunc  
 superioribus Berosica, quæ sequuntur, adjiciemus. La-  
 borosoardocho, qui Danieli Belsazar dicitur (nomina  
 enim apud Chaldaeos diversa imponebantur) perempto,  
 congressi qui ei struxerant insidias, communi suffragio regnum  
 tradidere Nabonido, cuidam Babyloniorum, qui conspirationis  
 erat parriceps. Hic itaque Nabonidus idem, qui Dani-  
 eli Darius Medus, vel è semine Medorum. Sub hoc muri  
 Babylonie civitatis circa fluvium ex latere cocto & bitumine  
 sunt constructi. Quum autem ad decimum septimum usque an-  
 num regnasset, Cyrus è Perside cum magno exercitu egressus, uni-  
 versâ Asia subacta, imperum fecit in Babylonem. Sentiens au-  
 tem Nabonidus invasionem ejus, & occurrens cum exercitu suo,  
 R aque



arque congressus pugna, victus & cum paucis fugatus inclusus est  
in Borsippensium civitate. Cyrus autem Babyloniam obsidens,  
& deliberans exteriores muros deponere civitatis, eo quod nimis  
videretur munita, & esset ad capiendum valde difficilis, rever-  
sus est ad Borsippum, Nabonidum expugnaturus. Nabonido ve-  
ro oppugnationem non expectante, sed prius supplicante, usus cle-  
mentia Cyrus, & dans ei habitaculum in Caramania expulit eum  
à Babylone. Nabonidus itaque reliquum vite tempus in illa  
provincia exegit. Hæc Berofus sacra historię congrua.

CXIX. Cyrus mirā usus est fortunā, & varias in-  
signes obtinuit victorias. Primū quidem avum ma-  
ternum Astyagen, à quo neci pridem ipse destinabatur,  
subegit, & regnum, quod hætenus penes Medos fuerat,  
ad Persas transtulit. Inde cum Croëso Lydorum rege o-  
pulento & potente bellum gessit, & superior factus di-  
tionem suam latè extendit. Congressus etiam cum ul-  
timo Babylonie rege Nabonido, quem à Daniele Da-  
rium Medum appellari diximus, acie cum profligavit,  
in Borsippensium civitate conclusit, & quum se submit-  
teret, Caramania præsidem constituit. Vbiq̃ue enim  
victoriā clementer usus est. Tandem ipsam Babylonem  
NIA. I 1. obsedit & cepit, atque adeo subacta Asia & universo Oriente  
in potestatem redacta (quibus verbis utitur Iustinus) Iudæ-  
is potestatem fecit in patriam redeundi & templum re-  
staurandi, ut narratur sub finem posterioris Chronico-  
rum & initium libri Esdræ.

CXX. Nomen ejus exprimi & de eo hoc ipsum  
prædici voluit Deus per Iesaiam prophetam annis, pri-  
usquam evenirent, circiter ducentis. Dicam Cyro pastorē  
meo, ut omnem meam voluntatem impleat, & dicat Ierusalem,  
Reedificator; & templo, Fundator: Ies. XLIV, 23. Sequitur  
mox capite proximo: Sic dicit Dominus unctio suo, Cyro, cujus  
appre-

apprehendi dexteram, & prosternam coram eo gentes, & lumbos regum Astyagis, Crœsi, Nabonidi dissolvam, ut aperiantur coram eo valvæ & porta non occludantur. Ego tibi præibo, & inæqualia æquabo, valvas chalybeas conteram, & vectes ferreos confringam: & dabo tibi thesauros absconditos & opes absconditas, ut cognoscas quod ego sum Dominus, qui voco te nomine tuo, Deus Israël. Propter servum meum Iacobum & Israël electum meum: & vocavi te in nomine tuo, cognominavi te, & non novisti me. Differtur sanè solutio captivitatis usque ad regnum Persiæ, II Chron. xxxvi, 20: intelligitur autem regnum non incoatum, quale erat devicto Astyage, sed additis reliquis regnis planè consummatum. Quum regno incoato alia subinde regna adjicerentur, diversæ poterunt constitui epochæ, quibus regnare cœperit Cyrus: quarum tamen rationem non videtur habere Scriptura, sed primum ejus annum dicere, quum omnium & ipsius urbis Babylonis compos factus deportatis ludæis libertatem & licentiam redeundi promulgavit. Antequam enim Babylonem in potestatem redegisset, non potuit restituere vasa templi dominante Nebucadnezare avecta, & domibus idolorum addicta. Cœperat itaque Babylonem, quando de eo verba facit Scriptura in hunc modum: *Anno primo Cyri regis Persiæ, ut impleretur verbum Domini prolatum ore Jeremiæ, excitavit Dominus spiritum Cyri regis Persiæ, ut promulgaret per totum regnum suum, idq; etiam scripto, dicens: Sic ait Cyrus rex Persiæ, Omnia regna terræ tradidit mihi Dominus Deus cœli, & ipse præcepit mihi, ut ædificem sibi domum in Ierusalem, quæ est in Iudæa. Quis est inter vos de populo ejus? Si Deus ejus cum eo, & ædificet Ierusalem, quæ est in Iudæa, & ædificet domum Domini Dei Israël. Ipse est Deus, qui est vel habitat in Ierusalem.* lubet etiam vicinos quosque profecturis



favere & opem ferre: restituit vasa templi aurea & argentea quinquies mille & quadringenta, quæ Nebucadnezar abstulerat. Principes & duces redeuntium, quorum numerus quadragies bis mille, trecenti & sexaginta præter servos eorum & ancillas, erant Zerubbabel & Iosua summus sacerdos. Hæc Esdræ i & ii. Catalogus reverforum repetitur Nehemiæ vii. Reduces exstruxerunt altare, in quo juxta legem unoquoque manè & vespere holocausta obtulerunt; celebrarunt præterea festum tabernaculorum, & jecerunt fundamenta templi.

CXXI. At vicini, infensi & infesti turbabant eos in  
*Esdræ 3, 4* *adificando, & mercede conducebant consiliarios contra eos ad*  
*seqq.* *dissolvendum consilium eorum omnibus diebus Cyri regis Persiæ,*  
*usque ad regnum Darii regis Persiæ, qui Hytaspis erat filius,*  
*post occisos magos, qui regnum invaserant, solertiâ e-*  
*quisonis rex factus, uti legere est apud Herodotum li-*  
*bro tertio. In regno autem Ahafschveroschi sive Assueri,*  
*principio regni ejus scripserunt accusationem contra habitato-*  
*res Judææ & Ierusalem: & diebus Artaxerxis itidem. Da-*  
*rio Hytaspis filio successit filius Xerxes; & huic filius*  
*Artaxerxes μακρόχρονος vel Longimanus. Rex Persarum*  
*inter Darium & Artaxerxen medius non potest esse ali-*  
*us, quàm Xerxes. Ahafschverus itaque Xerxes est. Sic*  
*impeditum est opus domus Dei, & mansit impeditum usque ad*  
*annum secundum regni Darii regis Persiæ, Esdræ i i i, ult.*  
*Cap. 7, 1.* *Darium hunc insequitur alius Artaxerxes, qui proinde*  
*μνηστὴρ fuerit; & Darius inter duos hosce Artachastus*  
*medius nullus alius quàm cognomento Nothus. An-*  
*no itaque secundo Darij Nothi propheta vit Haggæus*  
*Zach. 1, 1.* *propheta & Zacharias filius (alibi nepos) Hiddonis propheta*  
*Judæis, qui erant in Judæa & Ierusalem, in nomine Dei Israël*  
*mandantes eis. Tunc surgentes Zerubbabel & Iosua redorsi sunt*  
*adificare*



*adificare domum Dei, quæ est in Ierusalem: & cum ipsis propheta Dei iuvantes eos.* Ita Esdræ v, 1 & 2. Quum à Cyro solveretur captivitas, jam tum duces redeuntium se præbebant Zerubbabel & Iosua, quem tamen nusquam sacerdotem summum vel maximum pontificem vocat Esdras, sine dubio quòd Pater ejus Iosedec, quamvis senio gravis & viribus ad difficiles labores subeundos minùs instructus, adhuc superesset, & honore illo fungeretur. Inter solutam à Cyro captivitatem & annum Darii Nothi secundum plures intersunt anni quàm centum. Vtrumque igitur & Zerubbabelem & Iosuam ad grandem ætatem Mosaicamque decennio & amplius majorem pervenisse oportuit.

CXXII. Haggæus itaque Domini jussu Iudæis exprobrat, quòd neglectâ curâ prosequendi structuram sacræ domus non nisi de suis privatis domibus adificandis solliciti sint. *Antequam est vobis, inquit, ut desideratis in domibus vestris contabulatis, & domus ista sit deserta?* Propterea benedictionem divinam subtrahi, sterilitate agrorum defectuque proventuum & successum rei familiaris eos plecti. Post mensem unum & alterum jungitur Haggæo Zacharias, per quem Dominus promulgat, *Reversus sum ad Ierusalem in misericordiâ: domus mea edificabitur in ea, dicit Dominus exercituum, & regula extendetur super Ierusalem.* Hic est exitus vel egressio verbi de iterum adificandâ sive restaurandâ Ierusalem, Dan. ix, 25. Compellantur quidem Zerubbabel & Iosua & qui cum eis mandato divino parère cœperant, & interrogantur à ministris regiis isthuc profectis, quo jure vel auctoritate talia moliantur; respondent autem, *Nos sumus servi Dei celi & terre* — Anno primo Cyri regis Babylonia Cyrus rex contulit jus domum Dei istam adificandi. Id quum regi

Cap. i, v. 4.

Cap. i, v. 16.

Esdræ 5, ii.



Dario regij significassent, & inventum esset *Achmeta* in regia, quae est in provincia Media, rescriptum Cyri, non modò ut pergerent permisit rex Darius, sed etiam egregium subsidium tulit & nequis impediret, sub gravissimâ poenâ interdixit. Sic igitur *absolutâ domo ista* ad diem tertium mensis *Adar*, quum esset annus sextus Darii regis, celebrarunt *Israëlita*, Sacerdotes ac Levitae & reliqui *reduces ex deportatione* dedicationem hujus domus Dei cum gaudio; immolarunt victimas & celebrarunt pascha. Lege Esdrae cap. vi.

CXXIII. Post Cyrum, Darium, Ahasverosum sive Xerxen, Artaxerxen, Darium, quem alium non posse esse quàm Nothum diximus, sequitur in libro Esdrae Artaxerxes, quem juxta hanc seriem *Mvñμova* vel Memoriosum esse oportet: cujus anno septimo, mense quinto venit Ierusalem Hezra vel Esdras legis peritus & sacerdos, è familiâ Pinchasi oriundus, cum amplissimis privilegiis & donariis à rege Artaxerxe dimissus. Edixerat enim rex, *Ame constituitur lex, ut quicumque sponte se obtulerit in regno meo è populo Israëlis, sacerdotibusq; ejus ac Levitis ad proficiscendum Ierosolymam tecum ô Esdra, proficiatur.* Quandoquidem à rege & septem consiliariis ejus mitteris ad quaestionem habendam in Iudæâ & Ierusalem de lege Dei tui, quae est tibi ad manum: & ad deferendum argentum & aurum, & quod rex & consilarii ejus sponte offerunt Deo Israëlis, cujus habitaculum est in Ierusalem: cum toto argento & auro, quod inveneris in totâ provinciâ Babylonicâ, ex voluntariâ oblatione populi & sacerdotum sponte offerentium pro domo Dei sui, quae est in Ierusalem. Haec & cætera ingentia in domum Dei ejusque ministerium & cultum ab hoc rege collata dona & beneficia innotescunt ex cap. vii Esdrae. Remanserat, ut hinc patet, in Babyloniâ pars populi, Levitarum & sacerdotum; nec concessa abundi  
licentiâ

licentiâ omnes usi fuerant: sicut nec posthac umquam.  
Abdusit igitur Esdras secum in iteratâ hac remigratio-  
ne, quæ à primâ sub Cyro factâ distat annis centum tri-  
ginta & tribus, mares mille, septingentos, quinquagin-  
ta & quatuor, sicut ex Esdræ octavo numerum licet ini-  
re. Consumsit in itinere menses fere quinque, &  
quum venisset Ierosolymam, in manus sacerdotum,  
quidquid à rege ejusque consiliariis & proceribus & ab  
Israelitis in Babyloniâ acceperat, consignavit. Quum  
autem animadvertisset, non solum plebem, sed etiam  
primores & sacerdotes nonnullos peccasse in legem,  
quæ prohibet ducere uxorem ex gentibus profanis & Deut. 7. 2.  
expulsis oriundam; ut prævaricationis suæ eos poenite-  
ret, & uxores ejusmodi repudiarent, etiam si ex eis libe-  
ros suscepissent, effecit.

CXXIV. Apud eundem Artaxerxen in regiâ Su-  
sane pincernæ munere fungebatur Nehemias, qui quum  
ex popularibus è Iudæâ venientibus didicisset, quàm  
durâ conditione ibi vita ageretur, & quòd tum mœ-  
nia tum portæ Ierusalem dirutæ jacerent, vehementer  
indoluit; & quum vinum regi porrecturus tristis appa-  
ruisset, causamque rogatus exposuisset, impetravit non  
modò veniam Ierusalem proficiscendi, ibi, quæ de-  
essent curandi; sed etiam præfectos copiarum & equites  
qui deducerent, & literas ad vicinarum provinciarum præ-  
fides deferendo subsidio. Contigit id anno decimo &  
tertio, postquam eodem se contulisset Esdras. Nehemias  
autem *at anno vigesimo usque ad annum tricesimum secundum* Neh. 5. 14.  
*Artaxerxi regis,* atque adeo duodecim annis in Iudæâ  
& Ierusalem commoratus muros & portas urbis frustra  
ringentibus & adversantibus, qui in viciniâ erant, ini-  
micis restauravit, inopiam multorum, quocumque po-  
tuit



tuit modo, sublevavit, fraudes pseudoprophetarum & falsorum fratrum retudit, populum recensuit, urbi incolas attribuit, rem sacram & civilem ordinavit, lege interim Mosis per Esdram sacerdotem & Levitas prælectâ & expositâ. Quin suâ industriâ rem eò deduxit, ut optimates & populus fœdus inierint de præstandis, quæ lex Mosaica requireret, & sacris ac cultui divino impendi oporteret: ut *imposuerint sibi trientem sicii quotannis ad cultum domus Dei*; item annuas oblationes lignorum, quæ Iosepho ξυλοφορία dicuntur, & in festivitatem verterunt. Αλώσεως libro II, cap. XVII: τῇ δὲ ἐξῆς τῶν ξυλοφορίων ἑορτῆς ἔσῃς, ἐν ᾗ πάντες ἐξ ὧν ὕλιν τῶ βόμῳ προσφέρειν, ὅπως μὴ ποτε τροφοὶ τῶ πυρὶ λείποιτο. Διαμῆναι γὰρ ἄσβεστοι αἰεὶ. Deinde quum esset festivitas xylophorias, in qua mos est omnibus materiam lignorum ad altare sive in usum altaris conveyere, ne unquam deficiat igni esca: semper enim inextinctus perseverat. Portæ & muri, postquam ultima manus eis imposita fuerat, consecrati sunt sive dedicati insignibus ceremoniis, gratiarum actionibus, & musicâ, cymbalis, nabliis & citharis. Quæ solennitas plenè describitur Nehemiæ XII. Aderant unâ cum Sacerdotibus, Levitis, proceribus & populo Esdras legis peritus sacerdosque, & Nehemia qui vocatur princeps aut dux. Præceperat enim ei rex Artaxerxes, ut esset princeps in terrâ Judæâ. Idem dicitur Thirsatha, Vulgato Athersatha, Nehem. IIX, 10; X, 1: quomodo etiam appellatur qui ante ipsum ex mandato regio Iudæis reducibus præfuerat, Esdræ II, 63; Nehem. VII, 65. Tremellius & Iunius non malè reddere videntur *legatum regium*. Fuit sanè nomen alicujus magistratus apud Chaldæos. Nehemias autem post res istas confectas & exactos duodecim annos ad regem Artaxerxem Mnemonem rediit, anno ejus trigésimo secundo, &

Nehem. 10.

vers. 32 &  
34.

Nehem.  
12, 26.  
5, 14.



do, & in fine dierum anni exoravit à rege veniam denuò Nehem. 13  
eundi Ierusalemum. Quò reversus nonnulla, quæ in-  
terea irreperant, & perperam vel admissa vel neglecta  
erant, correxit; conjugia inprimis cum faminis alieni-  
genis inita dissolvit. Quid deinceps egerit, & quòd  
usque ad vitæ finem in Iudæa permanserit, verosimile  
quidem est, attamen non planè certum. Hæc hic visum  
fuit attexere, quòd faciant ad intelligendam historiam  
sacram.

CXXV. Artaxerxi Mnemoni subijcit Nehemias  
Darium, eique jungit Iadduam Pontificem, Nehem. XI,  
22. Darius iste nequit alius esse, quàm Darius Codo-  
mannus, ab Alexandro Magno devictus, translata à Per-  
sis ad Græcos summâ maximi imperii; nec Iaddua alius  
quàm Iaddus, quem Alexander magno honore profe-  
quutus & veneratus fuit, ut memorat Iosephus sub finem  
undecimi Antiquitatum. Nam ad ea usque tempora  
Nehemiam pervenisse liquet ex ipsius libro inter sacros  
recepto, in cuius fine Sanballetis Choronitæ meminit.  
Quæ memorat Iosephus ita se habent: Iaddus pontifex A-  
lexandro Tyro oppugnanti renunciari fecerat, Dario  
se sacramento obstrictum esse. Quum igitur Alexan-  
der Tyro captâ Ierusalemum tenderet, in maximum me-  
tum conjicitur Iaddus, sed à Deo in somnis animatus  
jubetur unâ cum collegio sacerdotum sacris, & populo  
albis vestibus induto obviam Alexandro procedere. *ut vidit è longinquo candidatum populum, & Sacerdotes ante  
agmen in amictu byssino, Pontificemq; in stola hyacinthina au-  
ro distincta, tiaram in capite gestantem cum præfixa aureâ lami-  
nâ insculpta Dei nomine: filius ad eum accedens nomen illud a-  
doravit, & salutavit Pontificem. Quævis autem omnibus uno ore  
Alexandrum conjurantibus, & in orbem cingentibus, Syre*

S

Reges



*Reges & reliqui obstupuerunt, vix credentes Regem mentis com-  
potem: solus Parmenio propius accedens rogavit familiariter,  
quid ita quum ipse adoraretur ab omnibus, nunc adorares Iudeo-  
rum Pontificem? At ille non hunc se adorasse respondit, sed Deo,  
cujus Pontifex esset, honorem eum exhibuisse. hunc enim, in-  
quit, vidi & antea hoc ipso habitu quum adhuc essem in Dio Ma-  
cedonia, qui me deliberantem quomodo Asiam possem subigere,  
heriatus est forti esse animo, & sine mora exercitum iragere.  
nam suoductu positurum me Persarum imperio. Hæc sicut a-  
pud Iosephum habentur: cetera apud ipsum legi pote-  
runt.*

CXXVI. Darius rex ultimus Persarum, Iaddua  
pontifex maximus & Sanballetes Choronita, cujus o-  
perâ & Alexandri permissu exstructum fuit templum  
in monte Garizin prope Samariam, ex iis sunt, qui in  
sacrâ canonicâ historiâ postremi memorantur. Ad tem-  
pora igitur Alexandri ea pertingit, quamquam res ab  
illo gestas non attingit nisi anticipando per vaticinia a-  
pud Danielelem. Apud quem cap. octavo per arietem  
bicornem Darius victus, & per hircum unicornem Ale-  
xander victor figuratur. De successoribus ejus & re-  
bus subsequutis agitur eodem capite; & adhuc plenius

Cap. 8. 21. cap. xi. *Hircus ille villosus est rex Græcia: & cornu grande  
interjectum oculis ejus, est rex primus. Quod autem fracto  
illo surrexerunt quatuor pro eo, significat quod quatuor regna  
de gente ejus consurgunt, sed non cum robore illius. Rursus:*

Cap. 11. 4. *Frangetur regnum ejus, & dividetur in quatuor ventos cæli, &  
non in posteritatem ejus, neque secundum dominatum ejus, quo  
dominatus fuerat: nam evellatur regnum ejus, & aliis præter  
illos, posteros videlicet ejus, tribuetur. Macedoniam  
quidem paucis annis tenere permissus fuit Aridaeus, fra-  
ter Alexandri, post ejus obitum Philippus cognomina-  
tus, te-*

his, tenui valetudine præditus, unâ cum Euridice uxore jussu Olympiadis, matris Alexandri, interfectus. Olympiadem autem, nec non Barsinen & Roxanen, uxores Alexandri earumque filios Herculem & Alexandrum sustulit Cassander, Macedoniamque sibi vindicavit, laciniâ ejus Thraciâ finitimâ parte ad Lyfimachum derivatâ. Regnum Asiæ occupavit Antigonus; Aegypti Ptolomæus Lagi filius; Syriæ Seleucus Nicanor, a cujus initio, ex quo Syriam subegit & imperare cœpit, incipiunt anni regni Græcorum, qui in libris Maccabæorum memorantur.

CXXVII. Successores autem inter se variis infidiis, bellis, fœderibus sanctis & abruptis per malè fidas affinitates non sine tragœdiis & parricidiis sunt collisi, inprimis reges Aegypti & reges Syriæ, cæteris potentiores, quorum illi per reges austri, hi per reges aquilonis Danielis xi designantur. Media inter eos ludæa suis viribus se tueri non poterat, sed alterutri plerumque erat obnoxia, gratificari, inservire, aut etiam tributum pendere coacta. Quamquam, quum momentum aliquod, cui accessisset, adderet, benevolentia & beneficiis in suas partes trahere nonnulli fategerunt, & inraunitates, quas concederent, sibi quàm adversariis deberi maluerunt. Ptolomæorum primus, quem, ut est apud Pausaniam in Atticis, *Macedones reapse Philippi, verò Lagi filium fuisse existimant*: ejus enim matrem uterum ferentem *Lago uxorem à Philippo datam ferunt*: hic, inquam, Ptolomæus *Ierusalymam occupavit*. Ingressus enim urbem *sabbato velut sacrorum gratia, Iudæis non arcentibus, quod nihil hostile suspicarentur, & aliquem eum diem in otio & quiete agentibus, sine difficultate petitus domum, acerbè eam & inelenter tractavit*. Ita Iosephus Antiquitatum xii, cap.

S 2

primo.



primo. Subjungit multos captivos ab eo in Aegyptum traductos, comiter tamen ibi habitos, quibus apud Alexandriam jus civitatis pari cum Macedonibus conditione dedit. Non pauci, inquit, praeterea reliquorum Iudeorum in Aegyptum migraverunt, partim ubertate terra affecti, partim Ptolemai erga suam gentem liberalitate. Hujus Ptolemai filius fuit Ptolemaeus Philadelphus, qui interpretibus ex Iudaea ab Eleazaro pontifice, Iadduae sive Iaddi nepote, petitis & accersitis Sacram scripturum graece transferri fecit, & multa beneficia in Iudaeos & in templum donaria contulit, ut legere est apud Iosephum.

Art. 12. l. 2.

CXXIX. Ptolemaeos Aegypti reges hoc ordine & numero recenset Strabo Geographiae suae libro XVII. Ptolemaeus Lagi filius Alexandro Magno successit; isti Philadelphus; huic Evergetes; ei Philopator Agathoclia (Agathocliae meretricis, cuius etiam in Erotico meminit Plutarchus, illecebris captus, ut scribit Iustinus libro XXX:) inde Epiphanes, & huic Philometor, semper filio patri in regnum succedente. Philometori vero successit frater, dictus Evergetes secundus, quem & Physconem, aqualiculum vel ventricosum appellant; cui successit Ptolemaeus cognomento Lathyrus Lathuro autem aetate nostra Auletes Cleopatra pater. Sed omnes post tertium Ptolemaeum Evergetem videlicet, male regnum administrarunt, luxu perdit: pessime vero quartus, nempe Philopator, & septimus sive Physcon & ultimus Auletes. Ita quidem Strabo. Aliquanto aliter Epiphanius libro de ponderibus & mensuris: & iterum aliter Eusebius in Chronicis. Interim Strabonem aetate vicinum fuisse & accuratum scriptorem esse constat.

Sub init.

CXXIX. Ptolemaeus Philopator regno per patricium parvo, ad necem utriusque parentis cadem etiam fratris adiunxit, ut scribit Iustinus. Per ironiam itaque Philopator di-



tor dictus fuerit; quemadmodum etiam nepos ejus ap-  
 pellatus est Philometor, quem quòd tanto odio prosci-  
 quuta sit mater, quanti exemplum aliud inter reges nul-  
 lum esset, memorat in Atticis Pausanias. Eripere Phi-  
 lopatori Cœlen Syriam moliebatur Antiochus Magnus,  
 Syriæ rex, qui fratri Seleuco Cerauno successerat, na-  
 tus Seleuco Callinico, Seleuci Nicanoris, à quo stirpis  
 origo, pronepote. Gestum est bellum, & prælium  
 commissum prope Raphiam, accuratè descriptum à Po-  
 lybio libro quinto. Succubuit Antiochus, insignem  
 cladem passus: *Ptolemaus vero victoria inopinata contentus,*  
*& omnino Cœle Syriæ imperium præter spem recuperasse satis*  
*habens, adeo non erat alienus à quiete, ut plus etiam, quàm par*  
*esset, ejus desiderio tangeretur, impellente ignavia & cæteris a-*  
*nimi morbis, qui per universam vitam fuerunt illi familiares,*  
 sicut scribit Polybius. Regressus in Aegyptum & perlu-  
 tus *Jerusalem sacrificat Deo maximo & gratias egit,* ut est  
 libro, qui tertius Maccabæorum vocatur, quum tamen  
 proponat historiam tempore priorem, quàm reliquis  
 duobus libris continetur. Permississe ludæos regibus  
 gentilibus, etiamsi idolis suis non renunciarent, ut ni-  
 hilominus pro se & suis in templo sacrificia & dona ju-  
 xta legis præscriptum offerri facerent, notum est ex ijs,  
 quæ de Artaxerxe Mnemone, Alexandro Magno, Ptole-  
 mæo Philadelpho, aliis referuntur. Philopator autem  
 quum in ipsum intimum sacrarium ingredi pararet, &  
 prohiberetur, ingente adversus ludæos omnes odio ex-  
 arsit, diris suppliciis necaturus, quotquot in suo regno  
 essent. Quomodo miraculosè divinitusque præsen-  
 tissimo periculo erepti fuerint, tertius iste Maccabæo-  
 rum liber exponit, *conditus,* ut censet in Animadversio-  
 nibus Eusebianis Scaliger, *stilo & charactere Alexandrino,*

Cap. I, v. 9.



impulso, & qui proximè abest à cosburno. Iosephus in libris Antiquitatum huius rei non meminit: in posteriore tamen contra Apionem simile quid Ptolemæo Physconi tribuit, quod exstat in versione Ruffini, è græco autem textu deperit.

CXXX. Philopatoris ex Ptolemæo Epiphane nepos fuit Ptolemæus Philometor, natus ex Cleopatrá filiâ Antiochi Epiphanis. Hic autem Epiphanes a patre Romam obses missus post fratris necem regnavit, suæque sororis filium Philometorem sub specie tutelæ regno Aegypti exuere molitus fuit. Romani, ne potentia Antiochi Epiphanis nimis excresceret, rationem pupilli habendam censuerunt, & misso C. I opilio legato illum Aegypto excedere iusserunt. *Hoc pacto regnum Ptolemæi, quod tantum non labefactatum jam erat, conservarunt,* ait Polybius: à quo, quàm seriò & strenuè rem egerit Popilius legatus, in Excerptis legationum commemoratur.

Excerpt. 92.

*Omnes Antiochi conatus unica Romanorum denuntiatione repressi sunt,* ait Iosephus xii Antiq. cap. vi. Proximo capite narrat, quomodo reversus ex Aegypto, quam metu Romanorum reliquerat, Ierosolymas nullo negotio ceperit, templum spoliaverit, legitimum omnem cultum aboleverit, idololatricum invexerit & summâ crudelitate stabiliverit. *In templo ara posita (verba sunt Iosephi) porcos mactavit, & cogebat omnes, abrogato veri Dei cultu, ipsius venerari numina: & oppidatim exstructis templis atque altaribus, porcinas in eis quotidie jugulare victimas. Comminatus est etiam gravem penam, si quis liberos circumcideret, constitutus qui mandata exigere, atque etiam vi ad ea servanda detrectantes cogerent. Et maxima quidem Iudaorum pars, vel sponte vel metu supplum parebat edictis regis, qui verò prebatores erant & generosa indolis, maiorem*



*Jerem rationem habuerunt moris patris, quam pœna iustitiae  
 sibi per adversarios. Quamobrem quotidie necabantur excru-  
 ciatis tormentis crudelissimis. Flagris enim cæsi & lacerati cor-  
 pora, viri adhuc & spirantes suffigebantur crucibus, uxores au-  
 tem eorum & circumcisi liberos strangulabant, juxta manda-  
 tum regium, & suspendebant a crucifixorum parentum cervici-  
 bus, abolebatur etiam ubicunque repositum esset sacrum & olamen  
 aliquod, & ipsi apud quos inventum esset, male peribant. Ea-  
 dem narrat primus Maccabæorum cap. primo: unde sua  
 depromisse videtur Iosephus. Hoc autem ipsum est,  
 quod prænuñciaverat Angelus apud Daniele m, 30:  
*Revertetur & irascetur contra fœdus sanctum, & faciet live-  
 efficiet, quod desiderat: & intelliget super deferiores fœde-  
 ris sancti, sive cum eis, quales Iason, Menelaus, Alcimus  
 bene ei conveniet, & quod cupiunt, in rem conferet.  
 Et brachia (robore militare) ab eo stabunt, & polluent sanctu-  
 arium fortitudinis, sive satis aliàs munitum, & auferent ju-  
 ge sacrificium, ponentq; abominationem obstupescientem, id est,  
 idolum, quod Iudæos stupidos reddet & attonitos (Ex- Cap. i, 16.  
 structa fuit abominatio desolationis super altare, quod erat Jero- 6, 7.  
 solymis, habet primus Maccabæorum) Et impiæ agentes in-  
 pactum ad peccandum inducet blanditiis: & populum cognoscen-  
 tium Deum suum prehendent & facient, quod adversus eum  
 allubescit. Nihilominus intelligentes populi docebunt multos:  
 & ex illis corrueunt gladio, flammâ, captivitate & rapinâ die-  
 bus multis.**

CXXXI, Tandem surrexit Mattathias, filius Iohan-  
 nis, filii Simeonis, sacerdos ex filiis Iosab, non quidem stir-  
 pis familiæ Pontificiæ, sed primæ classis sacerdotalis, cu-  
 jus, quum Rex David seriem sacerdotum disponderet,  
 prima fors prodijt: oriundus de Ierusalem, & confedit in Mo-  
 din. Ita primus Maccabæorum initio capitis secundi:  
 ubi



tibi quomodo unà cum filiis, cognatis & Hasidais  
 חסידים sive hominibus pietati addictis, dominanti id-  
 doliatriæ se opposuerit, & ad montana receptum habu-  
 rit, plenè narratur. Iosephus Matthiam dicit, Ἰὼν μαθθίαν,  
 Ant. c. 8, δὲ μαθθίαν, δὲ ἀσασιναν. Inde cognomentum Assamo-  
 naorum, derivatum à proavo Matthiæ, sive fortè aliun-  
 de familiæ factum sit proprium. Mattathias diem suum  
 1 Maccab. senex obiit, anno centesimo quadragesimo sexto, ex quo  
 1, 70. *primum ad Seleuci familiam Syriæ regum devenerat.* Ita enim  
 11 Ant. c. 7, rectè exprimit Iosephus: nec alij in libris Maccabæorum  
 & 14. anni designantur. Parenti successit Iudas Maccabæus vel  
 Macabai, cognomēto confecto ex primis literis verborū,  
 11. 15, 31. quæ in cantico Moſis: כִּמְךָ בְּאֱלֹהִים יְהוָה ut nonnulli  
 volunt. Quod licet uni Iudæ proprium, ad omnes ta-  
 men causā conjunctos transferri cœpit. Magna au-  
 tem præstitit, insolescentem idololatriam compescuit,  
 templum repurgavit, legitimum cultum restauravit a-  
 deo, ut finito tertio anno, ex quo abominatio introdu-  
 cta fuerat, encania celebrarentur: de quibus primus  
 Maccabæorum cap. 15; & Iosephus Antiq. xii. cap. xi.  
 Repetita sunt quotannis, atque adeo etiam quum in ter-  
 ris ageret Christus, Ioh. x, 22. Iudas autem post multos  
 victorias & egregia facta tandem in pralio contra Bac-  
 chidem ducem Demetrii Soteris regis Syriæ, qui natus  
 erat patre Seleuco Philopatore, numero superatus ge-  
 nerosè occubuit, post obitum parentis anno sexto, ἔτος  
 ἀρχιεπισκοπῆς αὐτοῦ τῆς τρίτης κατάσχων, *per triennium pontificatu*  
*functus*, ut est apud Iosephum Antiq. lib. xii, cap. xix:  
 quum jam Antiochus ipse ante triennium Pabylonē ef-  
 set mortuus.

CXXXII. De Pontificibus horum temporum ex  
 Iosepho, quo certior auctor dari nequit, aliquid anno-  
 tare

tare videtur operæ fore precium. Regum Persarum im-  
 perio subditos & dicto audientes, salvâ suâ religione &  
*αὐτονομίᾳ*, Ecclesiam & reimp. supremo loco administrasse  
 ex superioribus potest intelligi. Quomodo Iaddum  
 veneratus sit Alexander Magnus, itidem antea exposi-  
 tum fuit. Iaddo successit filius Onias, ut scribit in fine  
 undecimi Antiquitatum Iosephus. *Onia defuncto filius*  
*Simon successit, Iustus cognominatus, quod & Deum pie coleret,*  
*& cives summâ prosequeretur benevolentia.* Mortuus fili-  
 um unicum impuberem reliquit, haut idoneum geren-  
 do Pontificatui, quem propterea suscepit frater mortui  
 Eleazarus, à quo Ptolemæus Philadelphus Scripturæ  
 interpretes impetravit, Antiq. xii, cap. ii. Post  
 obitum Eleazari Manasses ejus patruus Pontificatum  
 adsumpsit; cui defuncto Onias successit, Simeonis Iusti  
 filius, paullo antè ut minorennis memoratus. Hic  
*Βεβαχὺς ὡς τὸν δίκνοισιν, καὶ χρημάτων ἥττων*, exigui erat  
 iudicij & avarus; unde factum, ut tributum, quod pro populo  
 maiores eius de suo solebant regi pendere, talenta argenti v. gen-  
 ti non solvendo, ad iram commoverit Ptolemaum Evergetem  
 patrem Philopatri. Qui misso Hierosolymam legato inculcabat  
 Oniam, quod tributum non redderet: minabaturq. ne faceret,  
 regionem eius militibus suis se divisuram, & novas colonias eò  
 deducturum, quod audientes Iudei perterriti sunt, licet Onias  
 perfricta fronte hac contemneret, nihil curans præter pecuniam.  
 Ant. xii, cap. iii. Sequitur quomodo Iosephus, ex Oniæ  
 sorore Tobia patre natus, Regem placaverit & Iudeis be-  
 nevolum reddiderit denatus eodem fere tempore, quo  
 ejus avunculus Onias pontifex, qui successorem reliquit  
 Simonem filium, cui vitâ functo successit filius Onias,  
 ejus nominis jam tertius, Antiq. xii, cap. iv. Qui im-



maturâ ætate decessit, relicto filio parvulo ὁμόνυμ. Fratres ejus Iesus, qui Iason dici voluit, & Onias, qui maluit Menelaus appellari, ut pontificatu alter præ altero potiretur, Antiocho Epiphani & gentilismo se totos manciparunt. Iosephus disertè Antiq. xii, cap. vi: *Antiochus post Onia obitum fratri ejus Jesu pontificatum contulit: quo tamen per regis indignationem privatus est, transferebat eum in Oniam fratrem natum minimum. Simoni enim hi tres fuerunt filii, καὶ εἰς τὰς τρεῖς ἡκεν ἡ ἀρχιεροσύνη, & ad omnes res pervenit pontificatus.* Quamquam de his hominibus pessimis, & Alcimo live Iacimo (qui etiam ipse ἡγαγίζετο περὶ ἀρχιεροσύνης, & tandem θανάτῳ morbo perculsus cum magno cruciatu obiit, ut est in primo Maccabæorum) quoad rationem temporum nonnulla intricata sunt apud Iosephum. *Mortuo, ait, Alcimo populus Iudæ Maccabæo pontificatum tradidit, Antiq. xii, cap. xvii.* Quem quum per triennium gessisset, occubuit, quemadmodum prius fuit dictum.

Cap. 7. 21.

Cap. 9. 16.

CXXXIII. Quum occubisset, momento illo accepit Ionathan principatum, surrexitq; in locum Iudæ fratris sui, i Maccab. ix, 27. Eum hinc Demetrius pridem memoratus, isthinc Alexander, cognomento Veles, Antiochii Illustris filius, casu fratri Antiocho Eupatori superstes regnumque paternum capeffens, ad se suasque partes uterque pellicere conati sunt. Maluit tamen adherere Alexandro, quàm Demetrio, cui deinde in prælio etiam fortuna adversa fuit, ut succumberet & occideretur. Alexander autem Ionathani Pontificatum contulit. *Sic induit Ionathan sanctam vestem septimo mense anni centesimi sexagesimi, festo tabernaculorum, i Maccab. x, 21; quum per octennium Pontificatus vacasset.* Adde Iosephum Antiq. xiii, cap. v. Alexandro in Arabiâ occiso fuit filius

lius Antiochus, qui dicitur Antiochus junior 1 Maccab.  
xi, 57: cuius tutelam & patrocinium contra Demetri-  
um Nicanorem juniorem filium Demetrii Soteris susce-  
pit Diodorus Tryphon homo improbus, qui Ionatha-  
nem fraudibus circumventum nequiter & perfide inter-  
fecit, 1 Maccab. xiii: Antiq. xiii, cap. x.

CXXXIV. Ionathani ex consensu populi (Rex ta-  
men Demetrius ei quoque Pontificatum stabilivit, 1  
Macc. xiv, 38) successit frater Simon, ut ita tres habea-  
mus Mattathiae filios, sibi in principatu & pontificatu  
successores, Iudam, Ionathanem & Simonem. Præter  
hos fuerunt alii duo, quorum Eleazarus sub elephante  
interiit, 1 Maccab. vi, 46; Iohanan verò sive Iohannes  
præter spem à filiis Ambri occisus est, ix, 36 & 42. Sub  
hoc Simone res Iudæorum melius habere coeperunt,  
quàm pridem, magnisque accessionibus auctæ sunt.  
Verbalunt primi Maccab. xiii, 41: *Anno centesimo septu-  
agesimo sublatum est iugum gentium ab Israël; cæpi q. populus  
Israeliticus scribere in syngraphis & contractibus: Anno primo  
Simonis pontificis maximi, ducti & principes Iudæorum.* Ad-  
de Antiq. xiii, cap. xi. Arcem templo vicinam, quam  
muniverat Antiochus Epiphanes, & hætenus, ut ut sæ-  
pe tentassent, in potestatem redigere non potuerant  
priores duces, expugnavit solus, æquavit, ne posthac esse  
posset hostibus receptaculum (verba sunt Iosephi) neve inde  
urbi aliquid inferretur incommodum. Quo factò visum est ei  
opere præsum, simons quoq. in quo situ fuerat, compleretur, ut  
solum templum existeret. Quod etiam populi indefesso &  
continuato per triennium labore effecit. Post multa  
præclare facta & de gente sua bene merita in convivio  
scelere generi sui Ptolomæi, qui filius Abubi dux erat  
constitutus in agro Ierichuntino, occisus est, quum per



octo annos Judæis præfuisse, ut est Antiq. xiii. cap. xiv. Adde ultimum primi Maccabæorum, cujus postrema sunt verba; Iohannes cognomento Hyrcanus ἐν ἑνὶ ἔτη ἀρχιεὺς μετὰ τοῦ πατρὸς αὐτοῦ, factus est summus pontifex post patrem suum.

CXXXV. Sub initium principatus sui ab Antiocho Pio pacem quingentis talentis redemit: qui quum in pralio contra Arsacem Parthum occubisset, fimbrias extendere cœpit Iohannes iste Hyrcanus, subjugatisq; omnibus Ægyptiis edixit, ut circumciderentur, nisi malenti essent pelli sedibus, ut illi amore patriæ amiserunt & circumciserent & reliquam juxta Judaicos ritus vivendi formulam, atque ex eo in posterum Judæis accenserent, Antiq. xiii. cap. xvii. Et cap. proximo: Samariam urbem munitissimam obsedit, quæ frustra in subsidium advocavit Antiochum Cyzicenum. nam Hyrcanus, integro anno in oppugnatione exacto, non contentus urbem capere, solo eam æquavit, inductis eò torrentibus; quorum eluvie ita cuncta facta sunt, ut ne quidem vestigium urbis superesset. — Hyrcano autem apud Judæos felicitas invidiam peperit: præcipue verò Phariseorum secta ei male valebat, quorum tanta est auctoritas apud populum, ut etiam si regi obloquantur aut pontifici, fidem tamen eis vulgus habeat. Cæterum Hyrcanus post vitam satis feliciter exactam, elapsis uno & triginta annis imperii, moritur.

CXXXVI. Enatæ autem erant, ne id prætereamus, inter Iudæos, postquam repressa est sævities Antiochi Epiphanis (id enim videtur verò simillimum, quandoquidem sub eâ vel ante eam non memorantur) tres sectæ, Phariseorum, Sadducæorum & Essænorum, de quibus agitur xi. ii. Antiq. cap. ix; &, inprimis de Essænis, ii. Belli cap. vii. Oniæ verò pontificis, quem tertium suprà numeravimus & relicto cognomine filio impu-

impubere decessisse diximus, is ipse filius Onias à Ptole-  
 mæo Philometore ejusque conjuge Cleopatrá impetra-  
 verat, ut liceret sibi in Aegypti regione Heliopolitanâ  
 templum Ierosolymitano conforme adificare, abusus  
 dicto Iesaiæ propheta, *in illa die erit altare Domino in me-* Cap. 19. 19.  
*dia terra Aegypti*: quâ de re xii Antiq. cap. xv; & xiii  
 Antiq. cap. vi; & vii Belli. cap. xxx, cui postremo loco  
 cum prioribus malè convenit, dum Oris Simonis filio,  
 qui jam pontifex fuisset, quidquid ejus est, tribuit.

CXXXVII. Cæterum ut, quæ de pontificibus ho-  
 rum temporum dicere cœpinus, in compendium con-  
 trahamus, utemureo ipso, quod proposuit Iosephus xx  
 Antiq. cap. i. x. Iohannes, inquit, Hyrcanus pontifi-  
 catum, quem per annos triginta & unum gesserat, quum  
 decrepitu obiret, uxor filio, qui alio nomine Aristobu-  
 lus dictus est, reliquit. Is quum primus sibi diade-  
 ma imposuisset, itura æ partem subegisset, & pontifica-  
 tum atque regnum junctum per annum administrasset,  
 propter parricidium matris & innoxij fratris morbo  
 θανάτῳ (de quo xiii Antiq. cap. xix) sublatu heredem  
 & successorem in utroque habuit fratrem suum Alexan-  
 drum, Iannæum quoque dictum, qui quum regnum  
 pontificatui conjungens viginti septem annis uxor præ-  
 fuisset, moriens Alexandræ uxori permisit delegendi  
 pontificis arbitrium. De ejus autem rebus gestis, atro-  
 citate & crudelitate, & quàm exosus fuerit Iudæis vide  
 xii i Antiq. capp. xx, xxi, xxi & xxi i i: quo postremo  
 narratur consilium observatum dignum, quod moriens  
 dedit uxori, nempe ut ex odio publico cluctari & secu-  
 reregnare possit, Iharisæis ἐξουσίαν τινὰ permittendum esse:  
*posse enim parum apud Iudæos, siue exosum aliquem capiant*  
*ledere siue amicum juvare. nam vulgus hoc non facere ha-*



berē, etiamsi per invidiam de aliquo male loquantur. Quod  
quomodo successerit, proximo xxiv capite exponitur;  
ira videlicet ut nomen regni fuerit quidem penes regi-  
nam, *δύναμις* verò & administratio penes Phariseos.

CXXXIIX. Sed ad octavum caput vigesimi Anti-  
quitatum revertamur. Alexander Alexandra uxori re-  
liquit regnum, duosque filios, Hyrcanum & Aristobu-  
lum, & arbitrium utri vellet Pontificatum tribuere. Tri-  
buit autem natu majori Hyrcano, quod is amans esset  
otii & quietis, *ἐκείνῳ* in regia potestate novennio è vivis  
excessit, quo toto tempore Hyrcanus pontificatum tenuit. nam  
post matris obitum *Ἀριστοβούλος* frater, qui etiam ante eum  
matri adversatus factiones inire & tumultuari cœperat,  
moto bello victam Hyrcanum ad privatam vitam redexit, & si-  
bi regnum simul ac sacerdotium vindicavit, *ἐκείνῳ* in utraq;  
dignitate tribus annis & totidem mensibus, quum superveniens  
Pompejus ab utroque fratre attractus ut cepisset urbem &  
templum, cujus tamen thesauros intactos reliquit, à victo-  
re victus Romam missus est cum duabus filiabus & totidem  
filiis; & Hyrcanus in pontificatum restitutus principatum quoq;  
sue gentis accepit, sed absque diademate: præterq; priores illos  
novem per alios xxiv annos summum sacerdotium obtinuit.  
Hyrcanus quidem suâ sorte vitaq; privatâ molestiarum  
vacuâ contentus quievisset, sed ab Antipatro origine  
Idumæo, viro pecunioso & naturâ factioso, Herodis ad  
regnum tandem evecti parente, inductus ad Aretam A-  
rabum regem primùm profugit; deinde Pompejum, sic-  
ut diximus, attraxit, magno totius gentis malo. nam  
tum primum, ait alibi Iosephus, libertatem amisimus, si be-  
cti Romanorum imperio & regionem de Syris bello captam red-  
dere ipsi coacti sumus; & insuper plus quàm decem millia talen-  
torum brevi tempore a nobis Romani exegerunt; & regnum, quo  
prùs

*prius pontificale genus honestabatur, ad plebeios translatus est*  
*homines, nempe ad Antipatri Idumæi familiam. Aristobulus*  
autem respectu cognominis avi sui, quem primum  
sibi diadema imposuisse diximus, discriminis ergo se-  
cundus appellari potest: cui ex uxore Romanarum par-  
tium studiosa (xiv Ant. cap. x) præter liberos secum  
Romam abductos fuerunt filij Alexander & Antigonus,  
qui adversus Hyrcanum multa moverunt, ut patri suo  
& sibi supremam dignitatem assererent. Alexandro  
autem nupta fuit Alexandra, Hyrcani patrui filia: ex  
quo conjugio nati sunt Aristobulus, quem tertium nun-  
cupare possumus; & Mariamme. Hanc uxorem duxit  
Herodes & tandem interemit: illum Pontificem creavit,  
& elapso anno natantem in piscinâ suffocari fecit. Ari-  
stobulus secundus Romæ e vinculis elapsus & in Iudæam  
reversus à Gabinio iterum captus & Romam remissus est:  
à victore autem Iulio Cæsare in gratiam receptus &  
cum duabus legionibus in Syriam destinatus à Pompe-  
janis veneno tollitur: filius ejus Alexander jussu Pom-  
peji apud Antiochiam securi percutitur, xiv Antiq.  
cap. xiii: alter filius Antigonus à Parthis auxilia impe-  
trat, à quibus in Iudæam reducit, & in Parthiam ca-  
ptivus abducitur Hyrcanus, amputatis auriculis, ne  
posthac pontificatus esset idoneus.

CXXXIX. Per hosce motus & Parthicos ab Anti-  
gono attractos exercitus in angustias conjectus Hero-  
des Romam se confert, ubi pridem sibi patrocinium  
conciliaverat Antonij, cujus commendatione à Senatu  
rex Iudææ præter suam spem creatur, & quum e Senatu  
egrederetur, medius inter Cæsarem Augustum & Anto-  
nium deducitur. Reverso in Iudæam cum Antigono  
regnum sibi vindicante bellum fuit, qui intra Ierusalem

**mum**



num conclusus tandem ab Herode & Sosio, quem in auxilium miserat Antonius, unâ cum urbe & templo capitur, & ad Antonium Antiochiam perductus instigante Herode securi percutitur. Hyrcanus senex & auribus mutilatus à Parthis comiter habetur, & Babylonem transire permittitur, ubi maximum honorem exhibent Iudæi tum indigenæ tum vicini. Ab Herode autem jam rege blanditiis sibi persuaderi passus est, ut ad eum reverteretur, à quo etiam in magno honore habitus est. Interea evertitur fortuna Antonij cui hæcenus insigni fide addictus fuerat Herodes. Veritus itaque ne apud Cæsarem Augustum ea res fraudi tibi esset & causa amittendi regni, eum adire & experiri num placare posset, decrevit. Quum autem sciret, quàm ipse exosus esset populo; non fore ratus consultum in ejus oculis absente Hyrcanum, unicum ex stirpe regiæ superstitem, versari; de tollendo improba consilia iniit, & tandem perfecit. Existimavit enim quamdiu ex Asamonæ familiâ aliquis superesset, se regnare securè & sine periculo non posse. Quæ ad eum modum, nefariè sublato grandævo Hyrcano, penitus fuit extincta. Herodes autem Rhodum Augusto in occursum delatus ita excusatione & sermonibus eum demulsit, ut non modò ignosceret, sed etiam diadema restitueret, honorem haberet, quin hortaretur, ut non minùs posthac suam, quàm quondam Antonij amicitiam coleret. *Lege xv Antiq. cap. ix & x.*

CXL. Nunc pergamus ex penultimo capite ultimi Antiquitatum de Pontificibus nonnulla adducere, quæ ex superioribus promtiùs intelligentur. Herodes, quum à Romanis regnum accepisset, & adju tore Sosio Ierusalem expugnasset, Antigonomque per Antonium

nium interiini curasset, non amplius ex *Assamoneo* genere  
 creavit Pontifices, sed eum honorem quibusvis ex sacerdotum or-  
 dine concessit, etiam obscuris, uno *Aristobulo* excepto, hunc enim  
*Hircani* à *Parthis* capti nepotem, & *Mariammes* sue uxoris fra-  
 trem ob favorem populi & *Hircani* avi memoriam summo sacer-  
 dotio dignatus est. Quod impulsus à socru suâ *Alexan-*  
*drâ*, *Hircani* filiâ, matre *Mariammes* & *Aristobuli*,  
 quem tertium haut incommodè appellari diximus, id  
 fecerit, memoratur xv *Antiq.* cap. ii. *Cavens*, ait ibi *Io-*  
*sephus*, ne quis illustrium crearetur pontifex, accito *Babylone*  
 non obscuri generis sacerdote *Ananelo*, huic summum sacerdo-  
 tium dedit. *Alexandra* non tulit hanc contumeliam, sed rem  
 eò deduxit, ut suum filium *Aristobulum* pontificem  
 crearet. Itaque Rex confestim pontificatum abrogat *Anane-* Cap. 3.  
*lo*, viro peregrini generis, utpote nato ex *Iudeis* olim ultra *Eu-*  
*phratem* per *Assyrios* traductis. Eum quidem regnum adeptus  
 auctoritate sua pontificem constituerat, sed postea deposuit, ut  
 turbatam suam familiam componeret sive placaret. Quum  
 autem animadverteret populum favore & studio singu-  
 lari in *Aristobulum* inclinare, metuens ne qui inde  
 contra se motus exorirentur, natantem in piscinâ per  
 dolum suffocari fecit: interim modis omnibus nitebatur si-  
 dem facere, se in scio casum contigisse, non luctum tantum fingens,  
 sed & lacrymas & maorem verosimilimum. Hic fuit exitus  
*Aristobuli*, anno decimo octavo ætatis, primo pontificatus, qui  
 mox ad *Ananellum* rediit. Sic *Herodes* pro lubitu Ponti-  
 fices ex alio quàm pontificio genere adsumptos instituit  
 & destituit. Idem fecit *Archelaus* ejus filius, cui post obi-  
 tum parentis ethnarchiam *Judææ* concessit *Augustus*;  
 idem *Romani*, qui post illum *Viennam Galliarum* ab *Augusto*  
 propter tyrannidem, quam exerceret, relegatum, cum  
 potestate præfuerunt provincie, ut loco pluries laudato scri-  
 bit *Io-*



bit Iosephus: apud quem exempla sunt obvia. Ipse  
 Herodes Iesu Phabetis filio, quem Ananelo surrogave-  
 rat, pontificatum adimit, & successorem ei dat Simo-  
 nem, cuius filiam formâ captus uxorem ducebat, xv An-  
 tiq. cap. xii. Deinde quum ea in suspicionem parati  
 veneni incidisset, & ipsam abiecit, & Simoni patri ejus  
 sacerdotium, quod tamen aliquamdiu tenuerat, abro-  
 gavit, Matthiæque Theophili filio contulit, xvi i An-  
 tiq. cap. vi. Sed ei quoque, quod permisisset aquilam  
 auream portæ templi impositam ab adolescentibus de-  
 jici, ademit, & Ioazaro, uxoris abdicata sive patruo si-  
 ve fratri, attribuit, cap. i ix. Caterum Archelaus Ro-  
 mâ in Iudæam, tunc etnarcha, reversus Ioazaro pon-  
 tificatum abrogat, & ejus fratri Eleazarum confert: quo  
 nec Eleazarus diu potitus est, surrogato in viventis lo-  
 cum Iesu Siæ filio, cap. xv. Aliter narrat xix Antiq. cap.  
 iii. *Quirinus*, inquit, ab Augusto in Iudæam missus, ut  
 Archelai Viennam relegati facultates in fiscum redige-  
 ret & censu ageret, *quum mota esset plebs adversus Ioaza-  
 rum pontificem seditio, privavit eum dignitate, & Ananum Se-  
 thi filium substituit.* Fortè dum ventilatur causa Archelai,  
 & de eo relegando agitur, Ioazarus dignitati acquisita in-  
 hærens Eleazarum & Iesum Siæ filium vitio creatos ad-  
 seruit, & loco cedere noluit. Caterum quum paullò  
 post Augustus diem suum obiisset, successit Tiberius: à  
 quo in Iudæam præses missus Valerius Gratus. Is sacerdotium  
 Anano ademit, & Ismaelem Phabi filium pontificem constituit:  
 & hoc ipso etiam post modicum tempus dejecto in Eleazarum A-  
 nani pontificis filium dignitatem transfudit. Sed elapso anno  
 hunc quoque in ordinem redegit, & Simoni Camithi filio ponti-  
 ficatum dedit. Qui itidem quum in dignitate annum exegisset,  
 iussus est eam cedere Iosepho, qui Caiaphas cognominabatur.

Vide-



Videmus Pontifices annuos, & alios aliis viventibus subrogatos. Sub finem vitæ suæ Tiberius in Iudæam mittit præsidem Vitellium. Is in locum Iosephi Caiaphæ subrogat Ionathanem Anani pontificis filium: & post non multum temporis à Ionathane in fratrem ejus Theophilum pontificatum transfert, xix Antiq. vi & vii. Ananus is est, qui in Evangelicâ historiâ Annas dicitur, & quia ipse aliquamdiu pontificatu functus fuerat, & filios pontifices viderat, quin etiam Caiapham pontificem, qui diutius aliquanto dignitatem tenuisse videtur, generum habebat, in magnâ apud Iudæos fuit auctoritate. Conjunguntur igitur Annas & Caiaphas Lucæ iii, 2: ad Annam, sine dubio ut honorem in transitu haberent, Iesum Servatorem proditiōe Iudææ captum deduxerunt: is verò misit vincitum ad Caiapham generum suum, *qui erat pontifex maximus anni illius*, vel illo tempore, Ioh. xix, 13. Desultorii enim pontifices, quamquam ille diuturnior fuit, haberi pridem cœperant. Nec fortè desierant esse Pontifex & Vicarius sive *ποπομπῆς* pontificis, qui Iudæis *שני* secundus sacerdos magnus, quomodo Paschurem constitutum in domo Iominî ducem vel antecessorem, qui Ierem. xx, 1 in cœnâ oratur, Ilias in Tisbi accipit & interpretatur. Iicuntur *כהן הראש* sacerdos primarius, & *כהן משנה* sacerdos secundarius Reg. xxv, 18; Ierem. lli, 24.

CXII. Quum Servator Iazarum suscitasset *multi ex Iudæis crediderunt in eum* sicut legitur Ioh. xi, 45. Cœgerunt igitur primarii sacerdotes *ἀρχιεπιστῶν* hic alibi videntur appellari, qui pontificatu aliquando functi fuerant, vel secundarii pontifices, vel *ἐπίσκοποι ἐκ γένους ἀρχιεπιστάδων*, quorum quædam ex genere pontificis, ut est *ἐπίσκοπος* ex quo videlicet juxta morem tum receptum creati pontifices



tifices possent) & Pharisei concilium, & dicebant, Quid age-  
mus? nam hic homo multa signa facit. Si permittimus eum ita  
pergere, omnes in eum credent, Messiamque & Regem, cui  
excusso Romanorum iugo regnum debeat, agnoscent.  
Talem enim Messiam illi imaginabantur. Quod quum  
ferre neque velint neque possint Romani, venient & in-  
structi viribus, quibus nos neutiquam pares erimus,  
tollent & delebunt tum locum nostrum, urbem videlicet &  
templum, tum gentem. Dixit autem eis Caiaphas, eo tem-  
pore Pontifex maximus: Vos nihil scitis, nec cogitatis expe-  
dire nobis, ut unus homo, quantuscumque fuerit, quo jure  
quave injuriâ, moriatur pro populo, & tota gens non pereat:  
quod videlicet omnino fiet, si hunc unum hominem  
non tollimus, & ab eo Romanos porro irritari permitti-  
mus. Hoc uno sublato, periculum cessabit. Est quasi  
dixisset, si scelus commiserimus, & fuderimus innocen-  
tem sanguinem, Deus nobis propitius erit & tutos præ-  
stabit. Quo nihil improbius vel absurdius dici potuit.  
Hoc autem ex semetipso non dixit: sanè juxta hunc impro-  
bum & absurdum sensum ex semetipso dixit, sed quum  
esset Pontifex maximus illius anni, prophetavit, id est, Deus vo-  
luit & fecit, ut verbis uteretur, quæ non tantum impium  
& nefarium illum sensum, quem intendebat ipse, con-  
tinerent, sed prorsus propheticum & evangelicum,  
quem proferens nec intenderet, & ne intelligeret qui-  
dem, nempe fore, ut Iesus pro gente moreretur, nec tantum pro  
eâ Iudæorum gente, sed ut etiam filios Dei per orbem terra-  
rum dispersos ex omnibus gentibus congregaret sub se ca-  
pite in unum spirituale corpus & societatem. Et hoc vo-  
luit Deus ab improbo pontifice (ut tamen inter Iudæos  
aliquis Pontifex esset, ipse constituerat) proferri, ut  
qui posthac ex Iudæorum gente converterentur, ani-  
mad-



madvererent sanctissimam hanc veritatem à Pontifice impietatis & cædis magistro, quamvis ipse eam ignoraret & totus in contrarium iret, liquidò adsertam fuisse.

CXLII. Talis fuit status & conditio Pontificum in Iudæâ, quum in eâ nasceretur & deinceps versaretur suumque sanctissimum ministerium obiret Christus Dominus, Servator mundi. Natus est autem imperante Cæsare Augusto, ad finem vergente ætate & regno Herodis. Qui tum parentis sui Antipatri tum propriis meritis Romanos devinxerat, imprimis Antonium, cuius favore Rex creatus Hierosolymam obnitentem à Sosio adjutus cepit, & extincto Antonio Augusti gratiam conservavit; vir in acquirendo & administrando regno gnavus, industrius & felix, *duobus potissimum modis subditos in officio continens, timore suppliciorum, quæ nemini remittebat; & liberalitate, quâ providebat publicis necessitatibus,* XII Antiq. c. XII. Interim quòd esset supra facultates sumtuosus, *cogebatur molestus esse subditis, nam quum in alios erogaret plurimum pecunie, necesse erat eam aliquando malè querere,* XVI Antiq. cap. IX. *Quemadmodum autem foris supra spem fortuna utebatur propitia, sic domi præter opinionem omnia malè cedebant, ut merito ambigendum sit, possitne pensari tantâ externa felicitate calamitas ejus domestica, an satius esset cedere ex æquo utraq; & intra privatam fortunam consistere,* XVI Ant. cap. VI. Vxores decem habuit, è quibus omnium carissimam Mariammen Assamoneam interimis filios autem, quos ex eâ genuerat, quum mater periret, tennellos, deinde verò eximios juvenes, & tum ob matris memoriam, tum proprias virtutes carissimos, Alexandrum & Aristobulum falsò & per calumniam delatos strangulari; tandem Antipatrum, primogenitum suum, cuius technis duo illi fratres perierant, sub finem



Vita jugulari fecit: & alia multa animi enormiter crudelis exempla edidit.

CXLIII. Apud Cæsarem Augustum, cujus erat observantissimus, accusaverat noxium filium, & acceperat responsum, eum *relinqui arbitrio & regis & patris, sive in exilium vellet eum pellere, sive capite plectere*, Antiq. xvii, cap. ix. Refert Macrobius, Saturnaliorum secundo, cap. quarto, ubi jocos Augusti commemorat, *Quam audisset inter pueros, quos in Syria Herodes rex Iudeorum intra bimatum jussit interfici, filium quoque ejus occisum, quod dixerit, Melius est Herodis porcum esse quam filium*. Si hic est ille Macrobius, quem laudant Honorius & Theodosius Imperatores titulo octavo Codicis Theodosiani, integris quatuor seculis serius post rem perpetratam ita scripserit. Et fortè non multò ætate major est, quàm producat Plotinum, Symmachum, Servium grammaticum. Sed apud Imperatores adeo pios Præpositum cubiculo fuisse, qui ubique merum paganismum spirat, & nulla præ se fert argumenta Christianismi, haut est verosimile. Dicit inter pueros, quos Herodes jussit interfici, filium quoque ejus occisum. Si dixisset, paullò post pueros interemtos filium occisum fuisse, accurate scripisset. Sed esto tempus intermedium non fuisse tantum, ut loquutio excusari non possit. Filius autem, qui post pueros occidebatur, non puer erat, sed planè adultus. Quamvis verò potestatem fecerat Augustus Herodi, ut pro suo arbitrio sive ut rex sive ut pater improbum filium coërceret; nihilo tamen minùs ipse ad humanitatem à naturâ factus admirari potuit savum Herodis rigorem, & jocando affirmare, quod satius sit Herodis porcum esse, quem juxta legem gentis non esset matuturus, quam



quàm filium, quandoquidem post duos sublato nunc etiam tertium interemerit.

CXLIV. Quod ejus religionem & cultum, quem numini impenderet, attinet, etiam si à puero Iudaicis ritibus & statutis, per quæ omnem idololatriam vitari oporteret, innutritus esset, ambitione tamen & hinc enato studio demerendi Cæsarem Augustum & Romanos abreptus & dementatus manifestâ idololatriâ se contaminavit. Quâdè Josephus Antiq. xv. cap. xii: *Ambitio studiumq; demerendi Cæsarem & potentiores Romanos causa fuit, ut multum à patrijs institutis decederet, & leges divinas violaret, dum in honorem eorum urbes condit & templa exstruit. licet non in solo Iudaico: hoc enim illi nequaquam laturi erant, quod nefas sit nostris statuas ac effigies more Græcorum colere. quapropter extra eorum regionem tales urbes collocabat, excusans se Judæis, quod non sponte, sed potentiorum iussu hæc faceret: & interim Cæsarem Romanosq; tanto magis sibi devinciens, quod in eorum honorem à patrijs consuetudinibus sustineret à sedere.* Capite proximè antegresso narrat Iosephus, quomodo Samariam Herodes reparaverit, & abrogato vetere novum nomen Sebastes urbi imposuerit. In ejus, ait, *ædificio fanum sesquipedis amplitudine esse voluit, modis omnibus ornatissimum, in quo templum exstruxit cum quovis alio pulcritudine & magnitudine conferendum.* Cap. xiii commemorat, quomodo insigni magnificentiâ Turrim Stratonis in Cæsaream commutaverit, & in eâ edificaverit templum Cæsaris, *longinquo adnavigantibus conspicuum, habens statuas, unam Romæ, alteram Cæsaris: quomodo itidem locum apud Panium & fontes Iordanis aliquem celebrem ornaverit templo exstructo in honorem Cæsaris, quamvis Judæorum animi essent ferentur talibus operibus, quæ videbantur plane ad religionis & bonorum morum pernici-*  
*em ten-*



em tendere, ut omnium jactabatur sermonibus. Libri xvi cap. ix additur, quod ludos Olympios, in honorem Iovis ab Hercule institutos, non satis respondentes sua celebritati propter inopiam, adjuverit attributis annuis redditibus, quod splendidius & sacrificia fierent, & alia, quae ad decorandum tam frequentem conventum pertinent. Iisdem de rebus videri potest Belli liber primus, cap. xvi; ubi ista junctim narratur, & haec inter cetera habentur verba: *Prorsus non est idoneus regni locus, quem honore Caesaris nudum reliquerit. Postquam vero fines suos templis replevit, in provinciam quoque honores eius effudit, & in multis civitatibus templa, quae Caesaria vocantur, constituit.* Cultui itaque Dei, quem una cum ejus temporis Iudaeis tamquam unicum, verum & aeternum colebat, sive se colere simulabat, idololatriam satis crassam & manifestam adjunxit.

CXLV. Orat quidem Salomon, quum exstruxisset templum, *Extraneo etiam, qui non fuerit ex populo tuo Israel, veneritque, de terra longinqua propter nomen tuum, quando adveniens orabit versus domum hanc, tu auscultato de caelis, statione habitationis tuae:* sed non est ullo modo verisimile, quod intelligat alium, quam unius veri Dei cultorem, qui exspectet semen, in quo benedicendae omnes gentes terrae, proditum ex Abrahami, Isaac & Iacobi posteris; quorum famam per orbem celebri excitatus ad hoc ab ipsis exstructum templum adoraturus venerit. Nihilominus postea invaluit, ut qui idololatriam missam non facerent, & propitium habere satagerent Deum, quem magnum esse & castis ceremoniis à Iudaeis coli agnoscerent, ei pro sua & suorum salute victimas offerri facerent. Sic Alexander Magnus *adscendens in templum Ierosolymitanum immolavit Deo ex sacerdotis praescripto, ut est apud Iosephum in fine undecimi Antiquitatum;* & nihilo

hilo minus consueta idololatriæ inhæsit. Sic Ptolemaeus Philadelphus *mandavit pecunie pro sacrificiis & reliquis templi usibus centum talenta erogari.* Eleazarus Pontifex scriptis literis tribuit ei pietatem, quæ colat Deum maximum. Hæc Iosephus Antiq. xi i, cap. ii: ubi etiam recenset & describit donaria, quæ Rex Deo misit, ut omnibus, inquit, nota fiat ejus Regis erga Deum pietas & liberalitas. Si tamen idola sua colere non desit, uti non est verosimile, idololatra permansit. Sosius postquam unâ cum Herode Ierosolymam cepisset, consecrata Deo cororâ aureâ discessit, ut legitur in fine xiv Antiquitatum. Marcus Agrippa ab eodem Herode Ierosolymam invitatus & deductus τῷ θεῷ ἑκατόμβην κατέθυσε, hecatomben Deo immolavit, Antiq. libro xvi, cap. ii. Belli libro secundo, cap. xvii memoratur, quod moris semper fuerit, eorum, qui foris essent, populorum munera suscipere, & hostias non prohibere; οἱ πάντες οἱ πρῶτοι τὰς ἀπὸ τῶν ἀλλογενῶν θυσίας ἀπέδεχοντο, quod omnes majores sacrificia exterorum admisserint. Fuisse Romani belli occasionem, quod hostia Cæsaris pro Romanis offerri solita rejicerentur. Ipse Cæsar Augustus ordinavit è suis redditibus rite offerri quotidie altissimo Deo in holocaustum victimas, taurum & duos agnos; quæ hodieq. offeruntur, ait Philo ante finem libri de legatione ad Cajum. Cæsares igitur & hi Romani Deo Iudæorum, hoc est, æterno & vero, calorūque & terræ creatori eum honorem habuerunt: quia tamen Iovem, Martem, Quirinum & cæteros suos fictitios deos coluerunt, idololatræ esse non desierunt. Desit autem esse I-ahaman Syrus, ex quo apud animum suum firmiter constituit, se non facturum holocaustum aut sacrificium dñs alienis, sed IOM NO, i i Reg. v, 17.

CXLVI. Herodes quidem, ut idololatriæ suspicio-  
X nem,



neni, quàm exstructis contra legē templis incurrebat, vel  
obrueret vel minueret, & se Iudaicæ religioni addictum  
demonstrans Iudæorum animos vel placaret vel sibi de-  
vinciret *decimo octavo regni sui anno* templum, quod redu-  
ces ex captivitate Babylonicâ ad pristinam majestatem  
evehere non potuerant, prorsus antiquo par, aut etiam  
augustius moliri constituit. Quum autem metuerent  
Iudæi, *ne fortè postquam destruxisset vetus ædificium, novum  
non posset absolvere, manere voluit vetus templum integrum, do-  
nec omnis ad futuram fabricam necessaria materia comparare-  
tur.* Mille enim plaustra paravit, quæ lapides conveherent:  
& ex omni artificum copiâ peritissimos selegit ad decem millia,  
& insuper mille sacerdotes stolis sacerdotalibus suo summa vesti-  
tos, partim cementariam, partim lignariam fabricam edoctos;  
hosq; omnes adhibuit operi, materia jam ante convecta. Sub-  
latis deinde veteribus fundamentis, & novis repositis desuper  
templum exstruebat. Hæc omnia & plura alia eodem fa-  
cientia Antiq. xv, cap. xiv: è quibus adjungere lubet,  
quæ modò subijcimus. Herodes interiora, a quibus profa-  
ni lege arcebantur, non ausus ingredi, per sacerdotes curabat fa-  
bricam intimarum porticum: absolutoque octo annis reliquo ædi-  
ficio, tandem etiam templum ipsum eorundem sacerdotum ope-  
ra sesquianno perfecit. Celebrata est igitur instauratio  
sive innovatio magnâ solennitate. Rex trecentos boves  
Deo mactavit, & alii pro suis quisque facultatibus tantum vi-  
ctimarum, quantum vix comprehendi possit numero, fullente ve-  
ram æstimationem earum multitudine. Ita quidem absolu-  
ta est structura templi, & quæ cum eo proximius sive  
arctius cohærebant. Non tamen propterea desitum  
est ædificari, sed structura per annos complures conti-  
nuata, insuitos in opera contigua vel annexa, ut de-  
mum finierit non multis ante *παρολιβεῖται* annis. Quâ  
de re



dere Antiquitatum ultimo, cap. penultimo: *Iam absolutum erat templi edificium. Populus itaque quum videret esse in ocio circa octodecim opificum millia, solitorum haecenus in templo ex operarum mercedibus victum querere, nolensq. sacram pecuniam repositam habere, ne quando Romanis praeda fieret, simulq. opificibus inde provisum cupiens, quod vel una hora operato statim merces representaretur; suasis regi Agrippae, Herodis Agrippae (de quo Act. xii) filio, cuius cura fabricam templi Claudius Caesar commiserat, ut orientalem instauraret porticum, quae templi extrema claudebat, profunde valli & angusta imminens, ac proinde subnixa muro quadringentos alto cubitos. Rex autem non annuit populi precibus, sed urbem candido saxo consternere non vetuit. Quum igitur hoc ipso in templo, quod, sicut diximus, operibus ad id pertinentibus & appendicibus amplificari & ornari nondum desisset, versaretur Servator; de hoc ipso, & non de aliis, quae tunc non exstabant, & quibus etiam non quadrat, accipiendum erit, quodei dicunt Iudaei, *Quadraginta & sex annis edificatum est templum hoc, & in triduo diebus excitabis illud?* Ioh. i i, 20.*

CXLVII. Mirari possit non nemo, unde Iudaeis suppeterent tanti structuris impendendi sumtus. Non adducam, quod imposuerint sibi irientem sibi quotannis ad cultum domus Dei, Nehem. x, 33: nam is si non colligatur aliunde, quam ab inquilinis Iudaeae, facile in victimas, & quae eo spectant, absumetur. Caterum dispersi iam erant Iudaei illis temporibus per totum orbem terrarum. Ex Strabone producit Iosephus, τὸ πᾶν ἔκ ἐστὶν παρὰ τὴν ἐν τῇ οἰκισμένη, ὅς ἐστι παρὰ τὴν ἐν τῇ οἰκισμένη, non est facile invenire in orbe habitato locum, qui non receperit id genus hominum, Antiq. xiv, cap. xii; ubi agit de immenso thesauro, quo templum Crassus spoliavit. Nec est miran-



dum, inquit, *tantas divitias in nostro templo fuisse, cujus Deum*  
*quum omnes ubique terrarum Iudaei venerentur ac colant, tam*  
*ex Europâ quàm ex Asiâ longo tempore huc eas contulerant.*  
Nempe undique à Iudæis per orbem dispersis mitteban-  
tur ad templum non modò consueta, sed etiam magna  
extra ordinem donaria. *Fulvia mulier nobilis Romana am-*  
*plexa legem Iudaicam purpuram & aurum in templum misit:*  
sed Iudæi, quibus transferenda crediderat, in proprios  
usus verterunt. Id ubi Tiberius rescivit, *jussit universos*  
*Iudeos ex urbe pelli: ex quibus Consules delectu habito quatuor*  
*millia militum miserunt in Sardiniam,* Antiq. xix, cap. v.  
Quum coram Casare Augusto controversia inter Ar-  
chelaum & populum Iudaicum tractaretur, legatis ex  
Iudæâ missis *adstiterunt plus quàm octo millia Iudeorum*  
*Rome degentium,* Belli ii, cap. iv. Concesserat enim eis  
bonam urbis trans Tyberim partem, ut paullò pòst ex  
Philone dicitur. Tantus Iudæorum numerus fuit in  
ipsâ urbe Româ: è quâ tamen facessere jussu sunt semel à  
Tiberio, ut modò fuit dictum; & iterum à Claudio, ut  
est Act. xix, 2; & apud Suetonium in Claudio, cap.  
xxv.

CXLIX. Aurum Iudaicum Hierosolymam de-  
portari solitum tangit Cicero oratione pro L. Flacco.  
*Quum aurum,* inquit, *Iudeorum nomine quotannis ex Italiâ*  
*& ex omnibus provinciis Hierosolymam exportari soleret, Flac-*  
*cus sanxit edicto, ne ex Asiâ exportari liceret.* De Iudæis  
Mesopotamiam & Babyloniam incolentibus testatur Io-  
sephus, quòd urbibus Naardâ & Nisibi ad Euphratem  
sitis usi fuerint *ὄσπερ ταμίαι.* Iudæi, inquit, *fratrum locorum*  
*naturâ sacrum didragma, quod Deo ex more solent offerre, ca-*  
*rerantq; votivam pecuniam in his urbibus deponebant, tamquam*  
*in communi arario, inde suo tempore transmittendam Hieroso-*  
*lyma,* Antiq. xix, cap. xii. CXLIX.



CXLIX. Quòd verò Iudæi per orbem terrarum dispersi fuerint, atque adeo veritati consonet, quod ex Strabone produxisse Iosephum paullò antè meminimus, nempe haut facillè inveniri locum τῆς διασπορῆς, cui non insederint; id manifestò constat ex Actorum secundo, ubi memorantur Iudæi ex omni natione eorum, qui sub cælo sunt, Parthi & Medi & Elamitæ sive Persæ, & incolentes Mesopotamiam & Iudeam stricte ita dictam, usamque dialecto, quæ à Galilæorum loquendi & pronunciandi modo differret, Cappadociam, Pontum & Asiam minorem, Phrygiam & Pamphylia, & partes Libyæ quæ est secundum Cyrenen, & advenæ Romani, Cretes & Arabes. Sanctus Petrus priorem suam epistolam inscribit advenis dispersis per Pontum, Galatiam, Cappadociam, Asiam & Bithyniam; (sine dubio διασπορῇ τῶν ἑλλήνων Iudæis dicitur, Ioh. vii, 35) sanctus Iacobus suam duodecim tribubus dispersis: de quibus sanctus Paulus, Ad promissionem patribus nostris à Deo factam duodecim tribus nostræ, Deum nocte & die assidue colentes, sperant se deventuras, Act. xxvi, 7. Per varias igitur, imò plerasque orbis habitati, præsertim Romani, gentes sparsi erant Iudæi, ut hæ ipsæ promptam & præsentem haberent opportunitatem dediscendi fœdam suam idololatriam cultumque fictitiorum numinum, & amplectendi cultum unici veri Dei, quem adorabant Iudæi, veramque religionem. Ptolemæus Lagi, primus Aegypti post Alexandrum rex, Iudæis apud Alexandriam jus civitatis par cum Macedonibus conditione dedit, Antiq. xii, cap. i. De successoris Philadelphi in eos adfectu multa cap. ii. Seleucus etiam Nicanor, conditis à se per Asiam & inferiorem Syriam urbibus, in ipsa denique metropoli Antiochia jus civitatis eis dedit, voluitque par cum Macedonibus ac Græcis jure ibi degere, cap. iii. Quin Philometor



metor rex Aegypti indulſit Oniæ poteſtatem in regio-  
 ne Heliopolitanâ templum Hieroſolymitano ſimile in  
 Iudæorum uſus condendi, Antiq. xiii, cap. vi. Quam-  
 vis Aſiatici & Cyrenenſes Iudæi à priſcis regibus accepſſent jus  
 civitatis ex aquo cum cæteris, tamen multas injurias à Græcis  
 patiebantur, quaſi exportarent pecunias, & eſſent noxii reliquis  
 civibus, Ant. xvi, cap. x. Cæſar Auguſtus conceſſit trans  
 Tyberim bonam urbis partem teneri à Iudæis, quorum plerique  
 erant libertini: quippe qui belli jure in poteſtatem redacti ab he-  
 ris ſuis manum iſſi fuerant, permiſſi majorum ritu vivere. Hos  
 ſciebat habere ſuas proſeuchas, in quibus cætus fucerent, præſer-  
 tim ſabbatis, juxta religionem patriam. Sciebat eos collectas  
 primitiarum nomine mittere Hieroſolymam, & certos homines,  
 qui pro iſſis offerrent victimas. Verba iſta ſunt Philonis,

poſt lat.

libro de legatione ad Cajum, ante medium. Cujus hac  
 de alia ex libro contra Flaccum hîc audiri operæ iti-  
 dem fuerit precium. Ἰσθαίς ἅρα μία ἀπὸ πολυανθρωπί-  
 αν ὁ χορεῖ. ἡς αἰτίας ἔνεχα τὰς πλείους καὶ εὐδαμονεστάτας τῶν  
 ἐν Εὐρώπῃ καὶ Αἰσίᾳ κατὰ τὰ ἱέρους καὶ ἡπείρου ἐκνεμόνται, μὴ ἐξ-  
 πολὺ μὲν τὴν ἱερὴν πόλιν ἡγούμενοι, καὶ ἰὺ ἰδρυταὶ ὁ τὸ ὑψίσ-  
 τος θεὸς ἀγίων. αἱ δ' ἔλαχον ἐκ πατέρων καὶ παππῶν καὶ παρὰ πα-  
 ππῶν καὶ τῶν ἐπὶ αὐτῶν παρρηγιῶν οἰκεῖν ἔχοντες, πατρίδας νομίζοντες,  
 ἐν αἷς ἐξανθήσονται καὶ ἐπ' ἀφῆσαν. οἱς ἐνίας δὲ καὶ κηρυχόμενας εὐχὴς  
 ἡλθον ἀποικίαν στείλάντων, τοῖς κτίσταις χειρίζοντων. Iudeos  
 una regio non capit propter hominum multitudinem: quomobrem  
 plurimas ac fortunatissimas urbes in Europa Asiaq; provinciis  
 ac insulis incolunt, pro metropoli habentes sanctam civitatem, in  
 qua templum altissimo Deo sacratum est: civitas autem proci-  
 tasq; sedes colentes tanquam patriam, ubi nati educatiq; sint. in  
 quibusdam etiam mox ut condita sunt immigrarunt, in condico-  
 ris cujusque gratiam.

CL. Tales itaque Iudæi loca, in quibus nati & e-  
 ducati



ducati fuerant, vel cum familiâ suâ habitabant suisque rebus vacabant, tamquam patriam habebant. Sic se Paulus vocat Tarsensem, urbis in Ciliciâ non obscuræ civem, Act. xxi, 39; & natum Romanum civem, Act. xxii, 28. Aliquando tamen vel festi ergo, vel religionis accuratiùs cognoscendæ & studiorum gratiâ Hierosolymam adibant, & ibi aliquamdiu commorabantur: de qualibus loquitur Actorum caput secundum. Erant autem in urbibus, quas incolerent Iudæi, synagogæ, quæ etiam proscuchæ (Act. xvi, 13 & 16) appellantur, ab advenis adiri solitæ. Quibus ne quidem græcos & gentiles excludebant aut prohibebant, ut intelligere est ex Act. xi 11, 44; & xiv, 1; xvii, 4; xi 18, 4. Satagebant enim suam religionem quibuscumque dissidentibus persuadere. *Circumitis mare & aridam*, id est, assiduam & indefessam operam adhibetis, *ut faciatis unum proselytum*, ait Servator Matth. xxiii, 15. Ejusmodi Hierosolymis erat *synagoga, quæ dicitur Libertinorum*, fortè à libertinis, quales Philonem memorasse paullo antè diximus, instituta, ad quam accesserunt *quidam Cyrenæorum, & Alexandrinorum, & eorum qui ex Ciliciâ & Asiâ*, Act. vi, 9.

¶ CII. Hæc erat facies rerum Iudaicarum tum ecclesiasticarum tum civilium, quum nasceretur Servator mundi, Iesus Christus: quam bene cognitam ad complura rectius intelligenda profuturam existimamus. E tribus autem sectis, quæ post reditum è captivitate Babylonica exortæ erant, Phariseorum & Sadducæorum in scriptis Novi testamenti satis frequens mentio: nulla verò Essenorum, sine dubio quòd sibi privatim viverent, & publico abstinerent. Accreverat, quando post relegatum Archelaum à Quirinio census exigebatur, quarta; cujus auctores Iosephus facit Iudam Galilaum  
& Sad-



& Saddocum Phariseum. *Cetera, inquit, cum phariseis consentiunt, nisi quod constantissimo libertatis amore flagrant, credentes solum Deum dominum habendum & principem, & facilius exquisitissima pœnarum genera laturi cum cognatis suis ac carissimis, quàm mortalem aliquem appellaturi dominum, Antiq. xix, cap. ii. Adde Belli ii, cap. vii: Indigenas increpabant, quod paterentur pendi Romanis tributum, & post Deum ferri mortales dominos. Eàdem sententiâ imbuti fuisset videntur, qui quum Servator diceret, Veritas vos in libertatem vindicabit; responderunt, Semen Abrahami sumus, nec ulli servivimus umquam: quomodo tu dicis, Vos in libertatem vindicabimini? Ioh. iix, 33.*

CLII. Natus est autem Servator mundi Iesus Christus è benedictâ virgine matre, superveniente in eam Spiritu sancto, sub finem vitæ & sævitæ Herodis, imperante Romano orbi Casare Augusto, decimo sexto ante ejus obitum anno, ἡγεμονεύοντι & τῷ Σεβαστῷ Κυβερνήτῃ, ut est Lucæ ii, 2. Quintilius quidem Varus præfæs tunc erat Syriæ, Saturnino datus successor, Antiq. xvii, cap. vii. Quum autem ab Augusto Archelaus Vienne Galliæ relegaretur, & ethnarchia Iudææ strictè dictæ, hæcenus Archelao concessa, in provinciam regimini Procuratorum Caesaris subditam redigeretur; tum demum, ditione videlicet Archelai attributâ Syriæ, missus est illò à Casare Quirinius, vir consularis, qui censum ageret per Syriam, & Archelai domum & bona venderet. Ita in fine xvii Antiquitatum Iosephus. Decimum octavum ab his verbis orditur: Quirinius senator Romanus, per omnes honorum gradus ad consulatum usq; provecctus, & in primis clarus, à Casare mittitur in Syriam, ut jura populis redderet, facultatesq; censeret omnium: & cum eo venit Coponius, præfectus turme equitum, penes quem esset totius Judææ administratio. Quin & ipse Quiri-

Quirinius in Iudæam venit jam attributam provinciam Syria, ne  
 percenseret facultates ejus regionis civium, & Archelai pecu-  
 nias in potestatem suam redigeret. Quando itaque Quirinius  
 Præses Syriæ sit factus, ex his manifestum, nempe post  
 Archelaum Viennam relegatum, quum Coponius con-  
 stitueretur Procurator Cæsaris in Iudæâ. Ex quo qui  
 Coponio successerunt, itidem omnes Procuratores fue-  
 runt; & Agrippæ Major atque Minor quamvis Reges  
 creati & appellati fuerint, Iudæa tamen propriè dicta,  
 quæ pridem provincia Cæsaris facta erat, ab eorum re-  
 gno disjuncta Procuratoribus parebat. Qui strictiore  
 vocabulo ἐπίτροποι dicuntur, uti Præsides ἡγεμόνες. Cate-  
 rùm in sacris Novi fœderis libris discrimen non obser-  
 vatur; & Pilatus atque Felix, qui non nisi Procuratores  
 erant, ἡγεμόνες ubique appellantur. Iustinus autem A-  
 pologia, quæ posteriore loco in codicibus ponitur, ad  
 Cæsares verba faciens, quòd Berhlehem, ait, vicus quidam  
 sit in regione Iudeorum. intelligere potestis ἐκ τῶν ἀπογραφῶν τῶν  
 γενομένων ἐπὶ Κυρίῳ ὃ ὑμεῖς ἐν Ἰουδαίᾳ παρὰ γενομένης ἐπι-  
 τρώσεως, ex descriptionibus, quæ sub Cyrenio primo vestro in Iu-  
 dæa procuratore sunt confectæ. Ab Augusto igitur, ante-  
 quam ab eo Syriæ præses constitueretur, in Syriam &  
 vicinam Iudæam missus fuit ἀπογραφῆς faciendæ ergo;  
 quæ nulli tumultui causam præbuit, quum esset sine  
 exactione, hoc saltem sine suscepta, ut cognoscerentur  
 vires & opes imperii. Altera verò post relegatum Ar-  
 chelaum instituta, quæ reapse censum exigebat, motus  
 excitavit & quartam sectam, ut paullo ante fuit dictum,  
 toti Iudææ perniciosam. Priore itaque vice ad curan-  
 dum unum illud peculiare ἀπογραφῆς negotium missio  
 sufficisset titulus ἐπιτρόπος, quo utitur Iustinus: sed si-  
 cut dicit Lucas, ἡγεμειὼν ὁ Ποιῆς Πιλάτος τῆς Ἰουδαίας,

Y

lic



hic etiam dicit ἡγεμονεύοντας τῆς Συρίας Κυβερνῆτας. Quin Iosephus etiam Pilatum & alios Iudææ procuratores ἡγεμόνας appellat Antiq. xiiix, cap. iv.

CLIII. Natus autem octo dies Iesus Messias, circumcissus est juxta pactum & præceptum, quod Abrahamo datum, & per Moysen Levit. xii, 3 repetitum, & hætenus à Iudæis religiosè observatum erat. Absque circumcissione enim si fuisset, à Iudæis profanus & legis divinæ contemtor habitus esset. *Postquam venit plenum tempus*, sive postquam expletum est tempus, quod divinitus præfinitum & constitutum erat, *emissit Deus Filium suum, factum* sive natum *ex muliere* virum non expertâ, *factum legi* ex patris voluntate & decreto *subjectum*, unde octavo die circumcissus est, quadragesimo in templo oblatus, solennia festa frequentavit & legis ceremonias observavit, *ut eos qui sub Lege erant*, qui hætenus hujusmodi servituti per legem impositæ obnoxii fuerant, & tamquam sub tutoribus & curatoribus vixerant, *redimeret*, sive à tali servitute tutelaque eximeret, & in libertatem adfereret, *ut adoptionem acciperemus*, plenam scilicet & perfectam, per quam haberemur tamquam filii adulti, curatore non ampliùs egentes, Gal. iv, 4 & 5.

Lucæ, 2,  
45 & seqq.

CLIV. Duodecimum agens annum specimen edidit, è quo intelligi poterat, cum præ aliis mortalibus eminere, & alium quàm vulgò putaretur Patrem, cuius res spirituales ei curandæ essent, habere. inventus videlicet post triduum *sedens in medio magistrorum*, & *audire eos & eos interrogare*. Percellebantur autem omnes qui eum audiebant, *super intelligentiâ & responsis ejus*. Compellatus à matre respondit, *Se oportere in his esse, quæ Patris sui sint*. Quod tamen illa tunc non intellexit. *Descendit autem venitque* cum matre & Iosepho, cuius existimabatur

batur esse filius, *Nazaretham*, & erat eis *subjectus*: nempe etiam si se parentibus superiorem ostenderat, & obsequium, quod Patri coelesti debetur, omnibus aliis antefendum declaraverat, exemplo tamen suo docere etiam voluit, quid carnalibus parentibus debeat.

CLV. Decimoquinto anno Tiberii Caesaris, quum jam ipse *incipiebat esse quasi annorum triginta*, exorsus est publicum suum ministerium, prodromo tamen & paratio Iohanne, qui Baptistes vocatur. Is erat *vox clamantis in deserto, Parate viam Domini, complanate semitas ejus*, Ies. xi, 3; Matth. iii, 3; Marci i, 3; Lucae iii, 4; Ioh. i, 23. Is erat angelus sive nuncius, de quo Malachiae iii, 1: *Ecce ego mitto nuncium meum ante faciem tuam, qui parabit viam tuam ante te*, Marci i, 2; Matth. xi, 10; Lucae vii, 27. Imò is Elias erat. *Ipsa est Elias, qui venturus*, affirmat disertè Servator Matth. xi, 14. nempe Elias, de quo in fine libri, qui sub vetere testamento postremus à propheta prodiit: *Ecce ego missurus sum vobis Eliam prophetam, antequam veniat dies Domini magnus & reverendus; ut convertat cor patrum ad filios, & cor filiorum ad patres ipsorum*, Mal. iv, 5. Iunge verba & interpretationem Servatoris Matth. xvii, 12; Marci ix, 13. Quin etiam Angeli ad parentem Zachariam Lucae i, 16: *Multos filiorum Israel convertet ad Dominum Deum ipsorum; & ipse procedet ante eum in spiritu & virtute Eliae, ut convertat corda patrum in filios, & contumaces ad prudentiam iustorum*. Hinc etiam ipse parens Zacharias in suo cantico: *Tu puerule propheta Atissimi vocaberis: praebis enim ante faciem Domini, ut pares vias ejus: & des cognitionum salutis populo ejus, per remissionem peccatorum ipsorum*. Nisi enim remittantur peccata, salus obtingere nequit. *Beati quorum remissa sunt iniquitates &*



quorum obiecta sunt peccata. Beatus vir, cui non imputaverit Dominus peccatum, Psal. xxxii, 1; Rom. iv, 7.

CLVI. Quod nunciat Angelus, *Vinum & siceram non biber*, id est, austeram vitam aget, oblectamentorum omnium & illecebrarum expertem; id etiam reapse ita se habuit. Fuit enim *in desertis ad eum usque d' em*, quo se ostenderet Israël, sive in publicum alloquendi populi ergo prodiret, Lucæ i, 80. *Habebat indumentum suum è pilis camelinis, & Zonam coriaceam circum lumbos suos. alimentum autem ejus erant locustæ*, quæ edi permissæ Lev. xi, 22; & *mel agreste*, Matth. iii, 4; Marci i, 6. Hinc Servator Lucæ vii, 33; Matth. xi, 18: *Venit Iohannes baptista neque edens panem, ut vulgò & in conspectu aliorum ad saturitatem usque edi consuevit, neque bibens vinum; & dicitis, Demonium habet. Venit Filius hominis edens ac bibens. & invitatus ab aliis ad eorum prandia dignatur accedere; & dicitis, Ecce homo edax & vini potor, amicus publicanorum ac peccatorum.*

CLVII. Quum autem peccatis suis populus passim indormiret, *Iohannes in deserto Iudææ prædicans sermonibus publicè habitis ad pœnitentiam eum excitavit, dicens, Agite pœnitentiam: appropinquavit enim regnum cœlorum*, Matth. i, 11, 2. nempe Messias, in quem conjectâ fide pœnitentia demum salutaris est, jam adest. Si igitur umquam agenda fuit pœnitentia, nunc agenda erit; & præsentia Messiæ agnoscenda & per fidem ei habitam honoranda. Iohannes enim ita prædicabat pœnitentiam, ut eum, per quem pœnitentia salutaris efficitur, venisse & præsentem esse doceret & monstaret: quod ante eum nullus propheta fecerat, nec facere potuerat. Hinc affirmat Servator, eum *plus esse quàm prophetam*, Matth. xi, 9; Lucæ vii, 26: *nec esse quemquam suscitatum*  
*inter*

inter gentes communi modo è mulieribus, majorem Iohanne baptista. Itaque predicabat dicens, Venit post me, qui validior me est, cuius non sum dignus, qui incurvatus solvam corrigiam sclearum. Ego quidem baptizavi vos aqua: ipse vero baptizabit vos Spiritu sancto, Marci 1, 7. Nempe quum actio non sit nisi ministerium, ipse spirituales effectum suppeditat: quin faciet, ut cum baptismo dona sensibilia Spiritus sancti conjungantur, sive in fideles copiose effundantur. Quamobrem pronunciat Servator ipse: Iohannes quidem baptizavit aqua, vos autem baptizabimini Spiritu sancto non multis post diebus, Act. 1, 5. Quando Cornelius centurio cum suis audierat predicantem Petrum, illi infusus est Spiritus sanctus in omnes sermonem audientes: & coeperunt loqui linguis ac magnificare Deum, Act. x, 44 & 46. Tunc, ait Petrus, recordatus sum illius dicti Domini, quum diceret, Iohannes quidem baptizavit aqua, vos vero baptizabimini Spiritu sancto, Act. x1, 16. Effert quoque Baptista ipse in hunc modum: Ego quidem baptizo vos aqua, sed ille vos baptizabit Spiritu sancto & igne, Matth. 111, 11; Lucæ 111, 16: designans effusa in Apostolos sensibilia Spiritus sancti dona die Pentecostes, quum visa sunt eis dispersa lingua instar ignis, qui etiam sedet super unumquemque eorum, Act. 11, 3.

CLIX. Precipuum autem axioma Iohannis Baptista fuit, quod inter prophetas sive doctores primus Messiam, quem jam inde a recepto in gratiam Adamo per quater mille annos Patres expectaverant, adesse docuit, imò monstravit. Quin si Propheta capiatur sensu stricto, pro eo qui ventura predicat, fuerint quidem ante eum prophetae, (nam omnes prophetae & ipsa lex usque ad Iohannem prophetarunt, sive venturum Messiam prænunciarunt & præfigurarunt, Matth. x1, 13) sed ipse,

Y 3

quod



quod adventum Messiae attinet, non propheta, sed major prophetâ. Messias autem expectabatur, qui destruetur esset opera diaboli, miseroque humano generi remissionem peccatorum & benedictionem sive salutem promeriturus. Id totum sibi deo pollicebantur prisci patres, & hac in venturum fide salvabantur. Nam *per gratiam Domini Iesu Christi credimus nos servatum iri, quem idem & illi servabantur* Act. xv, 11. Bene Augustinus epistolâ xcix, quaest. 11: *Ab exordio generis humani quicumque in eum crediderunt, eumque, utcumque intellexerunt, quandolibet & ubilibet fuerint, per eum procul dubio salvifaci sunt.* Quando itaque praesens sistebatur, cum necesse erat credi illum, per quem haberetur remissio peccatorum, & in quem eo fine fiducia collocanda. Sed neque remissio peccatorum haberi poterat, nisi ageretur poenitentia, à delictis perpetrandis abstinere, & opera daretur servandis praeceptis divinis, tum fugiendo malum, tum faciendo bonum. Iohannes igitur, quando Iesum populo indicabat, & quasi digito monstrabat, dixit, *Ecce agnus Dei, qui tollit peccatum mundi*, Ioh. 1, 29 & 36: testatus est, *eum esse Filium illum Dei*, v. 34: & propterea ita omnino credendum esse, & in eo fiduciam obtinendae remissionis peccatorum & spem consequendae aeternae salutis figendam esse. *Quum videret multos ex Phariseis & Sadduceis, quorum nequitiam cognitam haberet, ad baptismum suum venire, duriter eos increpavit, & progeniem viperarum appellavit.* *Quis vobis, inquit, praemonstravit, ut fugeris à futura ira & imminente vobis aeternâ damnatione?* Quasi dicat, De vobis id sperari non poterat; tanta fuit vestra haecenus improbitas & pravitas. Ut igitur poenitentia vestra seria sit & fine suo non excidat, *facite fructus dignos poenitentiae.* *Et ne putate vobis dicendum apud vos ipsos,*  
*Patrem*

*Patrem habemus Abrahamum; quasi nihil vobis status filio-  
rum Abrahami tamquam proprius & perennis attribua-  
tur, Abraham nullos habiturus sit filios: dico enim vobis,  
Deum etiam posse ex lapidibus istis excitare filios Abrahamo, id est,  
creare & producere homines, qui credant sicut credidit  
Abraham, pater omnium credentium, undecumque tandem Rom. 4, 19  
illi venerint aut orti fuerint. Tam vero etiam securis ad radi-  
cem arborum posita est. Omnis igitur arbor non ferens fructum  
bonum excinditur, & in ignem conjicitur. Is qui ponere me ve-  
nit, perpurgabit aream suam, & congregabit triticum suum in  
horreum, paleam autem exuret igni inextincto, Matth. 111, 7  
& seqq. Sic ob oculos posita aeterna damnatione a pec-  
cando deterret. Excitat autem ad exercendam carita-  
tem, Qui habet, inquit, duas tunicas, impertiat non habentis;  
& qui habet escas, similiter faciat. Praescribit publicanis  
& militibus, quomodo munia sua obire innoxie de-  
beant, & multa etiam alia exhortans evangelizabat populo,  
Lucæ 11, 8 & seqq.*

CLIX. Breviter omnem rem complectitur Lucas;  
quum dicit, *Praedicavit baptismum penitentiae in remissionem  
peccatorum.* Remissio peccatorum & cum ea conjuncta  
haereditas aeternae salutis est supremus finis a parte ho-  
minis. Is obtinebatur fide in Christum, qui venisse  
praedicabatur & adesse monstrabatur. Fides autem sibi  
constare non poterat, nisi ageretur poenitentia. Sic de-  
mum fiebat remissio peccatorum, sive mundatio & ab-  
lutio. Quod vero certa esset & firma, confirmabatur  
baptismo sive ablutione per aquam facta, hoc sine divi-  
nitus instituta. nam *baptismus Iohannis erat de caelo*, Lucæ  
xx, 4. Fuerant quidem sub antiquo pacto *diverse abluti-  
ones*, sed non facientes nisi *ad carnis puritatem*, Hebr. ix,  
10 & 13; sive ut ad terrenos coetus & congregationes ab-  
luti



luti admitterentur, & immundi non haberentur: at baptismus Iohannis confirmabat & obsignabat remissionem peccatorum, quæ in iudicio divino fieret, & aditum ad cœlestes cœtus aperiret. Hunc suscipere, & suscipiendo consecrare & sanctificare voluit ipse Messias; quamvis cum Iohannes *prohibebat* & agere admittebat, quod existimaret non convenire, ut qui innumeris modis superior esset, ab inferiore baptizaretur; & præterea nullo baptismo indigeret, qui nulli peccato esset obnoxius. Non noverat quidem eum de facie, sive ex aliquâ conversatione vel familiaritate: hætenus enim diversissimis locis vixerant, Iohannes in desertis Iudææ, Iesus Nazarethæ in Galilæâ. Hinc igitur Iohannes: *Ego non noveram eum*, sive quisnam inter tot homines esset discernere non poteram; neque enim umquam convictu vel congressu aliquo usi eramus: *sed qui misit me ut baptizarem aquâ, ille mihi*, quum juberet, ut baptizandi ministerium aggrederer, infallibile signum indicaverat & dixerat, Inter eos, quos baptizabis, *super quem videris Spiritum descendentem & manentem, hic est Messias, qui baptizat Spiritu sancto*, Ioh. 1 33. In eo statu res permanlit, donec venit Iesus à Galilea ad Iordanem ad Iohannem, ut baptizaretur ab eo. Tunc quidem illum divino instinctu agnovit Iohannes, dicens, *Mihi opus est ut à te baptizet, & tu venis ad me?* Matth. 111, 14. Mox autem subsequutum est divinum illud signum pridem indicatum, per quod cognitionis certitudo aucta est, & modo planè eximio confirmata. Dicit itaque Iohannes: *Ego non noveram eum*, quum inciperem baptizare: *sed ut manifestetur Israel, propterea veni ego baptizans aquâ*, Ioh. 1, 31. Quasi dicat, Meum ministerium, quod inprimis actu baptizandi nobilitatur, unde etiam ego Baptista nominor, ideo divinitus

nitus est institutum, ut per id fiat initium Messiae populo palam & publice manifestandi; & proinde etiam initium aliquod promulgandi Novi testamenti. Sic enim divinae providentiae placuit. Interim nondum fuit Vetus abolitum vel abrogatum, quia nondum erant consummata, quae Messiam agere & pati oportebat. Permanebant igitur & peragebantur adhuc omnia juxta priscum morem, & conjungebantur sive simul decurrebant extrema Veteris & primordia Novi. Hinc Nazianzenus oratione in sancta lumina Baptisten vocat *παλαῖος καὶ νέος μεσότης*, medium & interjectum inter Vetus & Orat. 39.  
*Novum testamentum.*

CLX. Iohanni verò recusanti admittere respondit Iesus, *Sine modò: sic enim decet nos implere omnem iustitiam; & non modò omne quod iustum est ex necessitate, sed etiam quod ex decentiâ.* Recipiens circumcisionem approbavi illud Veteris testamenti sacramentum: nunc etiam recipiens Baptismum conlecrabo & sanctificabo sacramentum Novi, quod in locum Circumcisionis succedet. Et sanè, quum ipse baptizari voluerit, neminem admisit discipulum, nisi qui baptizatus esset, ut membra capiti congruerent, & societas sibi invicem responderet. Quum autem ipsi baptismus à Iohanne collatus suffecerit, quidni etiam aliis? Eodem verò tempore, quo baptizabat Iohannes, baptizare quoque coepit Iesus. Et quidem plures discipulos faciebat, & baptizabat, quam Iohannes: quamquam ipse non baptizabat, sed discipuli ejus, Ioh. iv. 1. Aequipollebat igitur alter baptismus alteri: aut maxima fuisset orta confusio & perturbatio; nec discipuli Iohannis, qui ad magistrum suum deferrebant baptismum Christi, anabaptismum tacuissent. *Audito Iohanne, totus populus & publicani iustificaverunt Deum, ba-*

Z

*pizati*



*prælati baptismo Iohannis, Lucæ vii, 29: nec quisquam eorum alio baptismo imbui umquam legitur vel deprehenditur. Apollos Iudeus, genere Alexandrinus, vir eloquens, erat initiatus viâ Domini, sciens tantum baptisma Iohannis, sive quæ Iohannes, quum baptismum conferret, de Iesu docebat, nempe eum esse Christum. Hunc Aquila & Priscilla adsumserunt, & penitus exposuerunt viam Dei, Act. xix, 23, 25, 26; non autem novo baptismo imbuerunt. Iohannes baptizavit baptismopœnitentiæ, dicens populo, ut in eum, qui venturus erat post ipsum, & iam aderat, crederent, hoc est in Christum Iesum. Qui verò audierunt, baptizati sunt in nomen Domini Iesu, Act. xix, 4. Loquutio convenit cum eâ, quæ est Lucæ vii, 29.*

CLXI. Iesus quum jam baptizatus, & descensu Spiritus sancti in columbæ specie super ipsum venientis, peculiariter Iohanni, iuxta oraculum pridem factum, demonstratus; quin cœlesti voce Patris cœlestis *Filius dilectus, in quo*, tum quod ipsum, tum quod ipsi unitos & addictos attinet, *acquiescat*, gloriôsè declaratus esset; statim subductus fuit in desertum à Spiritu, ut tentaretur à diabolo, Matth. iv, 1; Marci i, 12; Lucæ iv, 1: atque ita nobis præiret, & tentationes sustinere doceret. Nempe debuit per omnia fratribus similis fieri, ut misericors esset & fidelis pontifex. nam ex eo quod persectus fuit quum tentatus esset, potest & iis qui tentantur succurrere. Igitur non habemus pontificem, qui non possit affici sensu infirmitatum nostrarum, sed tentatum in omnibus similiter, absque tamen peccato; Hebr. ii, 17, 18; iv, 15; atque adeo verè dicere possit, *Veni princeps huius mundi, & in me non habet quicquam*, Ioh. xiv, 30. Interea Iudæi quum agrè ferrent Iohannem novum baptizandi ritum ordiri, mittunt ad eum ex Phariseis sacerdotes & Levitas sciscitatum, quâ auctoritate id faceret,

ceret, & num Messias esset. Ille verò respondet, Se non esse, sed *ponè se venire, qui sit sibi antepositus*, qui sit Messias, *cujus corrigiam sclearum non sit dignus solvere*, loh. 1, 19 & seqq.

CLXII. Altero post hanc legationem die rediit à superatâ tentatione Iesus; quem quum ad se venientem Iohannes videret, ait, *Ecce agnus Dei, qui tollit peccatum mundi*: atque ita palàm ipsum individuum cuius indicat & ostendit, & testatur, eum esse Filium illum Dei, sive promissum Messiam & Servatorem mundi. Agnorum frequens usus in priscis sacrificiis, etiam propitiatoriis. Quod igitur Agnum dixit, hoc ipso indicare voluit summam ejus mansuetudinem & patientiam. *Sicut ovis ad mactationem ductus est, & sicut agnus coram consore suorum ita non aperuit os suum*, Act. ix, 32 ex Ies. liii, 7. Quod autem Iesaias dicit, *Dominus coniecit in eum iniquitatem omnium nostrum*, hoc ipso docuit eum esse agnum Dei, hoc est, à Deo deputatam & designatam victimam, quæ peccata nostra tolleret, tum quoad reatum, ne propter ea condemnemur, tum quoad continuationem, ne in iis perseveremus, & rursus salute excidamus. Vnde sanctus Petrus 1 ep. 1, 18: *Sciatis vos non corruptibilibus argento vel auro redemptos esse ex vana illa vestra conversatione, à patribus haut verâ fide imbutis traditâ & ad vos derivatâ: sed precioso sanguine, utpote agni immaculati & incontaminati Christi*. Per hunc itaque sanguinem Deus præstat utrumque, sive peccatum mundi utroque modo tollit, & redimit suos tum à damnatione, quæ peccato debetur, tum à pravâ conversatione & studio peccandi, cui si inhærent, damnationem evadere non possent. Iohannis baptistæ phrasin sequi videtur Apocalypsis Iohannis evangelistæ, quâ nomine Agni



Servator frequenter indicatur. *Agnus stans* tamquam  
mactatus, Apoc. v, 6: coram quo procidentes viginti  
quatuor seniores cecinerunt canticum novum, dicentes,  
Dignus es, qui accipias librum, & aperias ejus sigilla, quoniam  
mactatus es, & redemisti nos Deo per sanguinem tuum, ex omni  
tribu, & lingua, & populo, & natione: & fecisti nos Deo nostro  
reges & sacerdotes. Quin mox ab omni creaturâ, quæ in  
cælo, & quæ in terrâ & sub terrâ & in mari, ei qui insidet thro-  
no, & Agno par & eadem tribuitur benedictio, & honor, &  
gloria, & roitur in secula seculorum. Ne enim, quia Agnus  
dicitur, ei robur deesse videatur, appellatur etiam *Leo de*  
*tribu Iuda*, Apoc. v, 5. Sicut autem antea fuit dictum,  
quod mactatus redemerit nos Deo per sanguinem suum;  
ita quoque postea dicitur, quod qui venerunt ex afflictio-  
ne magnâ, laverint & dealbarint stolas suas in sanguine Agni,  
Apoc. vii, 14: quod fideles vicerint draconem illum magnum  
& serpentem antiquum per sanguinem Agni, Apoc. xii, 11. Me-  
moratur *Agnus stans super montem Sion*, Apoc. xiv, 1; &  
deinceps alibi sæpe hic Agnus adducitur.

CLXIII. Die proximè subsequito iterum stabat Jo-  
hannes, & ex discipulis ejus duo, & intuitus Iesum ambulan-  
tem repetiit, *Ecce Agnus Dei*. Duo illi, quorum unus e-  
rat Andreas, frater Simonis Petri, sequuti sunt Iesum,  
& apud eum dic isto manserunt. Andreas autem, quum  
incidisset in fratrem suum Simonem, dixit *Invenimus*  
*Messiam*; & eum adduxit ad Iesum, ex quo audiit, sibi no-  
men Cephæ vel Petræ inditum iri. Ita Andreas & Si-  
mon Petrus cœperunt in Iesum credere, & in ejus noti-  
tiam ac aliquam familiaritatem venire, & sermonibus  
adsuescere. Ad suos tamen & consuetum vitæ genus  
redierunt, ex capturâ piscium victum quarentes. Po-  
stero die Iesus, quum in Galilæam hauri procul à loco,  
ubi

ubi Iohannes baptizabat, dissitum abiturus esset, prius à Philippo & Nathanaële agnitus fuit. Hæc Ioh. 1, à v. 35 usque ad finem. Quum igitur deinde post aliquantum tempus in Galilæâ versaretur, & apud lacum Genezaret Simonem unâ cum aliis retia sua abluentem invenisset, tamquam notum & addictum compellat, & *in ejus navigium ingressus regat, ut à terra provehat paullulum; quumq; confedisset, docebat turtam ex navigio.* Inde jubet in altum provehi, & retia ad capturam demitti: capiturque ingens multitudo piscium. Simon autem territus, ne sibi ex consortio, quo indignus esset, aliquid adversi obtingeret (sicut etiam vidua Sareptana, 1 Reg. xvii, 18) *procubuit ad genua Iesu dicens, Discede à me: nam homo peccator sum Domine.* Audit autem, *Ne metue: ab hoc tempore vivos homines capies.* Concernebant verò hæc etiam ipsa socios Simonis, Iacobum & Iohannem filios Zebedæi. *Illi itaque quum in terram subduxissent navigia, relictis omnibus sequuti sunt eum,* facti jam demum ex fidelibus individui comites, & sub eo, qui non modò magister sed etiam quasi paterfamilias esset, assidui tum discipuli tum domestici. Hæc omnia Lucæ v, ab initio capitis usque ad v. 12. Contractius quidem illa narrantur Matth. iv, 18 & seqq. quibus consonant Mar. 1, 16 & seqq. sed res utrobique eodem recidit. Andreas & Simon *statim omisis retibus sequuti sunt eum,* Matth. 1v, 20. Iacobus filius Zebedæi & Iohannes frater ejus *statim omisso navigio & patre suo sequuti sunt eum,* Matth. 1v, 22. Omnes autem isti quatuor in numerum duodecim, qui peculiariter Apostoli audiebant, deinceps allekti sunt, Matth. x, 2; Mar. iii, 15; Lucæ vi, 13. Sed ista cuncta post aliquod temporis intervallum contigerunt.

CLXIV. Die tertio postquam à Iohanne Baptista

Z 3

disces-



discefferat vel in Galilæam venerat, in nuptiis in Cana  
 Galilææ factis, quibus ipse cum matre & discipulis (di-  
 scipulos igitur jam tum aliquos habebat) intererat, a-  
 quam in vinum commutavit. *Hoc initium signorum fe-  
 cit, & manifestavit gloriam suam, & crediderunt in eum disci-  
 puli ejus, loh. 11, 11.* Prope autem tunc erat Pascha Iu-  
 dæorum, ad quod Hierosolymam adscendit, è templo  
 venditores boum & ovium & columbarum & nummu-  
 larios ejecit: ubi *multi crediderunt in nomen ejus, sicut antes  
 signa, que edebat.* Tunc etiam habitum fuit nocturnum  
 cum Nicodemo colloquium. Ex Hierosolymâ venit i-  
 pse & discipuli ejus in Iudææ territorium, & illic morabatur  
 cum eis & baptizabat. *Baptizabat autem etiam Iohannes in  
 Aenon prope Salim: nondum enim erat coniectus in carcerem.*  
 Cujus discipuli quum ad eum rem detulissent, respon-  
 det, se pridem dixisse, *Non sum ego Christus, sed missus sum  
 ante illum. Qui habet sponsam, sponsum est: amicus autem sponsi  
 qui stat & audit eum, gaudio gaudet propter vocem sponsi. hoc  
 ergo gaudium meum impletum est. Illum oportet crescere, me  
 vero minui.* Vide loh. 111. Iesus autem reliquit Iudeam,  
 & abiit rursus in Galilæam: quo tempore & occasione vi-  
 detur contigisse solennis illa Simonis & Andrea, filio-  
 rumque Zebedæi vocatio paullò antè memorata. *Opor-  
 tebat autem eum transire per Samariam: habuitque iuxta Si-  
 char colloquium cum muliere Samaritanâ, & à multis*  
 Ioh. 4. 42. *ejus urbis civibus agnitus est esse servator mundi Christus.*  
 Quum in Galilæam venisset, ab iis, qui praterito Pa-  
 schæ festo signa ejus Hierosolymis viderant, exceptus  
 est. Restituit autem sanitatem regii cujusdam filio de-  
 cumbenti Capernaumi absens, quum ipse esset in Ca-  
 nâ. Hoc fuit secundum signum, quod in Galilæâ edi-  
 dit. Vide loh. iv. Quando Iohannes in carcerem con-  
 jectus

confectus fuerit, disertè non indicatur. Lucæ III, 19 & 20 anticipando commemoratur: decollatio ejus in occasione, post rem jam antè peractam, Matth. XIV; Marci VI, 17 & seqq. Dum in carcere detinetur, duos ex discipulis suis ad servatorem mittit sciscitatum, *Tute ises, qui venturus erat, an alium expectabimus?* non quòd ipse dubitaret, sed ut ansam præberet dubitationem aliis eximendi. Matth. XI; Lucæ VII, 19 & seqq. Iohannes quidem Evangelista exponit sermones habitos & miracula facta à Christo ante Baptisten in custodiam datum: cæteri autem tres Evangelistæ narrationem eorum ab illâ custodia vel post illam ordiuntur.

CLXV. Quæ verò docere cœperat prodromus Baptista, eadem à Christo porro repetuntur, uberiùs inculcantur & plurimis maximisque signis & miraculis, qualia nulla Baptistes ediderat, confirmantur, animisque hominum quasi ingeruntur & imprimuntur. Prædicaverat Baptista, *Agite pœnitentiam, appropinquavit enim regnum cœlorum*, Matth. III, 2: eodem modo prædicat Christus, Matth. IV, 17. Marcus in hunc modum proponit: *Iesus venit in Galileam, prædicans evangelium regni Dei & dicens, Expletum est tempus, & appropinquavit regnum Dei: agite pœnitentiam & credite evangelio.* Quod ipsum, sicut modò audivimus, appellatur *evangelium regni Dei*, & simpliciter *evangelium regni*, Matth. IV, 23; IX, 35; XXIV, 14: regni videlicet non terreni, sed spiritualis, *Quale regnum Dei intra homines est; & non venit, ut ab aliis, ad quos non attinet, observari possit*, Lucæ XVI, 21 & 20. Nempe *regnum Dei est iustitia, & pax, & gaudium per Spiritum sanctum*, Rom. XIV, 17: quod ut ad nos adveniat, oratione Dominicâ precamur. Dicitur igitur *Evangelium regni*, quod per id prædicatum & ab auditoribus ad-

missum

Cap. I, 14



missum ac creditum, regnum Dei, quale diximus, ad  
eos perveniat; de quo Matth. vi, 33: *Quarite primò re-  
gnum Dei.* Per idem quoque evangelium colligitur  
Christo in hisce terris Ecclesia, quæ appellatur regnum  
cælorum, præsertim in parabolis, quando regnum cæ-  
lorum dicitur simile esse homini serenti, grano sinapis,  
fermento, regi conferenti rationes cum servis suis, faci-  
enti nuptias filio suo, Matth. xiii, xlix, xxi. Hoc  
est, in Ecclesiâ, quæ Christo in hisce terris per Evange-  
lium colligitur, ad eum modum, qui in istis parabolis  
adumbratur, res se habet & agitur. Colligitur quidem  
in terris, & interim tamen non est regnum terrenum,  
sed cælorum sive cæleste, quod videlicet nec acquiri-  
tur, nec administratur vel potestate vel mediis, quibus  
regna huius mundi innituntur, sed prorsus aliis, cæle-  
stibus aut spiritualibus. *Regnum meum non est ex hoc mun-  
do,* ait Christus ipse Pilato: *sic hoc mundo esset regnum me-  
um, ministri mei certassent, ne traderer Iudæis; nunc autem regnū  
meum non est hinc.* Ego ad hoc genitus sum, & ad hoc veni in  
mundum, ut dem testimonium veritati hominibus ad con-  
sequendam salutem cognitu & creditu necessaria. Ab  
hac plenè manifestandâ, propagandâ & conservandâ pen-  
det amplitudo & robur regni mei, quod non est ex hoc  
mundo, & proinde aliis, quàm mundanis fundamentis  
inædificatur. Nihilominus regnum terrenum, quod  
feliciter & fortiter gesserat ex progenitoribus ejus Da-  
vid, typus erat huius cælestis & spiritualis regni. Hinc  
ad sanctissimam virginem matrem archangelus Gabriel:  
*Dabit ei Dominus sedem Davidis, patris ipsius, regnabitque in  
domo Iacobi in æternum, & regni ejus non erit finis,* Lucæ i, 32.  
Nempe novum hoc suum regnum ipse Christus in terrâ  
præsens incoavit, & deinceps è terrâ sublatus adversus  
portas

portas inferorum tueretur, apud suos huius ipsius regni fir- Matth. 16, 18.  
mandi & conservandi ergo suâ gratiâ, potentiâ & pro-  
videntiâ permanens *omnibus diebus usque ad consummationem seculi*, Matth. ult. v. ultimo.

CLXVI. Quum primùm adveniret, sive in primo suo humili adventu *despectus & abjectus* fuit, Ies. LIII, 2; ipse se *submit*, factus obediens usque ad mortem, mortem autem crucis: quapropter etiam Deus ipsum in summam extulit *sublimitatem*, Phil. II, 8 & 9: *gloriâ & honore coronavit*, Hebr. II, 9. Quod gloriæ regnum à resurrectione ejus init; potissimùm verò ad ascensionem in cœlos consummatur. *Nam oportet eum sedere ad dexteram Dei Patris*, id est, *regnare usque quo ille omnes inimicos subjecerit pedibus ejus*, sive usquequo divina potentia, quam ipse cum Patre communem habet, omnes hostes Ecclesiam impugnantes & infestantes subegerit & aboleverit. *Postquam verò subiecta erunt omnia*, ut nunc nullus porro hostis negotium facillat, cunctis per secundum gloriosum adventum & supremum iudicium domitis & oppressis, *tunc & ipse Filius*, quatenus cum Ecclesiâ suâ unum corpus facit, *subiicietur ei qui subiecit ipsi omnia*, ut *Deus sit omnia in omnibus*, I Cor. xv, 25, 28. Gloriosi huius regni participes & consortes erunt, quotquot vera & viva fuerint membra ejus corporis, cuius ipse est caput. *Postquam Christus, vita illa nostra*, altero suo glorioso adventu *manifestus factus fuerit*, *tunc & vos cum eo patefietis gloriosi*, Coloss. III, 4. *Scimus fore, ut quum ipse factus fuerit manifestus, similes ei simus*, I Ioh. III, 2. *Quum manifestus factus fuerit Princeps pastorum*, presbyteri, qui bene paverint gregem, *reportabunt in n. arcibilem gloriæ coronam*, I Pet. v, 4. Evangelium regni itaque dici censebitur, non tantum attendendo ad regnum, quod est hodie intra quemvis fidelem; vel ad re-

Aa gnum,



gnum, quod est Ecclesia, quæ in hisce terris usque ad finem seculi colligitur; vel ad regnum gloriæ Christi, per resurrectionem incoatæ & per adscensionem consummata: sed etiam ad regnum istius gloriæ, quatenus ejus post alterum Christi adventum & peractum supremum judicium, qui Evangelio crediderunt & obtemperarunt, participes erunt. Nempe ad hujus regni confortium viam ostendit & aperit Evangelium, eoque per fidem illi habitam pervenitur. Hinc etiam dicitur *Evangelium salutis* Eph. 1, 13. *Sobrii simus, induti thorace fidei & caritatis; & pro galea, spe salutis.* Nam non constituit nos Deus ad vitam, ἀλλ' εἰς περιστοιχισμὸν ζωῆς, sed ad acquirendam vel obtinendam salutem per Dominum nostrum Jesum Christum, 1 Thessal. v, 8. Vocavit nos per Evangelium ad obtinendam gloriam Domini nostri Jesu Christi, 11 Thessl. 11, 14. Et hisce ita enucleandis ansam præbuit *Evangelium regni.*

CLXVII. Sicut autem prodromus Iohannes Baptistes individuum, quod Messias sive Christus esset, primus indicavit & digito quasi monstravit: ita quoque Christus ipse, quum præeuntem sequeretur, seq; præsentem exhiberet, quis esset, non dissimulavit, sed se Christum esse tum verbis tum factis demonstravit. Hinc Andreas Simoni, *Invenimus Messiam*; & Philippus Nathanaëli, *Invenimus eum, de quo scripsit Moyses in Lege & Propheta*, Ioh. 1, 42 & 46. Vocat se *unigenitum Dei filium*, Ioh. 111, 16 & 18: ne tamen propterea humanam suam naturam videatur negare, vel se hominem non agnoscere, subinde vocat *Filium hominis*. Mulieri Samaritanæ venturum Messiam memoranti dicit, *Ego sum, qui loquor tibi*, Ioh. iv, 26. Passim adseverat, æternam vitam habere, qui in ipsum credant. Et sane multi credebant, quamquā constiterant Iudei, ut si quis eum profiteretur esse Christum, *synagoga moveretur*, Ioh. ix, 22.

Quum



Quum autem dudum nulli fuissent prophetae, & nulla  
 essent edita præter & supra naturam miracula, ne à Iohan-  
 ne quidem, summam ei fidem & auctoritatem concilia-  
 bat, quòd ipse præter expectationem plurima & stu-  
 penda ederet. Hinc ait ipse: *Credite mihi, me in Patre, &  
 Patrem in me esse: sin minus* fortè propter humilitatem me-  
 am in animum inducere potestis, ut id credatis, *propter  
 ipsa opera credite mihi*, Ioh. xiv, 11. Item: *Si non facio opera  
 Patris mei*, qualia videlicet non nisi per divinam poten-  
 tiam fieri possunt, *nolite credere mihi. Sin verò illa facio,  
 etiamsi mihi non credatis, operibus tamen credite, ut cognoscatis  
 & credatis Patrem in me esse, & me in eo*, Ioh. x, 37. Item:  
*Ego testimonium habeo majus testimonio Iohannis: opera enim  
 quæ dedit mihi Pater ut ea perficiam, ipsa inquam opera quæ  
 ego facio, testantur de me, quòd Pater miserit me*, Ioh. v, 36.  
 Rursus: *Opera feci inter Iudeos, quæ nemo alius fecit*, Ioh. xv,  
 24. Quum Iohannes duos ad ipsum discipulos mitteret,  
 ut interrogarent, num esset Messias, respondit, *Ite & re-  
 nuntiate Iohanni, quæ auditis & cernitis. Cæci visum recipiunt  
 & claudi ambulant, leprosi purificantur, & surdi audiunt, mor-  
 tui suscitantur, & pauperibus (pauperibus spiritu, qui ob pec-  
 cata sua anguntur, & ab iis liberari desiderant) euangelii-  
 um predicatur*, Matth. xi, 4. Lucæ vii, 22. Quum, sicut  
 monui, miracula pridem in desuetudinem venissent, tot  
 & tanta ab uno homine & ab iis, quibus ipse potestatem  
 fecerat, derepente patrata, excitare homines merito de-  
 buissent, ut evigilarent & adventum Messie observarent:  
 quemadmodum sane evigilavit Nicodemus, quum no-  
 cte ad Jesum veniens dixit, *Rabbi, si unum te à Deo venisse in-  
 agis: nemo enim potest hæc signa edere quæ tu edis, nisi Deus  
 sit cum eo*, Ioh. i, 11, 2. Loquitur autem de signis, quæ  
 primo Paschæ festo, quod Iohannes memorat, Ioh. 1, 13.

Aa 2

edita



edita cognorat: de quibus itidem verba sunt Ioh. 11, 23:  
*Quum esset Iesus Hierosolymis in Pascha, in festo, multi credi-*  
*derunt in nomen eius, spectantes signa que edebat.* Hinc vo-  
cat sanctus Petrus virum à Deo approbatum apud vos (Iudæ-  
os alloquitur) *præstantibus factis & prodigiis & signis, que*  
*edidit per eum Deus in medio vestri, Act. 11, 22.*

CLXIX. Omnium autem signorum maximum  
est, quod Iudæis signum flagitantibus proposuit ipse  
Dominus, quum dixit, *Destruite templum hoc, & intra tri-*  
*duum excitabo illud: loquetur autem de templo corporis sui,*  
Ioh. 11, 19. Item Scribis ac Phariseis dicentibus, *Magi-*  
*ster, velimus ex te signum videre, & quidem è cælo;* respon-  
dit, *Gens improba & adulterina signum requirit, sed signum*  
*præter ea, quæ quotidie fiunt, cœlestius & sublimius non*  
*dabitur ei, nisi signum Ionæ propheta, Sicut enim fuit Jonas*  
*in ventre ceti tres dies & tres noctes, ita erit Filius hominis in*  
*corde terræ tres dies & tres noctes,* Matth. 12, 39; xv 1, 13;  
Marci 11, 11. Atque ita qui factus fuit ex semine Davidis  
secundum carnem, declaratus est Filius Dei potenter secundum  
Spiritus sanctificationis sive naturam & virtutem divinam  
sanctificantem (nam Deus est Spiritus) per resurrectionem ex  
mortuis, Rom. 1, 4. Crescit, ut manifestum est, & ad ma-  
jora gradatim ascendit oratio Rom. 11, 34; Chri-  
stus is est, qui mortuus est, imò verò qui etiam suscita-  
tus est: qui etiam est ad dexteram Dei, regno plene poti-  
tus & propterea ad nos tuendos validus: qui etiam inter-  
pellat pro nobis, sicut quoque dicitur Hebr. vii, 25, & ix,  
24. Tanto itaque patrono apud faciem Dei pro nobis  
comparente & interpellante, quis nos, dum ei tamquam  
capiti per veram & vivam fidem inhæremus, condemnet?  
Quamdiu autem resurrectio nondum erat facta, & non-  
dum poterant dicere discipuli & Apostoli, Deus cum su-  
scita



*firmavit tertio die, fecitq; ut conspicuus fieret non toti populo, sed testibus, quos ipse prius designaverat, nimirum nobis, qui comedimus ac bibimus unà cum eo, postquam resurrexit à mortuis, Act. x, 40: aut sicut dicit sanctus Paulus Act. xiii, 32: Nos vobis evangelizamus promissionem, quæ patribus facta est, Deum videlicet eam implevisse filiis illorum, id est nobis, suscitato Jesu: quamdiu, inquam, gloriosa resurrectio & ascensio in celos nondum erat illis cognita, nondum acceperant promissum Patris, nempe Spiritum sanctum, suggesturum quæ oporteat dicere, nondum induiti erant virtute ex alto: tandiu maluit Dominus rem ipsam loqui & testari, quàm discipulos prædicare, Iesum esse Messiam. Quum professus esset Petrus, Tu es Christus, Filius ille Dei viventis, tunc interdixit discipulis suis, ut nemini dicerent, se esse Iesum illum Christum, Matth. xv 1, 16 & 20; Marci ix, 29; Lucæ ix, 20. Nempe erant adhuc parum idonei ad rem dextrè proponendam & cum imminente passione & morte conciliandam. Voluit igitur ab iis taceri, donec & ipse per resurrectionem Christus Filiusque Dei declararetur, & illi virtute ad eam prædicationem evangelizandam faciendam instruerentur. Sic quum apparentibus Mose & Elia transformatus esset in monte coram Petro, Iacobo & Iohanne, descendens ex monte interdixit illis, ut nemini narrarent quæ viderant, nisi postquam Filius hominis ex mortuis resurrexisset. Illi igitur hanc rem continuerunt apud se, mutuo quærentes quid istud esset, Ex mortuis resurgere, Marci ix, 9 & 10. Hæc itaque videtur fuisse interdicti ratio. Si quæ verò fuerit alia, ipsi Christo constabit.*

*CLXIX. Quando autem docebat Iesus, percellabatur turba super doctrinam eius: dicebat enim eis ἐξουσίαν ἔχειν, ut habens potestatem & auctoritatem, quam humana maiorem esse ex verbis & doctrinâ elucebat, non autem ut scriba,*

*A 3 3*

*quo-*



quorum sermones nihil divini spirabant, nec ad veram pietatem & obtinendam æternam salutem faciebant, Matth. vii, 28; Marci i, 22; Lucæ iv, 32. lungebatur doctrinæ miraculorum perquam diu desitorum ingens & hætenus inaudita frequentia & copia: accedebat tandem resurrectio ex mortuis, (*sic palam facta omnibus, illo ex mortuis sacitatio*) per quam declarabatur esse Filius Dei & Messias. Quem etiam cum esse agnoscebant & credebant, qui manifestæ veritati & Spiritui sancto per contumaciam non obniterentur. Testabantur enim non soli Apostoli, sed etiam *Spiritus sanctus, quem dat is Deus, qui obediunt ipsi*, Act. v, 32. Obædiunt autem, qui evangelium audiunt, & virtute Spiritus sancti, quæ ab evangelio non sejungitur, admittunt. Impertit quidem ea facultatem admittendi, sed necessitatem non imponit. Quod igitur tamquam indubitatum admittitur, virtute Spiritus sancti impurandum est, per quam *Deus adaperit corda*, Act. xvi, 14: quod autem à multis non admittitur, inde est, quod Spiritus sanctus absolutâ suâ potentia, cui nemo resistere possit, non operatur, sed patitur *sibi resisti* Act. vii, 51: patitur evangelium *repelli*, Act. xiii, 46: connata videlicet pravitate, cui contra Spiritus sancti impulsum indulgere potest homo, dum hanc mortalem vitam vivit; & per quam fit, ut *quum velut Dominus homines aggregare, quemadmodum gallina congregat pullos suos sub alas, ipsi nolint*, Matth. xxi, 37.

CLXX. Ad istum autem modum Iesus declaratus & manifestatus esse Christus sive Messias palam fecit, quomodo multa veteris Scripturæ dicta, typi & figuræ, aliàs obscuræ & cuius non satis penetrabiles, accipiendæ & Christo accommodandæ essent. Quod  
partim



partim patuit ex re cum typis collatâ, partim ex factâ  
 explicatione, cui nemo, ex quo non modò tantis atque  
 adeo inusitatis miraculis, sed etiam resurrectione Messi-  
 as declaratus erat, fidem derogare debuit, etiamsi ha-  
 tenus minùs fuisset explorata, nec argumentum evin-  
 cens inde confieri potuisset. Exempli gratiâ, Ionas  
 fuit in ventre ceti tres dies & tres noctes, & inde vivus  
 emerfit: hinc non potuit evinci, vel nescio aut refragan-  
 ti demonstrari, futurum ut Messias post triduanam mor-  
 tem in vitam rediret: interim quòd typus rei conveni-  
 at, & quòd ei, quem Messiam esse constaret, ita expli-  
 canti & accommodanti fidem haberi oporteat, non po-  
 terat negari. Sic exarsus a Mose & omnibus prophetis inter-  
 pretabatur duobus discipulis euntibus Emmauntem in  
 omnibus Scripturis quæ de se suaque passione & morte scri-  
 pta erant; non tantum videlicet perspicua & diserta,  
 qualia Ies. LII: sed etiam ea, quæ typis & figuris invo-  
 luta, qualia quæ in libro Numerorum de serpente exal-  
 tato in deserto, & qualia in Exodo, quæ Agnus Pascha-  
 lis describitur, ejusque sanguine superliminare & pos-  
 testingi jubentur, quo conspecto transferit percussor  
 sive occisor; imò omnia sacrificia Veteris testamenti:  
*Nonne, inquit, hæc oportuit pati Christum,* posito videlicet  
 tali decreto divino, & talibus Scripturarum prædictio-  
 nibus & præfigurationibus; & *introyre in gloriam suam?*  
 Lucæ XXIV, 27 & 26. Apostolis congregatis iisque,  
 qui cum ipsis erant, inculcat *aperuisse impleri omnia, quæ*  
*scripta sunt, inquit, in Lege Moysi, & Prophetis & Psalmis de*  
*me. Tunc aperuit eorum mentes, ut intelligerent Scripturas.*  
*Et dixit eis, Ita scriptum est, & ita oportuit Christum pati, &*  
*resurgere ex mortuis tertio die: & prædicari ejus nomine peni-*  
*tentiam ac remissionem peccatorum apud omnes gentes, incipi-*  
*endo*

Num. 21, 8.

Exo. 12, 23.



endo ab Hierusalem, Lucæ xxiv, 44 & seqq. Sanctus Petrus  
populo Israëlítico: Deus quæ prænuñciaverat per os omnium  
Prophetarum suorum Christum suum perpassurum, ita implevit.  
— Et omnes Propheta à Samuele & deinceps, quotquot loquuti  
sunt, etiam prænuñciaverunt dies istos, nempe prædicationis  
Apostolicæ, per quam passim & omnibus innotescat, quod Messias venerit, passus sit & mortuus, & re-  
surrexerit; quod agenda sit pœnitentia & per fidem in  
ipsum impetranda remissio peccatorum. Vos estis, inquit,  
filii Prophetarum, & pacti, quod pepigit Deus cum patribus no-  
stris, dicens Abrahamo, Et in semine tuo benedicentur omnes  
familia terræ. Vobis Iudæis primùm Deus excitatum & ad  
gloriam evectum Filium suum Iesum misit & patefecit, qui  
juxta promissionem Abrahamo factam benedicat vobis,  
unoquoque se averte à pravitatibus suis, Act. iii, 18, 24  
& seqq. Fit itaque virtute benedictionis, quæ per se-  
men Abrahami Christum omnibus terræ familiis &  
gentibus præstatur, ut possint se avertere à pravitatibus  
suis, & consequi remissionem peccatorum. Nec est in  
alio quocquam salus: nec enim aliud nomen sub cælo datum est  
hominibus, per quod oporteat nos servari, Act. iv, 12. Huic om-  
nes Propheta testimonium perhibent, remissionem peccatorum  
accipere per nomen ejus omnes qui credunt in eum, Act. x, 43.  
Sanctus Paulus ad Iudæos: Notum sit vobis, viri fratres,  
per hunc annunciari vobis remissionem peccatorum, & ab omni-  
bus, à quibus per Legem Moysi non potuistis justificari, vel à re-  
atu absolvi, (per Legem Moysi videlicet non stetit, quin  
rei & peccatores perpetuò haberemini) per hunc, quem  
Deus suscitavit, omnem qui credit justificari, Act. xiii, 18.  
Idem alibi protestatur, se nihil dicere vel docere præter ea,  
quæ Prophetæ futura prædixerint & Moyses: nempe quod Chri-  
stus fuerit passurus, & primus ex resurrectione ~~resurrecturum~~ non  
terre-

terrenum regnum, quale imaginabantur Iudæi, credū-  
rus, sed *lucem*, in quā ad cœleste & æternum ambuletur  
(*populus ambulans in tenebris vidit lucem magnam*) annuncia-  
urus populo Israëlítico & Gentibus, Act. xxvi, 22. Ex illis  
Mosaicis & Propheticis multa, rebus quæ responderent  
jam præsentibus & exhibitis, aut ab ipso Christo tantis  
miraculis & tandem resurrectione nobilitato exposita  
claruerunt, & quò facerent quidve significarent inno-  
tuit.

CLXXI. Traditurus in cruce spiritum dixit, *Con-* Ioh. 19, 30  
*summatus est*, nempe quidquid patiendo & cruciatus  
sustinendo propter redimendum genus humanum fieri  
oportuit. Excepit tertio die gloriosa resurrectio, &  
inde quadagesimo die adscensio in cœlos; proximè  
autem subsequuto die Pentecostes effusio donorum  
Spiritus sancti conjuncta visibili signo linguarum di-  
spertitarum instar ignis. Sic facta est sollemnis promul-  
gatio Novi testamenti, & cœperunt Apostoli Iudæis  
palàm prædicare, quòd Iesus, quem ipsi cruciandum  
Pilato obtruserant, sit Christus, quòd ex mortuis susci-  
tatus & adscendens cœlos sedeat ad dexteram Dei Pa-  
tris, & quòd per fidem in ipsum, nec aliter, remissio  
peccatorum & æterna salus obtineatur. *Agite penitenti-*  
*am*, ait Petrus, & baptizetur unusquisque vestrum in nomine  
Iesu Christi in remissionem peccatorum, Act. 11, 38. Ipse ad-  
scensurus in cœlum jubet Apostolos & discipulos suos  
*ire in mundum universum, & prædicare evangelium* (quale vi-  
delicet Novo testamento proprium erat, & omnia ad  
remissionem peccatorum & salutem facientia per Chri-  
stum consummata proponebat) *omni creaturæ*. *Qui cre-*  
*diderit*, inquit, & baptizatus fuerit, salvus erit; qui verò non  
*crediderit, condemnabitur*, Marci xvi, 15.

Bb

CLXXII



CLXXII. Non tamen ausus est sanctus Petrus e-  
 vangeliū hominibus gentilibus annunciare, nisi in  
 eam rem peculiari divinitus oblatā visione animatus  
 & excitatus. Post quā demum dixit Cornelio cen-  
 turioni Romano, ex legione, quæ vocatur Italica: *Vos*  
 Act. 10 28. *scitis Iudeo nefas esse propius adungere se aut accedere ad ali-*  
 v 34. *enigenam: sed mihi ostendit Deus, ne quem pollutum vel impu-*  
*rum hominem dicerem. Item: Verè deprehendo Deum non*  
*resistere ad personam: sed in quavis gente acceptum ei esse o-*  
*mnem, qui eum timeat, & operam dei iustitia. Oportuit*  
 cum quoque rationem recedere fidelibus, qui ex circum-  
 cisione erant: apud quos enarrata visionis & totius rei  
 gesta serie effecit, ut acquiescerent, & glorificarent Deum di-  
 centes, *Nempe etiam gentibus Deus penitentiam dedit ad vitam,*  
 Act. x 1, 18. Atque ita factum fuit initium Evangelij  
 gentilibus sub Novo testamento prædicandi & imper-  
 tiendi. Illi quidem, qui dispersi fuerant ex afflictione cri-  
 ob Stephanum protomartyrem, transierunt usque in Phœnici-  
 am & Cyprum & Antiochiam, nemini loquentes verbum e-  
 vangeliū, nisi solis Iudeis Act. xi, 19. Post factum verò,  
 quod memoravimus, initium dixerunt Iudeis Paulus  
 & Barnabas, *Vobis necesse fuit primum exponi verbum Dei si-*  
 ve evangelium, sicut hodie sub Novo testamento expo-  
 nitur: *postquam autem illud repellitis, & vos ipsos indignos de-*  
*cernitis eternā vitam, ecce convertimur ad Gentes, Act. xi 11,*  
 46. Quamvis Prophetæ & præsertim Iesaias multoties  
 prædixerat vocationem & accessum gentium ad eccle-  
 siam; nihilominus, etiam post effusa dona Spiritus san-  
 cti, Petro & cæteris necessaria fuit peculiaris ad hanc  
 rem revelatio & instructio. Vnde Paulus Eph. 111,  
 3 & seqq. *Deus per revelationem notum mihi fecit mysterium,*  
*quod aliis ætatibus non innotuit filiis hominum, sicut nunc reve-*  
 latum

latum est sanctis ejus Apostolis & Prophetis per Spiritum :  
nempe Gentes esse cohæredes & concorpores confortesq; promissio-  
nis ejus sive quam Deus ipse fecit in Christo, ut promissio  
innitatur Christo & promulgetur per Evangelium. Coloss. 1, 26 laudat mysterium absconditum à seculis & æta-  
tibus, nunc autem factum manifestum sanctis ejus. Similiter  
Rom. xvi, 25. Tantum videlicet differunt sublime in-  
volutumque dicendi genus, quo utuntur Prophetæ; &  
Evangelium, quo res olim prædictæ & figuris ac typis  
adumbratæ nunc tamquam præsentis vel factæ sub No-  
vo testamento simpliciter & perspicuè proponuntur.  
Cæterum de hac inter Vetus & Novum pactum diffe-  
rentiâ diximus suprâ num. LIX, LIX, LX; nec hic opus est  
repetere. Augustinus eâ de re in hunc modum loquitur  
xvi de Civitate Dei, cap. xxvi : *Quid est quod dicitur  
testamentum vetus, nisi occultatio novi? & quid est aliud quod  
dicitur novum, nisi veteris revelatio?* Rursus 1 contra adver-  
sarium Legis & Prophetarum. cap. xvi i : *Novum in Vete-  
re est figuratum, & vetus in novo revelatum.*

CLXXII<sup>1</sup>. Quomodo Evangelico pacto primitus  
promulgato accesserint deinceps alia: sic tamen ut pri-  
mum illud semper supponeretur, involveretur, & per  
ipsum subinde explicatiùs propositum fideque in ven-  
turum Messiam collocatâ salus obtineretur, pridem est  
declaratum. Abrahamo promissum est, quod ex ipso  
proditurus esset Messias; nec non etiam Davidi, de quo  
Ps. cxxxii, 11; Act. 11, 30. Ut igitur constaret eventum  
respondisse, servata est eò usque distinctio tribuum &  
familiarum; quâ hodie, postquam ante tot secula ex-  
hibitus fuit Messias, opus non est. Confusa itaque  
sunt omnia, nec quisquam ex Iudæis affirmare potest,  
se vel hac, vel illâ, vel tribu Iudæ, aut familiâ Davidis

Num. 62, 63

B b 2

orien-



oriundum. Mosaicum pactum magnā & tremendā so-  
lennitate promulgatum est, quod tamen ipsum, si ad æ-  
ternam salutem respicitur, primævum Evangelicum  
supponit; & ab illo abstractum sive seorsim considera-  
tum non nisi felicem & tranquillam promissæ terræ Ca-  
naan possessionem concernit. *Umbra habet futurorum  
bonorum, non expressam formam rerum*, Hebr. x, 1. Quam  
rem tractavimus num. xci & seqq. Mira autem erat  
circa tempora Christi perversitas plerorumque Iudæo-  
rum, existimantium ab observatione legis Mosaicæ  
pendere æternam vitam; ab adventu verò & operâ Mes-  
siæ restitutionem regni Israëliti & terrenæ felicitatis.  
Quin ipsi etiam Apostoli & discipuli post resurrectio-  
nem imminente adscensione *interrogarunt Christum dicen-  
tes, Domine, num hoc tempore restitues regnum Israël?* Act.  
1, 6. Eodem respiciunt duo illi, qui Emmauntem ibant,  
quum dicunt; *Nos sperabamus illum esse, qui redempturus esset  
Israëlem*, Lucæ xxiv, 21. Adco altè infederat animis ple-  
rorumque ista opinio; à quibus etiam ad subsequuti tem-  
poris Iudæos videtur derivata.

CLXXIV. Suspendebant igitur ætate Apostolo-  
rum nonnulli, qui ex Iudæis Christum agnoverant, sa-  
lutem ab observatione legis Mosaicæ. Docebant enim,  
*Nisi circumcidamini ritu Moysis, non potestis salvari*, Act. xv, 1:  
& turbabant alios fideles. Similiter etiam nonnulli  
*turbabant Galatas, & volebant invertere Evangelium Christi*,  
Gal. 1, 27. Qui admittebant quidem Christum sive  
Messiam venisse, nec alium esse expectandum, sed æter-  
nam salutem per opera legis sive observationem legis  
Mosaicæ acquiri. Videntur itaque docuisse, Christum  
venisse, ut exemplo suo ad implendam legem præiret  
(*non enim venerat ut solveret legem, sed ut impleret*, Matth.  
v, 17).

v, 17) potius, quam ut fieret propitiatio pro peccatis nostris, & nos à maledictione legis redimeret. At sanctus Paulus, *Ecce ego dico vobis, si circumcidamini, Christum Gal. i. 2 nihil vobis profuturum: si circumcidamini videlicet imbuti opinione, quòd per circumcisionem & observationem legis Moſaicæ acquirenda ſit æterna vita. Teſtor enim rursus omni homini qui cum hac opinione circumcideretur, eum eſſe debitorem uniuerſæ legis, quantum Deus umquam ſanxit, accuratè & ſine omni hallucinatione ſervanda.* Paulus quidem ipſe *Timotheum circumcidit propter Iudeos qui in illis locis, quæ adire oportebat, erant: ſciebant enim omnes, quamvis mater ejus Iudæa eſſet, patrem tamen ejus Græcum ſive gentilem eſſe, Act. xvi, 3.* Ne igitur videretur legem divinitus promulgatam & hætenus nullo manifeſto indicio abolitam adſpernari, propterea Timotheum matre Iudæâ natum circumcidit; alieniſſimus ab eâ, quam commemoravimus, opinione. Titus autem, quem aliquando adduxerat ſecum Hieroſolymam, *quamvis eſſet Græcus, non coactus fuit circumcidi, Gal. ii, 3.* Neque enim in templo tamquam Iudæus verſari, vel in urbe eodem cum Iudæis loco haberi cupiebat. Nempe id ſibi, ut Chriſtianus eſſet & ſalute potiretur, minimè neceſſarium noverat. Quamdiu autem incolume ſupererat templum; poterant ritus in eo juxta legem frequentari ſoliti, innoxie uſurpari, non quidem quaſi per eos acquireretur æterna ſalus, quod numquam fuerat; neque quaſi per eos tamquam typos futura præfigurarentur, quæ jam erant conſummata, verbi gratiâ, per ſacrificia ſacrificium Chriſti, ſed tamquam ritus boni & à Deo inſtituti, qui hætenus culpari non poſſent.

CLXXV. Fideles itaque, qui Hieroſolymis erant, ſanctum

B b 3



sanctum Paulum, quum eò post conversionem suam quartâ vice accessisset, in hunc modum alloquuntur:

**Ad. xxi. 20** *Vides frater quot sint millia Iudeorum, qui crediderunt; suntq; omnes accensi Zelolegis, nec possunt ferre, eam nihili fieri.*

**v. 21.** *Audierunt autem de te ex aliorum sermone, te defectionem à Mose docere omnes qui inter Gentes sunt Iudeos, & dicere eos non debere circumcidere filios, neq; secundum ritus ambulare:*

**v. 23.** *id prorsus illicitum esse. Hoc itaque fac, quod tibi dicimus: Sunt nobis viri quatuor, qui sese voto Nazaræatus sive separationis ad aliquot dies divini cultus ergo obstrinxerunt, quemadmodum tute etiam te obstrinxisti, quando Cenchreis navali Corinthiaco (vide Pausaniam sub initium Corinthiacorum) caput torondisti; Act. xix, 18.*

**v. 24** *His adsumtis sanctificator cum eis, & adde ad eorum sumtus sive cum eorum sumtibus junge tuos, ut radant capita, quemadmodum præcipitur lege Mosaicâ, & norint omnes, quòd nihil sit eorum, quæ de te audierunt, sed te quoq; ita incedere, ut legem observes, nec nefas existimies eam à Iudæis observari. Nam eorum, qui crediderunt ex gentibus alia est ratio pridem declarata. Tum Paulus adsumtis viris illis sequente die cum eis purificatus ingressus est in templum, denuncians, ut solenni huic actui non saltem interfuisse, sed quodammodo præfuisse primasque tenuisse videatur, expletionem dierum purificationis, quot dies purificationi impendere animus esset, usquequo explerentur, & offerretur pro unoquoque eorum oblatio, qualis lege Mosaicâ præscribitur, nempe holocaustum, propitiatorium & eucharisticum sacrificium cum suis appendicibus. Hæc est lex Nazaræi, sive separati, die quo completi fuerint dies Nazaræatus ejus, conferet se ad ostium tentorii conventus, offeretq; oblationem suam Domino &c. Num. vi, 13 & seqq. Sanctus itaque Paulus agnovit, licitas fuisse adhuc eo tempore*

pore Iudæis ejusmodi oblationes, & referri potuisse ad fines decentes & utiles; sicut etiam agnoscit *σωματικὴν ὑγίαν* corporalem exercitationem in abstinentiâ & austeritate externæ vitæ positam, qualem etiam Nazaræus includebat, suas habere utilitates, non tamen pares cum ipsâ pietate, 1 Tim. iv, 8.

CLXXVI. Hoc autem erat, quod contra eos, qui gentiles ad Christum conversos & Evangelium amplexos turbarent, adeo constanter & serîdè adseverabat & inculcabat, nempe remissionem peccatorum & æternam salutem obtineri haut aliter, quàm per fidem in Christum, non autem per observationem legis, quæcumque tandem fuerit; sive, ut utamur loquendi modo, quem hic tractatus potissimum considerat, per pactum Evangelicum, & non per pactum Legale. Si *imus*, inquit, *non justificari hominem ex operibus Legis, sed per fidem Iesu Christi; etiam nos in Christum Jesum credidimus, ut justificemur ex fide Christi, & non ex operibus Legis, propterea quod non justificabitur ex operibus Legis ulla caro*, Galat. ii, 16. Et mox: *Si per Legem est justitia*, si post lapsum protoplastorum tales sunt hominum qualitates & vires, ut exactè & perfectè Legem possint servare, sicut siquidem per eam salus obtineri debeat, servari oportet *igitur Christus frustra mortuus est*. Potuissent enim homines salvari per legem ad eum modum accuratè adimpletam; nec opus fuisset vel Christo, vel evangelio, vel fide. At non suppetunt hominibus ejusmodi facultates aut vires. Igitur ut docet proximo capite, *quicquid ex operibus Legis sunt*, sive per ea & pactum Legale salutem obtinere fatagunt, quia conditionem ab hoc pacto positam præstare nequeunt, *sub maledictione sunt*. Scriptum est enim, *Maledictus est, quisquis non manserit in omnibus, quæ scripta sunt*  
in li-

v. 14.

v. 10.



*in libro Legis, ut faciat ea, absque ullâ scilicet allucinatio-  
 ne vel prævaricatione. Sic enim facere accipi oportet-  
 bit, & maledictio de maledictione in æternum duratu-  
 râ erit intelligenda, si negotio consequendæ vel amit-  
 tendæ salutis verba accommodentur. Nullum autem per  
 Legem apud Deum justificari manifestum est, quoniam iustus ex  
 fide vivet. Lex autem non est ex fide, Lex ab Evangelio  
 separata Christum non revelat, & proinde fidem in eum  
 non exigit; revelat autem & exigit Evangelium: sed vox  
 & summa Legis hæc est, Quisquis ea fecerit (quomodo in-  
 telligi oporteat facere, jam fuit dictum) vivet per ea. Chri-  
 stus autem, in quem Deus coniecit iniquitatem omni-  
 um nostrum, factus propitiatio pro peccatis nostris &  
 totius mundi redemit nos à maledictione Legis, dum pro no-  
 bis factus est maledictio: scriptum est enim, Maledictus quisquis  
 pendet in ligno. Nempe maledictio illa temporaria & ex-  
 terna, propter infinitam dignitatem personæ, quæ eam  
 sustinuit, momento & pondere æquat aut potius supe-  
 rat æternam maledictionem, cui propter peccata sua  
 obnoxium universum genus humanum. Deinde: Si  
 data fuisset Lex, quæ non esset viribus destituta in carne  
 & posset vivificare sive spiritualem vitam conferre, verè  
 ex Lege esset iustitia. Sed conclusit Scriptura tum Legis tum  
 alia (vide Rom. III, 10 & seqq.) omnia sub peccatum, ut pro-  
 missio, promissa æterna salus & vita, ex fide Iesu Christi da-  
 retur credentibus. Antequam autem venisset fides, ex Evan-  
 gelio plenè & perspicuè prædicato longè distinctius &  
 perfectius concepta, quàm olim, sub Lege custodiebamur,  
 ne ad alia quàm à Deo mandata divagaremur, conclusi  
 in eam fidem, quæ erat revelanda, hoc est, destinati ad fidem,  
 qualem modò diximus, non quòd fides olim aut nulla  
 fuerit, aut prorsus distincta ab hodiernâ, sed quòd ho-  
 dierna*



dierna præ antiquâ incoatâ propter clariorem & uberi-  
 orem revelationem magis plena & completa. *Itaq; Lex* ver. 24.  
*pædagogus noster fuit in Christum* respiciens, ad Christum  
 tum intentatâ damnatione, quæ non nisi per Christum  
 aboleri posset, tum typis & figuris manuducens, *ut ex-  
 de in Christum justificaremur.* *At postquam venit fides,* ver. 25.  
*qualem diximus, non amplius sub pædagogo sumus:* novimus  
 enim quomodo Christus pro nobis damnationis reis  
 satisfecerit, & typos ac figuras impleverit. *Omnes enim,* ver. 26.  
*inquit, filii Dei estis per fidem in Christo Jesu.*

CLXXVII. Et quidem, sicut docet capite quod sequi-  
 tur quarto, filij non infantes aut minorennes, sub tuto-  
 ribus & curatoribus constituti, qui quoad libertatem  
 administrandi nihil differant à servis; sed filij adulti &  
 in libertatem adserti. Dicit autem post aliqua: *Dicite* ver. 21.  
*mibi, qui sult: Lege vultis esse* sive sub pacto legali, & per id  
 salutem consequi, *Legem non auditis?* ex quâ videlicet  
 intellectâ & acceptâ occultiore sensu, mihi qui sum *A-*  
*postolus non ab hominibus, neque per hominem, sed per Iesum*  
*Christum ac Deum Patrem constitutus, per revelationem*  
*patefacto, ingentis erroris vos convincam.* *Scriptum est e-* ver. 22.  
*nim in libris Moïsi, quibus Legistitulus peculiariter tri-*  
*buitur, Abrahamum duos filios habuisse, unum ex ancillâ, &*  
*unum ex liberâ.* *Sed is, qui ex ancillâ natus est, secundum* ver. 23.  
*carnem natus est, ex feminâ videlicet juveniculâ & per*  
*naturam ad pariendum idoneâ: qui verò ex liberâ, per pro-*  
*missionem* sive virtute promissionis divinitus factæ, ex  
*Sarâ vetulâ, cui desierat esse secundum consuetudinem multo-* ver. 24.  
*rum.* *Atque ita à Moxopæpæ.* Quæ non tantum simpli-  
 citer & juxta literam intelligenda sunt, sed tamquam  
 prædita mystico & allegorico sensu. *Nam hæc duæ di-*  
*versæ, imò oppositæ conditione matres, sunt duo: sicut patet,*  
 Cc de qui-



de quibus hodie quæritur, per utrum eorum salus ob-  
tineatur: *unum quidem, quod est Agar* vel figuratum per  
Agar, legale scilicet *ex monte Sina* promulgatum, *in servi-*  
*tutem generans*, nempe servitutem condemnationis, si  
adhibeatur tamquam medium evitandæ condemnatio-  
nis & consequendæ salutis, siquidem conditio, quam  
fini obtinendo ponit, nullo modo potest præstari; &  
præterea qui legali pacto nituntur, pactum evangelicum,  
(per quod finis alias obtineri posset) utpote directè op-  
positum & quod alteri conjungi & cum eo simul stare  
nequit, remonent seque ab eo avellunt. Hinc enim  
mox proximo capite Apostolus, *Evacuati estis*, disjuncti  
& separati à Christo, *quicumque per Legem justificamini, a gra-*  
*tia excidistis*, ut eam frui & gaudere non possitis. Sin-  
respiciatur servitus, quam ceremoniæ multiplices una  
cum sumtu & impensâ secum trahunt ita pactum, quod  
ex monte Sina prodiit, onerosæ servituti subicit. Sina

ver. 17. autem *respondet ei Hierosolymæ, quæ nunc est*, sive prout ho-  
die sese habet, referta Pharisæis eorumque discipulis,  
legalium ceremoniarum tenacibus & in ijs spem salutis  
collocantibus, *servitq;* adeo, quatenus ita se habet, *cum*  
*filis suis* utramque servitutem superius memoratam.

ver. 16. Illa verò *quæ sursum est Hierusalem*, non illa terrena, sed spi-  
ritualis & *cælestis*, sicut appellatur Hebr. xii, 22, adifi-  
cata super petram Christum, vel Ecclesia Christiana,  
*libera est, quæ est mater omnium nostrum*; illa, inquam, libe-  
ra est tum à condemnatione, tum à servitute recipien-  
dæ circumcisionis, offerendorum sacrificiorum & usur-  
pandorum multiplicium rituum. In libertate igitur, ut

ver. 1 de 19. mox capite quinto sequitur, *quæ Christus nos liberavit,*  
*perstate, nec iterum implicamini servitutis iugo.* — Vos enim ad  
*libertatem vocati estis fratres,*

CLXXIIX,



CLXXIIX. Qui itaque comparantes Vetus pactum cum Novo sub nomine Veteris ad Mosaicum in Sina promulgatum præcipue respiciunt, habent quem sequantur Apostolum, duo pacta eo, quo audivimus, modo explicantem. Præteritum tamen Evangelicum à Mosaico non fuit penitus abjunctum, sed cum eo convolutum, ut supponeretur, & quid per ipsum suo tempore, quo Novum appellari inciperet, complendum foret præfiguraretur: nempe toties effusus sanguis & oblata sacrificia non tollebant peccata, sed significabant sanguinem Novi testamenti, fundendum à Messia in sacrificio initerabili & semel offerendo; porrigentem autem in cuncta anteriora tempora suam in remissione peccatorum efficaciam ad omnes, qui crederent in venturum Messiam, ut alias fuit expositum.

CLXXIIX. Cum Evangelio etiam conjungitur & per Evangelium confertur Spiritus, per quem præstatur non tantum, ut fides Evangelio habeatur, sed etiam ut compescantur prævæ cum naturâ congenitæ inclinationes, & eatenus observetur lex divina moralis, ne petulans ejus & per datam operam facta violatio salutem auferat, & condemnationem inferat. Quoniam enim qui vixerunt sub pacto Mosaico, tum remissionis peccatorum coram Deo facti sunt participes, tum delicta perpetrare desierunt (aliter enim nemo eorum servari potuisset) manifestum est eos sine fide in Christum, sine Evangelio, & sine Spiritu non fuisse. Quia tamen Evangelica, in ipsa præsertim peculiariter dictâ Lege, modice attinguntur, & tamquam futura prædicuntur & adumbrantur, Legalia vero utramque paginam faciunt; & contra post adventum Christi quæcunque hunc ipsum & Evangelium concernunt, disertè, prolixè &



perspicuè proponuntur & declarantur: propterea Sanctus Apostolus ministerium Novi pacti appellat ministerium Spiritus & justitiæ; prius verò ministerium literæ, mortis & condemnationis, non quidem simpliciter & absolute, sed quatenus in proponendâ & urgendâ Lege occupabatur, *1. Cor. 111. Deus, inquit, fecit, ut idonei essemus ministri novi pacti, non literæ.* quæ videlicet saltem indicet & præscribat quid requiratur, *sed Spiritus,* cujus beneficio & virtute hoc ipsum, quod requiritur, præstetur. *nam litera,* si absit Spiritus qualem diximus, ut quod iungitur & requiritur, impleri nequeat, *occidit, Spiritus autem,* qui facultatem implendi confert, *vivificat.* Nempe Evangelium habet adjunctam gratiam Spiritus sancti, per quam præstari potest, quod ad salutem necessarium ab Evangelio requiritur: at non ita Lex, sistens in literâ jubente, & non adjungens gratiam Spiritus, ad præstandum quod jubetur, necessariam: unde fit, ut quotquot ex operibus legis sunt vel salutem adsequi satagunt, sub maledictione sint. Statuit itaque sanctus Paulus inter ministerium veteris testamenti sive Mosai-  
*ver. 6.* ci pacti, quatenus Lege occupatur, & ministerium Novi, quatenus Evangelium plenè, clarè & consummate proponit, hæc discrimina, quod illud sit ministerium literæ occidentis, hoc Spiritus vivificantis; atque adeo illud mortis, hoc vitæ; illud condemnationis, hoc justitiæ à Christo manantis & derivatæ; illud temporarium, quod *ut inutile tollitur,* hoc permanens & perpetuum; illud aliquatenus & imperfectè, hoc perfectè & excellenter gloriosum; illius summa & doctrina inscripta tabulis lapideis, hujus autem cordibus per Spiritum. Hinc  
*Hebr. 7. 11.* Epistola ad Hebræos ex Jeremiæ xxxi, 31: *Ecce dies venient, dicit Dominus, quum pangam cum demo Israël & cum demo*  
*demo*



*domo Iuda pactum novum. Non secundum pactum, quod feci  
cum Patribus eorum, quo die prehendi manum eorum ut educe-  
rem eos ex Aegypto: nam ipsi non persisterunt in illo meo pacto:  
& ego neglexi eos, dicit Dominus. Quamobrem hoc est pa-  
ctum, quod paciscar domui Israelis post dies illos, dicit Dominus,  
Iudam leges meas menti eorum, & cordi eorum inscribam illas.*

CXXC. Diximus de literâ & Spiritu, è quibus  
hic cum Evangelio conjungitur, ut per eum quacum-  
que sub pacto evangelico ad habendam salutem præsta-  
ri opus est, in rem conferri possint; in illâ verò Lex, qua-  
tenus Evangelio opponitur, sita est, iubens quidem, sed  
ad præstanda, quæ jubet, opem non conferens. Ad-  
demus de Spiritu & carne, quæ cuivis per Evangelium  
renato inesse docet Apostolus. Caro quidem aliàs si-  
gnificat naturam humanam secundum se sumtam, ut  
quum Christus dicitur esse *ex semine Davidis, ex Patribus  
secundum carnem, & in carnem venisse*, Rom. 1, 3; 1x, 5; 1  
Ioh. iv, 2. Quam notionem nunc non attendimus,  
sed solum eam, juxta quam in renatis sibi opponuntur  
Spiritus & Caro, & pugnare dicuntur. Nempe qui re-  
nati sunt, illi per Spiritum regenerati sunt, qui facit ut  
credant, & ad vitam piè & sanctè agendam incitentur.  
Non tamen placuit Deo naturam talem restituere, qua-  
lem creaverat ante lapsum, evectam videlicet supra for-  
tem merè naturalem; & nullis obnoxiam motibus sive  
inclinationibus, rectæ rationi & proinde Deo adversan-  
tibus. Quatenus igitur aliter se habet, quàm eam se  
habere Deus, quum crearet, voluit; catenus caro dici-  
tur, & corrupta appellatur. Sunt videlicet in renatis  
impulsus à spiritu qui regenerat, & sunt impulsus à car-  
ne nunc aliter constituta, quàm quum primùm crearetur,  
sive à carne corruptâ quatenus est corrupta. Caro



itaque Spiritui opposita est caro corrupta, sive ipsa corruptio. Spiritus potest & debet superare carnem: interum quoniam non agit per potentiam absolutam, & congenitâ pravitate, si quis ei indulgere malit, quàm Spiritui obsequi, potest excuti, hinc fit ut Caro saepe vincat Spiritum. Qui patiuntur Spiritum à carne vinci vel expelli, illi dicuntur secundum carnem ambulare; qui verò carnem Spiritu coërcent & domant, secundum Spiritum, Rom. ix, 1 & 4. Qui secundum carnem sunt sive ambulant, quæ carnis corruptæ sunt sapiunt, intendunt, quærunt, amplectuntur; qui verò sunt secundum Spiritum, quæ Spiritus sunt. Nam τὸ φερόμενα τῆς σαρκὸς, quod sapit caro, quòd caro corrupta invitat & impellit, mors est sive mortem inducit: quod autem sapit Spiritus, vita & pax, vitam & tranquillitatem animi stabilit & conservat. Quoniam τὸ φερόμενα τῆς σαρκὸς quod sapit caro corrupta, quatenus est corrupta, inimicitia est adversus Deum, Deo adversatur & rebellat. Legi enim Dei non subijcitur: nam ne potest quidem. Corruptio videlicet illa secundum se spectata & quatenus corruptio est, non potest legi divinæ subijci sive conformari, sed oportet eam reprimi & domari, donec visum fuerit Deo suos à mortali corpore & conditione liberare. Quamdiu mortalis vita vivitur, tamdiu se movet, & compescenda est ne in actus completos erumpat, donec per mortem penitus aboleatur. Apostolus non adserit carnem legi Dei non posse subijci, ἀλλὰ τὸ φερόμενα τῆς σαρκὸς, οἷον τὴν ὁρμὴν αὐτῆς, αὐτὴν τὴν ὁρμὴν τὸ ἀδίκον ἐκκαυσίν. sed quod sapit caro, hoc est, ejus impetum & ipsam ardentem injuncti cupiditatem. Verba sunt Methodij martyris apud Epiphanium hæresi xiv, num. lxi. Ergo qui in carne sunt, qui secundum carnem ambulant & vivunt, Deo placere non possunt. Vos autem non estis



*est in carne.* Bene Leo magnus sermone primo de Re-  
surrectione: *Quamvis corruptibilem adhuc carnem morta-*  
*lemq; gessimus, rectè tamen dicimur in carne non esse, si carna-*  
*les nobis non dominantur affectus.* Addamus adhuc aliqua  
sancti Pauli verba: *Si secundum carnem vixeritis, futurum* ver. 13.  
*est ut moriamini aternâ morte: sed si spiritu actiones corporis*  
*vel carnis mortificaveritis, vivetis.* Quotquot enim Spiritu ver. 14.  
Dei aguntur, ii sunt filij Dei. Et ipse Spiritus testatur unâ cum ver. 15.  
Spiritu nostro, nos esse filios Dei. Nos quidem credimus  
nos esse filios Dei quod, si nobis relinqueremur, certò  
& verè credere non possemus. Spiritus itaque Dei in  
nobis habitans facit nos id credere, sive ejus virtute &  
gratia in nobis operante animus noster elevatur, ut in-  
telligat & credat nos esse filios Dei. Nempe sicut nemo  
hominum (verba sunt ejusdem sancti Pauli 1 Cor. 12, 11)  
novit ea quæ sunt hominibus, quæ ille cogitat vel intendit, nisi  
spiritus vel animus hominibus, qui est in eis, ita etiam ea, quæ sunt  
Dei & a solâ Dei dispositione pendent, nemo novit nisi Spi-  
ritus Dei, qui spiritui nostro conjunctus eum elevat, e-  
rudit & informat, ut cognoscat, quid de nobis Deus di-  
sposuerit: unde quod spiritui nostro accedit, & eum e-  
jusmodi sublimi cognitione instruit, non est spiritus mundi,  
qui res mundanas doceat, vel ad earum amorem impel-  
lat, sed spiritus qui est ex Deo, sive totum à divino spiritu  
derivatur & confertur, ut sciamus quæ à Deo in Christo &  
per Christum donata sunt nobis. Sequitur in epistola ad Ro-  
manos: *Quod si filij, etiam heredes: heredes quidem Dei, non* ver. 17.  
*tamquam patris terreni, quo non nisi mortuo heredi-*  
*tas aditur, sed tamquam Patris celestis, cui aeterno &*  
*semper viventi accedemus & sociabimur, futuri partici-*  
*pes summorum bonorum, quæ reddet Dominus suæ re-*  
*mo illo die omnibus, qui diligunt & expetunt illi* 1 Tim 4, 8.  
ejus



eius adventum: atque adeo futuri *coheredes* ipsius Domini *Christi*: scimus enim fore, quod quum apparuerit similis ei erimus, 1 Ioh. 111, 2.

Cap. 5. 16. CXXCI. De pugnâ Carnis & Spiritus, cui etiam renati & fideles sunt obnoxij, pauca præterea ex epistolâ ad Galatas producemus. Dico, inquit Apostolus, *Spiritu ambulate, & quod concupiscit caro, ne perficite. Nam*  
Ver. 17. *caro* (intelligendam esse corruptam, sive ab eâ, qualis primitus creata fuit, degenerem & in deterius per lapsum præcipitatum pridem diximus) *concupiscit adversus spiritum*, adversus inclinationes & instinctus, quos Spiritus Dei spiritum nostrum excitans & gubernans efficit: *spiritus autem*, qui in renatis ita, uti diximus, est instructus, *adversus carnem concupiscit: hæc verò inter se opposita sunt, ut non quæcumque volueritis, & ad quæ impetus aliquis vitiosæ carnis vos instigaverit, eadem faciatis. Quod si spiritu ducimini, si facitis non illa ad quæ caro sed ad quæ spiritus incitat, non estis sub Lege sive sub pacto legali, juxta*  
Ver. 18. *cujus rigorem vobis metuenda sit & subeunda damnatio. Porro manifesta sunt opera carnis*, inquit, eorumque septemdecem recenset, quorum pleraque quidem in appetitu concupiscente & irascente deprehenduntur, quædam tamen intellectui inhaerent, quædam voluntati, quamquam concupiscentiæ vocabulo, utpote radicis magis conspicuæ & frequentis omnia comprehendendi solent; additque, *& his similia, quæ prædico vobis, sicut etiam prædixi; eos videlicet qui talia agunt, regni Dei non fore heredes. Quod liquidissimam veritatem vocat Augustinus libro de fide & operibus cap. xix. Operibus carnis, fructus spiritus opponit. At fructus, ait, spiritus est caritas, gaudium, pax, lenitas vel iræ cohibitio; benignitas, bonitas, fides, fidelitas & veracitas in dictis & factis,*  
Ver. 21. *oppo-*

opposita versutiis & mendacio, quomodo etiam capi-  
tur fides i Tim. vi, 11, & ii Tim. ii, 22; *mansuetudo, con-*  
*tinencia.* *Adversus ejusmodi*, qui videlicet ductu Spiritus Christi & praviâ fide in Christum tales fructus e-  
dunt, *non est Lex*, vel adversus eos condemnando juxta  
legale pactum non proceditur. Omnino igitur adversus  
alios, qui ejusmodi non sunt. *Qui enim sunt Christi*, qui  
sunt veri & genuini Christiani, *carnem* ad improba & in-  
iqua incitantem *crucifixerunt*, domuerunt & subegerunt  
*cum affectibus & cupiditatibus.* Crucifigi dicitur, quoni-  
am agrè fert & dolet ad eum modum se coërceri. Sed  
*si vivimus spiritu*, si vita & salus nostra à spiritu pendet,  
*spiritu etiam* vel juxta ductum & instinctum spiritus in-  
cedamus.

CXXCII. De hac Carnis adversus Spiritum pu-  
gnâ, quam in semetipso experiatur Apostolus, agit sub  
finem septimi ad Romanos. Augustinus quidem ali-  
quando existimavit, eum loqui non in propriâ, sed in  
hominis non renati, atque adeo sub legali pacto con-  
stituti personâ. Ceterum quum rem accuratius expen-  
deret & contra Pelagianos disputaret, verba nimis evi-  
dencia eum adegerunt, ut retractaret. Vide primi Re-  
tractationum cap. xxiii; & maxime primi contra duas  
epistolas Pelagianorum cap. x; item tertii contra Julia-  
num cap. xxv. *Sic enim*, ait Apostolus, *Legem esse spiritu-*  
*alem*, magis sublimia & spiritualia præcipere & exigere,  
quàm vel homo carnalis sibi que relictus possit intelli-  
gere & adsequi, vel qui in mortali adhuc carne vivit, præ-  
stare & exsequi. Existimaverit aliquis quinto præce-  
pto non nisi manifestum homicidium prohiberi; sexto  
non nisi consummarum adulterium. At Servator do-  
cet contra quintum peccare, quicunque temerè irasca-

Dd

tur fra-



tur fratri suo, vel eum raca, id est, vanum aut nequam,  
vel fatuum appellet; *quicumque* verò *aspexerit mulierem,*  
*ut eam concupiscat, adulterasse eam in corde suo,* Matth. v, 22  
& 28. De reliquis præceptis idem statuendum erit, nem-  
pe contra ea peccare non tantum qui opera prohibita  
consumment, sed etiam qui cogitatione vel desiderio,  
quamvis represso, in ea ferantur. Ad hunc sublimem &  
spiritualem legis sensum pertinet id quoque, quod paul-  
lo antè dixerat Apostolus, *Concupiscentiam non noveram*  
ver. 7. *esse peccatum, nisi lex diceret, Non concupisces.* Concu-  
piscenciam sanè quæ ab intellectu & voluntate appro-  
betur, peccatum esse, aliunde poterat scire: sed eam  
quoque, quæ displiceat & reprimatur, peccatum esse  
ex hoc spirituali legis sensu constabat.

ver. 14. CXXCIII. Scimus, ait Apostolus, *legem spiritualem*  
*esse, ego verò carnalis sum, venditus sub peccato,* ut non pos-  
sim non esse peccato obnoxius & maculatus, etiamsi  
non sim carnalis eo sensu, quòd peccata, à quibus immu-  
nis esse nequeo, sceler, approbem vel perficiam. Car-  
nalitas autem sive vitiositas illa non tantum appetenti  
& irascenti, quamvis se hic frequentius & evidentius  
prodat, sed etiam superioribus facultatibus insidet, &  
ver. 17. in iis cogitationes & motus pravy excitat. *Quod enim*  
*perpetro,* ait Apostolus, *non agnosco,* non approbo quan-  
do considero: *non enim quod volo* voluntate deliberatâ,  
quæ tandem verè est voluntas hominis, *hoc ago,* volo vi-  
delicet tales cogitationes & inclinationes penitus abesse,  
*sed huc* rem deducere nequeo, & *quod aliàs odi, hoc facio,*  
hoc à me fit & prodit. Negare enim non possum, quin  
ego sim, qui ita illicitè & inordinatè cogitet ac deside-  
ret. Methodius martyr, qui suprà adductus ex Epi-  
phanio, apud eundem eodem fere loco: *hæc verba,*

Hæc. 64,  
num. 56,

*Quod*



*Quod perpetro, non agnosca, & quod odifacio; non sic accipien-  
da sunt, quasi malum plenè perficere ac committere dicatur: sed  
referenda ad solam cogitationem, quum plerumque alienæ &  
absurdæ cogitationes nobis advolent, & ad ea quæ nolumus, illu-  
dendo nos provocent. Et paullo post: Volumus ea quæ non  
decer, & quæ ne quidem cogitare liceat. Quandoquidem bonum  
demum perfectum est, abstinere non tantum à perpetrando, sed  
etiam à cogitando malo.*

CXXCIV. Sequitur apud Apostolum: *Quod si id fa-* ver. 18.  
*cto cogitando vel desiderando, quod nolo, consentio Legi, quæ*  
*ita cogitare vel desiderare prohibet, quod bona sit. Quæ*  
*igitur ad istum modum cogitantur vel desiderantur,*  
*contra legem sunt, & proinde peccata. Quoniam au-*  
*tem mente consentio legi prohibenti, & vellem vitare*  
*si possem, nunc itaque non amplius ego id perpetro, quia quod* ver. 19.  
*à deliberatâ voluntate proficiscitur, id demum ab incli-*  
*natione homini propriâ prodit, sed peccatum quod ab A-*  
*damo derivatum in me habitat, tum quoad privationem*  
*justitiæ & rectitudinis concreatâ, tum quoad pravas co-*  
*gitationes & motus inde pullulantes, mihi quæ vel invito*  
*obrepentes; hoc inquam peccatum perpetrat, quod*  
*nolo & quod odi. Novi enim non habitare in me, id est in* ver. 18.  
*carne mea per lapsum Adami ob primæ justitiæ amif-*  
*sionem corruptâ, bonum in hoc positum, ut possim ab*  
*eiusmodi pravis motibus immunis esse. nam velle radi-*  
*citus eos evellere, id quidem adest mihi, sed ut hoc quod*  
*bonum est effectum, non adsequor. Mox repetit priora, quod* ver. 19. & 10.  
*non facit bonum quod velis, sed malum quod nolis, & proin-*  
*de peccato, quod in se habitat, imputandum. Invenio* ver. 21.  
*igitur, ait, volenti mihi facere bonum, volenti non concu-*  
*piscere, & cupienti connatam vitiositatem penitus eli-*  
*minare, hanc legem sive necessitatem impositam esse, quod*



*mibi malum concupiscentiæ pertinaciter adiaceat, nec pē-*  
*nitus etiam si maximè velim & adnitar, excutere valeam.*

*Ycr. 22. Delector enim Lege Dei prohibente concupiscere & pravis*  
*motibus agitari, quoad interiorem hominem sive spirituales,*  
*qui Spiritu Dei agitur & regitur: cui opponitur carna-*  
*lis, qui desideriis carnis subicitur & obsequitur, quales*  
*non sunt renati. Carnalis autem, qualem se paulò an-*  
*tè agnovit ipse sanctus Paulus, qui videlicet in carne*  
*adhuc mortali vivat, & ab Adamo derivatis congenitis-*  
*que vitiositatibus non careat, cum quali idem erit exte-*  
*rior homo, opponitur spirituali, de quali agitur 1 Cor-*  
*xv, 43 & 44. Apostolus itaque Lege Dei omnes inordi-*  
*natos motus prohibente se dicit delectari secundum*  
*Ycr. 13. hominem, qui quidem sit spiritualis, sed incoatè, non*  
*perfectè & consummatè: sed video, inquit aliam legem si-*  
*ve inclinationem, quæ necessitatem imponat & aboleri*  
*nequeat, in membris meis capite & corde, quatenus adhuc*  
*carnalia sunt, repugnantem legi vel inclinationi mentis meæ,*  
*quæ spiritualis esse cœpit, ut à concupiscentiâ immunis*  
*esse vellet; legem, inquam, adeo validam, ut me quam-*  
*vis invitum sibi subiciat & captivum sistat legi peccati, quæ*  
*est in membris meis, & concupiscere adigit peccandi que*  
*necessitatem imponit, ut non possim non peccare.*

*CXXCV. Miser ego homo: quis me liberabit ex corpo-*  
*Ycr. 14. re mortis hujus, in quo tantam carnis & spiritus luctam*  
*experior, necessitate peccandi constringor, & mortem*  
*Ycr. 17. evitare nequeo? Gratias ago Deo per Iesum Christum Domi-*  
*num nostrum, qui morte suâ ex morte me liberavit, pro*  
*peccatis meis satisfecit, & gratiam largitur, per quam*  
*etsi non fit, ut simpliciter omni peccato caream, fit ta-*  
*men, ne regnet peccatum in mortali meo corpore, ut obdiam*  
*peccato in concupiscentiis corporis, quemadmodum loqui-*

*tus*

tur Rom. vi, 12 : & mox, *Peccatum vobis non dominabitur, non enim estis sub Lege* sive sub Legali pacto, quod ad vincendum peccatum nihil adfert praesidij vel auxilij, *sed sub Gratia* sive Evangelico pacto, sub quo confertur gratia, per quam peccatum & remittitur, ne damnet, & comprimitur, ne regnet. Particeps enim factus est Filius Dei carnis & sanguinis, id est, humanæ naturæ, ut liberaret eos, qui metu mortis per omnem vitam obnoxii erant servituti, Hebr. 11, 15 : *nam non posuit nos Deus ad iram, sed ad acquirendam salutem per Dominum nostrum Iesum Christum,* 1 Thess. v, 9.

CXXCVI. Subjicit tandem superioribus : *Nempe igitur ipse ego mente quidem per Spiritum regeneratâ ac elevatâ, & voluntate deliberatâ, quæ debeat propriè haberi mea voluntas, servio Legi Dei, carne vero & carnalibus desideriis per peccatum Adami invecis, & nondum planè abolitis, servio legi peccati, & peccata perfectè evitare non possum.* Nulla igitur nunc est condemnatio iis, qui Cap. 8, v. 1  
*sunt in Christo Iesu, qui non secundum carnem ambulant aut desideria carnis perficiunt, sed secundum Spiritum, qui ductum Spiritus sequuntur, & per spiritualem gratiam desideria carnis reprimunt, id est, qui sub pacto Evangelico constituuntur, & ei sedulò & seriò se conformant. Etiam si in iis sit, quod condemnari posset, si ageretur secundum rigorem pacti legalis; nulla tamen iis est condemnatio, quia sub Evangelico sunt constituti. Sub hoc itaque constitutus Apostolus quamvis fuisset secundum justitiam, quæ est in lege, sive quoad externa & in sensus incurrentia legis opera ἀνεμπτῶς vel irreprehensus, ea tamen habet tamquam stercora, ut Christum lucrifaciat, & inveniat in eo, non habens suam justitiam quæ sit ex lege, sed eam quæ est per fidem Christi, eam videlicet justitiam, quæ*

*De 3*

*est ex*



*est ex Deo per fidem, Phil. iii. 6, 8, 9.* Quasi dicat, Non  
quæro justitiam & salutem ex pacto legali, sed ex Evan-  
gelico, quod per fidem in Christum justitiam donat,  
tum imputando, dum vi promissionis divinæ per Evan-  
gelium promulgatæ peccata hætenus commissa remit-  
tuntur, & jus adeundi regni cœlestis confertur; tum in-  
coando, dum participes facit gratiæ, per quam quæ ob  
inhærentem carnis imbecillitatem à pacti consortibus  
evitari non possunt, condonentur, crimina verò, quæ  
exclusura essent aternâ vitâ, & cum divinâ amicitia &  
ipso hoc pacto consistere nequeunt, evitentur.

CXXCVII. Hæc ob oculos hic ponere voluimus,  
ut quis sit sub pacto Evangelico, etiam Novo, renato-  
rum sive fidelium status & conditio, dilucidius pateat.  
Non perpetrant aut perficiunt desideria & opera carnis:  
quod si facerent, statu illo suo & impetrato adeundæ  
cœlestis hereditatis jure exciderent. Non quidem con-  
summant peccatum: interim tamen ab omni peccato  
non sunt immunes. Sanctus enim Paulus agnoscit &  
fatetur se venditum esse ut subjiciatur peccato; se non  
facere quod velit, sed quod odio prosequatur; se cerne-  
re in membris suis legem cum lege mentis pugnantem,  
per quam sub captivitatem peccati redigatur, ut carne  
serviat legi peccati. Quis autem hodie sancto Paulo  
se conferat, aut etiam præferat? Consortes itaque pacti  
Evangelici non carent omni peccato. *Si dixerimus,* ait  
sanctus Iohannes, *nos peccatum non habere, nos ipsos fallimus,*  
nobis ipsis persuademus, quod alienum est à veritate;  
unde etiam è vestigio subjicit, *& veritas in nobis non est.*  
Aberrabimus non solum ab humilitate, quæ nos decet,  
sed etiam à veritate, si dixerimus nos peccatum non ha-  
bere. *Duo mala sunt,* ait Augustinus, *quorum unum habe-*  
*mus,*

1 Ep. i. 3.

4 contra  
Iul. c. 14.



*mus, alteram facimus, si ei non resistimus quod habemus. Dif-*  
*ferunt videlicet peccatum habere & peccatum facere sive*  
*consummare. Fideles & consortes pacti Evangelici im-*  
*probant quidem & reprimunt peccatum sive concupi-*  
*scientiam & vitiositatem congenitam, interim tamen ab*  
*Adamo & parentibus derivatam habent, sive in morta-*  
*li suâ & miserijs obnoxia carne circumferunt: vitiosam*  
*inquam, concupiscentiam, generaliter accepto voca-*  
*bulo, tum quoad actum primum sive quoad modum*  
*habitus, tum quoad actus secundos, sive desideria &*  
*motus indeliberatos, quamvis involuntarios & igno-*  
*rantibus obrepentes. Nam delicta, errores, ignorantia*  
*quis intelligat? ab occultis munda me, ps. 1x, 13: ad quem*  
*locum agnoscit Bellarminus, peccata quæ ex ignorantia*  
*committantur, verè peccata esse. Qui non novit & fecit di-*  
*gna plagis, cadetur plagis paucis, ait Dominus Lucæ xii,*  
*48: punietur quidem mitius, quàm qui novit volunta-*  
*tem domini sui & non fecit; interim tamen punietur,*  
*quia peccavit. Quin Augustinus infantiam peccatis*  
*obnoxiam fatetur i Confessionum, cap. vii. Theophy-*  
*lactus in Hebr. ix, 28, producit Liturgiam, in quâ ore-*  
*tur, εἴτε ἄκοιτες εἴτε ἐκόντες ἡμάρτομεν, συγχώρησον, Sive invi-*  
*ti sive volentes peccavimus, condona. Clemens Romanus*  
*epistolâ ad Corinthios genuinâ, quam edidit Patricius*  
*Sub init.*  
*Iunius: Manus vestras ad Deum omnipotentem extendistis,*  
*ἰκετεύοντες ἅπαντες ἰλεωσθε, εἴτε ἄκοιτες ἡμάρτητε, supplici-*  
*ter ejus misericordiam implorantes, si quid inviti peccastis. Simi-*  
*liter ait Epiphanius πολλὰς ἐν κόσμῳ ἡμᾶς ὄντας σφάλλε-*  
*σθαι ἀκυσίως τε καὶ ἐκ συσίως, nos dum in hoc mundo sumus sape titu-*  
*bare & offendere tum invites tum spontè, hæc. lxxv, num. vii.*  
*juxta Augustinum peccatum est, quum vel non est caritas*  
*quæ esse debet, vel minor est quàm esse debet, sive, hoc volunta-*  
*re vi-*



ee vitari possit, siue non possit, De perfectione iustitiæ contra Celestium, ratiocinatione xv. Quamquam Augustinus, ne quid videatur concedere Manichæis, qui peccatum ad aliud principium, quam voluntatem humanam referre conabantur; eò solet ire, ut omne peccatum quamvis ipsi committenti involuntarium, in aliquam tamen voluntatem humanam reducatur, si non aliam, certè primi parentis, à cuius libero in primum peccatum consensu dimanat omnis in posteros derivata labe.

CXXCIIX. Duodecimo de Trinitate cap. xii in hunc modum loquitur: *Quum solà cogitatione mens oblectatur illicitis, non quidem decernens esse faciendâ, tenens tamen & volvens libenter, quæ statim, ut attigerunt animum, ressiui debuerunt; non negandum est esse peccatum, sed censerì debet longè minus, quam si & opere statuatur implendum. Et ideo de talibus quoque cogitationibus venia petenda est, peccatusq; percutiendum atque dicendum, Dimitte nobis debita nostra.* Nempe sicut idem Augustinus definit xxii contra Faustum cap. xxvii, *Peccatum est factum vel dictum vel concupitum aliquid contra legem eternam siue divinam; non modò factum vel dictum, sed etiam concupitum.* Et libro primo de sermone Domini in monte: *Sicut tribus gradibus ad peccatum pervenitur, suggestionem, delectationem, consensione; ita ipsius peccati tres sunt differentia, in corde, in facto, in consuetudine, tamquam tres mortes.* Paria docet Hieronymus in primum caput Prophetæ Amos: *Primum peccatum est cogitasse quæ mala sunt. Secundum, cogitationibus acquiescere perversis. Tertium, quod mente decreveris, opere complexisse. Quartum, post peccatum non agere penitentiam, & in suo sibi complacere delicto.*

CXXCIX. Quamdiu autem Spiritus reluctatur carni,

carni, nec patitur se adigi, ut quod caro concupiscit, opere perficiat, etiamsi magnâ cum difficultate & infirmitate obnitatur; tamdiu homo renatus & in pactum evangelicum receptus non ambulat secundum carnem, sed secundum spiritum, & proinde nulla est ei condemnatio, quamvis esse posset, si cum eo juxta rigorem legalis pacti ageretur. Peccata venialia nuncupantur, quæ Tertullianus *quotidiana incurfionis* vocat, libro de Pudicitia, cap. xix: qualium penitus immunes esse non possunt fideles, etiamsi maximè velint. Dicuntur autem venialia, non quòd ex se suaque naturâ talia sint, sed ex accidente, quòd occurrant in hominibus, quos Deus suâ gratiâ dignatur, & per fidem in Christum pacti evangelici consortes fecit. Nullum aliàs peccatum ideo dignum est æternâ condemnatione vel pœnâ infinitæ durationis, quòd includat quamdam infinitam pravitatem vel malitiam, sed ideo, quia est contra legem æternam, & quia offendit infinitam Dei majestatem. Qui plebeium injuriâ afficit, verbi gratiâ, pugno cædit, aliquot nummorum mulctâ luit; qui consulem, carcere; qui Regem, capite. Qui legem transgreditur, τὸν θεὸν ἀτιμάζει, *Deum inhonorat* vel contumeliâ afficit, Rom. ii, 23. Peccatum, quod veniale dicitur, aut est contra legem divinam, aut non est. Si non est, nullo modo peccatum est; si verò est, tum propter causam modò prolatam dignum est æternâ morte, sive vitari possit, sive non possit. nam hominem ita ab initio Deus condidit, ut vitari posset. Mutatus est homo per Adami culpam in deterius: sed non ideo mutata est lex divina, vel pactum legale prorsus abolitum. Promulgatum autem est Evangelicum, ut qui in id per fidem in Christum recipiuntur, à Legalis rigore absolvantur, dum secundum

Ec

Spiri-



Spiritum ambulant, & opera carnis non perficiunt; ad quod praestandum illis per ipsum Evangelicum pactum gratia confertur: quamvis non visum fuerit Deo in pristinum amissum statum restituere, ut simpliciter omnia peccata, etiam involuntaria & vitiosi motus vitari possint, sed potius condonentur, dum modò reprimantur, agnoscantur, & venia juxta praescriptam à Domino precationem humiliter petatur. Eadem tamen illa, quamvis vel sola deprehendantur, in infidelibus & legali pacto subditis, aeternam damnatione vindicantur. Nempe cum ijs, qui Evangelicum pactum aut numquam amplexi sunt, aut eo exciderunt, juxta vim & rigorem Legis agitur. Nemo enim est mortalium, qui non sub alterutro constituatur, & quem non juxta vel hoc vel illud sententiam expectare oporteat.

CXC. Iohannes Gerson, Cancellarius Universitatis Parisiensis, dictus olim doctor Christianissimus, & in magno precio semper habitus, qui obiit anno cccc xxix, De vitâ spirituali animæ lectione prima hanc ponit conclusionem: *Omne peccatum, pro quanto est offensa Dei, & contra legem ejus aeternam, est de sua conditione & indignitate mortiferum secundum rigorem justitiae, & à vita gloria separativum. Ratio est, Quoniam omnis offensa in Deum potest justè ab ipso judice Deo puniri poena mortis tam temporalis quam aeterna: imò annihilationis poena. Est igitur de se mortifera. Assumptum deducitur ex hoc, Quòd nulla poena talis est ita mala, quantum mala est ipsa offensa: & ex alio, Quia potius toleranda esset omnis mors poenalis & annihilatio, quam committenda esset quantumlibet parva offensa in Deum. Da oppositum, tum offensa Dei licet fieri deberet in casu. — Quòd autem offensa dimittitur vel remittitur, est ex pura liberalitate Dei remittentis, & non amplius imputantis.* Istis sub-



subjungit ejusmodi corollarium: *Nulla offensio Dei est venialis de se, nisi tantummodo per respectum ad divinam misericordiam, quæ non vult de facto quamlibet offensam imputare ad mortem, quum illud posset justissime. Et ita concluditur, quod peccatum mortale & veniale in esse tali, non distinguuntur intrinsicè & essentialiter, sed solum per respectum ad divinam gratiam, quæ peccatum istud imputat ad pœnam mortis, & aliud non.*

CXCI. Quin ipsum originale peccatum, quod receptis in pactum evangelicum per baptismum remittitur, nisi remitteretur, condemnationi obnoxium redderet. Nam non placuit Deo, sicut dictum fuit, innocentia & integritatis statum, qualis ante lapsum Adami fuerat, reconciliatis restituere. Quod itaque peccatum congenitum attinet, si respicias habituales concupiscentiam, in quâ situm est, non differt specie vel ab eâ, quæ ante baptismum fuit, vel ab eâ quæ non renatos occupat; nisi quod impetus ejus retundi & refrenari cœpit. Utrobique idem est materiale, nempe habitualis inclinatio; utrobique etiam idem formale, nempe *avolutio* & privatio rectitudinis opposita legi divinæ. Quomodo igitur utrobique non sit idem peccatum & antè & post baptismum? Abolitus sanè est reatus sive obligatio ad subeundam pœnam: cæterum is non est formale constituens peccatum, sed potius, ut ita dicam, formale consequens. Qui peccavit, reus est & pœnæ obnoxius: atque hoc ipsum non est legi contrarium, sicut est peccatum, sed planè conforme & congruum. Separari itaque potest à peccato reatus; & nihilominus manet peccatum, quod pridem erat. Sicut è contrario multa peccata, ut homicidia, adulteria, furta transeunt actu, & manent reatu. Amotus itaque reatus non est

Ec 2

suffi-



sufficiens ratio, propter quam negetur peccatum originis manere & esse peccatum. Interim quamdiu fideles id reprimunt, nec in opus, ad quod incitat, transire permittunt, sibi remitti petunt, atque adeo sub pacto evangelico perseverant, non magis eis nocet vel damnationem infert, quam si peccatum penitus non esset. Si autem peccato obsequuntur operamque dant, sive secundum carnem ambulant atque adeo pacto evangelico excidunt, juxta severitatem legalis tractantur.

CXCII. Lubet hic adscribere discursum quemdam Henrici Gandavenfis, qui habetur Quodlibeto ejus sexto, quaestione penultimâ; & quidem quemadmodum proponitur à Dionysio Carthusiano, scribente in distinctionem xxiv secundi, quaest vi: is enim alibi concisius proponit, ut promtius intelligi queat. *Advertendum, inquit, quum in peccato originali in non regeneratis sint duo, quorum unum est incurvatio, qua consistit in voluntatis obliquatione; secundum est reatus, id est, obligatio ad pœnam pro carentiâ rectitudinis originalis justitiæ: secundum istorum in baptismo expiatur, primum verò manet. Quibus duobus duo correspondent in moribus primis carnalis concupiscentiæ, utpote ipsius motus deformitas, & pœna reatus debitus ei: quorum primum manet ad pœnam in regeneratis, sicut & obliquatio manet in voluntate, & fomes in carne, secundum expiatur est, ita quod sicut neutrum istorum habet rationem peccati in renatis ex parte reatus, sed solum ex parte obliquationis, sic motus primò primus, etsi rationem habeant culpa ex parte deformitatis pudenda, nullam tamen habent ex parte reatus. Et potest ex his dari ista distinctio. Motus primi considerari possunt dupliciter, sicut & quilibet actus virtutis ac vitij: uno modo secundum se & absolute, quoad dispositionem & formam actus; alio modo in respectu in finem, quoad premium debitum actui.*

actui. Primo modo primi motus, etiam primò primi, sine dubio sunt peccata tam in renatis, quàm in non renatis: quoniam deformitatem habent in se contra regulas prudentie, rationisq, recte, quae deformitas rationem vitij habet, quemadmodum contraria informatio rationem habet virtutis. Hoc etiam modo obliquatio in ratione rationem vitij habet: & fomes in carne eo modo, quo virtutes & vitia conceduntur esse in viribus sensitiuis, non per essentiam, sed participationem. Porro secundo modo primi motus, in quantum primò primi, peccata non sunt in renatis propter baptismatis expiationem; sed in non renatis, in quibus super reatu nulla expiatio facta est, omnino habent rationem peccati, etiam quoad illos, qui non sunt in voluntatis potestate determinati ad reprimendum, & quoad maculam seu deformitatem, & quoad reatum. Et debet hoc peccatum in non renatis vocari non originale, sed actuale: quia ab actu proprio suae carnis, quamvis non voluntatis suae, perpetratur. Haecenus Henricus ille Gandavensis: quem statuere, quòd in renatis motus etiam primò primi, id est, maximè involuntarij & indeliberati, quamvis remissus sit reatus, quoad dispositionem tamen & formam actus ei que inhaerentem deformitatem peccata sint, operæ precium duxit non ignoretur.

CXCII. Scribit Augustinus de naturâ & gratiâ cap. xxxv: *Etiam si hinc non vivatur sine peccato, licet tamen mori sine peccato, dum subinde venia deletur, quod subinde ignorantia vel infirmitate committitur.* Hac videlicet ratione sub pacto Evangelico vivitur & agitur. In multis enim offendimus omnes, ut disertè sanctus Iacobus 111, 2. *Nemo est, qui non peccet,* 1 Reg. 11x, 46; 11 Chron. vi, 36. Augustinus igitur loco jam producto, *Excepra,* inquit, *sancta virgine Maria, de qua propter honorem Domini nullam prorsus quum de peccatis agitur* (agitur autem de peccatis



quæ committuntur; siue quæ per actum aliquem ab homine prodeunt) habere volo questionem: (unde enim scimus, quòd ei plus gratia collatum fuerit ad vincendum omni ex parte peccatum, quæ concipere & parere meruit cum, quem constat nullum habuisse peccatum?) hac ergo virgine excepta si omnes illos sanctos & sanctas, quum hic viverent, congregare possemus & interrogare, Virum essent sine peccato; quid fuisse responsuros putamus? utrum hoc, quod iste scriptor Pelagianus dicit, an quod Iohannes Apostolus? Rogo vos, quantalibet fuerint in hoc corpore excellentia sanctitatis, si hoc interrogari potuissent, annon una voce clamassent, Si dixerimus, quia peccatum non habemus, nos ipsos seducimus & veritas in nobis non est? An illud humiliter responderent fortasse quàm verius? Sed huic Pelagiano jam placet & rectè placet, laudem humilitatis in parte non ponere falsitatis. Itaque hoc si verum dicerent, haberent peccatum, quod humiliter faterentur, quia veritas in eis esset. Si autem hoc mentirentur, nihilominus haberent peccatum, quia veritas in eis non esset.

CXCIV. Pergamus autem considerare verba san-

Cap. 1. 1. cti Iohannis Apostoli. Si dixerimus, inquit, nos peccatum  
ver. 9. non habere, nos ipsos fallimus, & veritas in nobis non est. Si  
confiteamur peccata nostra, quemadmodum ipse iussit nos  
Patrem cœlestem precari, Dimitte nobis debita nostra;  
fidelis est & iustus, præstat quod promissit (nam stare pro-  
missis non solum ad fidelitatem, sed etiam ad iustitiam  
refertur) ut remittat nobis peccata, & mundet nos ab omni in-  
ver. 10. iquitate. Si dixerimus nos non peccasse, mendacem facimus  
eum, qui nos peccatores habet & estimat, omnesque o-  
rare iussit, Dimitte nobis debita nostra, & verbum ejus,  
quo nos peccatores esse toties testatus est, non est in no-  
bis, siue certa & ab ipso Deo confirmata veritas à nobis  
ap. 2. 1. abnegatur. Filii mei, hæc scribo vobis, ut ne peccetis: quanti-  
vis



vis peccatum habetis, nec evitare potestis, quin se moveat & vobis negocium faceat, evitetis tamen, ne dominetur & regnet, vosque ei obœdiatis, & desideria eius periciatis. *Sed & si quis peccaverit*, si quis à peccato & carne sua se vinci & seduci passus fuerit, nolim eum desperare, sed in viam redire & poenitentiam agere, quoniam *advocatum habemus apud Patrem Iesum Christum iustum*, qui, modò in eum credamus, & peccatis inharere desinamus, confidens ad dexteram Dei & in summam evehctus sublimitatem iustitiam suam pro compensandâ & delenda nostrâ injustitiâ Patri sistit & offert, atque ita interpellat pro nobis, Rom. ix, 34; Heb. vii, 25; & compareret apud faciem Dei pro nobis, Hebr. ix, 24. *Et ver. 2: ipse est propitiatio*, quæ Deum placat & propitium reddit, *pro peccatis nostris*, quæ aliàs, absque hac propitiatio-  
ne esset, utpote in eius infinitam maiestatem injuriosa, æternâ morte luere nos oporteret. Sic autem Deus dilexit mundum, *ut miseret Filium suum, qui esset propitiatio* Cap. 5. 19;  
*pro peccatis nostris: nec pro nostris tantum, sed etiam pro totius mundi.* *Pesuit enim Deus, ut esset propitiatio per fidem in sanguine ipsius*, Rom. iiii, 25.

CXCV. Diximus antea, aliud esse peccatum habere; aliud, peccatum facere, sive scientem & volentem se peccato dedere & operam dare. Inter quod & alterum ingens est discrimen secundum sanctum Iohannem. *Quæ facti*, inquit, *peccatum ex diabolo est*, Cap. 3. 8;  
diaboli exemplum & impulsus sequitur: quoniam ab initio conditi mundi *diabolus peccat*, & homines ad peccata committenda instigat. *Ad hoc autem apparuit vel manifestus factus est Filius Dei, ut dissolveret opera diaboli*, ut conterat caput serpentis, & peccata aboleat, tum removendo damnationem eis debitam, tum suppeditando grati-



gratiam reprimendis illis, ne dominantur. *Quisquis natus est ex Deo*, regeneritus per verbum Dei & baptismum, qui est lavacrum regenerationis & renovationis per Spiritum sanctum, *peccatum non facit* eo, quo antè dictum est sensu, *quoniam semen Dei*, per quod regeneritus est (regeneritus videlicet *non ex semine corruptibili, sed ex incorruptibili, per verbum Dei vivi & manentis in aeternum*, I Pet. 1, 23) in eo manet, & virtute Spiritus sancti operatur, facitque semper & seriò meminisse eorum, quæ ab ipsis Deus exigit, & fieri vel prohibet vel præcipit: & *non potest peccare, quoniam ex Deo natus est*: non potest peccare sive secundum carnem ambulare & peccato operam dare, in sensu, ut Logici loquuntur, composito, quamdiu nativitatem ex Deo conservat, & semen, per quod renatus est, fructum fert. Interim sicut potest regenerationem, per quam in hac mortali vitâ ad statum filij Dei & gratiæ translatus est, amittere (regeneratio verò, de quâ Matth. xix, 28; quæ est ad gloriam, non amittitur) sic quoque potest desinere natus esse ex Deo, & ad statum, in quo erat antequam regeneraretur, redire. Augustinus, II de peccatorum metitis & remissione, cap. iix, exponit ut subjicitur: *Proficimus in renovationem justam, vitam per quod filij Dei sumus, & per hoc peccare omnino non possumus; donec totum in hoc transmutetur, etiam illud per quod filij seculi sumus: per hoc enim peccare adhuc possumus*. Item II contra epistolam Parmeniani, cap. vii: *Quamvis in quantum ex Deo nati sumus, non peccemus, inest tamen adhuc etiam quod ex Adam nati sumus, quia nondum absorpta est mors in victoriam, quod in corporum resurrectione promittitur*.

CXCXI. Varia à varijs in umbrâ vel ocio cogitari & disputari possunt; quæ solent evanescere, quum seriò agi cœperit. Agitur autem seriò, quando magnum



gnum & ultimum illud certamen cernitur, in quo anima à corpore discedit, reversura unde discessit supremo seculi die. Quantum suæ innocentia vel iustitiæ vel meritis unusquisque tribuere auit, sine ambagibus & strophis tunc patescit. Exstat in antiquis Agendis Exhortatio apud moriturum, & quidem religiosum vel monachum, instituenda, quæ Anselmo Cantuariensi tribuitur, pia sanè & recta, quæque modum, quo sub Evangelico pacto, præsertim Novo, damnatio evitetur, & remissio peccatorum atque æterna vita obtineatur, breviter & dextrè ostendit. Apponemus eam ex vetustis Agendis verbotenus. *Cùm frater aliquis laborare videtur in extremis, pium est & consultum, eum per prælatum sive alium sacerdotem subscriptis interrogationibus & exhortationibus exerceri. Et interrogetur primò, Frater, Letaris, quòd in fide Christi morieris? & respondeat, Etiam. Item, fateris te non tam bene vixisse sicut debuisses? Respondeat, Fateor. Pœnitet te? Etiam. Habes voluntatem emendandi te, si spaciū vivendi haberes? Etiam. Credis quòd propter te mortuus est dominus Iesus Christus filius Dei? Etiam. Credis te non posse salvari, nisi per mortem ejus? Etiam. Agis ei de hoc ex corde gratias? Etiam. Age ergo, dum in te est anima tua, ei semper gratias; & in hac solâ morte totam fiduciam tuam constitue, huic morti te totum committe, hac morte te totum contege, eiq. te totum involue. Et si Dominus voluerit te judicare, dic, Domine mortem domini nostri Iesu Christi objicio inter me & judicium tuum: aliter tecum non contendo. Si*

Ff

dixe-



dixerit, quòd merueris damnationem, dic, Mortem Domini nostri Iesu Christi objicio inter me & mala merita mea, ipsiusq; dignissimæ passionis meritum offero pro merito, quod ego habere debuissim, & heu non habeo. Dicat iterum: Mortem Domini nostri Iesu Christi pono inter me & iram tuam. Deinde dicat: In manus tuas Domine commendo spiritum meum. Et Conuentus siue adstantes respondeant: In manus tuas Domine commendamus spiritum ejus. Et securus morietur, nec videbit mortem in æternum. Hæc ibi.

CXCVII. Existimari poterat, Fratres vel monachos meritis, quæ vocant, abundare. Cæterum hic jubetur Frater fateri, se tam bene non vixisse, sicut debuisset: se propterea poenitere, & si spacium vivendi superfit, voluntatem emendandi habere; se credere, quòd propter se sit mortuus Dominus Iesus Christus Filius Dei, & se non posse salvari nisi per mortem ejus; se meritis carere, & eorum loco meritum passionis Christi Deo Patri offerre; se inter Dei Patris iram judiciumque & sua mala merita ponere mortem Christi, & in hac solâ totam suam fiduciam constituere, huic se totum committere & involvere. Hæc, inquam, sincera est fidelium sub Evangelico pacto Novi testamenti praxis, per quam datur æternam mortem evitare, & vitam consequi. Dico Novi testamenti. nam ubi testamentum est, mors intercedere necesse est testatoris. Testamentum enim in mortuis ratum est: quandoquidem nondum valet, quum vivit testator, Hebr. ix, 16, 17. Quoniam itaque sub Novo pacto intercessit mors testatoris Christi, hoc ipsum rectè & appositè dicitur Novum testamentum. Mors autem Christi sub Veteri



tere præfigurata & adumbrata fuit morte & sanguine vitulorum & hircorum: quali quum Moses populum ad-  
aspergeret, dixit, *Ecce hic est sanguis fæderis, quod pepigit Dominus vobiscum*, Exodi xxiv, 8: sanguis videlicet vitulorum & hircorum est sanguis Veteris pacti. Quum Christus supremâ cœnâ institueret sacramentum Eucharistiæ, porrecto calice dixit, *Hic est sanguis meus Novi testamenti*, Matth. xxvi, 28: Marci xiv, 24: sanguis videlicet testamenti vel pacti æterni, quomodo appellatur Hebr. xiii, 20; quod sit de conferendis bonis æternis, & quod perpetuò duraturum, nec ei aliquando abrogando aliud umquam successurum. Fuerit itaque verus & propriè dictus sanguis Christi. Nullus enim alius sanguis est sanguis Novi testamenti. Multò minus typus aliquis sanguinis est sanguis Novi testamenti. Quin si existimetur vinum, quia typus sit sanguinis Christi, propterea dici sanguinem Novi testamenti, in remissionem peccatorum effusum; eatenus Novum testamentum inferius erit Vetere. Sanguis enim vitulorum & hircorum, qui sub Vetere fundebatur, longè expressior & convenientior typus fuerit sanguinis Christi, quàm esse possit vinum. Sed hæc obiter.

CXCIIIX. Caterùm Exhortationes illas Anselmicas antiquis Ritualibus & Agendis tum manu tum typo exscriptis, qualia in bibliothecâ Iuliâ adservantur, passim insertas animadverto, ut juxta earum præscriptum cum moribundis agatur. Imò translate etiam sunt in idioma Saxonicum, ut earum promptior apud idiotas esset usus. Hoc ipso excusus est liber Lubecæ anno dñi mccc. xcvi, Anselmicas exhortationes agro in mortis periculum coniecto proponens, & jubens, ut precationem, quæ sequitur, sæpe repetat. *Eprick so vaken/inquit, dit*

Ff 2

Weth



Weth alius. *H*ere Jesu Christe / ick sündige Wänsche bidde  
dy umme des bitteren Lebendes willen / dat du ledest vor my  
an dem Crütze / do dine Seele schede van dinem Lichnam /  
vorbarne dy over mine sündige Seele in erem uthgange /  
wan se van deme Lichnamme schedet / Amen. Vix credibi-  
le est, quemquam repertum iri, qui in illo agone consti-  
tutus Deum ad rationes & calculos vocet, examinaturus  
num salus, quam expetit & desiderat, suis ipsius meritis  
& justitiæ ex aliquâ parte, & non in solidum divinæ mi-  
sericordiæ Christi que meritis accepto sit ferenda. Non  
sanè fecit Aeneas Sylvius, qui jam Senensis episcopus,  
postea Pontifex Pius secundus, quum morbis oppressus  
Ep. 146. periclitaretur, ad intimum scribens amicum, *Ad superos,*  
inquit, *me transiturum non despero. nam etsi magna peccatorum*  
*sarcinâ premor, majorem tamen esse divinam misericordiam,*  
*quàm meam iniquitatem non dubito. In hac confido, in hac*  
*me totum resolvo.* Non Stanislaus Hosius Cardinalis,  
acerrimus Protestantium hostis, qui Testamento,  
quod operibus ejus subjunctum est, confitetur, quod  
gravia sint sua peccata, quibus iram divinam promeruerit.  
Sed utinam, inquit, appendas ea Domine in statera, & quam  
pro me calamitatem pertulit innocens Filius tuus: certè multò  
gravior apparebit hac & magis digna, propter quam effundas in  
me misericordiam tuam, quam illa sint, ut propter ea contine-  
as in irâ tuâ miserationes tuas. Indignus ego sum, quem o-  
culis majestatis tuæ aspicias, verum interea dignissimus est ille,  
propter cujus passionis & mortis meritum non modo respicias me,  
verum & corones. Quamobrem venio ad te Pater clementis-  
sime, venio ad te nullis meis, sed multis Filij tui domini & re-  
demtoris mei Jesu Christi meritis onustus: qui quum pro totius mundi  
peccatis abunde tibi satisfecerit, hujus mortis meritum, in  
quo



quo solo meam spem & fiduciam omnem habeo defixam, adfero ad te: hac est iustitia mea, satisfactio mea, redemptio & propitiatio mea.

CXCIX. Consideremus etiam alia nonnulla superioris seculi exempla. Sigismundus primus Rex Poloniae mortuus est anno ætatis xxci, Christi dñi 1419, Kalendis Aprilis. Moribundus se totum Deo religiosè verbis & suspirijs commendabat, in eius clementiâ & misericordiâ fiduciam suam omnem collocabat, ut testatur Martinus Cromerus oratione, quâ ei parentat. Historiæ, quam scripsit, sub finem adjunctâ. Stanislaus Orichovius Rhutenus idem officium præstitit: oratio exstat inter orationes clarorum hominum in academiâ Venetâ editas anno dñi 1619. Fide, inquit Orichovius, in Deum erat summâ: hominem peccatorem se confitebatur esse palam: nusquam spem veniæ, nisi in solo Christo, habebat. Item: Animam agens ad singula verba passionis Christi Dei nostri suspiravit, ingemuit ac flebiliter precatus est, ut Deus peccatorum ipsius immemor, beneficiorum autem Christi in illum & in omnes memor, clemens ac propitius illum ad illas beatorum sedes reciperet, ad quas Iesus Christus Dominus & Deus noster ante illum præcesserat. Carolus quintus Imperator, rerum humanarum pertæsus, resignato imperio & in Hispaniâ in Hieronymiano S. Iusti monasterio postremum vitæ suæ biennium exegit, pietati & sacris meditationibus deditus, obiit quæxi Kal. Octobris, anno dñi 1558. Cætera apponam verbis Thuani, quibus rem descripsit Historiarum libro xxi. *Toto pectore, ait, in Deum revolutus sic ratiocinabatur, scilicet qui levi indignum esse, qui proprijs meritis regnum caelorum obtineret, sed dominum Iesum suum, qui illud duplici jure obtineat, & patris hereditate & passionis merito, altero contentum esse, alterum sibi donare, ex cujus dono illud*



sibi meritò vindicet, hacq; fiducia fretus minimè confunda'ur: neque enim oleum misericordiae nisi in vase fiducia poni: hanc hominis fiduciam esse à se deficientis & imitantis Domino suo: alioqui proprijs meritis fidere, non fidei sed perfidiae esse: peccata remitti per Dei indulgentiam, ideoque credere nos debere, peccata deleri non posse, nisi ab eo, cui soli peccavimus, & in quem peccatum non cadit, per quem solum nobis peccata condonantur: ita cum sensim ad lentam talem febris acuta accessisset, imaginem Christi cruci affixi identidem in oculis, ulnis, ore & tota mente complexus, in eo solo se omnem salutis suae spem collocare declaravit, sumptisq; viatico, In me mane, inquit, dulcissime Servator, ut ego in te maneam; in quae verba deficiens animam Deo reddidit. Hæc Thuanus. De Constantino Pontio, qui diu Carolo à sacris confessionibus, eiq; in solitudine suâ ac postremo animam agenti semper præstò fuerat, scribit idem Thuanus, quòd postea ad tribunal Inquisitionis raptus in teatro carcere exspiraverit. Sed ne theatrum, inquit, in quo Hispali vix post transactum à Caroli obitu annum, annuente Philippo filio, sectarij Lutherani, quos vocabant, exurebantur, Constantino careret, ejus quasi concionantis effigies circumducta est, atque ita terribile per se spectaculum, vivicomburij videlicet innocentium hominum, quod primò plerisque adstantium lacrymas excusserat, larvis hic in scenam productis risum multis ac postremò indignationem movit. Non videntur hæc citra ignominiam Caroli defuncti Cæsaris peragi potuisse. Propemodum itaque persuadeor, ut verum esse credam, quod scribit Iacobus Gretserus, non minoris maledicentiae quàm famæ Jesuita, Ewantine Strenæ Lauseriana, uti vocat: Si Carolus quintus Lutherana opinione de Meritis infectus fuisset, in eaq; vitam finivisset, Hispani à resosso ejus corpore panas exegissent. Certè Index Hispanicus Expurgatorius, quæ huc faciunt, expun-



expunxit. Caterùm quæ est alia Lutheranorum de me-  
ritis opinio vel sententia, quàm quæ proponitur Exhor-  
tationibus Anselmicis, à solo Indice Hispanico rejecta.  
& passim à majoribus nostris ante seculum & quod ex-  
curret, sicut è tot Agendis & Ritualibus manifestum est,  
recepta? Imò ne quidem ex omnibus, quæ hodie vel  
manuscripta vel edita in usu sunt, exulat. Multum ita-  
que negotii sibi facessent Hispani, si ab omnibus eorum,  
qui in eâ sententiâ vitam finierunt, refossis corporibus  
pœnas incipiant exigere.

CC. Audiamus etiam sanctum Augustinum, cu-  
jus hæc sunt verba 111 contra Cresconium, cap. xxc:  
*Alexistimatione in humanam magna restum, qui me noverunt,  
suppetit repas; ad Dei verò conspectum sola conscientia. Quam  
contra vestras criminationes quam intrepidam geram, non me  
tamen sub oculis omnipotentis justificare audeo, magisq; ab eo  
effluentem misericordie largitatem, quam iudicij summum exa-  
men expecta, cogitans quid scriptum est: Quam Rex justus se-  
derit in throno, quis gloriabitur castum se habere cor: aut quis  
gloriabitur mundum se esse à peccato? Et verba faciens de  
matre suâ 1x Confessionum cap. xiii: Ea etiam laudabili  
vita hominum, si remota misericordia discutias eam. Gre-  
gorius Magnus in primum psalmum pœnitentialem, si-  
ve psalmum sextum ejusque versiculus v. Non de meis  
meritis confidens, ut me salvum facias, supplico, sed de sola mi-  
sericordia tua præsumens impetrare, quod de meis meritis non  
spero. Iungimus dictum Bernhardi, quod est sub finem  
libri de Gratia & libero arbitrio: Si propriè appellantur  
ea, quæ dicimus nostra merita, spei quædam sunt seminaria, cari-  
tatis incentiva, occulta prædestinationis indicia, futura feli-  
citatæ præfugia, via regni, non causa regnandi. Ex recentio-  
ribus adjungimus Thomam VValdensensem, qui tomo  
tertio,*



tertio, tit. primo, cap. septimo contra merita acriter  
disputat, & fere indignabundus concludit: *Meritum  
nstrum in hoc articulo minimè Deus attendit, siue rationem con-  
grui vel condigni; sed gratiam suam, aut voluntatem suam, aut  
misericordiam suam.* Quomodo ergo non ad injuriam Salvato-  
ris & gratuiti coronatoris accedit, quòd gratiâ ejus tacitâ tan-  
tùm disputamus de meritis? Ejus οὐχ ἔγωγε? Petrus de Alli-  
aco Cardinalis Cameracensis in psalmum pœnitentia-  
lem sextum De profundis, *Per hujus tuæ, ô Christe, passi-  
onis virtutem, per hujus sanguinis effusionem te deprecor, ut à  
peccatis meis & à pœnâ, quas pro his mereor, me redimas, re-  
demtumq; ab eis eripias, & ereptum à malis meis tecum in bonis  
tuis habitare concedas.* Cardinalis hujus intimus fuit Io-  
hannes Gerson, vir ubique laudatus, qui opere tripar-  
tito de arte moriendi, particulâ tertiâ morituum ita  
jubet precari: *Domine paradisum tuum postulo, non ob valo-  
rem meorum meritorum, sed in virtute & efficacîâ tuâ bene-  
dictissimæ passionis, per quam me miserum redimere voluisti, &  
mibi paradisum precio tui sanguinis emere dignatus es.* Eti-  
pse testamentum suum, quod paucis ante obitum suum  
mensibus condidit, sic obsignat.

*Quæ mortalia sunt, mortalibus ultro relinquo:*

*Corpus humum redeat, spiritus ad Dominum.*

*Spiritus iste, Iesu, meus à te suscipiatur:*

*Spes mea tu Iesus es; gratia, non opera.*

Hadrianus, qui postea Pontifex eo nomine sextus, com-  
mentans in Quartum sententiarum, tractansque Sacra-  
mentum Eucharistiæ de meritis nostris operumque no-  
strorum circa tempora enati schismatis, vel paulò antè,  
in hunc modum scripserat: *Sunt merita nostra velut bacu-  
lus arundineus, cui dum quis innixus fuerit, confringitur, &  
perforat manum innitentis.* Et quasi pannus mensivante sunt  
omnes



omnes iustitia nostra, ut habetur Iesaja LXIV. Iugiter enim super pannum bonæ vitæ, quem iustitiæ operibus teximus, stillamus saniem diversorum criminum. Quæ igitur ex eis poterit esse fiducia ad Deum, qui neminem diligit, nisi ex toto corde conversum? Rectè igitur suasit Salvator; Quum feceritis omnia, quæ præcepta sunt vobis, dicite, Servi inutiles sumus, Lucæ XVII.

CCl. Operæ precium videtur subicere, quæ annotavit Nicolaus Liranus ad Iohannis x, 13. Gloria, inquit, cælestis non dicitur propriè merces, sed tantummodo largè, in quantum omne, quod redditur in præmium laboris, dicitur merces. Ratio autem hujus est, quia hereditas distinguitur à mercede propriè dicta, sicut filius, cui debetur hereditas, distinguitur ab operario conductitio, cui debetur merces. Gloria autem cælestis redditur fidelibus, sicut hereditas filiis: propter quod non habet rationem mercedis. Repetiit illa jam diutiùs, quàm ante seculum, eundem sancti Iohannis locum exponens Antonius Broikvvy Guardianus Novioma-genis; & addit illustrandi ergo ex Rom. iix, 16: Ipse Spiritus testimonium reddit spiritui nostro, quod sumus filii Dei. Si autem filii & heredes; heredes quidem Dei, coheredes autem Christi. Accedat Gal. i i i, 26: Omnes filij Dei estis per fidem in Christo Iesu. Per quod autem sumus filij Dei, per id etiam sumus heredes regni cælestis. Nam si qui ex lege sunt, qui legali pacto & operibus nituntur, heredes sunt, exinanita est fides & abolita promissio. Igitur ex fide est hereditas, Rom. iv, 14 & 16. Sanctus Petrus i epist. ii i, 9: Scitis vos ad hoc vocatos esse, ἵνα εὐλογᾶν καὶ ἐνδοξάζωμεν, ut benedictionem, (nempe quum dicetur, Venite benedicti Patris mei, καὶ ἐνδοξάζωμεν, tamquam heredes adite & possidere regnum paratum vobis a jacto mundi fundamento, Matth. xxv, 34) hereditatem possideatis, vel hereditario jure obtineatis. Certum autem est, filium a patre suo secundum

Gg

justi-



justitiam mereri nihil posse, quum aliàs se totum & quid-  
quid potest, patri debeat, & ne quidem inter patrem &  
filium justitia propriè dicta intercedat: minime verò  
omnium mereri posse regnum; & quidem aeternum &  
cœleste.

CCII. Sumus autem filii & heredes Dei Patris  
tamquam Regis: non quidem naturales filij, sed ado-  
ptivi. *Prædestinavit nos eis υιοθεσίαν in adoptionem filiorum*, si-  
ve quos in filios adoptaret, Eph. 1, 5. Ex quo autem per  
adoptionem filij facti estis, *emissit Deus Spiritum Filij sui in*  
*corda vestra, clamantem Abba Pater*, id est, qui vos faciat  
Deum tamquam Patrem agnoscere, venerari, amare &  
invocare. *Itaque non amplius es servus, sed filius: quòd si filius,*  
*etiam heres Dei per Christum*, Gal. iv, 6 & 7. Hoc igitur  
adoptionis titulo, quæ per fidem & non per opera legis  
obtingit, regnum cœleste consequi & adire datur, nul-  
loque alio. Cæterum, inquires, annon potest filius a-  
doptivus Regem patrem in prælio cum hostibus com-  
misso periclitantem forti dexterâ tueri, & suometipsum  
periculo è periculo eximere, atque ita regnum mereri?  
atque adeo annon pari ratione à Deo in filium adoptatus  
potest propter Deum multa cum magno labore agere, &  
cum ingente molestiâ pati, quin morte suâ, quod de  
sancto Petro dicitur, Deum glorificare, & hoc modo  
cœleste regnum mereri? Respondeo, quòd quæ de Re-  
ge terreno dicta sunt, præstari etiam possint & aliquan-  
do præstentur à milite vel tribuno, qui tamen propte-  
rea regni heres non constituitur, quia videlicet filius  
non est, nec naturalis nec adoptivus: in quâ filiatione, ut  
sic loquar, situm est, quòd heres aliquis sit. Ut igitur  
homines cœlestis regni sint heredes, necesse est eos à Deo  
cœlesti Rege in filios adoptari, quod per fidem fit, &  
non

Ioh. 21, 19.

non per opera, sicut ostensum fuit. Adoptati autem te-  
 nentur & debent prestare, quidquid in obsequium &  
 honorem Patriis possunt. Subsequitur hereditas,  
 quæ dici potest præmium & merces, quod laborem ex-  
 cipiat, quemadmodum excipit merces, non quod in la-  
 bore sit dignitas aliqua cum tali mercede comparanda,  
 aut quod ille labor ejusmodi mercedem secundum justi-  
 tiam promereatur. Neque perperam dixerit, (ut supe-  
 riori exemplo inhæreamus) qui de filio propter paren-  
 tem in prælio fortiter se gerente dixerit, Habebit suæ  
 fortitudinis amplam mercedem, regnum videlicet, quod  
 cum manet, etiamsi jus adeundi ab illis fortitudinis acti-  
 bus non pendeat, & jam antè per adoptionem sit ade-  
 ptus. Neque quidquam prohibet, illum qui fortiter  
 agit, ad hoc ipsum, quod promissum est & expectat, re-  
 spicere, ejusque intuitu ad fortiter agendum vel pati-  
 endum animari & incitari. Sic Moses majores duxit divi-  
 tias præbium Christi, quàm Aegyptiorum thesauros: intueba-  
 tur enim eis τὸ μισθωδοσίαν, in præmij retributionem, Hebr.  
 xi, 26. Nolite abjicere παρρησίαν vestram, sive liberam Chri-  
 stianismi professionem, ἥτις ἔχει μισθωδοσίαν μεγάλην,  
 quæ magnam habet remunerationem sive præmij retribu-  
 tionem, Hebr. x, 35. Accedentem ad Deum oportet credere, ὅτι  
 τοῖς ἐκζητοῦσιν αὐτὸν μισθωδοδότης ἕσται, quod præmia largia-  
 tur iis, qui ipsum requirunt, Hebr. xi, 6. Ad hanc sanè μισθω-  
 δοσίαν respexit sanctus Paulus, quando scripsit, *Præcla-  
 rum certamen certavi, cursum consummavi, fidem servavi.*  
*Quod reliquum est, reposita est mihi justitiæ corona, quam red-  
 det mihi Dominus illa die justus iudex,* 11 Tim, iv, 7 & 8. Fi-  
 delis & verax, qui præstabit quod promissit, & exseque-  
 tur, quod se facturum toties fuit contestatus. *Fidelis est  
 qui promissit,* Hebr. x, 23, xi, 11. Pendent enim omnia à

G g 2

pro-



promissione, qualé à Deo emissam esse, quòd benignitati  
divinæ coueniat, nemo poterit dubitare. Fideles itaque  
*secundum promissionem heredes sunt*, Gal. 111, 29. Et ipsa  
hereditas dicitur promissio, Hebr. x, 36; xi, 39. *Pro-*  
*missio ex fide Iesu Christi datur credentibus*, Gal. 111, 22. *Pi-*  
*etas promissionem habet vitæ præsentis ac futuræ*, 1 Tim. iv. 8.  
*Has promissiones quum habeamus, purificemus nos ab omni iniqui-*  
*namento carnis ac spiritus*, 11 Cor. vii, 1. Servator ipse di-  
scipulis suis: *Vos estis, qui permanistis mecum in temptationibus*  
*meis*, quas mihi intulerunt Iudæi: & ego dispono sive pa-  
ciscor & promitto vobis regnum, sicut mihi disposuit Pater  
meus, Lucæ xxii, 28 & 29: nempe oportet vos per multas  
tribulationes ingredi in regnum Dei, Act. xiv, 22; quemad-  
modum me oportet pati, & introire in gloriam meam, Lucæ  
xxiv, 26. Et quisquis reliquerit domos aut fratres, aut sorores,  
aut patrem, aut matrem, aut uxorem, aut liberos, aut agros,  
propter nomen meum, centuplicia accipiet, quæ vel in tempore  
hoc & in mediis etiam persecutionibus centuplo sint maiora  
& meliora, quàm quæ amittuntur, & in seculo venturo  
vitam æternam κληρονομήσει, hereditate adibit, Matth. xix,  
29; Marci x, 30. Vi huiusmodi promissionum, quæ fi-  
deles sunt & fallere nequeunt, obtinebunt evangelici  
pacti consortes regnum cœleste & æternam vitam. Si-  
cut autem hypothesis necessitatis (ut quum dico, Quæ  
fiunt, hoc ipso quòd fiunt, non possunt non fieri, non  
possunt non à Deo prævideri, aut etiam à Deo prævisa  
vel prædicta itidem non poterunt non fieri) non tollit  
naturam contingentia; ita quoque hypothesis promif-  
sionis non tollit naturam gratuiti beneficii.

CIII. Meritum itaque strictè vel propriè dictum  
est actus aut opus, cui seclusâ promissione secundum se  
& ex se spectato merces itidem propriè dicta debetur ab  
eo, qui

eo, qui illam reddere tenetur, nisi reddat, pro injusto habendus. Fundatur in eo, quod qui praestat, non praestat viribus aut opibus, quas ab eo, cui praestat, acceperit: quod ad praestandum alio nomine vel titulo non sit obligatus: quod cedat in emolumentum & commodum ejus, cui praestatur: denique quod sit æqua proportio inter id quod praestatur, & mercedem quæ confertur. Sive consideremur ut filii, sive ut servi, neutram considerationem intercedere potest inter nos & Deum ratio meriti proprii dicti, quocumque nomine vel titulo appelletur. Bene Thomas VValdensis loco superius allegato: *Apostolus suis meritis nihil applicabat, sed præmissis beneficiis (promissionibus) Domini debere posse premium confidebat. Hoc non erat in meritis confidere, sed in beneficiis Domini, secundum Psalmistam, Salvum me fecit, quoniam sic voluit me. Ps. 118, 10.* Quantum ergo mea sapit modicitas, hac ipsa determinatio Scripturarum, quam ex Apostolo & Psalmista annotant sancti Patres, congruentius jungeretur loquutionibus de meritis hominum, quam absolute diceretur, Quod homo ex meritis est dignus regno cælorum, aut hac gratia, vel illa gloria: quamvis quidam Scholastici invenerunt ad hoc discendum terminos de condigno & congruo.

CCIV. Omnis sive dignitas sive congruentia, quanta quanta fuerit, nititur hypothese divinæ liberalis & benevole promissionis. Nulla enim est potentia, nullæ ad operandum vires, quas homo à Deo non acceperit. *Quid habes, quod non accepisti. si autem accepisti, quid gloriaris quasi non acceperis?* 1 Cor. IV, 7. Si opus aliquod jumento, quod meum sit, peragatur, id eatenus, quatenus meo jumento peragitur, mercede prosequi non teneor. Deinde sive filius sis, sive servus, utroque nomi-

Gg 3

ne



ne ad præstandum obligaris. Numquid dominus gratiam  
habet servo, quia fecit quæ ei præcepta fuerant? non puto. Ita  
& vos, quum feceritis omnia, quæ præcepta sunt vobis, dicite,  
Servi inutiles sumus: nam quod debuimus facere, fecimus, Lu-  
cæ xvi, 9 & 10. Servus, quidquid potest, debet ut me-  
rum servitium; quale nullâ mercede compensatur. Ter-  
tiò, nihil emolumenti vel commodi Deo per humana  
opera accedit. Si justus es, quid das illi? aut quid è manu  
tua accipit? Iobi xxxv, 7. Bonorum nostrorum non eget, Psal.  
xvi, 2. Quis prior dedit illi, & retribuetur ei? Rom. xi, 35.  
Quartò nulla est proportio vel æqualitas inter aliquid,  
quod hic in tempore ab homine præstatur, & æternam  
vitam, in quâ paravit Deus iis, à quibus ipse diligitur, quæ o-  
culus non vidit, nec auris audivit, nec in mentem hominis vene-  
runt, I Cor. ii, 9. Imò Deus ipse erit merces nostra, ma-  
gna valde, quemadmodum Abrahamo affirmat Gen. xv,  
1: præsertim quando se nobis totum communicabit, &  
facie ad faciem videndum ac fruendum præbebit. Quo-  
niam igitur nulla hic æqualitas, non potest esse merces  
secundum rigorem dicta, sed largè & largè, quomodo  
omne, quod post operam confertur, merces appellatur,  
etiamsi non conferatur juxta dignitatem operæ, sed ex  
merâ liberalitate & benevolentia promittentis. Ajunt  
qui meritum propriè dictū stabilire conantur, bona quæ  
à fidelibus bene peraguntur, ab inhabitante gratia & vir-  
tute Spiritus sancti proficisci, atque inde quamdam æqui-  
pollentem infinitæ gloriæ dignitatem sortiri. Sed non  
est, quòd imaginemur inde ejusmodi dignitatem operi  
inferi, ut ei insit & inhareat. Fuere etiam in ethnicis  
virtutes morales, nec sine influxu & concursu infinitæ  
virtutis Dei: in ipso enim vivimus, & movemur, & sumus,  
Act. xvii, 28. Poterit igitur etiam hinc in opera digni-  
tas



tas quædam infinita derivari, si possit ex priori.

CCV. Cornelius Iansenius Concordiæ suæ Evange-  
licæ cap. xxxix, ex isto fundamento, quod operibus fide-  
lium æterna vita debeatur, satagit adstruere. Ipsum audi-  
amus. *In merito hominis apud Deum dignitas quædam est operis  
correspondens premio & mercedi, quam quidem dignitatem huma-  
num opus habet ex eo, quod ab ipso Spiritu sancto procedat, quodq;  
ab ipso fiat, qui membrum est corporis Christi: hoc enim duplici  
respectu divinam quamdam dignitatem habet humanum opus, ita  
ut non solum jam debeat ei premium vite æternæ propter Dei  
promissionem, sed etiam propter operis dignitatem.* Ceterum  
opus aliquod inde, quod sine divinâ influentiâ non fiat,  
divinam dignitatem non sortiri jam diximus; nec mem-  
bris corporis metaphorici vel mystici tribui potest, quid-  
quid excellentiæ capiti competit, alioquin à *vapores* in fideles caderet, & subditi regiâ dignitate pollerent.  
Quin paullo post Iansenius sibi metipsi contrarius est.  
*Vita, inquit, æterna etsi sit debita bonis operibus, tamen  
quatenus à Deo domino omnium datur (ab alio autem ne-  
mine vel datur, vel dari potest; atque adeo quod ab ijs  
hoc nomine removetur, simpliciter removetur) gra-  
tia est, quia illum nobis debitorem constituere non possumus:  
tum quia omne quod possumus, illi ratione dominij debeamus, tum  
quia ipsa bona opera nostra illius sunt dona, ut dum nostra coro-  
nat merita, sua coronet dona, quod procul dubio magnæ est mis-  
ericordiæ & gratiæ; tum etiam quod ex nostris operibus nihil illi  
accedit utilitatis.* Accedit his, quod multa etiam simul à ju-  
stis committuntur, ob quæ si judicium exactum cum eis ini-  
vellet, negare eis posset bonis operibus debitam mercedem. Quod  
cæteris rationibus adjicit, non est levis momenti. Quan-  
vis enim pia opera fidelium non sunt peccata, coherere  
tamen cum ijs peccata, quemadmodum ex superioribus  
datur



datur intelligi. Et quamvis vigeret Legale pactum, per id  
ramen ejusque opera servari nemo posset, nisi omni de-  
licto & offensâ careret. At nos hodie in multis offendi-  
mus omnes: & sunt in nobis, quæ nos ipsi non intelli-  
gimus, Deus autem videt & imputare ac vindicare pos-  
set, nisi secundum pactum Evangelicum condonaret.  
*Verè scio, quòd non justificetur homo composuit vel compara-  
tus Deo. Si voluerit contendere cum eo, non poterit ei respondere  
ad unum ex mille, dicit lobus 11, 1 & 3. Rectè igitur Radul-  
fus Flaviacensis in Leviticum libro 1. cap. 1: Vix bonum  
opus compleri potest sine alicujus peccati admixtione: metuendum  
itaque, ne dum compleæ devotionis remuneratio exspectatur, à  
nobis etiam reatus admixti pœna exigatur.*

CCVI. Ergo, inquires, renati & fideles Legem ser-  
vare non possunt. Non possunt inquam ita, ut per eam  
servatam juxta tenorem pacti Legalis æternâ beatitudi-  
ne potiantur: possunt autem eatenus, ne per petulan-  
tem prævaricationem, quod juxta pactum Evangelicum  
per fidem consequuti sunt, id est, jus ad capellendum  
regnum cœleste amittant, quū etiam juxta præscriptum  
Servatoris accedere oporteat agnitionem infirmitatis  
& quotidianam debitorum deprecationem. Non ma-  
lè Bellarminus v de Iustificatione cap. xvii: *Bona opera  
non requiruntur ad vitam æternam acquirendam, ut heredita-  
tem, sed requiruntur ne filius excidat ab adoptione, & jure me-  
reatur exheredari.* Perperam autem inde conatur elice-  
re, quòd filius adoptivus mereatur non-amittere, si tò  
mereri accipiat strictè & propriè. Quum enim sim-  
pliciter inter Deum & hominem tale nullum meritum  
intercedat, nec id hîc locum invenire potest. Dices for-  
tè, Interim negandum non est, hominem peccatis suis  
damnationem verè mereri. Respondeo, Unde sit, quòd  
homo,

homo, quum peccat, æternam damnationem incurrat, jam antè est ostensum. Si quemadmodum peccans le- Num 12.  
gem divinam violat, ita faciens bonum Deo emolumentum & utilitatis aliquid afferret, dici sine dubio posset, quòd quemadmodum peccans pœnam, ita bene faciens præmium mereatur. Sed Deo per humana facta nihil accedere manifestum est. Imò qui facit, sive consideretur ut servus vel mancipium, sive ut filius; tum herotum patri suo facere, quidquid potest, tenetur & debet hoc ipso, quòd vel servus est vel filius. Imò etiam si in gratiam & usum vel heri vel parentis fecerit sive servus sive filius, quòd nec herus nec parens peculiari præcepto fieri mandaverit; in eundem tamen censum officiorum sive heri sive parenti à servo vel à filio debitorum id refertur.

CCVII. Potest quidem Christianus aliquid facere, quòd ut ad eum modum præstaret, Deus singulari mandato ei non injunxit. Sic sanctus Paulus annuntiavit Evangelium Ephesijs, Act. xx, 34; Corinthijs, 1 Cor. iv, 12; ix, 6, 15; 11 Cor. xi, 7; Thessalonicensibus, 1 Thess. ii, 9; 11 Thess. iii, 8: ita ut nulli eorum oneri esset, sed manibus suis nocte & die laborando usibus suis ac suorum necessaria acquireret. Tale quid, inquam, peculiariter non mandatum & permissum intermittere, Christianus præstare potest; quale hodie *opus supererogationis* apud Pontificios audit. Et commenti sunt opera nec à Deo mandata, nec ad ullum proximi vel usum vel commodum vel profectum facientia. Quæ enim eò faciunt, etiam si quoad actum individuum quantitatem vel qualitatem aut circumstantias expressa non sint, generali tamen illo præcepto, *Diliges proximum tuum sicut teipsum*, comprehenduntur. Ordines autem mona-

H h rum



rum, præsertim recentiores, tamquam supererogata atque adeo sibi superflua alijs, utpote benefactoribus suis & largas manus ad redemptionem animarum suarum protendentibus, communicant. Concedunt videlicet, ut formulam, quâ usos vidimus, hic exscribamus, omnium miserationum, orationum, vigiliarum, contemplationum, meditationum, lacrymarum, suspiriorum, pœnitentiarum, disciplinarum, studiorum, predicationum, peregrinationum, obædientiarum, jejuniorum, abstinentiarum, laborum, ceterorumq; bonorum, quæ per fratres & sorores ordinis per mundum fiunt universum, plenam participationem, in vita pariter & in morte. Ita opera supererogationis, quæ comminiscuntur, in aucupium pecuniæ & bonorum suorum, fundorum & agrorum incrementum verterunt. Quodd si autem sunt opera ad Dei honorem & proximi usum facientia, generalibus præceptis comprehenduntur, quoad actuum substantiam, ut ita dicam, etiam si singulariter non determinentur, sicut paullò antè monui. Si nec ad Dei honorem nec ad proximi aliquem usum referri poterunt, illis accensebuntur, de quibus secundum Iesaiam prophetam dixit Servator, *Frustra me colunt docentes doctrinas, quæ sunt præcepta hominum*, Matth. xv, 9; Marci vii, 7. Esto itaque posse aliquid ab homine renato fieri, quod ad eum modum peculiariter & determinatè non sit mandatum, ut si vir opulentus mille aureos vel magnam partem suorum bonorum pauperibus in eleemosynam erogat; absurdum tamen fuerit opinari, quod omnibus, quæ lege divinâ à nobis requiruntur, integrè & perfectè præstitis, aliquid queat superaddi, quod præstanti supersit, & alijs merito fortè destitutis & egentibus loco proprii meriti habendum & utendum concedatur. Quanto rectius docet Exhortatio Anselmica moribundum dicere,

Mor-



*Mortem Domini Iesu Christi obijcio inter me & mala merita mea, ipsiusq; dignissima passionis meritum offero pro merito, quod ego habere debuisssem, & heu non habeo. Hoc mortis Christi meritum verè superabundat, & quibuscumque indigentibus (indigemus autem omnes, quicumque simus) imputari, applicari & communicari potest: nulla verò alia hominum vel monachorum merita.*

CCIIIX. Antiquitus milites stipendia merere dicebantur: atque adeo *merere* vel *mereri* erat præstare aliquid, pro quo ex se considerato stipendium vel retributio jure posset exigì. Succedentibus temporibus deficiente paulatim latini sermonis puritate cœpit *merere* vel *mereri* accipi pro eo, quod est consequi vel adipisci, sive ex jure tamquam debitum consequaris, sive ex liberalitate tamquam donum, sive quocumque alio modo; tum apud scriptores ecclesiasticos, tum apud extrinsecos. Sic in vetere cantico ecclesiastico canitur: *O felix culpa, quæ talem ac tantum meruit habere redemptorem.* Dig. De nundinis, lege primâ: *Nundinis à principe imperatoris non utendo, qui meruit, mittit.* Justinianus Codice suo De præfecto pratorio Africa, lege 1, parag. v: *Africani post tantorum temporum, annorum videlicet xlv, ut præmittitur, à Vandalis illatam captivitatem meruerunt, Deo juvante, per nos lumen libertatis adspicere.* Iesaias propheta cap. lv ab his verbis orditur: *Omnes sitientes venite ad aquas; etiam vos, qui non habetis argentum, venite, eruite & comedite: venite inquam, eruite absq; argento & absque pretio vinum & lac.* Quale est hoc encre sine precio, tale est illud mereri sine merito. Sicut autem *mereri* potest capilatè pro eo quod est consequi, sic etiam meritum pro quovis medio, cujus interventu aliquid consequimur, etiamsi non consequamur per justitiam tri-

Hb 2

buen-



1 Tim 3, 2.  
Tit, 1, 9.

buentis, sed per eius benignitatem, gratuitam promissionem & hinc pendentem donationem. Præter essentialia donum æternæ beatitudinis, positum in Dei visione & fruitione, quod non obtinetur nisi per veram & vivam fidem; sunt etiam quædam accidentalia dona, posita sine dubio in externâ quadam gloriâ & fulgore corporis, non jam animalis, sed facti spiritualis. Servatoris facies, quando in monte transformatus est, *fulsit ut sol*, Matth. xvi 1, 2. *Qui docti fuerint*, qui quæ divinitus revelata sunt intellexerint, ut possint alios docere & exhortari doctrinâ sanâ, *fulgebunt tamquam splendor firmamenti*; & *qui ad iustitiam erudiunt multos, tamquam stella in perpetuas æternitates*, Dan. xii, 3. *Alius quidem cælestium decor, alius verò terrestrium: alia claritas solis, alia claritas lune, & alia claritas stellarum: stella enim à stella differt claritate*. Ita erit & resurrectio mortuorum, 1 Cor. xv, 40 & 41. Fortè in alijs quoque, ut in propinquiore ad Christum Dominum accessu vel loco, discrimen erit. Quæ nolumus curiosè inquirere, sed potiùs, quousque reapse exhibebuntur, in fide & spe expectare. Huiusmodi accidentalialia dona, ut ita appellare liceat, quæ essentiali æternæ beatitudinis dono adijcientur, secundum proportionem eorum, quæ in honorem Dei vel emolumentum proximi præstita fuerint, erogatum iri promittitur. *Unusquisque suam mercedem accipiet secundum suum laborem*, 1 Cor. iii, 8. Quoniam itaque ratio proportionis hic habebitur, videtur distributio propiùs accedere ad quædam rationem iustitiæ, quàm collatio doni essentialis: etiam si non minùs hic, quàm alibi, res ipsa fundamentum habeat benignitatem & promissionem, meritumque propriè dictum excludat. Bene Marsilius ab Ingen in Primi distinct. xvi 1, qu. 1, art. 11, concl. 11: *Nodum vite æternæ,*



*aternalis, sed nec alicujus alterius premij aterni vel temporalis, aliquis actus hominis ex quantacumque caritate elicitus est de condigno meritorius apud Deum.*

CCIX. Isti verò largè vel impropriè dicto merito tantum tribuit Apologia Augustanæ confessionis, quantum umquam possit aut debeat. Apponemus nonnulla ex ijs, quæ articulis i v, v, vi & xx adjiciuntur. Docemus operibus fidelium proposita & promissa esse premia. Docemus bona opera meritoria esse, non remissionis peccatorum, gratia, aut justificationis: hæc enim tantum fide consequimur: sed aliorum premiarum, corporalium & spiritualium, in hac vitâ, & post hanc vitam, quia Paulus inquit: Unusquisque recipiet mercedem juxta suum laborem. Erant igitur dissimilia premia propter dissimiles labores. At remissio peccatorum similis & æqualis est omnium, sicut unus est Christus, & offertur gratis omnibus, qui credunt sibi propter Christum remitti peccata. Accipitur igitur tantum fide remissio peccatorum, & justificatio, non propter ulla opera. De eleemosynis loquitur in hunc modum: Concedimus, quòd eleemosyna mereantur multa beneficia Dei, mitigent pœnas, quòd mereantur ut defendamur in periculis peccatorum & mortis. Deinde pluribus interjectis: Sicut justificatio ad fidem pertinet, ita pertinet ad fidem vita æterna. — Postea opera quia placent Deo propter fidem, merentur alia premia corporalia & spiritualia. Erant enim discrimina gloriæ sanctorum. Paulò pòst: Non movemur inanem λόγμω χάρις de vocabulo mercedis. Si concedent adversarij, quòd fide propter Christum justi reputemur, & quòd bona opera propter fidem placeant Deo, de nomine mercedis postea non valdè rixabimur. — Fatemur & hoc, quòd sæpe testati sumus, quòd etsi justificatio & vita æterna ad fidem pertinent, tamen bona opera mereantur alia premia corporalia & spiritualia, & gradus premiorum, juxta illud: Unusquisque

1 Cor. 3. 8.



accipiet mercedem juxta suum laborem. — Evangelium gratis  
offert justificationem propter Christi merita, non nostra: &  
merita Christi communicantur nobis per fidem. Caterum ope-  
ra & afflictiones merentur, non justificationem, sed alia præ-  
mia, ut in his sententiis, merces operibus offertur: Qui parè  
seminat, parè metet, & qui largiter seminat, largiter metet. Hic  
clarè modus mercedis ad modum operis confertur. Et tantum  
meritis, quamvis æquivocis, tribuit Apologia.

CCX. Ex hisce, quæ hætenus proposuimus, de-  
duximus & consideravimus, manifesta sunt, ut spera-  
mus, quæ de Legali pacto, & quod ei oppositum est, E-  
vangelico, quo post protoplastorum lapsum nititur re-  
stitutio & salus hominum, cognosci oportet aut ex usu  
fuerit: item de discrimine Veteris & Novi, quæ in hoc  
quidem conveniunt, quòd utrobique per fidem in Chri-  
stum remissio peccatorum & jus adeundæ æternæ beati-  
tudinis obtineatur; quoad alia verò admodum discre-  
pant. Excrevit quidem tractatio sub manibus: fateri  
tamen cogimur, nondum omnia sic esse expedita, ut ni-  
hil possit aut debeat addi. Confidimus autem benigni-  
tati Dei opt. max. per eam fore, ut quæ defunt, ali-  
quando suppleantur. Sit ei honor & gloria  
in omne ævum,

F I N I S.






HELMESTADII,  
IN TYPOGRAPHEO CALIXTINO  
EXCVDIT  
HENNINGVS MVLLERVS.



ANNO  
CIC IC CLIV.





005647185



